



*Rd Benyon De Beauvoir,
Englefield House,
Berks.*





HISTOIRE

DES PLUS ILLUSTRES

E T

SCAVANS HOMMES
DE LEURS SIECLES.

Tant de l'Europe que de l'Asie,
Afrique & Amerique.

Avec leurs Portraits en Tailles-douces,
tirez sur les veritables Originaux.

Par A. THEVET Historiographe.

TOME SEPTIESME.



A PARIS,

Chez FRANÇOIS MAUGER, au quatrième
Pilier de la grand' Salle du Palais,
au Grand Cyrus.

M. DC. LXX.

AVEC PRIVILEGE DV ROT.

Digitized by the Internet Archive
in 2017 with funding from
Getty Research Institute

TABLE DES CHAPITRES
du VII. Volume de l'Histoire des plus
Illustres & sçavans Hommes
de leurs siècles.

C Aie Solius Sydoine Appollinaire, Evê- que de Clermont en Auvergne, C. 1 p. 1	
Aufone Bordelois,	c. 2 p. 7
Boece Severin,	c. 3 p. 21
Priscian Cefareen,	c. 4 p. 29
Guillaume Archevesque de Tyr,	c. 5 p. 37
Guillaume Tellus Suisse,	c. 6 p. 41
Jean Clopinel, dit de Meung,	c. 7 p. 51
Eude de Monstreul,	c. 8 p. 69
Berthold Schnvarts, Inventeur de l'Artil- lerie,	c. 9 p. 77
Pierre d' Ally,	c. 10 p. 85
Aeneas Sylvius qui fut Pie second,	c. 11 p. 93
Iea de Mit Real, Mathematicien	c. 12 p. 101
Jean Guttemberg, Inventeur de l'Imprime- rie,	c. 13 p. 109
Pierre Bembe, Cardinal Venitien,	c. 14 p. 119
Jean Pic de la Mirandole,	c. 15 p. 123
Christophe Colomb Genevois,	c. 16 p. 139
Americ Vespuce,	c. 17 p. 157
Ferrand Magellan, Portugais,	c. 18 p. 163
Robert Gaguin,	c. 19 p. 171

<i>George d'Amboise, Cardinal & Archevesque de Roüen,</i>	c. 20 p. 183
<i>Baptiste Mantouan, Carme Italiẽ,</i>	c. 21 p. 199
<i>Thomas Morus, Anglois,</i>	c. 22 p. 213
<i>Henry Corneille Agrippa,</i>	c. 23 p. 221
<i>Jean de Sacro Busto,</i>	c. 24 p. 223
<i>Didier Erasme de Rotterdam, Hollandois,</i>	ch. 25 p. 241
<i>Guillaume Budé Parisien,</i>	c. 26 p. 259
<i>André Alciat Iur sconsulte Millanois,</i>	c. 27 p. 271
<i>Mellin de S. Gelais Angoumoisín,</i>	c. 28 p. 283
<i>Sebastien Munster,</i>	c. 29 p. 289
<i>Polidore Virgile,</i>	c. 30 p. 307
<i>Oronce Fine,</i>	c. 31 p. 311
<i>Jean Fernel, Medecin,</i>	c. 32 p. 315
<i>Regnaud Pol, Cardinal Anglois,</i>	c. 33 p. 343
<i>Philippes Melancthon,</i>	c. 34 p. 361
<i>Michel de l'Hospital Chancelier de France,</i>	c. 35 p. 365

Fin de la Table du septième Volume.





*SIDONE APOLLIN
AIRE*



HISTOIRE
DES PLUS ILLUSTRES
ET
SCAVANS HOMMES
DE LEURS SIECLES.
TOME SEPTIESME.

CAIE SOLIVS SIDOINE
*Apollinaire, Evêque de Clermont
en Auvergne.*

CHAPITRE PREMIER.



OVR n'employer en excessive longueur le discours de la vie de cét Evêque, je suis bien content de passer légèrement par dessus le lieu de sa naissance,

Tome VII.

A

2 *Histoire des ſçavans Hommes,*

d'autant qu'il faudroit, avant que cét article fut vuïdée, que la meilleure portion de cette Hiftoire fut écoulée en telles recherches, qui quand tout eſt dit ne pourroient fervir, que pour illuſtrer l'excellence d'un ſi rare perſonnage. Lequel certains veulent faire Bordelois, les autres le veulent tirer de l'Auvergne. En quel endroit qu'il ait pris naiſſance on doit admirer la rareté d'un ſi ſigné modèle de ſcience, dont le portrait fut trouvé au Cabinet du Conſeiller du Prat en bronze, ſentant fort ſon antiquité, & lequel j'ay veu depuis entre pluſieurs pieces anciennes à feu Monſieur Bourdin, Procureur general du Roy, l'un des doctes perſonnages de noſtre temps. Je m'arreſteray encore moins à déchiffrer le poids qu'on met à ſes qualitez, comme ont fait ceux, qui voulans ſubtiliſer ſur le nom de Sidoine, & le ſurnom d'Apollinaire, ont représenté deſſus un échafſaut la vanité des jeux, qui pour avoir eſté conſacrez à Apollon, ont eſté nommez Apollinaires. Enfin je laiſſeray à célébrer le ſoin, aſſiduité & vigilance, dont ce bon Paſteur embraiſſoit ſa charge Episcopale, d'autant que l'integrité de ſa vie, ne juſtifiera que l'ardeur de courage, qui

conduisoit dans sa charge Pastorale. Il vaut mieux commencer par ses parens, qui comme ils estoient illustres, genereux & bien nez, aussi dès qu'ils le sentirent propre à estre plié aux bonnes disciplines, le mirent entre les mains & sous la charge des plus excellens maîtres, pour le dresser en toutes les singularitez dignes de rendre un Seigneur accompli, tel qu'il estoit. Entr'autres precepteurs il eut Flave Nicece, qui estoit un des premiers & plus excellens Grammairiens de ce temps-là : sous lequel il fit un merveilleux profit, tel que, comme il estoit d'un esprit prompt & subtil, il devança aisément tous ses compagnons. Ses œuvres servent de témoignage tres-évident, lesquelles il a composé tant en Prose qu'en Vers avec tant de science, qu'il n'y a homme de bon jugement, qui ne prise l'agilité d'esprit de cet Eveque, soit qu'il s'arreste aux neuf livres des Epistres qu'il fit à l'exemple de Pline, parsemez de plusieurs beaux & riches Poëmes, soit aux œuvres Poëtiques qu'il a tres-elegammēt fais. Et comme il estoit amoureux des bonnes sciences, aussi se plaisoit-il à la frequentation des hommes doctes.

tellement que quand il entendoit parler de quelques rares & ſçavans perſonnages, qui eſtoient abaiffés, foibles & mal fondez és moyens, qu'on appelle richesses, il departiſſoit le ſien pour ſurvenir à leurs neceſſitez. Je ſouhaiterois que ceux qui ſuccedent à ces dignitez, vouluſſent ſuivre ſon exemple. L'on trouve noſtre Sidoine reprehenſible, en ce qu'il a eu un langage plus affecté & particulier, que celui de Cicéron. Je ſçay bien ce qu'ont accouſtumé de dire ceux qui épouſent ſa querelle, qu'il eſt beaucoup plus ſeant & honorable d'eſtre reveſtu d'une robe de ſimple & mediocre eſtoffe, qui ſoit d'une piece entiere, que de ſe parer d'un hail-lon rapieciété de pluſieurs morceaux bien riches & exquis, mais qui par cy par là ont eſté pris és magafins d'un Cicéron ou quelque autre. Afin que je ne ſemble tenir le party plutoſt de l'un que de l'autre, c'eſt à dire eſtre Ciceroniaſtre ou Cice-maſtige, j'ayme mieux, ſans m'arreſter à l'habit, eſcorce ou apparence, fonder au fonds la dignité & excellence des graves diſcours, que ce Prelat à non moins hardiment commencées, qu'heureuſement achevées. Là nous ny trouverons rien

presque que les registres de la pluspart des choses passées, & nominément entre les Goths, lesquelles n'ont esté touchées par les autres Historiens. Je trouve qu'il fleurissoit environ l'année quatre cens quatre vingt, & avoit grande familiarité avec Lampride, Tonance, Tetradé, & plusieurs autres personnages non moins illustres en sçavoir, qu'en pieté & bonne vie.










AVSONE BOVRDE :
LOIS .



AUSONE BORDELOIS.

CHAPITRE II.



ENCORE que j'aye une fort belle matiere pour amplifier les loüanges du pays de Bordeaux, si superficiellement je voulois remarquer l'antiquité de la ville, la dignité du Parlement, qui y a esté estably par Charles VII. la Primatie d'Aquitaine, qu'on tient devoir estre assignée à Bordeaux (quoy qu'elle soit litigieuse) l'excellence de l'Vniversité (qui seule rendroit cette ville digne de l'immortalité) la fertilité inestimable du pays , & plusieurs autres singularitez. Je ne veux pourtant pas entrer en cette liste, reconnoissant que la carrière est si longue, que je ne pourrois , sans plusieurs reprises, parvenir au bout. Il suffira à mon advis, d'employer quelque partie de ce qui a rendu recommandable Aufone , Poëte fort renommé , non point principalement pour la grandeur, noblesse & renom-

8 *Histoire des ſçavans Hommes*,
mée de ſes parens, mais à cauſe de ſes
actions & eſcrits, priſez par gens de rare
ſçavoir. Son pere fut Iules Auſone, Ci-
toyen de Bazas, tres-fameux Medecin, &
qui a fait fort parler de luy à Bordeaux,
où il a fait long-temps profeſſion pu-
blique en Medecine, & dont il a rapporté
l'honneur d'eſtre le premier, ce que no-
ſtre Poëte témoigne au livre qu'il a com-
poſé à la loüange de ſes parens, qu'il a
intitulé *Parentalia*, d'où l'on pourra re-
chercher qu'elle a eſté ſa genealogie, la-
quelle il a ſi bien deſcrite, qu'il ſeroit im-
poſſible de la mieux repreſenter. Cela
fait que je n'en parleray pas d'avantage,
de peur d'eſtre long. Ce Medecin donc
tenant ſon ménage à Bordeaux, eut ce
fils, lequel il donna en charge aux meil-
leurs & plus excellens precepteurs qu'il
pût choiſir, à ſçavoir à Æmile le grand
Arbore ſon Oncle, Tibere Minerve &
autres, ſous leſquels ce jeune enfant ſ'a-
vança de telle ſorte en la connoiſſance
de la langue Grecque & Latine, & no-
tamment en Poëſie, que ſur tous ſes com-
pagnons, pour ſa gentilleſſe d'eſprit & di-
ligence indicible, il emportaſt le prix.
Quant à moy, ſ'il eſtoit loiſible d'admet-
tre les transfuſions Pythagoriques, je

dirois que par l'influence de son pere estoit decoulée dans luy la connoissance de la langue Grecque. De laquelle ce bon Medecin fut si amoureux, qu'il l'avoit plus familiere que la Latine & sa maternelle. Je laisse à considerer à un chacun, si pour la profession où il estoit appellé, il n'avoit pas choisi la vraye lumiere, puis qu'Hyppocrate, Gallien & les plus excellens Medecins ont redigé leurs preceptes en Grec. Mais puis que les transmissions de pere en fils sont ridicules, & que le sçavoir n'est hereditaire, sinon que par continuation de labeur il soit raffermey, je reputeray que le sçavoir qu'à eu nostre Poëte, luy vient, tant de sa vigilance, que du soin & exquisite erudition de ses precepteurs, qui, soit pour l'alliance & consanguinité, soit pour l'inclination qu'ils voyoient en ce jeune homme, d'atteindre au feste de la science, ne pouvoient se souler de luy communiquer les secrets qu'ils connoissoient pour l'apprentissage des bonnes lettres. Il n'a pas esté ingrat de ces bienfaits à leur endroit, (patron, auquel se doivent regler tous ceux, qui ayans receu tel bien d'autrui, veulent n'estre reconnus pour méconnoissans) par deux

10 *Histoire des ſcavans Hommes*,
diverſes fois il remercie ſon Oncle Ar-
bore Rhetoricien, duquel le bruit avoit
retenty juſqu'à Conſtantinople, où il
avoit leu publiquement, comme auſſi Ti-
berius Viſtor de Minerve, lequel il n'a
pas ſeulement voulu reconnoiſtre, mais
auſſi Alethius Minerve fils de ſon Préce-
pteur, à la loüange deſquels il a cōpoſé des
Vers fort excellens : & qui donnent aſſez
à entendre qu'il n'eſtoit pas de l'humeur
des ingrats de noſtre temps, qui apres
avoit receu de grands biens de leurs mai-
ſtres, n'en tiennent aucun ou bien peu de
conte. Noſtre Poëte eſtoit bien mieux
appris, & encore qu'il n'en eut rien écrit,
il portoit en ſon col les armoiries ſi ho-
norable de ſes Regens, qu'on eût tou-
jours reconnu à qui il pouvoit apparte-
nir. Et pour preuve de ſa grande ſuffi-
ce il commença à enſeigner la Grammai-
re & la Rhetorique. De cette profeſſion
il rapporta une telle loüange : que l'Em-
pereur Valentinien daigna bien le choi-
ſir entre tous les perſonnages doctes, pour
enſeigner & inſtruire Gratien ſon fils,
comme auſſi n'eut-il ſceu rencontrer plus
pertinent precepteur que noſtre Borde-
lois, qui avoit par ſes inſtructions élevé
de grands & excellens perſonnages : &

entr'autres Ponce Paulin aussi Bordelois Poëte fort fameux, qui ne sçait donner autre epithete à nostre Aufone, que de Pere, confessant tenir de luy le sçavoir, dignité, lettres & tout ce qui le pouvoit rendre capable de se trouver avec les gens dignes de marque. Da specifier icy le contentement, que Valentinien receut d'Aufone pour l'avancement de son fils Gratien; ce ne seroit jamais fait, puis que les recompenses, honneurs & estats, dont il a esté reconnu, témoignent assez combien leur estoit à plaisir ce Bordelois. Les mœurs & vie duquel estoient pleins de tant & de si rares vertus, qu'il n'y a eu Empereur de son temps, duquel il n'ait esté fort bien veu, chery & caressé. Les lettres que l'Empereur Theodose luy a escrit, font assez de foy de la bonne affection qu'il luy portoit, & de l'estime qu'il faisoit de son tres-rare sçavoir. Il fut conjoint en mariage avec Artuse Lucaine noble & vertueuse Dame Sabine, de laquelle il eut trois fils, le premier portoit le nom d'Aufone, le second d'Hesperius, & le troisième de Gregoire. Quand à la fille il ne la nomme point, seulement il fait mention d'elle, laquelle eut un fils, nommé Aufone. A l'âge de

12 *Histoire des ſçavans Hommes*,
vingt-huit ans la mort luy ravit ſa jeune
femme , dont il fût ſi déplaiſant , que de
regret jamais il ne voulut ſe remarier ,
encore qu'il l'ait ſurveſcu trente ſix ou
quarante cinq ans, comme luy-meſme l'a
eſcrit en la plainte qu'il a fait ſur ſa mort.
Au reſte il eſtoit fort bon Chreſtien &
verſé aux lettres ſacrées autant qu'homme
de ſon temps, ce que ſes œuvres demon-
trent aſſez ouvertement. Leſquelles
n'ont pas eſté ſincerement examinées par
ceux qui le veulent effacer du roolle des
Chreſtiens , pour quelques miſſives qu'il
a eſcrit à ſon diſciple Paulin , qui s'eſtoit
retiré en Eſpagne, où il penſoit que plus
commodement à ſon gré il pourroit vi-
vre Chreſtiennement. D'où noſtre Au-
ſone tâchoit de le rapeller , non point
qu'il fût fâché de l'ardeur qu'il avoit au
Chriſtianisme ; mais pour le méconten-
tement qu'il avoit de ne pouvoir fre-
quenter & conférer avec luy, puis qu'aussi
bien pouvoit-il faire exercice du Chri-
ſtianisme à Bordeaux (lieu de ſa naiſ-
ſance & adonné à la pieté) comme en
Eſpagne. Il faut que ce ſoient perſonnes
qui envient à Bordeaux l'honneur qui luy
appartient à cauſe de ſon Auſone, ou bien
qui tâchent de contrarier ceux qui tien-

nent que nostre Poëte a esté cét Evesque d'Engoulesme, qui portoit le mesme nom d'Aufone, sans considerer qu'encore que le Poëte Aufone ne soit point Evesque, pourtant ne doit-il estre tenu pour infidelle, autrement tous ceux qui ne sont appelez aux charges Ecclesiastiques devroient à leur compte estre accusez d'infidelité. Et puis que je suis tombé sur ce propos, je suis bien content de montrer en quoy s'abusent ceux qui veulent donner à nostre Poëte la crosse Engoumoisine, pour contenter & l'un & l'autre des partis. Ils se fondent sur son rare sçavoir & erudition, qui auroit pû induire les Engoumoisins à l'instituer & nommer pour leur Prelat. Argument par trop debile, pour emporter necessité probable seulement: Car pour le rembarrer il ne faudroit qu'opposer le grand nombre de sçavans hommes, qui vivoient du temps de la creation de l'Evesque Aufone, qui eussent assez aisément emporté la pluralité de voix. Et sur ce qu'on replique que S. Aufonil'Evesque de question estoit issu de la maison de Mortaigne en Xaintonge, fort recommandable pour son ancienneté. Les partisans adversaires ont de coustume d'opposer certaines deri-

14 *Histoire des ſçavans Hommes*,
vaifons des mots de Mortaigne appro-
chans, comme ils ſuppoſent à la Mauri-
tanie & de là, parce qu'il y a eu quelque
liaiſon du coſté féminin de la maiſon des
Maures avec noſtre Auſone (ainſi qu'il
apparoitſt par ce qu'il a eſcrit en ſes
Parenteles) veulent inferer que no-
ſtre Auſone eſt ſorty de la maiſon de
Mortaigne , & par conſequent que c'eſt
noſtre premier Eveſque d'Angoulefme.
Je ne fais que me rire de telles ſubtilitez,
connoiſſant que ces Etymologiſtes philo-
ſophent en l'air , & cherchent, comme
l'on dit, midy à onze heures. S'ils pre-
noient garde que la parenté (qui eſt prin-
cipalement du coſté des femelles) n'eſt
point celle qui donne le nom à la famille,
ils rougiroient de honte de dire que no-
ſtre Poète ſoit iſſu de la maiſon de Mor-
taigne, ou bien faudroit qu'ils controu-
vaſſent un nouveau pere autre que Iules
Auſone le Medecin. Mais afin de leur
couper tout en un coup le filet de leurs
raiſons, calculons un peu leſ temps, auſ-
quels ces deux Auſones ont vécu, & lors
on découvrira d'où provient l'erreur.
Saint Auſoni eſtoit diſciple de ſaint
Martial Eveſque de Limoges, qui eſtoit
du nombre des ſept Eveſques, qu'on

tient avoir esté envoyez par saint Clement en la Gaule , pour y prescher & annoncer la parole de Dieu (lequel pour cét effet est nommé par quelques-uns Apostre) tout aussi tost apres le décès de saint Pierre : & nostre Poëte Bordelois vivoit du temps de Valentinien, Gratien & Theodose Empereurs : Le premier desquels commença à regner l'an de nostre Seigneur trois cens soixante six. Qui est une manifeste difference du temps, laquelle a esté enbroüillée par plusieurs escrivains si obscurément, que plusieurs pour telle difficulté ont mieux aimé confondre l'Evesque d'Engoulesme avec nostre Poëte, que s'empe- trer dans un calcul, dont ils ne sçauroient se depestrer. D'aucuns ont écrit que saint Martial avoit souffert martyre sous les Vandales au temps de Valerianus & Galienus Empereurs, environ l'an de salut deux cens septante. Chose qui est beaucoup éloignée de la verité , encore que ces auteurs écrivent qu'ainsi leur a esté laissé par leurs devanciers : car outre ce que nous avons allegué du temps de S. Aufoni, il y a du méconte à la supputiō qu'ils font du tēps des Empereurs à l'an

16 *Histoire des sçavans Hommes,*
de la nativité de nostre Seigneur. D'autres pour l'Antiquité de l'Histoire ont pris plaisir de parler à discretion de saint Ausonius. Mais laissant ce discours retournons à nostre Bordelois, qui ne pouvoit se retirer de la conversation des gens lettrés, pour les serieuses occupations où il estoit bandé journellement, soit à suivre la Cour des Empereurs, soit à exercer les charges, où l'appelloit le devoir de ses Estats qu'il exerçoit. De fois à autre il déroboit le plus de temps qu'il pouvoit pour courtiser avec ses livres & reprendre les premieres arres des connoissances qu'il avoit eu avec ceux qui s'adonnaient à l'estude des bonnes lettres. De ce font preuve les Epistres qu'il a escrit à Paulin, Axius le Poëte & Orateur, Virgile le Grammairien & ses autres amis, lesquelles sont mises avec ses œuvres. Quant à ses noms il en a eu quatre, à sçavoir Decius, Magnus, Ausonius, Peonius, la propriété desquels M. Elie Vinet, homme tres-docte & tres eloquent, mon bon Seigneur & amy, a fort elegamment exprimé au commentaire & illustrations qu'il a fait sur ce Poëte. Où il a heureusement travaillé, que toutes personnes, si elles ne sont ingrates ou preoccupée de quel-

que sinistrè & mal-heureuse passion, reconnoistront que sans la peine & diligence qu'il a pris à la correction qu'il en a fait, nous n'aurions plus qu'un Aufone morfondu, debiffé & pour la pluspart corrompu. Cela soit toutesfois dit sans en rien alterer la louange qui est deuë au Sieur de l'Escale homme de fort exquisite littérature & autres excellens personnages, qui ont rendu la main à rendre entant qu'à eux a esté possible, la pureté & perfection à nostre Poète. Duquel nous avons des œuvres qui de soy-mesme publient assez la rareté de sçavoir de ce gentil Bordelois. Et plût à Dieu que le reste de ses œuyres, qui ne sont encore communiquées à la posterité, pût tomber entre des mains fidelles & soigneuse du profit public, afin qu'on en apprit les secrets qui y sont deduits. Quant au stile & maniere d'escrire qui est familiere à ce Poète, il y en a bien peu, si ce ne sont personnes par trop chagrines, qui n'y trouvent une douceur emmielée & fort coulante. Tout ce dont on le taxe, est la trop grande licence qu'il a pris à exprimer quelques points peu honnestement : mais s'il estoit le premier qui eût esté trop libre en ses devis, & qu'aujourd'huy la

pluspart de nos Poètes ne fit brouter ſes chèvres dans les parcs laſcifs de Venus, je le tiendrois digne de beaucoup plus ſevere reprimande. Et il y a un autre point qui ſemble luy appreſter quelque occaſion d'excufe, qu'il n'a pû ſe garantir des traits des Poètes Grecs, qu'il a pour la pluspart pris tâche d'imiter, qui l'a fait quelquefois chanter autre choſe & avec differente matiere qu'il ne penſoit pas. Si je me ſouviens bien, il y a un Poète fort eſtimé de noſtre temps, qui au reſte ſembloit eſtre aſſez modeſte, toutesfois pour avoir mis le nez dans Catulle, Propertius & autres Poètes qui ne ſont des mieux appris, eſt ſorty des bornes de ſobrieté plus avant qu'il n'eût deſiré, & dont depuis il s'eſt bien repenty. Mais ſi pour quelques fautes qui ſont à l'eſgarée échappées, il falloit le rejeter, que pourroit-on juger de pluſieurs autres, au reſte grands & admirables perſonnages, qui ont montré qu'ils eſtoient hommes? La raiſon ſe doit puiser de noſtre Poète meſme, qui dit que *nihil eſt ab omni parte beatum*: & de fait il n'y a choſe, qui ſoit de l'eſprit des hommes, qui puiſſe eſtre ſi parfaitement parfaite, qu'il n'y ait à redire. Le portrait d'Auſone, afin que l'Angou-

moisin Thevet ne soit reputé ingrat envers son voisin le Poëte Bordelois, vous est icy representé, tel que je l'ay recouvré d'une petite piece jaspée fort antique, qui me fût montrée, estant à Pussolles au cabinet du Vice-Roy de Naples, lorsque le Corsaire Barberousse vint avec plusieurs Galeres l'assieger. l'en ay bien veu un autre d'argent aussi fort antique, qu'avoit le docte Poëte Maurice Seve, Lyonnois (duquel Clement Marot fait tant de cas) qui n'estoit que bien peu differente de l'autre, sinon qu'elle estoit plus petite.










BOECE SEVERIN.



BOECE SEVERIN.

CHAPITRE III.



I je voulois m'arrester à accorder la diversité d'opinions qui sont intervenuë sur la difference du nom qui est attribué à cét Auteur, jamais ce ne seroit fait : quelques-uns l'ont appelé Severin, Boece : d'autres Anés, Boece, Manile, Severin : autres Boece, Anes, Manile, Severin : autres Severin, Boece, autres Boece, Severin, & plus amplement Anes, Manile, Torquat, Patrice ordinaire, Boece, Severin, & il n'y a eu aucune de ses appellations qui ne fut fondée sur quelque raison. Il fut donc appelé *Anicius*, qui sera un mot composé de deux mots Grecs, à sçavoir d'*α*, qui est une particule negative ou privative, & du nom *νίκος* qui signifie victoire, & de fait n'a-t-il jamais pû estre vaincu & détourné du droit à l'injustice, ou bien de la pieté Chrestienne à l'execration des Arriens, quoy

14 *Histoire des sçavans Hommes*,
que l'Empereur Theodoric le tourmentast rudement. Le nom de Manile & Boëce luy échœurent pour appartenir à ces renommées familles: comme aussi celui de Torquat, à cause de l'alliance, qui le joignoit avec ce grand Romain, qui combattant avec un Gaulois personnage de remarque & qui portoit un colier au col, ce Romain le gaigna & luy arracha le collier, qui s'appelle en Latin *Torques*, pour cela luy est demeuré ce nom de *Torquatus*, en signe du collier, duquel par sa valeur il s'estoit emparé. Mesme jugement doit estre fait du nom de *Severin*, qui représente une severité & intégrité de Caton. Et ainsi il ne faudra aller, tirant les cheveux à ce nom, rechercher l'Ety-mologie de *Severin*, pource qu'il suivoit la verité. Quant aux autres qualitez ce ne sont que marques des degrez, honneurs & estats qu'il obtenoit. Nous avons mieux aymé retenir la dernière denomination, parce qu'elle est la plus ordinaire & plus aisée à entendre à beaucoup, qui dès qu'ils entendront parler Boëce, pourront avec moindre peine incontinent choisir qui est celui, dont nous faisons presentement mention. Il estoit de son temps fort renommé, tant pour la dignité de Consul,

qu'il a par un long-temps exercé à Rome, que pour la rareté de sçavoir dont il estoit doué. En prose il ne cedit à Ciceron, comme feront foy les œuvres qu'il a mis en lumiere, mesme Laurenz Valle, homme de tres-digne sçavoir, l'appelle le dernier quand au temps des hommes doctes & eloquens d'un tel siecle : car apres luy la barbarie commença à prendre pied, gaster & corrompre toute la langue Latine par la venuë des Goths, qui mêlerent lors leur langue barbare avec le pur Latin. Pour la Poësie il n'y avoit personne qui le surmontât, non pas qu'il n'y eut beaucoup de grifonneurs, qui broüillaient beaucoup de papier, mais d'entonner des vers avec telle grace, melodie & gravité, comme faisoit Boëce, il n'y avoit aucun, qui osât s'y hasarder. En Philosophie, Musique & lettres sacrées il estoit tellement versé, qu'on eut jugé que toutes ces sciences luy estoient particulièrement affectées, tant il discouroit bien de toutes matieres, dont on luy eût sceu parler. Qu'ainsi ne soit, il n'y a homme qui puisse le nier, autrement la veuë seule de ses livres pourroit luy crever les yeux. Mais si l'industrie d'où il les a tirés est à recômander, encore plus sont les moyens admira-

bles, deſquels Dieu s'eſt ſervy pour tirer de ſon cerveau, les threſors qui y eſtoient precieufement conſervés. La perſecution que fit Theodorus, pour les Arriens à l'encontre des Chreſtiens, ſeule eſt cauſe d'avoir donné le loisir à Boece de nous ſoulager de ſes eſcrits. Ce temps calamiteux & nebuleux le fit arreſter ſur les œuvres qu'il avoit dès long-temps premeditées dans ſon cerveau, lesſquelles depuis il mit en lumiere au grand contentement de tous ceux, qui eſtoient bien affectionnés au party qu'il maintenoit, & à la conſuſion des heretiques qui l'avoient fait releguer, tant au banniſſemēt qu'en ſa captivité. Ils preſumoient que ſa reputation ne pourroit percer les murailles de la priſon de Ravenne, mais ils furent bien abusez. Car ce luy fut une retraite, pour pouvoir plus à loisir faire par tout retentir le bruit de ſa renommée. Les Mathematiques, la Muſique, la Philoſophie, l'art Oratoire, la Theologie luy doit le principal luſtre qu'elles peuvent maintenant avoir. Apres avoir eſté longuemēt detenu priſonnier, le Roy Theodoric le fit mourir à la ſollicitation de ſes ennemis, l'an quatre cens nonante, & à cette occasion quelques-uns tiennent qu'il

qu'il a esté canonisé sous le nom de S. Severin. La diversité n'est pas petite entre les Autheurs touchant son emprisonnement : Quelques-uns écrivent, que l'on l'accusa devant Theodoric, d'avoir par trop maintenu & affecté la liberté à l'encontre des tyranniques concussions des Officiers de l'Empereur Zenon, & nommément contre Theodoric Roy des Ostrogoths, qui avoit esté envoyé par Zenon en Italie pour reprimer les factions du Tyran Odoacer. De fait Theodoric voyoit bien que le peuple commençoit à se remuer, & sembloit desia le feu estre ietté sur le soulfhre de mutinerie. Pour la prevenir il voulut recourir au prompt & plus assésuré remede, il se saisit de la personne de Boece, qui estoit homme de faction, & partant sembloit donner grand branle à l'estat de Zenon. A tel soupçon ayda fort l'accusation des ennemis de Boece, qui, suivant la piste de l'émeute, qui estoit prochaine, luy imposèrent qu'il estoit Autheur des menées qu'on brasloit à l'encontre de l'Estat. De pouvoir les verifiser par indices faiblement vray-semblables, il n'y avoit aucun moyen, pour ce que de voye & de fait, il n'y avoit eu aucune chose executée. S'adviseront que

16 *Histoire des ſcavans Hommes,*

Boece avoit trop priſé la dignité de Senateur, enſemble la liberté, qui doit eſtre attribuée à un tel eſtat : de là conclurent, que puis que cela retranchoit de la puissance de Theodoric, il falloit qu'il fut coupable d'une telle entrepriſe. L'accuſation formée ſur moyens ainſi freſles & encore plus illegitimes, Boëce fut condamné & envoyé en exil ſans eſtre ouïy : & qui pis eſt, en tout le Senat ne ſe trouva aucun, qui voulût prendre en main ſa deſſeinte ny parler pour luy, de maniere que non ſeulement il fut par eux abandonné, mais la pluſpart d'eux le trahirent, encore que pour avoir ſouſtenu leur autorité, il fut ainſi à tort calomnié & accuſé, comme luy-meſme le recite, ſe plaignant durant ſon exil de leur ingratitude & peu de foy. Voilà comment les gens de bien & d'honneur, le plus ſouvent pour ſouſtenir le verité ſont mal-traités. Et pleut à Dieu que Boece fut ſeul, & qu'aujourd'huy les Princes ne preſtaſſent l'oreille à un tas de flatteurs, qui pour leur chatoûiller leurs conceptions, leur donnent de faux entendre, deſquels depuis qu'ils ſont abreuvez pourſuivent à feu & à ſang ceux qui pour leurs vertus méroient d'eſtre priſez, cheries & honorez

sans estre rabroüez , cassez & méprisez. Ce qui me fait croire que pour cette accusation Boëce fut condamné au bannissement, est que Symmachus le beau-pere de Boece , & plusieurs autres illustres & vertueux personnages furent mis à mort, non point pour le fait de la Religion, mais plustost pour avoir attenté sur l'autorité de Theodoric. Pour cela toutesfois je ne voudrois accuser de fausseté l'opinion de ceux qui tiennent que la principale cause de sa mort fut d'avoir esté trop vehement à l'encontre de la secte & heresie des Arriens, dont Theodoric estoit , qui voyant la ferveur de Boëce à la Religion Chrestienne, pensa rafermir l'Arianisme, s'il pouvoit exterminer celuy qui luy estoit contraire. Ses statues , qui luy avoient esté dressées à Rome par le peuple & le Senat Romain, du temps qu'il estoit en ses grands honneurs & faveurs, furent apres son exil jettée à bas & demolies. Mais la Reyne Amalasunte (ainsi que recite Volateran en son Anthropologie, (femme de ce Roy Theodoric (selon aucuns) ou (selon les autres) sa sœur ou fille , comme elle estoit sage & vertueuse Princeesse, ne voulut pas permettre, que plus long-temps le peuple Romain

28 *Histoire des ſçavans Hommes*,
fut mépriſé, pour l'aviliffement qu'il fai-
ſoit de Boece, elle fit apres la mort de
Theodoric remettre & reſtablir ces ſta-
tuës, & de plus en plus fit celebrer la
memoire de ce rare personnage, & ren-
dre aux heritiers de Boëce les biens &
heritages qu'ils auoient poſſedé, & qui
auoient eſté proſcripts & conſiſqués.



PRISCIAN CÆSAREEN.

CHAPITRE IV.



N T R E plusieurs Ecrivains, anciens & modernes, tant Grecs, Latins, François qu'autres Etrangers, à grand peine s'entrouverra-t-il un, qui avec telle industrie, facilité & certitude, ait déclaré les preceptes de bien parler à propos, qu'a fait nostre Priscian, qui a emporté sur tous les autres Grammairiens telle prerogative, que toutes les démarches qu'on fait contre les constructions de la syntaxe, ou qui importent barbarisme & autre telle flettrisseure de bien parler & bien escrire, on les impute faite au prejudice de Priscian, comme si par droit special de bien dire & bien coucher par escrit luy appartenoit, & que celuy fut criminel de leze Majesté, qu'il deut luy reparer, qui auroit

30 *Histoire des ſcavans Hommes*,
manqué aux points qu'il a préſcrits pour
la conſtruction de la Grammaire. Et afin
que tant plus clairement un chacun puiſſe
comprendre la prééminence que je luy
veux donner entre les Grammairiens, je
ſuis bien content de faire comparaifon
(ſans que toutesfois on l'a tire en conſe-
quence) du foufflet qui eſt donné à Pri-
ſcian , & de celuy que les faux-mon-
noyeurs donnent au Prince. Ceux-cy
ſous faux-coings, non authoriſez & con-
tre la permiſſion font de la monnoye qui
n'eſt loyale, & encore moins de miſe : &
pource doublement pechent, tant pour
l'attentat d'oſer uſurper ſur le droit Sei-
gneurial du Prince, que pour expoſer en
public monnoye qui ne ſe peut paſſer. Et
pource eſt dit qu'ils donnent foufflet au
Prince, tant parce qu'ils enjambent
ſur ſon authorité, qu'auiſſi parce qu'ils
trompent & deçoivent, au mépris & dé-
dain du Prince, le pauvre peuple. Pareil-
lement ceux donnent des foufflets à Pri-
ſcian, qui incapables & n'eſtans idoïnes
à bien diſcourir veulent gaſoïiller, & au
lieu de mettre en veuë quelque choſe de
miſe, apportent des pieces écornées, for-
gées ſous faux-coings, & n'ayans l'adref-
ſe du fin alloy, jettent en public des pie-

ces les plus fauſſes qu'il eſt poſſible de
penſer, par faute d'avoir reſpecté l'au-
thorité de Priscian, comme la raiſon le
requeroit, qui leur eut interdit l'uſage de
parler ou eſcrire, juſques à ce qu'ils fuſ-
ſent couchez en eſtat comme capables.
Eux au contraire par trop inſolens ont
franchy le ſaut & ſe ſont emancipez à
contrefaire quelques diſcours, qui ſont
tellement bas, qu'il n'eſt pas beſoin de
les examiner par la vraye pierre de tou-
che, le ſeul ſon ou la veuë montrent aux
moins experimentez la fauſſeté qui y eſt,
& qu'au lieu d'avoir eſté forgez dans le
bureau de Priscian, ils ſont procrées du
lardier d'une cuiſine. Je lairray ce diſ-
cours, eſtant aſſeuré que du conſentement
d'un chacun, noſtre Priscian eſt réputé
pour Prince & chef des Grammairiens,
pour monſtrer que ce n'eſt à tort que le
Roy des Perſes le cheriſſoit uniquement,
veu qu'il eſtoit doié d'une ſignalée eru-
dition, comme il a fait voir par pluſieurs
livres qu'il a compoſé ſur la Grammai-
re, n'ayant laiffé partie d'icelle que
diligemment il n'ait épluché. Et en ou-
tre a eſté excellent Philoſophe, dont
feront foy ſes livres des queſtions na-
turelles, & auſſi touchant la Coſmo-

32 *Histoire des ſçavans Hommes*,
graphie. Il florifſoit l'an de nôtre Sei-
gneur (au raport de Tritheme (ſix cens
vingt. le trouue qu'il y a eu deux perſon-
nages de meſme nom, l'un eſtoit ce Pri-
ſcian heretique , qui vivoit environ l'an
trois cens quatre vingt-trois. L'autre eſt
ce Philoſophe Lydien , qui a eſcrit ſur
les livres de Theophraste touchant le
ſens, phantaſie & intellect. Quant au
lieu de la naiſſance de nôtre Priſcian,
plusieurs ſe ſont mépris bien lourdement,
qui ont écrit qu'il eſtoit natif de Ceſarée,
encore que plusieurs autheurs graves &
dignes de foy témoignent qu'il a eſté né à
Rome, & entr'autres Baptiſte Guarin de
Verone la diſerrement déclaré. Ce qui a
donné cauſe & matiere d'erreur, eſt que
Priſcian meſme ſ'intitule *Casariensis* : qui
a fait conjecturer à quelques-uns, que Ce-
ſarée eſtoit ſon lieu de naiſſance. Mais
pour une autre occaſion a il eſté nommé
Ceſareen, à ſçauoir pour autant qu'il
auoit fait la pluſpart de ſes eſtudes à Ce-
ſarée, & là y auoit acquis vne merveil-
leuſe réputation, de maniere qu'il a
mieux aymé eſtre paré du nom de la
ville, où il auoit eſtudié, que de ſon
païs originel. Dont quelques-uns ont
inferé, qu'il eſtoit outré d'ambition, ayant

desdaigné le lieu de sa naissance pour se nommer d'un lieu estrange seulement , afin de faire davantage retentir le bruit de sa renommée. Je ne fais point de doute que par trop il n'ait esté passionné d'orgueil , dont fait foy l'ambitieuse & tres-superbe etymologie de son nom , laquelle je ne veut aussi veritablement tirer du nom *Priscus*, mais du verbe *Prascio*, voulant par telle derivaifon signifier qu'il luy auoit esté donné , par ce qu'il fût excellemment instruit és sept arts liberaux. Mais de pouvoir de là prendre argument pour le rendre ambitieux & plus convoiteux d'honneur qu'il n'estoit , il me semble n'y auoir assez de fonds, plustost on le doit priser de ce qu'il n'a esté méconnoissant de la ville , qui l'auoit fait estre different des bestes & ignorans , quoy qu'elle fût beaucoup inferieure à Rome , qui estoit de ce temps le chef de tout le monde , & Cefaree n'estoit qu'une simple ville de la Palestine, edifiée par Herodes, dont estoit Euesque Eusebe, duquel nous auons proposé la vie cy-dessus au second livre. Aujourd'huy elle est appellée *Balbec* & *Belme*. D'avantage est embroüillée la supputation du temps auquel il a

veſcu, d'autant que l'Abbé Tritheme dit, qu'il florifſſoit l'an de noſtre Seigneur ſix cens vingt, & par le denombrement des Conſuls Romains, on trouve qu'il eſtoit long-temps auparavant, d'autant qu'il dedia ſon œuvre principale à Julien Conſul & Patrice Romain, lequel on dit eſtre ccluy, qui depuis fut Empereur, l'an de grace trois cens ſoixante ſix. Mais Raphael Volateran en ſon Anthropologie eſt encore bien plus diſcordant du calcul des autres, car il dit que Priſcian fut en bruit & fleurit du temps de l'Empereur Juſtinien en la ville d'Athenes en Grece, & qu'il y compoſa pluſieurs œuvres, & entr'autres ſa Grammaire Latine & Grecque. Si ajuſi eſtoit, il faudroit que Priſcian eut eſté beaucoup plus long-temps apres, veu que Juſtinien l'ancien, qui ſucceda à Juſtin le premier ſon Oncle, commandoit l'an cinq cent vingt-huit, & Juſtinien deuxieſme fils de Conſtantin, l'an ſix cens quatre-vingt ſept. Cependant il eſt certain que Priſcian fut environ le temps de S. Hieroſme, qui (au rapport de l'Abbé Tritheme) alla de vie à trefpas, l'an quatre cens vingt-deux, le

dernier jour du mois de Septembre, âgé de nonante & neuf ans, de maniere qu'il faudroit que le calcul de Volateran fut erroné, comme aussi celuy de Iacques de Bergame qui transporte S. Hierosme jusqu'à l'année quatre cent vingt neuf, auquel temps il veut qu'il ait fleury, qui seroit sept ans apres la mort, ainsi qu'elle est proposée par cet Abbé. Ce qui plus me met en peine est que Volateran confesse bien, que Priscian ait esté fort affectionné à la Chrestienté, mais il dit avoir puisé de certains auteurs que depuis il s'en detraqua. En quoy il ait defaillly, & quel points il ait mal pris n'est point spécifié par les Historiens, & s'il y a de plus, que de ses escrits on ne peut tirer soupçon de quelque tache d'heretique. A nostre Priscian est attribuée la translation de Denis l'Africain, touchant la situation du monde, encore que ce soit le Grammairien Rhemius Pilemon qui y ait mis la main, œuvre qui depuis a esté commentée par Eustathius Archevesque de Thessalonique, & mise en Vers Latins par Simon Lemnius. Cét œuvre est fort prisee par les bons Auteurs, parce que Denis (ainsi que raconte Plin au sixième liv. de


12 *Histoire des ſçavans Hommes*,
ſon hiſtoire naturelle chapit. vingt-ſept)
eut charge de l'Empereur Auguſte de dé-
couvrir toutes les régions du Levant, &
de coucher fidèlement par eſcrit tout ce
qu'il en trouveroit, pour en advertir ſon
ſils aiſné, qui entreprenoit le voyage de
Turcomanie contre les Parthes & Arabes.
De maniere que ce n'eſt merueilles, ſi on
repute Priſcian pour tranſlateur d'une tel-
le œuvre, qui de ſoy eſt d'autant plus re-
commandable, qu'elle eſt raiſſuë & baſtie
par un Geographe, qui ne croyoit point
en la ſoy d'autrui, comme ſont nos an-
ciens Geographes, des peu de jours Cos-
mographiés ſoubs la gelée d'une Iſle
Eſcoſſoiſe.







GVILLAVME ARCHE :
VESQVE DE TYR .



GVILLAVME ARCHEVESQVE
de Tyr.

CHAPITRE V.



E ne fais pas estat icy de spécifier les singularitez de Tyr, encore que presentement il semble s'en offrir la plus belle occasion du monde. L'ayme mieux reserver un tel discours en mon grand Insulaire : loint aussi que je ne pretends pas icy faire un amas des raretez remarquables qui sont au pais, contrées & regions, desquelles, ou par origine, ou par domicile, nous voulons tirer les heroïques esprits, auxquels nous avons voué place en ce lieu d'honneur. Et de plus, si jetrerois des loüanges de Tyr, il sembleroit que je voulusse faire tort à la côte Angloise, qui se veut (au raport du docteur Baleus) attribuer ce grand personnage, qui a d'elle succé le premier estre de son existence. Cela fera que passant sous silence pour le present les merveilles & dignes recommandations de l'ancienne &

40 *Histoire des sçavans Hommes ,*
Après avoir rampé en cette vie il mourut l'an onze cent trente huit.




GVILLAV





*GVILLAVME TELLVS,
SVISSE .*



GVILLAVME TELLVS, SVISSE.

CHAPITRE VI.



VILLAVME Tellus, natif & nourry au Canton de Lucerne, comme il fut d'un bon cœur & hardy; & au reste fort & robuste de corps, obtint en peu de temps le renom du plus fort & vaillant de son Canton. En ce temps estoit Empereur des Romains Henry huitiesme, Comte de Luxembourg. Cét Empereur de son regne & environ l'an de salut mil trois cens & neuf, pour gratifier certains Cantons des Suisses, à cause de leur vertu & vaillance confirma leurs privileges, & entre les autres, demeurant pour lors à Constance, donne plusieurs exemptions à ceux de Lucerne, Schuitz & Vndervvalde. Entre plusieurs privileges leur estoit octroyé, qu'ils ne seroient sujets porter obeïssance qu'à l'Empereur, & ne pourroient estre contrains respondre en jugement devant autre luge, que celuy qui leur seroit particulièrement ordonné par

42 *Histoire des sçavans Hommes,*
l'Empereur. Et est à noter que pour lors
les Princes d'Austriche puissans & redou-
tez en ce pais, taschoient de l'envahir
& joindre à leur Seigneurie. Or comme
l'Empereur Henry fut decedé, & que par
l'espace d'un an aucun n'eut esté subrogé
en son lieu, plusieurs Seigneurs voisins
des Suisses les molestoient grandement :
de sorte que pour se garentir de telles in-
jures ils furent contraints d'avoir recours
aux Ducs d'Austriche, & enfin, avec la
perte de leurs biens se soumirent au joug.
Et pour comble de mal-heur, il advint
lors qu'ils furent deux Empereurs élus,
sçavoir Louys quatriesme Duc de Bavi-
res, & Frideric d'Austriche : laquelle ele-
ction fut cause de plusieurs troubles & se-
ditions par toute l'Allemagne. En ces en-
trefaites les Officiers & Lieutenans de
l'Empire au pais des Suisses, qui aupara-
vant s'estoient soumis eux & leurs biens
aux Princes d'Austriche, tenoient le par-
ty de Frideric. Toutesfois les Suisses en
general advertis que Louys avoit eu le
plus grand nombre des voix, le tinrent
pour legitimement élu, & receurent
pour vray Empereur, esperans que par
son moyen & autorité ils seroient ga-
rentis des outrages & vexations de ceux

d'Austriche, & comme fideles fujets de l'Empire maintenus en leurs droits. En ce temps estoit Lieutenant de l'Empire es Cantons de Schuits & Lucerne, un nommé Geslerus, lequel connoissant que ceux du pais suivoient le party de Louys, & devenoient plus revêches à ses commandemens que de coustume, poussé d'un orgueil, voulut sçavoir qui estoient les auteurs de cette menée & revolte. Et à cet effet il fit dresser un baston au milieu du chemin d'Altorff, & y fit pendre un chapeau, avec exprés commandement que chacun portast honneur & reverence à ce Chapeau, comme si luy-mesme estoit present, & pour voir si quelqu'un méprisoit sa volonté il y ordonna des gardes. Or un jour Guillaume Tellus de moyenne condition (& duquel je vous represente icy le naturel portrait, avec l'Histoire, tels que me les donna l'an 1577, tres-vertueux Seigneur Guillaume Tug-giner Capitaine des Suisses de la garde du Roy) passant par ce lieu fit peu de conte d'une si ridicule ordonnance; & d'un signe si abjet. De quoy estant averty par les gardes il respondit, qu'il avoit tousiours respecté & reveré le Gouverneur, & qu'encore il luy portoit l'honneur qu'il

44 *Histoire des ſçavans Hommes,*
meritoit ; mais qu'au reſte c'eſtoit choſe
abſurde, qu'un homme noble & creature
de Dieu, ſaluât un vil, abject, gras & in-
fect chapeau. Geſlerus ayant entendu la
reſponſe de Tellus, commande qu'il ſoit
pris promptement & amené devant luy,
eſtimant que de luy il pourroit deſcouvrir
quelque entrepriſe & conjuration. Mais
comme il declara conſtamment que ce
qu'il avoit fait n'eſtoit pas par malice, &
n'avoir aucuns complices, il ſ'advifa de
ſçavoir ſon intention par un autre moyen,
& faiſant venir tous les enfans de Guil-
laume, luy demande lequel d'entr'eux il
aymoit le plus, & l'ayant monſtré il com-
mande qu'on l'attache à un poſteau, &
qu'on luy mit une pomme ſur la teſte.
Ce fait il enjoint au pere, que retiré loing
de ſon enfant de ſix vingts pas, il tira de
ſon arbaleſte, & ſ'il frappoit la pomme
ſans offenſer ſon fils, il ne le traitteroit
pas ſi rudement comme il avoit deliberé :
autrement ſ'il manquoit de la frapper,
qu'il ſ'aſſeura de mourir. Guillaume
eſtonné d'une ſi cruelle & execrable ſen-
tence, ſupplie qu'il luy propoſe toute au-
tre peine qu'il voudroit & il l'accompli-
roit : Mais il tâchoit en vain à divertir
& appaiſer Geſlerus. Ce que voyant il

se fait apporter une arbaleste, de laquelle il avoit accoustumé d'user, & avoit souvent frappé au blanc, & se preparant à l'exécution choisit deux flèches, l'une desquelles il mit en son pourpoint derriere le col, & appreste l'autre pour tirer, & ayant consolé son fils, & invoqué la grace de Dieu, il se retire au lieu assigné, d'où ayant tiré il emporte la pomme de dessus la teste de l'enfant sans l'offenser, au grand estonnement des assistans. Le Gouverneur ayant bien considéré la façon de faire de Guillaume, luy demande pourquoy il avoit gardé cette seconde flèche, à quey il respond, que c'estoit la coustume des bons Archers, lesquels auparavant que de tirer choisissent tousiours deux flèches, afin que si l'une rompoit, il eut soudain recours à l'autre. Le Gouverneur peu satisfait de cette response, passe outre, & pour mieux découvrir la verité du fait luy promet delivrance. Lors Guillaume d'une contenance asseurée luy dit, que si d'aventure il eut tué son enfant de la premiere flèche, il n'eut manqué de le tuer luy-mesme de la seconde, en punition d'un jugement si cruel & inhumain. Le Gouverneur troublé & irrité de cette confession, declare à Guillaume

que veritablement il luy avoit promis delivrance, mais que pour cette occasion il le tiendroît en perpetuelle prison : par quoy il commande qu'il soit lié & ferré bien estroittement, pour le mener en une nasselle sur le Lac vers Lucerne, & le constituer prisonnier en un fort Chasteau. Or pendant qu'ils voguoient sur le Lac, il arriva par la Providence de Dieu, qu'il s'éleva une si horrible tempeste, & les vagues & vents si imperueux, que le Gouverneur & ceux de sa compagnie, qui estoient en la nasselle, furent en grand hazard & danger de leur vie. Les batreliets ne pouvant plus resister aux flots, prient Geslerus de faire délier Tellus, parce qu'il estoit homme fort puissant & robuste, tres-expert en l'art de naviger sur leurs lacs & rivières. Guillaume délivré par ce moyen commence à travailler, & fait en sorte par sa dexterité qu'il conduit doucement le batteau jusques pres d'un petit rocher peu éloigné du rivage : où estant arrivé il se saisit aussitost de son arbaleste & flèche, se jette en terre & repousse du pied de toute sa force la nasselle dans le Lac, & à cette occasion est encore à present appelé ce lieu Tellus. Le Gouverneur se voyant deceu

commence à se plaindre & menasser Tellus de le faire mourir, & toute sa famille & parenté. Mais il se soucie bien peu de ses menaces, mais seulement il regarde attentivement où pourroit prendre terre le batteau : ce qu'ayant découvert, & que le Gouverneur prenoit son chemin vers Lucerne par une voye estroite & profonde, il se retire en un lieu appelé Kiffnach, & comme il passoit il ne faillit de le transpercer d'une flèche, de façon que tombant de son cheval en terre il mourut au mesme endroit. Ce fait Tellus se retire incontinent à Lucerne, racontant à un chacun ce qui estoit arrivé : & voyant qu'ils approuvoient tous cét acte genereux, commencent à écouter les complaints que chacun proposoit diversement, tant contre les Gouverneurs qu'autres de la Noblesse. Toutes lesquelles Tellus ayant recueillies & conferées avec quelques-uns de son party, l'an mil trois cens quatorze il commença la ligue des Suisses, laquelle peu à peu ayant pris accroissement, en cette mesme année fut traité l'accord & ligue des trois Cantons, Lucerne, Schuits & Vndervalden. Les habitans d'iceux d'un mutuel consentement, delibererent d'exterminer

ner du tout & chaffer de leur pays la Noblesſe , ruyner leurs Chasteaux & maiſons , & remettre en liberté eux & leur patrie. Laquelle & leur poſtereté , incités & prouqués premierement par Tellus , ils ont ſi vaillammēt defenduë & honorablement conſeruée iuſques à ce iourd'huy, contre les nobles & Seigneurs du pays & autres eſtrangers , que pour le preſent il n'eſt pas poſſible de trouver ligue de plus grande force, puiffance & authorité qu'eſt le corps des Suiffes , qui ſe ſont tellement raffermis , qu'asſés ambirieuſement ils ſe ſont qualiſiés du titre de dompteurs des Princes, lequel ils ont apres neantmoins eſté contraincts de quitter , ainſi que i'ay monſtré ailleurs. Plusieurs ont pris peine de ſubrilifer, tant ſur le debris & dechet des Toyaumes, Principautez & Seigneuries, que ſur leur changement & alteration , ſans s'advifer que la Republique des Suiffes leur ſervoit de miroir, pour y contempler une puiffance admirable, qui a pris ſa ſource d'un ſi foible commencement : car les concuſſions de Geſſerus, quoy qu'elles fuſſent exceſſives, ne ſembloient pas devoir faire branler ces piques bigarrée à une ſi generale reyolte, que pour l'outrage faite à Tellus,

tous

tous ces peuples se vinssent à soulever, pour se remettre en liberté & exterminer tous ceux, qui sous le manteau de Noblesse les avoient misérablement rendus esclaves ? Et telle fortune doit servir d'avertissement, non point aux Princes seulement ; mais aussi à ceux qui sont à leur suite, ou deleguez pour commander en leur nom, avec qu'elle rondeur ils doivent marcher, & ne se faire point tant accroire de leur suffisance, qu'ils mettent en danger eux & leur Estat. Ils voyent leur Arrest icy minuté, ne reste qu'à le mettre en execution, laquelle ne peut faillir, qu'on ne declare parée, s'ils ensuivent l'arrogance de Geslerus. Pendant que les maisons de Bavières & d'Autriche s'entrequereloient l'Empire, Geslerus vouloit faire le fin & jouir les Suisses. Il mena ses affaires si mal à propos, que le voila porté à terre par Tellus, les ligues Helvétiques tellement ennuyée du commandement d'autrui, qu'elles secouèrent le joug de l'Empire, se sont si bien cantonné, qu'il y a bien peu de Princes en la Chrestienté, qui peu ou beaucoup ne se sentent honorez par leur alliance. Pour montrer ce qui dès long-temps avoit effarouché les Suisses, je pouvois dresser

30 *Histoire des ſçavans Hommes*,
liſte de pluſieurs tyrannies, eſquelles les
Baillifs ſe licentioient ſur ces pauvres
gens, ſi la longueur ne m'en eût dégouſ-
té. Toutesfois pour ſoulager le Lecteur
je veux bien donner advis, que le Bailli
d'Vnderwalden deſdaignoit permettre
aux ſiens qu'ils labouraſſent avec bœufs,
mais vouloit qu'eux meſmes tiraſſent la
charruë. Et meſme il ſe donnoit à enten-
dre, qu'il avoit telle puiffance ſur les ſu-
jets, qu'il vouloit contraindre une Dame
honorable de luy appreſter un bain, & là
avec luy, oppreſſer ſa pudicité maritale.
Si toſt que le mary l'eut ſceu, luy-meſme
en fit la vengeance, & tua d'une coignée
ce Gouverneur.







*JEAN CLOPINEL DICT
DE MEUNG..*



*JEAN CLOPINEL, DIT DE
Nieng.*

CHAPITRE VII.



E N CORE que l'ancienneté & enrouillée rimaille, dont autresfois s'est servy celuy duquel je represente maintenant le portrait, semble avoir effacé le reste de la memoire qui nous pouvoit rester de son travail : je suis neantmoins bien content de retirer de la prison d'oubly la louange, que plusieurs éclopez de leur cervelle, ont voulu malicieusement par calomnies luy dérober : ne reconnoissans pas ce qui a esté fort bien remarqué par le Chroniqueur d'Aquitaine, qu'il a esté Docteur en Theologie, & veritablement aussi ils font tort à tout le corps de sa compagnie, quand ils veulent le jetter non pas entre les balieures de la menuë populace seulement, mais parmy la voyerie des plus desesperez ennemis d'honnesteté. le les prierois de me dire

52 *Histoire des ſçavans Hommes,*

pourquoy le Prieur de Saloin le repreſente bien veſtu d'une robe ou chappe fourrée de menu ver, il faut bien qu'il le tienne pour un homme d'autre remarque, que ceux, qui voudroient bien volontiers nous faire croire, qu'à cauſe de ſon nom *Clopinel*, il a eſté pietre, ridicule & miſerable. Mais d'autant que (ſelon le commun proverbe) l'habit ne fait pas le Moyne, par ſes dits & écrits je veux faire entendre à un chacun, qu'il n'alloit point tant traînant ſa jambe, qu'il ne ſceût bien s'avancer devant ſes compagnons. Quant nous n'aurions que le Roman de la Roſe, encore faudroit-il reconnoiſtre en luy une merveilleuſe adreſſe, quoy qu'il n'ait eſté le premier qui y ait donné le premier coup, mais Guillaume de Lorris, qui n'ayant pû achever ſon diſcours, quarante ans apres ſa mort fut ſecondé par Jean Clopinel, comme l'on voit par les Vers que j'ay icy inferé.

*Et puis viendra Jean Clopinel,
Au cœur joly, au corps iſnel,
Qui naiſtra ſus Loire à Meung,
Et peu apres encore,
Il aura le Roman ſi chier,
Qu'il le voudra par tout noncier.*

*Et quand Guillaume cessera,**Jean le continuera**Après sa mort que je ne mente**Ans tres-passez plus de quarente.*

Plusieurs ont voulu contrefaire ce Roman de la Rose, & entr'autres Geofroy Chaucer Anglois, qui en a composé un qu'il intitule, *The Romaunt of the rose*. Lequel, au raport de Balæus, a esté tiré du livre de l'Art d'Aymer de Jean Mone, lequel il fait Anglois. Je conjecture qu'il entende nostre Jean de Meung, quoy qu'il le fasse Anglois, encore qu'il n'est aisé à croire qu'un Anglois osa se hazarder à une telle œuvre, quoy que les termes ne sembent que trop rudes maintenant, si estoient-ils bien riches pour lors. Et quoy qu'on confidere les traits qui sont mis par Clopinel, je ne puis estimer que ceux qui les contempleront n'admirent l'adresse de ce Poëte, qui sous termes cachez & couverts, a assez ouvertement exprimé la verité, à qui vouloit y prendre advis. Je sçay bien qu'il y a eu quelques chagrins & importuns Lecteurs, qui ont voulu se formaliser de la licence, qu'ils disent avoir esté suivie au discours de la Rose, tellement que par livres publics ils

84 *Histoire des ſçavans Hommes*,
ont voulu blaſmer & le livre & l'Auteur:
& meſme il y en a eu un entre les autres,
qui s'eſt tellement abandonné au bouil-
lon de ſa colere, qu'il a dit que pluſtoſt il
croiroit que Iudas fut ſauvé, que le pau-
vre Jean Clopinel. L'occaſion ſur laquel-
le ſe fondoient ces rechignés contro-
leurs, eſt qu'ils voyent que par les mains
de la Nobleſſe, & principalement des
Courtiſans ce livre trottoit & eſtoit
mieux receu que les advertiſſemens à de-
votion, pieté & amour divin. Cela fit
que pour les dégouſter ils s'armerent
contre de la Roſe, jetterent plu-
ſieurs execrations, qui quand tout ſe-
ra bien examiné ſeront plus ridicules que
néceſſaires. Auſſi l'eſſet a bien monſtré
qu'ils ne ſçavoient quelles eſtoient les
vertus & proprietez de la Roſe, telles
qu'encore que par le dehors elle pique,
ſi a-t-elle au dedans une fort ſinguliere
& ſouveraine odeur. De fait je paſſeray
volontiers condamnation, que Clopinel
ſ'emancipant ſous le droit que la Poëſie
ſe veut attribuer, s'eſt peut-eſtre plus
ſouvent qu'il n'eut eſté, laiſſé égarer en
vaines & ridicules diſcours, qu'il a quel-
quesfois trop piqué aucuns, & enſin qu'il
n'a gardé la modeſtie qui eut eſté bien re-

quise, mais que pour cela il ait fallu d'un plain saut sauter sur son collet pour le terrasser, il n'y a pas d'apparence. Pourquoy n'ont-ils foudroyé sur les lascivetez d'un Martial, d'un Ovide & autres Poëtes, tant Grecs que Latins, lesquels ont bien autrement gazoüillé de l'amour, que n'a fait ou de Lorris ou Clopinel. Ce qui donne couleur à cette censure est, que desia Clopinel pour avoir esté trop libre en ses paroles pensa avoir le fouët des Dames de la Cour, contre lesquelles il avoit escrit ces deux Vers.

*Toutes estes, serez, ou fustes
De fait, ou de volonté putes.*

Premierement je pourrois alleguer l'incapacité du jugement, qui quelque ignominieux qu'il eut sceu estre, ne pouvoit emporter note d'infamie à l'encontre du pauvre Criminel, qui à tout evenement pouvoit demander son declinatoire devânt Juges, qui eussent receus & admis au siege de lustice par les Loix. Or il est tout visible que l'estat de Judicature, aussi bien que la Prestriſe est viril, partant que les Dames en sont bannies. Apres la condamnation n'estoit d'avoir le fouët par l'executeur de la lustice. Cela seroit contre tout

56 *Histoire des ſçavans Hommes,*
droit, que les parties plaignantes cha-
ſtiaſſent elles-mêmes ceux qui les au-
roient intereſſez. Et de plus ce ſeroit
bleſſer la grandeur, honneurs & dignitez
des Dames, qui euſſent eſté bien marries
d'avoir voulu empoigner le fouët pour
ſervir à un tel office. Mais qu'eſt-il beſoin
de diſputer ſur l'exécution, puis qu'il en
obtint la ſurſeance par une ruſe, laquelle
eſtant gaillarde & gentille je ſuis bien
contant de propoſer icy. Donc Maïſtre
Jean de Meung ayant eſté amené à la
Cour par quelques Gentils-hommes, leſ-
quels pour gratifier les Dames, avoient
promis de leur livrer, & n'empêcher
qu'il ne leur fit réparation de l'injure
qu'elles alleguoient leur avoir eſté faites,
fut reſſerré dans une chambre. Apres il
fut préſenté aux Dames. La plus hardie
deſquelles commence à luy remontrer,
qu'au Roman de la Roſe il avoit introduit
un jaloux qui dit tout le mal qu'il eſt poſ-
ſible des femmes, & trop temerairement
il avoit lâché ſa plume pour écrire les
Vers que j'ay cy-deſſus recitez. De ma-
niere qu'à ſon dire il n'y a Dame qui ne
ſoit putain, ne l'ait eſté, ou ne vueille
l'eſtre, qui eſt trop ouvertement déchirer
l'honneur, pudicité & chaſte intégrité

des Dames. Et encore que telle insolence méritât une rude peine, & qui ne pourroit pourtant égaler à ce qu'il a mérité, il estoit dit & arrêté qu'il seroit foliêté des Dames qui estoient là, tenant chacune une poignée de verges. Clopinel, encore qu'il ne fut de bas or, si craignoit-il la touche, partant après avoir quelque temps pensé en soy-mêmes, voyant que son âge ne pouvoit émouvoir les Dames à miséricorde, & d'autre côté le nombre si grand de poignées pour décharger sur son dos, se voyant pressé pour se dépouiller, il les requit humblement luy vouloir octroyer un don, jurant qu'il ne demanderoit remission du châtiment qu'elles entendoient à tort prendre de luy, mais l'avancement. Ce qui luy fut accordé, non sans grande difficulté, & n'eut esté le respect des Gentils-hommes qui intercederent pour luy, il estoit frustré de son espoir. Alors, dit-il, je vous prie mes Dames, puis que j'ay trouvé tant de grace envers vous que ma demande est interinée, que la plus forte putain de vostre compagnie commence la première & me donne le premier coup. Ma requeste est juridique, d'autant que je n'ay parlé que des méchantes, folles & mal-avisées,

Par ce moyen il lia les mains à toute la compagnie. Elles ſe regardoient l'une l'autre, pour ſçavoir qui auroit l'honneur de commencer, mais il n'y en eut pas une, quoy qu'elles euſſent toutes bien envie de l'eſtriller, qui ſe hazardât de le toucher. Clopinel joyeux de ce nouveau incident, échapa & apreſta matiere aux Gertils-hommes de ſe rire des Dames. Leſquelles au lieu de luy porter honneur & reverence, vouloient trop rudement l'outrager, c'eſtoit bien loin de faire comme Marguerite fille de Jacques, premier du du nom Roy d'Eſcoſſe, & femme du Dauphin, qui fut depuis le Roy Louys onzième, laquelle comme elle paſſoit par une ſalle où eſtoit endormy Alain Charretier Secretaire du Roy Charles ſeptième, homme docte, Poète & Orateur elegant en la Langue François, l'alla baiſer en la bouche en preſence de ceux de ſa ſuite. Et comme quelqu'un de ceux de la compagnie luy eut reſpondu qu'on trouvoit eſtrange qu'elle eut baiſé un homme ſi laid : Elle reſpondit, je n'ay pas baiſé l'homme, mais la bouche, de laquelle ſont ſortis tant d'excellens propos, matieres graves & ſentences dorées. Ce n'eſt pas qu'il ſe laiſſa ſurprendre (com-

me ses escrits le justifient) non plus que Clopinel : mais cette vertueuse Princeſſe cheriſſoit & admiroit ceux qui doctement déchiffroient la verité. Quant au temps auquel vivoit noſtre Jean de Meung, il n'eſt pas aiſé de le pouvoir verifier preciſément. Toutesfois il eſt loiſible de conjecturer par l'Epître liminaire, qu'il a mis au commencement du livre de Boece de la Conſolation, à peu près en quel temps il a vécu. *A ta Royale Maieſté*, dit-il, Tres-noble Prince par la grace de Dieu Roy des François Philippes le quart, je Jean de Meung, qui jadis au Roman de la Roſe, puis que jalouſies ont mis en priſon Bel-accueil, enſeigné la maniere du Chasteſt prendre & de la Roſe cueillir : & tranſlaté de Latin en François le Livre de Vegèce de Chevalerie & le livre des merveilles de Hirlande, & le livre des Epîtres de Pierre Abeillard & Helois ſa femme, & le livre d'Aelred, de ſpirituelle amitié, envoie ores Boèce de Conſolation, que j'ay tranſlaté en François, j'açoit ce qu'entendes bien Latin. Or ce Philippes le quart commença à regner l'an 1286. & regna vingt-huit ans. Et du depuis il preſenta ſon livre intitulé le Dodecaedron au Roy

Charles cinquième, lequel commença son regne l'an mil trois cens soixante quatre, de maniere que j'infere qu'il a été âgé d'environ quatre-vingt tant d'années, & a esté contemporain de Dante Poëte Italien, qui vivoit l'an mil deux cens soixante cinq. Ce qui donne de la peine en ce calcul est, qu'il n'est pas croyable que le Roman de la Rose ait esté fait par quelque jeune cerveau, de maniere que si Clopinel a esté d'âge meur & raffis quand il reprit l'œuvre quitté par de Lorris, il s'ensuit qu'il n'ait pas atteint jusqu'au regne de Charles : autrement il auroit eu pour le moins six vingts ans. Pour cette ocaſion certains ont desavoué l'œuvre du Dodecaedron, qui ne peuvent se persuader qu'un homme consommé en prudence & abbatu par la longueur d'une vieillesse, ait voulu sur ses derniers jours s'amuser à tels joiets. Quant à moy je ne veux tenir un party ny l'autre, ne pouvant au vray asseurer ce qui en peut estre, neantmoins j'oséray bien dire qu'il n'est point inconvenient que Clopinel n'y ait mis la main, puis que la gentillesse de l'œuvre ne gist qu'en une promptitude & certitude des secrets de l'Arithmetique, pour si bien asseoir les renvois & respon-

ses afin de se rapporter aux points des dez. Qu'aux Mathematiques Jean de Meung ait esté bien versé, on le voit par son testament, duquel je veux toucher un mot pour quelques singularitez qui y sont remarquables. Ce bon Clopinel étant près de sa fin s'avisa de faire son Testament, & par sa disposition dernière laissa aux Iacobins de Paris un coffre, qu'il avoit avec tout ce qui estoit dedans, commandant de ne l'ouvrir qu'il ne fut mis en terre, à la charge que les freres Prescheurs le feroient enterrer dans leur Eglise: lesquels il avoit desia par le passé fort harassé pour la hayne commune, qu'en ce temps ceux de l'Université portoient aux mendiens: les pauvres Iacobins, soit qu'ils pensassent que Jean de Meung sur ses vieux jours se repentoit des algarades qu'il leur avoit aidé à faire, soit pour l'opinion qu'ils avoient que ce lais grossiroit de beaucoup leurs bouges, ensevelirent Clopinel avec toutes les solemnitez, au mieux qu'ils peurent, paracheverent son service mortuaire. A peine eurent-ils finy l'Office, qu'incontinent ils viennent pour enlever ce coffre, fermé à plusieurs ferrures & fort pesant. Ils faisoient estat d'avoir des escus à milliers; mais quant

ils furent venus à l'ouverture ils ſe trouverent par la reveuë deceus d'autre moitié de juſte prix : car au lieu d'or & d'argent ils n'y trouverent que des pierres d'ardoïſe, ſur leſquelles il tiroit des figures, tant d'Arithmetique que de Geometrie. Ils en furent tellement irritez, qu'après avoir long-temps delibéré, enfin ils ſ'hazarderent de le deterrer, alleguans qu'il eſtoit indigne d'eſtre enterré en leur maiſon, puis que viſ ou mourant il ſe moquoit d'eux. Mais la Cour de Parlement advertie d'une telle inhumanité, par ſon arreſt le fit remettre en ſa ſepulture honorablement dans le Cloiſtre du Convent. Je ne doute pas qu'il ne leur ait voulu donner quelque caſſade, ne plus ne moins que M. François Rabelais, homme rare en doctrine, auquel on fit coucher en lais des articles qui exce-
doient ſon pouvoir, & quant on luy demandoit où on puiseroit tout ce qu'il donnoit, faites, dit-il, comme le barbet, cherchez, & après avoir dit tirez le rideau, la farſe eſt jouée, deceda. Toutes-
fois pour ne detracter des morts, & combien que ce ne ſoit mon intention de contrôler cét arreſt, ſçachant tres-bien que la Cour a eu tres-juſte occaſion d'ainſi

decerner, je veux bien proposer deux raisons qui peuvent l'avoir induit à le donner. La premiere est que par les ordonnances des Empereurs Romains, est deffendu de refuser d'inhumer un corps, sous pretexte de la pauvreté du defunt; pour cet effet lisons-nous aux Nouvelles Constitutions de Justinien, qu'à Constantinople certains lieux ont esté establis, & des personnages destinez pour enterrer les corps morts. De maniere que cette seule raison, rendoit condamnables les Iacobins. Mais puis que sans chenevis les chardonnerets ne chantent pas volontiers, voyons s'ils n'ont rien eu & si le lais a esté frustratoire, frauduleux & captieux. Clopinel leur legue son coffre tel qu'il est, avec ce qui est dedans. Il sçavoit bien ce qui y estoit. De le vouloir contraindre à exprimer la chose qu'il donne, c'est brider sa volonté; mais on dira que les Iacobins presumoient qu'il fut garny d'escus. Et pource donc que le legataire estime qu'un plat d'estain, qui luy a esté laissé par le testateur, soit d'or ou d'argët, il s'ensuivra que l'heritier sera tenu de luy en donner ou faire forger un chez l'Orfevre. Mais, à vostre advis, qui valoit plus, ou un écu ou bien une figure d'Arithmetique?

64 *Histoire des ſçavans Hommes,*

Le ſçay bien que ceux, qui ne penſent qu'à la reparation de la cuiſine, diront que les eſcus euſſent eſté beaucoup plus profita-
bles à ces pauvres freres que l'ardoife Geometriquée, & qu'autant peſant d'or ou d'argent comme il y auoit d'ardoife eut fait vn gros tas d'eſcus, mais ceux qui ont le cœur genereux priſeront d'autant les gentilleſſes qu'il auoit tiré ſur les ardoifes que tout l'or de Gyges, Crœſus ou Midas, que les ſciences liberales, telles que ſont les Mathematiques, ſont à preferer aux mechaniques & principalement à la cuiſine. Il eſt vray que quant elle eſt froide qu'on ne peut aiſement ſe maintenir à philoſopher, mais l'eſtat, condition & qualité, dont ils auoyent fait profeſſion, leur oſtoient tous moyens de ſ'ayder de telles allegations, qui ſont pluſtoſt contes de mondains qu'opinions ſeulement de ceux qui tiennent un degré beaucoup plus élevé. Enfin je veux que toute ſa vie il leur ait fait du pis qu'il ait peu, qu'il ſe ſoit moqué d'eux en legant des morceaux d'ardoife au lieu d'écus, pour cela falloir-il le deterrer? Cela eſt contre le Commandement de Dieu, qui nous commande d'aimer nos ennemis. Que ſ'ils ne ſe ſentoient aſſez regenez pour ſavoûrer ce
ſaint

precepte, au moins avoient-ils horreur de se venger sur un mort. Il n'estoit pas heretique, partant ils ne pouvoient le tirer hors du sepulchre en dedain du tort qu'il leur pouvoit avoir fait. Ne sçavoient-ils pas bien qu'il est deffendu de mal parler d'un trépassé, non pas seulement de paroles, mais d'effet, vouloient-ils déchirer la renommée de ce pauvre Clopinel? lequel a esté en telle estime que (comme j'ay dit) l'Anglois Baleus l'a voulu transporter en Angleterre; & ce n'est pas merveille, luy qui avoit coustume de choisir les plus belles roses qu'il pût jamais, soit en France, Allemagne ou Espagne, pour reparer sa patrie. Mais aussi le plus souvent trouve-t-il qui s'y oppose, & par legitimes moyens les redemande. Quoy que ce soit, encore est-il contraint de confesser, que son Chaucer a pillé (il appella cela illustrer le livre de Jean de Meun) les plus beaux boucons qu'il a pû du Roman de la Rose, pour en embellir & enrichir le sien. Ce que j'ay bien voulu adjoûter, tant pour montrer en quoy se trompent les Anglois, qui veulent ravir à nostre France le Roman de la Rose, que pour faire entendre à vn chacun, que, en ce que nous avons mis cy-dessus touchant

Clopinel, nous n'entendons le mettre au rang & roole des affronteurs, encor moins taxer les Religieux de ſaint Dominique, d'autre choſe que de ce qu'ils ſe pourroient avoir laiſſé commander par quelques écervelez, qui les auroient pouſſez à ſe formalifer d'une choſe qu'ils ſeroient, autrement je m'en aſſeure, faſchez de contrôler. Attendu qu'ils ſçavent tres-bien, que le devoir de pieté les induit à vne œuvre accompagnée d'une telle & ſi grande humanité. De ma patt je priſe & honore leur compagnie, mais il eſt impoſſible que parmy un ſi grand nombre qu'ils eſtoient, il n'y en ait toujours quelqu'un qui faſſe des failles, & quelquesfois donne un mauvais branſle. Or pour revenir à noſtre Clopinel, on l'eut pû accuſer d'affronterie, ſi ont eut trouvé qu'après ſa mort il eut eſté garny de meubles précieux ou d'eſcus, le plus précieux joyau qu'il avoit eſtoient ces exercices qu'il avoit pris après ces ardoïſes rondes, il en fait un lais à ceux, leſquels il ſupplioit enter rer ſon corps, meſurant un chacun à ſon aulne, & preſumant que tout ainſi qu'il avoit pris plaisir à philoſopher, auſſi ils ſe baigneroient à voir les belles figures.

Mathématiques, qu'il avoit là tracées. L'insiste principalement sur ce point, d'autant que je ne suis tenu de répondre pour la liberté de parler, où il s'est licencié, non pas que je craigne de tomber au même inconvenient auquel il pensa estre engagé, mais parce que la ruse, qui le garentit de la punition exemplaire, dont il devoit estre justicié, & reparer la faute, l'a dégagé de toute crainte, puis que sur l'exécution de l'arrest donné contre luy, il y a eu une modification accordée du consentement des Juges & parties au grand contentement du pauvre sententié. Mais quand j'aurois porté parole pour Jean de Meung, ie ne m'en donnerois pas si grande peine que l'on pourroit penser, d'autant que sans me mettre en peine d'entretenir preuve, je ne voudrois m'appuyer que sur la face du livre, qui portant sur son frontispice la Rose, devoit apprendre à toutes ces mécontentes, que la Rose n'est point seulement accōpagné d'une douce odeur, couleur vermeille, blanche & delicate, mais aussi des piquans, qui arment la rose, & souvent piquent ceux ou celles,


68 *Histoire des sçavans Hommes* ,
qui ou trop près ou mal à propos l'apro-
chent de leur nez.







*EVDE DE MONS:
TREVl.*



EVDE DE MONSTREVL.

CHAPITRE VIII.



A necessité des arts, estats & mestiers, fait qu'encores que toutes les vocations ne puissent estre rangées sous ce riche & magnifique escadron des arts liberaux, les ouvriers illiberaux ont esté receus plustost aux Republiques, que ceux qui faisoient profession des disciplines vraiment liberales. Je pouvois icy employer pour preuve de mon dire, l'estime qu'on a fait des peintures de Timarele, Irene, Calypso, Aristarete & Lala Cyzena, si je ne semblois vouloir preferer les femmes à Zeuzis, Parrhase, Appelles, Aristides, Polygnote, Euphranor, & plusieurs autres excellens Peintres, dont quelques-uns ont rencontré avec un si grand bon-heur, que nous lisons que les raisinstirez par Zeuzis inviterent les oyseaux à les venir bequeter, & le cheval d'Apelles en platte peinture esmût les naturels à hennir. Quoy plus? l'admira-

blé industrie de Protogenes ravit tellement Demetrie, que pour l'amour de luy il ne voulut ruiner la ville de Rhodes; ſi bien que par ſa peinture il maĩſtrifa le cœur de ce victorieux: Auſſi bien qu'Ariſtote par ſon divin ſçavoir celui de ſon diſciple Alexandre, lequel pour le ſeul reſpect de ce Prince des Philoſophes, ne ſe contenta point de ſe reconcilier avec ceux de Stragyre, mais voulut la rebastir, repeupler & renouveler. Mais qu'eſt-il beſoin de publier ſi toſt les loüanges de ces Peintres, puis que nous n'avons pas icy affaire à un ſimple Peintre, mais à celui qui pût de ſoy-meſme, ſans faire tort à autrui, devancer la bande des anciens ſtatuaireſ & Architectes? On fait grand eſtat de l'Athenien Phydias, fils de Charminus, qui fit cét admirable Coloſſe d'or, que Cipiſeles Seigneur de Corinthe, conſacroit à l'honneur de Jupiter, comme auſſi eſt fort eſtimé Chares Lyndien, Architecte de cét exormé Coloſſe du Soleil à Rhodes, auquel ne cedit rien celui de Xenodorus en Auvergne. Pareillement ſont par tout celebrez à cauſe du Temple d'Ephèſe de Diane trois perſonnages, à ſçavoir Archiphron, qui en fut l'ingénieur: Crefiphon, qui en eut la conduite,

& enfin Dinocrates, celuy qui bastit Alexandria d'Egypte. Je n'oublieray Trophonin & Agamede, lesquels pour avoir achevé le Temple renommé pour les Oracles Delphiques, obtinrent d'Apollon (au rapport de Plutarque en la consolation d'Apollonius) telle recompense qu'ils furent trouvez morts dans leur list sans avoir senty aucun mal ny douleur. L'adjousteray encore la loüange de Scopas, Briaxe, Timothée & Leochares Architectes excellens, qui bastirent ce sepulchre magnifique, lequel Arthemise Reyne de Carie fit faire, pour honorer la memoire de son mary Mausole. A tous ces grands ouvriers Lyssippe, Praxiteles & autres, encore accorderay-je plus de gloire & d'honneur, qu'on ne sçauroit m'en demander, & si pourtant faudra qu'on me confesse que nostre Eude doit mettre le pied ayant eux tous, tant parce que l'antiquité a devoré tous ces beaux ouvrages, qui ont fait parler de ces grands maistres, qu'aussi parce que les edifices qui ont été bastis par Eude, quoy que ce ne soient Mausoles ou Temples d'Ephese, ne leur cedent pas beaucoup. La folie d'un Herostrate tout d'un coup renversa les Chefs-d'œuvres vraiment excellens d'Archiphron, de Ctesiphon & de Dinocrate. En la

premiere année de la cinquante huitième Olympiade le tas de pierres qui avoient eſté ſi induſtrieuſement agencées par Trophone & Agamede fut brûlé : & encores qu'il fut derechef rebasty par les Amphytions des deniers communs de la Grece vouïés au ſervice divin, Spintharus Corinthien en ayant été l'Architecte & conducteur de l'œuvre, ſi a-il fallu qu'il ait eſté ruiné, on diroit perſque que la France ſans ſon Eude eut perdu le luſtre, qu'elle à ſur pluſieurs nations d'eſtre ſuperbe, riche & magnifique en edifices, d'autant qu'à peine y trouvera-t-on coin ny canton, où Eude n'ait, comme l'on dit, laiſſé quelque placard de ſa truelle. Sur tout à Paris, où il faiſoit le plus ſouvent ſa reſidence, il y a conſtruit pluſieurs beaux & ſomptueux baſtimens. Du deſſein de cét excellent Architecte ſont les ſuperbes Temples des Chartreux, de ſainte Catherine du Val des Eſcoliers, de ſainte Croix de la Bretonnerie, des Mathurins, des Blancs Manteaux, de l'Hoſtel-Dieu, des Quinze-vingts & des Cordeliers, où il fut enterré l'an 1289. Ce fut luy, qui ſur tous les autres fut choiſi par ce grand Roy des François, qui pour ſa ſainteté & integrité de vie ſ'eſt acquis

le titre & le nom de saint Louys, pour achever les Royaux & magnifiques bastimens, qui entr'autres heroïques exploits, ont illustré la memoire de ce Roy, lequel merite (à la verité) une loüange nompareille, mais qui doit estre communiquée à ce souverain Architecte, puis que c'est luy qui a dressé & élevé les trophées, pour l'honneur desquels est célébré le renom de ce grand Prince. Il luy fût si agreable, que son premier voyage d'oultre-mer ne pût estre achevé, que ce maistre Architecte ne luy tint compagnie, où il luy servit de beaucoup pour les compartimens, qui estoient necessaires à faire à une telle & si haute entreprise. Pour le couronnement de laquelle, & afin qu'il laissât certain témoignage de l'heureuse conqueste, qui fut faite en ce pais, il fit les deux grosses tours que l'on voit au port de lasse, ainsi que j'espere ailleurs décrire, ne pouvant représenter tout ce qui seroit à désirer sur les particularitez de chacun des ouvrages de nostre Eude. Duquel plusieurs s'estonneront (attendu qu'il n'estoit de ceux, qu'on voit bouffer parmy le peuple, de gloire, mais estoit un simple Architecte, se mêlant d'un estat mécanique) que j'ay icy proposé son portrait. Mais s'il

leur plaift de prendre la patience de conſiderer , que parmy ces vieilles maſures du menu populaire , quoy qu'elles ſoient affés ſales , ce neantmoins on y trouue par fois de précieux & exquis ioyaux , ils ne ſe piqueront pas ſi fort de ce que j'ay icy entreſſé cét Eude. Partant afin que cét oeuvre des hommes Illuſtres fut aſſorty de toutes pieces , & diuerſes fleurs pour contenter vn chacun. On fait grand eſtime des labeurs induſtrieux de Michel l'Ange, leſquels de ma part ie confeſſe ne pouvoir eſſés eſtre admirés , mais qui voudra les balancer avec ceux de noſtre Eude , il reconnoiſtra qu'en vingt ans il a plus parfait d'ouvrages , que n'a ſceu l'Ange en ſoixante : d'où luy a eſté acquis cét honneur , que ſur tous les Architectes de ſon temps il a eſté tenu pour le premier & le plus excellent , & de ma part j'eſtime que les engins du ſin Briarée Archymede, quoy qu'ils ayent eſté fort loïez, pour la deffenſe qu'il fit de Sarragouſſe à l'encontre du Conſul Marcellus, & l'adreſſe des machines belliques de l'ingenieur Robert Vulture , ſe baiſſeront touſiours devant les ſtructures de ce ſouverain Architecte. Le portrait duquel je vous repreſente , tel que je l'ay veu à la nef des


Cordeliers de Paris, avant que l'orage du feu eut assez misérablement dissipé la plus grand part de l'edifice de cét maison, où deux ans avant que mourir luy-mesme dressa son monument , comme aussi celuy de ses deux femmes, dont l'une avoit nom Mahault, laquelle il cherissoit, tant pour l'amitié conjugale qui l'y obligeoit, qu'aussi pour les bonnes parties dont elle estoit accompagnée, telles que fallut qu'elle suivit la Reyne Blanche en plusieurs endroits d'outre-mer, non point pour piaffer, & à l'imitation de quelques mal apprises, effrontées, affectées, & décourtisées Courtisanes, seulement se faire connoistre sous le manteau d'une si grande Dame. D'autant que se dépoüillant du masque de telles égarées, autant que pouvoit luy permettre le devoir de sa charge, elle s'arrestoit en sa maison à l'exemple de la tortuë, laquelle le peintre Phidias attacha au pied de Venus, qu'il fit aux Eliens, parce voulant donner à entendre que la femme doit se tenir en sa maison, & ne l'abandonner, non plus que fait la tortuë la coquille, qu'elle ne quitte jamais, que tout d'un coup elle ne perde la vie. Mais

76 *Histoire des ſçavans Hommes,*
le ſejour qu'elle faiſoit en la maiſon n'e-
ſtoit pour eſtre pareſſeuſe & caſaniere , ou
pour employer le temps à enſiler des per-
les , & à autres telles baguenauderies ,
mais pluſtot pour s'adonner à choſes ſain-
tes & legitimes, & au travail de ſes mains
eſſayer à gagner ſa vie , pour eſcrire les
Bibles & autres livres ſacrez. Exercice
pour ce temps-là fort commun aux fem-
mes , ainſi que j'ay touché en la vie de
Jean Guttemberg , qui au lieu de roder
parmy les ruës , ſe tenoient dans leurs
chambrettes , & eſcrivoient des livres ,
que nous avons eſcrits à la main. C'e-
ſtoit alors que l'Imprimerie n'avoit point
encore eſté réveillée ; d'où quelques-uns
ont pris occaſion de condamner un art ſi
neceſſaire à la vie humaine , qui de-
vroient bien conſiderer qu'il y a encore
plusieurs autres occupations aſſez dignes
& ſuffiſantes , pour retenir les femmes en
la maiſon.





BERTHOLD SCHVartz
INVENTEUR de l'artillerie



BERTHOLD SCHVVARTS,
inventeur de l' Artillerie.

CHAPITRE IX.



ERTHOLD LE NOIR, Alle-
mand de nation, de l'Ordre
de saint François, faisant
profession de la Philosophie,
& tres-curieux des sciences magiques &
metallique, vivoit en grande reputation
l'an treize cens cinquante quatre. Or
apres avoir estudié fort long-temps aux
arts Physiques & tres-expert en l'art de
fondre, connoissant que deux corps ne
pouvoient ensemble consister en un mes-
me lieu, n'y s'entrouver aucun vuide en
toute la machine du monde: De plus que
le feu, comme element le plus leger, con-
tenoit beaucoup plus grand espace que la
terre; & que tous les corps composez des
quatre elemens se pouvoient & enfin de-
voient estre reduits & convertis en feu:
ne se contentant de la Theorie, mais vou-
lant par experience éprouver ce qu'en
avoit écrit Aristote & autres naturalistes,

78 *Histoire des ſçavans Hommes,*

il prit un pot d'airain, auquel l'ayant bouché & fermé de tous coſtez, & remply de ſoulphre, & de poudre de ſalpeſtre, y mit le feu. Ce qu'ayant fait, la matiere ayant pris feu par raiſon naturelle, le pot ſe fendit, & ſ'eleva le feu en l'air avec grande fumée & bruit ſemblable au tonnerre, comme en lieu plein & ouvert; & de ce conceut en ſon eſprit un commencement & idée de futur engin & inſtrument de guerre. Ayant donc veu ſon intention & imagination eſtre reuſſie à effet, & y prenant un ſingulier plaiſir, il commença de meſme façon à faire de la poudre à canon. Or il n'ignoroit pas que les contraires ſont pouſſez hors par leurs autres contraires, & que le froid & le chaud entre tous autres extremes ſont grandement contraires. A cette occaſion il compoſa cette poudre de ſalpeſtre & ſoulphre mélez enſemble & pulveriſez, y adjouſtant du charbon pour la faire noire. Avec le poudre miſe dans quelques machines creuſes, il pouvoit jeter de groſſes pierres & boulets, & en maniere de tonnerre les élançer, rombre & abbatre murailles, arbres & toute choſe, tant fût-elle forte à reſiſter. Puis dès lors en avant, amplifiant toujours ſon invention par

nouvelles additions, il commença en premier lieu à dresser des machines de bois, puis de fer & d'airain, les appellant Bombardes, à raison du terrible & épouventable bruit jusqu'à lors non ouïy, desquelles il jettoit des boulets de pierre, de fer & de plomb : apprenant aux hommes assez malins de leur naturel, à ruyner par ce moyē & invention pernicieuse, villes, tours, forteresses & remparts, tāt fussent-ils munis. Depuis luy se sont trouvez plusieurs autres, qui par leur esprit ont de beaucoup ainnobly l'invention. Voila comme ce galland de Cordelier Allemand a enseigné la maniere si ouvertement, que maintenant il ne reste plus aucune experience aux hommes de la force & vertu, qu'elle ne soit surmontée par ruses, attendu qu'indifferemment les hommes magnanimes, selō l'endroit où ils se trouvent, sont tuez par ces canons, harquebuzes & pistolets. Je ne veux pas nier que les anciens Grecs, Perses & Romains, ne se soient semblablement aydez en guerre de leurs machines & Beliers, desquels ils renversoient leurs ennemis & perçoient les murs, mais la vehemence de la poudre excède toute autre invention. Or d'autant que plusieurs n'ont jamais sceu de quel-

80 *Histoire des ſçavans Hommes,*
le façon eſtoient compoſez ces Beliers, il
m'a ſemblé bon en dire un mot en paſſant.
Il eſtoit fait d'un tronc d'arbre de vingt-
cinq pieds de long & huit de groſſeur, au
bout duquel eſtoit appoſée une maſſe de
fer, faite à la ſemblance de la teſte d'un
Belier, & dont il a pris le nom, ſouſtenuë
de cordages, & lors qu'on vouloit abat-
tre ou ruyner quelque forterefſe, deux ou
trois cens hommes, ſtilez & façonnez à
ce faire le tiroient en arriere, puis le
pouſſans d'une grande force le faiſoient
heurter contre la muraille avec telle im-
petuoſité, qu'il n'y avoit lieu ſi fort qui
ne fut renverſé par terre. Et avec telles
machines fut autresfois pris le Chateau
de la ville de Damas en la Paleſtine, où
j'ay veu de ſemblables inſtrumens de
guerre, & auſſi deux arbaleſtes d'une
grandeur & groſſeur admirable, deſ-
quelles les Soldans d'Ægypte ſ'aydoient
en ce temps-là, par la force des Mamelus:
Il eſt vray qu'elles different des noſtres
quant au bandage, elles eſtoient de telle
force, qu'elles jettoient des boulets de
pierre peſant deux cens livres, & falloir
cent hommes pour les bander. Selim pre-
mier du nom Empereur des Turcs fai-
ſant le voyage en Perſe pour faire la guer-

Berthold Schwarts, CHAP. IX. 81
re au Sophy, & passant par Damas prit un
singulier plaisir à voir de telles machines,
& commanda de les garder soigneuse-
ment. Mais toutesfois ce n'est rien à
comparer à l'invention de nostre Ber-
thold, veu que d'un petit plomb l'on ren-
verse des Scipions, des Césars, des Pom-
pées, des Alexandres, des Rollans & des
Hercules, comme nous avons pû veoir
de nostre temps depuis la prise du Roy
François premier, & combien de braves
hommes ont esté tuez depuis Charles de
Bourbon Connestable de France, Prince
tres-belliqueux, qui mourut devant Ro-
me d'un coup de canon, jusqu'à cét invin-
cible & magnanime Prince François de
Lorraine Duc de Guise, qui aussi par un
Poltror fut tué poltroneusement d'un
coup de pistolet. Au reste quelques-uns
dient que les premiers qui ont usé de ces
Bombardes ou Canons de fer (apres l'in-
vention, car plus de cent ans apres il ne
s'en est fait de fonte) ont esté les Veni-
tiens en la guerre qu'ils avoient contre
les Genevois. Je m'en raporte à ce qui
en est : mais toutesfois j'ay leu en vne
vieille Histoire, que l'an treize cens qua-
tre vingts deux, fut fait present au Roy
Charles sixiesme par un Seigneur d'Al-

82 *Histoire des ſçavans Hommes,*


lemagne , de ſix pieces d'Artillerie de fer avec poudres & boulets, & deſquelles il ſ'ayda en la bataille qu'il gaigna contre les Gantois , où furent tuez plus de vingt-deux mille Flamans , non ſans grande perte de cette nation , qui par apres eut bien affaire d'une telle multitude de compatriotes, qu'alors elle perdit, ce qui fut au grand eſtonnement des François, qui n'avoient encore ouy tel tonnerre , introduit par l'aſtuce de noſtre Berthold , le portrait duquel j'ay recouvert de Cleves, avec quelqu'autres, l'an mil cinq cens ſoixante, & tel que je vous le repreſente. Je ne ſuis point marry de voir les eſprits des hommes de noſtre temps éveillez, je ne puis neantmoins que je ne deteſte cette grande curioſité, qui les pouſſe à fouiller des ſecrets, leſquels il vaudroit mieux eſtre teus & engouffrez au cercueil d'ignorance , que d'eſtre communiquez, publiez ou éven- tez. Vous voyez que toute cette ſoufflerie metallique, quoy que de ſoy-meſme elle ne ſoit à condamner, traine neantmoins apres ſoy une queuë, qui eſt de perilleuſe conſequence , comme l'experiance ne nous en donne que trop aſſeurée preuve. Je laiſſe le Paracelſime , l'empirie & les

foufflets donnez sur les coings des Eſtats & Seigneuries , vous voyez en l'invention de ce Cordelier un miroir de plus grand mal-heur , que le monde eut ſceu avoir à voſtre advis , ſi les meurtres eſtoient ſi frequens & couſtumiers entre nos premiers peres , qui ne ſçavoient ce que c'eſtoit de la ſoulphrerie , qui ſ'amuſoient à courtiſer par le moyen de l'Agriculture la terre nourrice de leurs biës , que ſ'il falloit parler de guerre, ils n'avoient pour armes , tant offensives que deſſenſives, que les heaumes , les lames, les haches, les cottes de maille, les boucliers, les jambiers de fer, les creſtes, les lances , les javelots, l'arc & la flèche. Alors c'eſtoit que la bravoure , grandeur de courage & adreſſe du corps rendoient le guerrier valeureux. Mais depuis qu'on ſ'eſt adviſé de ces baſtons à feu qui ont ſi longue portée, le plus poltron portera à terre ſon Achille ou ſon Hector. Je montreray dans mon grand Infulaire, que les pauvres Barbares Indiens ne ſçavoient ce que c'eſtoit de ces foudres. Toutesſois en quelques endroits les Portugais & Eſpagnols leur en ont donné la connoiſſance, ainſi que les Grecs & Latins l'ont donné depuis aux Mores , Turcs & Arabes ,


84 *Histoire des sçavans Hommes,*
qui au lieu de leur arc, flèche épée & mas-
fuë, ont à nostre tres-grand prejudice, ces
bastons à feu, desquels ils se sçavent tres-
bien ayder, n'ayant aujourd'huy ville,
chasteau ny forteresse aupres de nous,
qu'il ne cubulte par terre, & nous talon-
nent d'une telle viftesse, que si Dieu n'y
met la main, il est bien à craindre qu'ayant
pris les faux-bourgs ils ne prennent la
ville. On a accoustumé de dire, qu'il n'y
a que ceux qui soient blessez, lesquels
s'aventurent aux coups, & qui prennent
trop de plaisir au cliquetis des armes. Ce
que je confesseray bien en general, avec
restriction telle, que tel y demeure, qui
est mesme ennemy de la canonnerie : &
je suis poussé à ce, par ce qui est advenu
au Connestable de Bourbon, lequel, quoy
qu'il n'eut rien plus à contre cœur que les
arquebusades, fut neantmoins tué.







PIERRE D'ALLY.



PIERRE D'ALLY.

CHAPITRE X.



ANS m'arrester à mil frivo-
les disputes & bien peu ne-
cessaires, pour animer ceux,
qui descendent de basse race,
& aussi de pauvres parens, à mettre tou-
te peine de se rendre vertueux, & pour
donner cœur aux hommes d'aspirer à
choses hautes, je seray content de dire
que la vivacité d'esprit, le labeur assidu
& bon naturel sont les seuls degrez pour
parvenir au feste d'honneur. A ce pro-
pos une milliasse d'exemples se presente
aux-Histoires Grecques, Latines, Fran-
çoises & Estrangeres, tant de ceux qui
d'humbles ont été élevez aux dignitez
temporeles & Ecclesiastiques, que de
ceux, qui par leur singuliere erudition se
sont acquis louange & memoire eternal-
le. Vn seul exemple me pourra servir en
ces deux cas proposez, & l'affermirons
en celuy duquel icy on voit le naturel
portrait, sçavoir Pierre d'Ally, lequel par

son sçavoir excellent vit encore de present, & volent en la bouche des hommes doctes, & de ce bas & infirme degré monta au plus haut estat & honneur de l'Eglise Catholique. Il fut natif d'Allemagne en un village fort obscur, dit Ailly, dont aussi pour la vilité de ses parens il a tiré sa denominaison. Il fut si pauvre, que pour avoir moyen de vacquer à l'estude des lettres, il fut contraint de servir de sous-Portier au College de Navarre, fort celebre en l'Vniversité de Paris, condition fort abjecte : neantmoins son esprit qui aspiroit à choses plus grandes, surmontant telles difficultez, se polit tellement par l'assiduité des leçons, qu'enfin honoré du titre de Regent & Docteur des plus fameux qui fussent, il fut donc élevé à l'Office de Chancelier de l'Vniversité, qui est celuy, lequel ayant soin des personnes & privileges, confere les dignitez de Doctorat aux Facultez de Theologie & Medecine (ayant eu de ce faire faculté du Pape Benedict onzième, environ l'an mil trois cens quatre) retranche les corruptions, approuve les opinions, confere lettre de Licence Bacheliere, & autres degrez ; c'est aussi celuy qui a charge de retrancher du corps

de l'Vniversité les Escoliers qui sont mal vivans & incorrigibles, & derechef les y reünir, quand avec amandement de vie ils reviennent à resipiscence. C'est enfin luy qui les absout, si par cas ils ont commis quelque irregularité, mettans furieusement les mains les uns sur les autres. Or pour reprendre la brisée vers nostre d'Ally, pendant qu'il enseignoit, il eut entre ses autres disciples Jean de Gerson, une autre lumiere de son temps, ainsi que luy-mesme escrit en une Epistre envoyée audit d'Ailly, où il l'appelle son Maistre, Mecenas, Fauteur & Promoteur, luy donne plusieurs titres de louange, & l'appelle clarté tres-luisante de l'école de Theologie, & vieil routier és difficultez des saintes Escritures. Parquoy comme il fût ainsi orné de toutes les vertus & graces requises en un Theologien, il fut fait Archevesque de Cambrai, non pour aucun respect de faveur, mais pour sa capacité, d'où peu apres s'estant acheminé à Rome, y fut humainement receu du Pape, & honoré du Chapeau de Cardinal. Et puis apres envoyé l'an mil quatre cens quatorze au Concile de Constance, où il emporta l'honneur de bien dire & disputer contre la Symonie des Ecclesiastiques & au-


88 *Histoire des ſçavans Hommes,*
tres corruptions qui dès ſon temps, & en-
cores beaucoup plus maintenant diffor-
moient & troubloient la face & eſtat de
l'Egliſe. Par la determination du Con-
cile de l'Egliſe François il fut delegué,
pour denoncer aux deux Papes, qui s'en-
trequeroient pour la Papauté, qu'ils ſe
demiffent du ſiege Papal. Pour reſponſe
luy fut dit que les Papes de Rome ſont
exempts de toute taſche de ſchiſme, mais
que c'eſtoient les Prelats François qui de
gayeté de cœur ſchiſmatisoient. Pour
cette occaſion il fut depuis renvoyé, ſui-
vant l'adviz du Concile tenu à Paris, avec
le ſieur lean Maingre, Mareſchal de Bou-
cicaud, lequel par apres eſtrilla bien l'An-
tipape à Avignon, comme auſſi le Cardi-
nal d'Ailly luy lava la teſte du long & du
large. Et c'eſt ce que Henry Pantaleon
ſemble le coucher au roolle de ceux, qui
en cette ſaiſon crierent & de voix & d'eſ-
crits contre l'ambition des Papes, corrup-
tion de l'Egliſe, ſchiſmes & diviſions,
qui lors pulluloient grandement, diſant
qu'il a eſcrit un livre intitulé, De la re-
formation de l'Egliſe, lequel pourtant ne
ſe trouve pas au Catalogue de ſes livres,
qui ſont en fort grand nombre, tant en
Theologie qu'en Mathematiques, où il
eſtoit

estoit fort consommé. Aussi il a composé quelques traitez Astrologiques, en l'un desquels il reduit toutes les paralleles ou cercles equidistans, supposés par Ptolomée à douze, & plusieurs autres points remarquables que premier il a mis en lumiere. J'ay devers moy un de ses livres achevé d'imprimer, l'an mil quatre cens dix, le douziesme Aoust, au commencement que l'art d'imprimerie fut en usage en France, dans lequel il y a grand nombre de figures de Mathematiques. Je desirerois que tous ceux qui se meslent d'Astrologiser daignassent un peu mettre le nez avant dans ses livres : ils n'y perdroient leurs peines, car, outre les singulieres observations que je viens de ramenter, ils y trouveroient la sentence minutée à l'encontre de ceux, qui sous le nom de la vraye Astrologie prennent plaisir de s'embeguiner du faux masque d'Astrologie, introduisans une idolatrie des Astres du tout abominable. Ce bon Cardinal ne l'appelle point seulement judiciaire, mais pour la depeindre de toutes ses couleurs, il dit que c'est le sacrilege d'Astrologie. La raison est fondée sur l'abus, qui est fait d'une science sacrée, comme est l'Astrologie, qui fait que les

90 *Histoire des ſçavans Hommes*,
crime eſt d'autant plus deteſtable. Et
neantmoins aujourd'huy ceux, qui ſe re-
putent eſtre des mieux entendus, & veu-
lent obtenir le parangon ſur tous les A-
ſtrologues, ne font pyvot que de cette ſu-
perſtitieuſe & ſacrilege Aſtronomie, & le
plus ſouvent dans les livres Aſtronomi-
ques entrelacent un million d'impietez
& magiques enchantemens, & enfin ſous
pretextes de leurs ridicules prediſtions,
donnent des bourdes les plus deteſtables
qu'il eſt poſſible de penſer. De luy a em-
prunté beaucoup cét illuſtre Prince Pie de
la Mirandole, s'attachant aux Mathema-
tiques. Au reſte je me ſuis laiſſé dire que
noſtre d'Ally a compoſé une grande Apo-
logie, qu'il a intitulé le bouclier de pau-
vreté, où il rabat les cloux de quelques-
uns, qui reprenans les arres de Guillau-
me de S. Amour, tenoient, que les Men-
dians eſtoient au prejudice de la Chre-
ſtienté & du repos, ſeureté & ſplendeur
de la choſe publique. Mais quant aux ar-
gumens qu'ils avoient dreſſé contre l'Or-
dre des Mendians, je ſuis bien content
d'en toucher un mot, afin qu'un chacun
connoiſſe quel poix & autorité ils peu-
vent obtenir. Doncques ces policeurs
oppoſoient, que la queſte que font les

Mendians est grandement prejudiciable à tout estat bien ordonné, auquel on ne doit souffrir aucuns caymans. Et pour démanteler du tout (comme ils presumoient) les quatres colonnes du fort de mendicité, sur ce que les Mendians oppoient, qu'ils sont instituez, afin que les Chrestiens gagnassent le Royaume de la joye de Paradis, par les aumônes qu'ils leurs élargiroient; ils repliquoient qu'en-core que l'on ne dût souffrir aucun qui n'eut moyen en la Republique, ce neant-moins il s'en trouvoit beaucoup plus qu'il ne feroit de besoin. A ceux-là on avoit assez de moyen de departir des aumônes, sans en introduire des bandes d'autres, qui pourroient de leurs mains, force corporelle & industrie gagner leur vie. Et pour confirmation de leur dite produisoient les Benedictins, Chartreux, Bernardins, & plusieurs autres Religieux, qui encore qu'ils ne demandassent l'aumosne, apprestoient cependant autant de matiere pour gagner les pardons que les Mendians. A telles allegations ce Cardinal respondit si à propos, que les plus effrontez qui voudroient se bander contre les Mendians, quand ils liront ce qu'il en a escrit tres-doctement;


92 *Histoire des sçavans Hommes* ,
seront contraints de quitter la partie & se
candamner eux-mesmes. Au reste j'ay
recouvert cette sienne figure representée
au naturel au College de Navarre, dé-
peinte en un Tableau attaché contre la
muraille de l'Eglise dudit College, au-
quel il a fait edifier un corps de logis,
pour loger les Docteurs & Boursiers, étu-
dians en Theologie, outre plusieurs au-
tres celebres fondations qu'il y a fait, en
memoire de ce qu'en iceluy il avoit com-
mencé & consommé le cours de ses estu-
des.








*ÆNEAS SYLVIVS, QVI
FVT PIE II. PAPE .*



*ÆNEAS SYLVIVS, QVI FVT
Pie deuxiesme.*

CHAPITRE XI.

 V'IL me soit permis de dire de ce grand homme ce que Salluste a escrit de la grandeur & excellence de Carthage, qu'il vaudroit mieux n'en point parler que d'en dire trop peu: car de fort basse condition Æneas Sylvius est monté au plus haut degré & dignité. Il estoit né de noble & ancienne famille des Piccolomini, son pere avoit nom Sylvius, sa mere Victoria, de telle fecondité, qu'elle eut dix-huit enfans; ils n'avoient pas grande richesses. C'est pourquoy luy dès son jeune âge estant bien pressé de pauvreté, se mit au service d'un Prelat, au Concile de Basle fut depuis avancé à l'estat de Secretaire de la Chancellerie de l'Empereur Frideric troisieme, lequel le prit en grande amitié, & fut par luy couronné Poëte de Laurier, en presence des Princes & Seigneurs de sa Cour, receut les

94 *Histoire des sçavans Hommes,*
mesmes honneurs, que l'on avoit fait à ses
devanciers, Petrarque & Bocace Poëtes
Florentins. Je laisseray pour brevété
ses travaux aux Ambassades, esquelles il
fut envoyé à Trente, Franc-ford, Con-
stance, Savoye & autres lieux pour rai-
son du Concile, puis que cela a esté fort
bien exprimé par l'Historien Platine. Le-
quel escrit que nostre Æneas, apres la
mort de Philippes Vicomte de Milan,
fut delegué vers les Milannoïs. Devant
lesquels il fit une harangue fort excellen-
te touchant l'Empire hereditaire de la
ville, & de la foy qu'il faut garder. Laif-
sant donc tous ces premiers progresz, par
lesquels, comme par ressorts, il sceut fort
à propos monter jusques dedans la chaire
Pontificale, je ne diray rien du devoir
qu'il fit à l'institution, garde & conduite
du Roy Ladislas, & le vay logger dans le
siege Souverain, auquel il parvint par la
mort du Pape Calixte, frere du Duc de
Bourgogne, & se fit appeller Pie II. In-
continent qu'il fut couronné, pour vivre
en Paix il rendit au Roy Ferrand le Roy-
aume de Naples, moyennant une bonne
somme de deniers, dont Ferrand sceut ra-
chepter son absolution de la censure &
excommunication qu'avoit foudroyé sur

luy Calixte, & l'avoir privé du Royaume de Naples, disant qu'il n'appartenoit pas à un bastard comme il estoit. Auquel temps & mesme année l'on vit au Ciel une grande estoille cheveluë qui n'aporta rien de bon, attendu qu'il advint une si grande secheresse sur les biens de la terre presque cinq mois entiers, que la plupart du peuple fut grandement oppressé de plusieurs maux, & notamment de la peste qui en fit perir plusieurs. Au reste Pie estoit Italien & Sënois de nation, de laquelle ville j'ay receu son portrait, que m'a envoyë l'année 1582 le Seigneur Hyppolite Augustin, Chevalier de saint Estienne, ensemble son Epitaphe, tel que cy-apres vous verrez. Ce personnage Pie estoit excellent Orateur, grand Poëte, Philosophe & Cosmographe, adonné aux lettres divines & humaines, ainsi que ses œuvres imprimées en plusieurs tomes en font foy. Le zele (& suivant son nom Pius) sa pieté & singuliere devotion à deffendre la Religion Chrestienne contre les Turcs est grandement prisée. Car il est mort à son voyage qu'il pretendoit faire contre les Infideles (à la priere des Rois & Potentats de la Chrestienté. Et à la sollicitation de ce grand Capitaine Scan-

96 *Histoire des Grands Hommes*,
derberg dit Castriot, le fleau & espou-
vente des Otthomans) estant en la ville
d'Ancone le seiziesme Aoust, l'an mil
quatre cens soixante & quatre. Son corps
fut porté en Italie, où il fut enterré. En-
tre les œuvres de Ioannes Campanus Ita-
lien, se trouve l'Oraison Funebre recitée
par luy à Sienne aux obseques dudit Pius,
au discours de sa vie & faits heroïques.
Avant sa mort il nous a laissé pour un
grand tresor le livre de l'education &
nourriture des enfans, un autre intitulé
la solution des questions, un contre les
Taboristes, un autre à Nicolas de Cusa
depuis Cardinal, deux de la creance &
profession des Turcs. Vn autre livre
tres-docte à l'Evesque de Cracovie, un
de la prescience de Dieu. Vne elegante
harangue du siege & prise de Constanti-
nople, un au Pape Calixte d'Oraison, un
de la source du Nil, un contre la secte de
Jean Hus, de la dignité des Empereurs,
de la puissance du Concile, de la vraye
religion Chrestienne, & l'oraison à Ma-
hemet second, qui prit l'Empire de Gre-
ce, & une infinité d'autres desquels je ne
diray mot, pour éviter la trop grande
longueur. Je suis neantmoins bien con-
tant d'adjouster encore, que de luy se lit,
qu'estant

qu'estant âgé de sept ans, comme par pronostication & bon augure du futur, entre les jeux de ses compagnons de mesme âge que luy, fut salué comme Pape; tous de rang luy baisans les pieds, comme les Catholiques ont coustume de faire telle reverence au Pape & Souverain Pontife de Rome. Les Historiens Ecclesiastiques nous raportent, comme au bon Pere Grec Athanase Evesque Alexandrin, luy estant bien jeune garçon, & à saint Ambroise Evesque de Milan, mesme en sa ieunesse, en la maison de son pere, le semblable est advenu faisant mesme office, comme s'il eut esté Evesque. Dieu par telle chose donne souvent à entendre, comme l'effet par apres evidemment le montre, que de tels personnages seront dignes à l'advenir de commander aux troupeaux de l'Eglise Catholique. Voila ce que j'ay bien voulu reciter discourant de la vie de ce bon Pasteur.

S'enfuit son Epitaphe, tel qu'il est escrit
contre sa sepulture élevée en marbre.

ÆNEAS SYLVIVS PICOLOMINEVS, PATRITIVS SENENSIS, ORATOR CELEBRATISSIMVS, POETAE INSIGNIVS DECORATVR PER FRIDERICVM III. IMP. ET A SECRETIS EIVS. QVO MVNERE SVB FOELICE QVINTO ANTIPAPA FVNCTVS ERAT, ET IN EODEM A SVMMIS PONTIFF. RECIPITVR EVGENIO IV. ET NIC. V. A QVO EPISCOPVS TRIGESTIVS, MOX SENENSIS ORDINATVR CARDINALIS S. R. E. EFFICITVR A CALISTO III. QVO MORTVO PONT. MAX. ELIGITVR AN. SAL. M. IV. C. LVIII.

Le m'estonne où Baleus a pû trouver les Epitaphes qu'il luy donne. Je suis bien assuré d'un point, que luy, ny ses partisans, n'eussent osé le mettre sur son tombeau, qui est à S. Pierre de Rome, sans avoir le feu à la queue plus près qu'ils n'eussent désiré. Je suis encore plus surpris pourquoy cét Anglois a osé ainsi mal parler de luy, puis que l'on sçait fort bien, qu'il leur a en plusieurs de ses œuvres soutenue le menton pour le fait de la condam-


nation du celibat. Entr'autres sentences desquelles il uſoit communement, Platine & Sabellique témoignent, qu'il a laiſſé par eſcrit, que le mariage a eſté oſté aux Preſtres pour une grande raiſon, mais que pour beaucoup plus grande il leur devoit eſtre rendu. Ce qu'il a meſme confirmé au ſecond livre du Concile. Peut-eſtre (dit-il) que ce ne ſeroit pas trop mal que pluſieurs Preſtres fuſſent mariez : car pluſieurs eſtans Preſtres & mariez ſeroient ſauvez, leſquels en leur celibat ſterile ſont damnez. De fait il vouloit (ainſi que raporte Celius II.) abolir quelques Monafteres des ſœurs de ſainte Brigide & ſainte Clere, en leur commandant de ſortir, afin qu'elles ne brûlaſſent plus. Pourquoi donc luy veulent-ils ſi grand mal ; il eſtoit perſonnage qui eſtoit né aux affaires & vertu, non pas à oiſiveté. De fait il ne ſe paſſa affaire publique de la Chreſtienté, ſoit de la religion ou des choſes temporeles, depuis l'aſſemblée du Concile de Baſle, auquel il ne ſe trouvât preſent, excepté les armes. S'ils luy en ſçavent mauvais gré, ils ont tort, car ce qu'il en faiſoit n'eſtoit que pour élever d'autant plus la Papauté. Auffi ce fut luy, qui fit fouïr l'alun, qui

100 *Histoire des ſçavans Hommes,*
fut alors premierement trouvé en Italie,
dont le fifque du Pape reçoit grand re-
venu.





*JEAN DE MONTREUIL,
MATHEMATICIEN.*



JEAN DE MONT-REAL,
Mathematicien.

CHAPITRE XII.



JEAN de Mont-Real, ainsi appelé du nom de cette ville de Franconie, nâquit l'an mil quatre cens trente six. Qui eut considéré les signes, qui à l'heur de sa naissance faisoient son Horoscope; il eut facilement jugé qu'il feroit d'un naturel modéré, industrieux & doué d'un esprit non hebeté & propre aux sciences. Or quoy que tous ces prodiges signifiaissent aucunement la bonne esperance qu'on avoit de luy, toutesfois il n'est pas possible, que sans une grace speciale, il eut sceu en si peu de temps, & de son seul instinct, apprendre & connoistre tant & de si diverses sciences, parler tant de langues, estre si rompu és affaires, souffrir tant de travaux, retenir & enseigner la maniere de forger, construire & composer des machines & instrumens inconnus, considerer. & d'un certain usage sçavoir.

I iij.

102 *Histoire des ſcavans Hommes*,
les lieux & mouvemens des eſtoiles, eſ-
crire de ſi doctes commentaires, eſclair-
cir tant de choſes ſi obſcures : mettre en
lumiere non ſeulement ſes tables & Ephe-
merides, mais de plus decorer celles des
autres ; Bref faire choſes quaſi impoſſi-
bles , & auparavant non veuës. Apres
qu'il eut appris, tant en ſon païs qu'en
l'Univerſité de Lipſe les principes de
toutes ſciences, & meſmes des Mathe-
matiques , & depuis qu'à Vienne , ville
d'Auſtriche, florifſoit l'exercice des ſcien-
ces & de la Philoſophie, il ſe delibera d'y
aller. En ce lieu il trouva Purbach, per-
ſonnage tres-ſçavant & fort reſpecté ;
pour ſon âge, ſçavoir & autorité: lequel
ayant ſoigneuſement conſideré le bon
naturel de ce jeune homme, commença à
l'aymer , inſtruire & meſmes luy mon-
trer les principes & plus difficiles ſecrets
des arts Mathematiques. Comme ils fu-
rent ainſi demeurez conjoints par amitié,
& communiqué aſſiduellement entr'eux
l'eſpace de dix ans de pluſieurs matieres
obſcures, ils observerent enfin les vrais &
certains mouvemens des planettes , &
mirent le cours ordinaire de celle de
Mars, different de deux degrez aux ta-
bles anciennes. Environ ce temps arriva

de bonne fortune en ces quartiers-là le Cardinal Bessation , comme Legat vers l'Empereur Frederic , lequel requit Purbach de luy faire un extrait sommaire du livre de Ptolomée, depuis intitulé la grande syntaxe. Apres la mort de Purbrach Jean de Mont-Real paracheva l'œuvre commencé ; & ayant estudié à Rome és lettres Grecques, & conféré avec Theon auteur ancien , il le corrigea & mit en lumiere. Car quoy qu'auparavant luy & Purbach eussent deliberé & conclu ensemble d'aller à Rome, pour y fonder les vives sources des langues, & lire Ptolomée, escrit en son propre langage , provoquez mesme à ce faire par ledit Cardinal Bessarion. Toutesfois la mort inopinée de Purbach détournant leurs desseins, fut cause principalement que ledit de Mont-Real quitta de plus grande affection Vienne pour aller à Rome ; là il donna preuve tres-assurée de la gentillesse d'esprit dont il estoit accompagné, tellement qu'en peu de temps il se rendit familier, les secrets plus cachez de l'Italie. Apres avoir couru toute l'Italie & conféré avec plusieurs doctes personna- ges qui y enseignoient , il fut enfin rappelé par Matthias Roy d'Hongrie, pour

I. iiij

104 *Histoire des ſcavans Hommes,*
lire publiquement à Vienne, où demeu-
rant il ſe donna à connoiſtre par pluſieurs
inventions admirables, & par ſon ſçavoir
garentit le Roy du peril evident de mort.
Eſtant doncque alors l’Hongrie en guerre
& diſſenſion contre les Boëmes & l’Au-
ſtriche, il delibera de ſe retirer à Norem-
berg, tant pour la commodité des Arti-
ſans, qui le pouvoient ayder à faire ſes
inſtrumens Mathematiques, que pour
l’Imprimerie. Car en ce temps il com-
mença de mettre ſes œuvres en lumiere,
& premierement ſes Ephemerides, qui
comprenoient trente ans : livre certaine-
ment admirable & bien receu de tout le
monde, tel que jamais il n’en avoit eſté
veu le ſemblable. Auffi par certaine ſup-
putation il trouva premierement la dixiè-
me Sphere au Ciel, lequel comme le plus
haut, fait par ſa viſteſſe tourner tous les
autres globes, déroband par cette heureu-
ſe invention la gloire, que pouvoient
avoir acquis devant luy les autres Philo-
ſophes, Thales, Eudoxe, Calippe, Ptolon-
née & Alphragan. Il divulgua encore
pluſieurs Opuscles rares & pleins d’eru-
dition, leſquels comme ils fuſſent bien
receus & diſperſez en tous lieux, & ſpe-
cialement l’edition des Ephemerides à

Rome, plusieurs doctes personnages qui avoient fait preuve de sa doctrine, tant par veuë que par escrit, desiroient grandement qu'il fut appelé à Rome, & sollicitèrent fort le Pape Sixte à ce qu'il le mandât de venir vers luy, pour s'en servir & ayder en plusieurs choses, spécialement pour reduire l'an, qui par les anciennes intercallations, ne s'accordoit aux Calendriers communs, au cours certain de la Lune, assseurer d'un ordre non variable les jours & Festes de Pasques. Chose qui ne sembloit trop difficile, pourveu qu'on eut osté quelques jours du mois de Mars. Or combien que Jean de Mont-Real entreprit malgré luy ce voyage, fâché de se voir retirer de son entreprise & edition de Ptolomée, & aussi qu'il prevoit sa mort devenir estre en bref : Toutesfois le commandement du Pape, & l'evidente utilité de la chose proposée le sollicitèrent, de sorte qu'il ne voulut manquer à son devoir. Il fut doncques à Rome, où apres avoir communiqué avec plusieurs doctes hommes de divers points, il entreprit la question pour laquelle il estoit venu. Mais comme la peste fut terrible & commune à Rome l'an mil quatre cens soixante seize, il fut emporté

106 *Histoire des ſçavans Hommes,*
d'une mort violente, eſtant encore jeune,
& n'ayant à peine attainit l'an quarante
& unieſme de ſon âge. Et ce qui eſt beau-
coup plus à plaindre, c'eſt qu'il faut que
nous ſoyons privez des œuvres excel-
lens qu'il avoit commencez, qu'il pro-
mettoit en bref au grand profit de tous,
mettre en lumiere. Ses œuvres com-
mancez furent retenus & gardez par au-
thorité & commandement de la Repu-
blique de Noremberg, dont quelques-
uns, Sconerus homme tres-ſçavant a mis
au jour de noſtre temps. La lecture deſ-
quels fit entendre aux dépriſeurs d'au-
truy, que le mont eſtoit vraiment Royal,
lequel l'a pû affranchir des erreurs, qui
avoient tellement bleſmy la pluſpart des
humains, que par trop impudemment ils
nioient ce dixième Ciel éventé par ce fu-
ron de la voute celeſte. Il y a eu bien peu
de points touchez par Ptolomée, le Geo-
metre Archimede & autres ſur les ſecrets
Mathematiques, qu'il n'ait tres-perti-
nemment éclaircy. Sur tout il a pris
grande peine à rembarrer ceux, qui ſe
méprenotent en la verité des points des
ſciences, dont il faiſoit profeſſiō. Entr'au-
tres il a deffendu la doctrine de ſon mai-
ſtre Theon l'Alexandrin, contre Georges

I. de Mont-Real, CHAP. XII. 107
de Trebizonde , Gerard de Cremone ,
Iean Gazule de Raguse, l'Archidiacre de
Parme, Campanus, Thebith, Averroës &
tous ceux qu'il a trouvé contraires à son
opinion ou des axiomes , qu'il tenoit
pour regle tres-certaine & infailible. Icy
j'en eusse dressé estat, qui eut pû fort
réjouir le Lecteur, lequel eut pris un sou-
verain plaisir d'ouïr la distinction des
maisons du Ciel, des miroïers brûlans,
de la grandeur de la Comete, de la distan-
ce entr'elle & la terre ; mais parce que
ce long recit eut trop grossi le present
discours, & que le Lecteur, si besoin luy
semble, pourra avoir recours à ceux, qui
dans leurs Bibliothèques en ont dressé la
liste, j'ay mieux aymé clore la presente
Histoire pour n'estre pastrop long.











*JEAN GUTTENBERG, IN-
VENTEUR de l'Imprimerie.*



JEAN GUTTEMBERG,
inventeur de l'Imprimerie.

CHAPITRE XIII.

 N T R E les plus belles & loüables inventions il nous faut librement confesser que l'Imprimerie a esté & est aujourd'huy la meilleure & plus a estimer : par le moyen de laquelle deux personnes roulans la presse , imprimeront en un jour plus grande quantité de livres , que n'eussent sceu auparavant écrire plusieurs personnes en un an. On tient que cét art a esté inventé à Mayence , ville d'Allemagne en l'an mil quatre cens quarante deux, par Jean Guttemberg, ou selon les autres, Guttemberg, Allemand & Chevalier honorable, là où il commença premierement l'exercice, ayant aussi fait preuve de l'ancre, dont se servent encore aujourd'huy les Imprimeurs, quoy que quelques-uns aiment mieux en attribuer la loüange à Jean Fauste & Yves Scheffey deux ans auparavant, & veulent

que noſtre Guttemberg, Iean Mentel, Iean Prus, Adolphe Ruſche, Pierre Schefſec, Martin Flache, Huldric Han, Iean Froben, Adam Petri, Thomas Vvolfe & autres tous d'une volée ayent accru grandement la perfection de l'Imprimerie, laquelle ils éparpillent partout l'Allemagne & autres païs. De fait Conrad exerça cét art à Rome environ l'an quatorze cens. Au commencement de cette invention les principes eſtoient fort petits & connus de peu de perſonnes : car ſeulement à l'heure qu'ils vouloient imprimer, ils portoient les caracteres dans des ſacs, puis les remportoient avec eux. En ce temps-là les Imprimeurs & ceux qui faiſoient les matrices des lettres, eſtoient en grande eſtime, riches, opulens, & reverez comme nobles, faiſans profit ineſtimable de cét art : mais de preſent que la multitude & nombre infini de livres eſt augmenté, & que chacun indifféremment ſe meſle de manier un ſi excellent art, ſans aucune prealable erudition & experience, il eſt advenu que les Compositeurs & Imprimeurs ne remportent aucun profit ny louange ; mais ſeulement employent leur bien, labeur & âge pour profiter à la-choſe publique avec peu de

Jean Guttemberg, CHAP. XIII. III
recompense & honneur. Quelques-uns
ont écrit que l'invention d'imprimer est
premierement procédée de la Chyne &
Cathay, ce qui a esté mal considéré par
eux, veu que le Royaume de Cathay &
Indes Orientales n'ont esté découvertes
par les Portugais que depuis cent tren-
te ans : où l'art d'imprimer a esté in-
venté & pratiqué en nostre Europe en l'an
1442. comme nous avoñs cy-devant dit.
Il est bien vray qu'il y a quatre cens ans
ou environ, que Paul Venitien a décrit &
le premier, la situation de ce pais-là &
leurs mœurs : mais quant à l'Imprimerie
il ne fait mention qu'elle fût en usage.
Ce qui m'en rend plus assuré est, que les
Grecs, Armeniens, Mingrelians, Abissins,
Turcs, Perses, Mores, Arabes & Tartares,
n'écrivent leurs livres qu'à la main. Ce
qu'entr'autres les Turcs ont pratiqué par
l'ordonnance de Bajazeth second du nom
leur Empereur, publiée l'an quatorze
cens quatre vingt trois, portant deffen-
ses sur peine de la vie de n'user de livres
imprimez, laquelle ordonnance fut con-
firmée par Selin premier du nom son fils,
l'an mil cinq cens quinze. De plus estant
en Egypte, j'ay veu plusieurs grandes
tablettes, longues en façon de livres, &

II2 *Histoire des ſçavans Hommes,*
des écorces de Palmiers ſi bien écrites,
que l'on eut jugé avoir eſté imprimées :
& d'ailleurs les Marchands qui viennent
des Indes par la mer Rouge, & qui debi-
tent leurs marchandises à toutes les Na-
tions, n'écrivent que ſur des tablettes; &
de telles il y en a en la Bibliotheque de la
Reyne, qui ſont ſortis du cabinet de ce
grand perſonage Laurens de Medicis,
reſtaurateur des bonnes lettres en Italie,
& à ſaint Germain des Prez lés Paris.
Il y en a d'autres qui ont voulu dire que
cét art eſt parvenu juſques au païs de
Mexique, qui eſt à l'opposite du Cathay,
l'un eſtant en Aſie, tirant vers le Pole An-
tartique, & l'autre en l'Amerique vers
noſtre Pole Arctique. Mais cela eſt du
tout contraire à la verité, car ils n'ont ja-
mais uſé d'Imprimerie. Toutesfois je
confeſſeray bien que les Mexicains uſent
de caracteres, reſſemblans à divers ani-
maux terreſtres & aquatiques, & de tes-
tes, pieds, bras, & autres membres de
l'hommes, par leſquels ils donnent à en-
tendre leur conception, comme faiſoient
les Egyptiens & Ethiopiens par leurs let-
tres Hieroglyphiques, dont j'ay aſſez am-
plement traité en ma Cosmographie, &
de tels livres j'en ay deux eſcrits à la
mai

main en la ville de Themistitan, remplis de leurs caracteres & figures, avec leur interpretation. Au reste les anciens ont feint une Deesse Pallas, laquelle presidoit aux armes & sciences, pour avoir inventé & les lettres & les instrumens de guerre. A l'exemple de laquelle l'Allemagne se peut glorifier sur toutes les autres nations, avoir emporté le pris de l'une & l'autre faculté, tant à raison des machines à feu & Bombardes, que pour l'Imprimerie inventées par des personnages Allemands. Mais un seul deffaut diminué de beaucoup sa gloire, ressemblant en ce cas au tres-magnanime & encore plus belliqueux Annibal, duquel on recite qu'il sçavoit bien vaincre & rompre de furie ses ennemis ; mais il n'usoit prudemment du fruit de la victoire, se laissant peu apres dompter par nonchalance. Aussi les Allemands sont fort inventifs, mais au reste ils sont negligens de bien polir & orner leurs subtiles inventions. Et par ce moyen leur est advenu, ce qui advint aussi aux Hebreux : Car comme ils se peuvent dire premiers Inventeurs de toutes les sciences, toutesfois les autres nations leur dérobaient l'honneur par leur labeur & subtilité, en sçavent beaucoup.

mieux tirer profit , & quasi se les approprier. Au reste on ne sçauroit assez priser & estimer cette noble invention d'imprimer , pour l'évidente utilité que nous voyons en provenir de jour à autre ; car par elle nous pouvons asseurer la loy de Dieu s'estendre aux nations Barbares & Sauvages, l'ignorance avoir esté ensevelies, & toutes sciences avoir esté illustrées & grandement annoblies, ayans aujourd'huy une multitude de bons livres non vitiez par la main des escrivains ignorans, qui quasi avoient souillé tous les auteurs. Entre plusieurs qui ont décoré cette invention se peuvent à bon droit nombrer, Alde Manuce à Venise, Christophe Plantin à Anvers, Robert Estienne, Henry & François ses enfans à Paris, Froben & Oporin à Basse, Griphius, de Tournes à Lyon, & une infinité d'autres hommes doctes & excellens en cét art, qui quasi par tout le monde l'ont exercé, & exercent encore à present, avec honneur, profit & loüange. Or puis que nous sommes tombez sur l'invention de l'Imprimerie, je veux, afin qu'elle soit prisee, reconnüe & estimée, ainsi qu'il appartient, dresser icy un estat, non point de tout ce qui est à admirer en un art si

profitable & nécessaire ; mais ce qui nous
sera permis pour n'estre pas long, de
broncher touchant un art si loüable. A
former caracteres d'imprimerie , il est
requis premierement avoir poinçons d'a-
cier, amollis par le feu, sur lesquels en-
gravent par contrepoinçons destrempez
au burins acerez , le blanc estant au de-
dans des lettres, achevans avec limes le
corps d'icelles, eminente au bout, non à
leur endroit, mais tournez. Apres ils
trempent ces poinçons , pour les endur-
cir, & polissent, puis en frappent de pe-
tits billons de fin cuivre passez par le feu,
lesquels ainsi engravez montrent les let-
tres à leur vray naturel ; ce qu'on appelle
frappe de matrice. Alors ils justifient
ces matrices sur un moule de fer, & au
blanc d'iceluy font les fontes avec plomb,
estain de glace, antimoine & autres ma-
tieres mixtionnées, afin de les endurcir,
& qu'elles durent plus long-temps. Les
lettres ainsi fonduës sont mises en une
grandes casse de bois, distribuées selon
leurs differences, d'autre disposition que
l'ordre alphabetique. De là les Composi-
teurs ayans élevé devant eux leur Vis-
orium, la copie ou manuscrits à imprimer,
les prēnent une à une, & disposent par pa-

II6 *Histoire des ſçavans Hommes*,
ges & formes, lesquelles ils mettent dans
un chaffis de fer, à une ou deux croifées,
fermé avec garniture de bois, bifeaux
& coins. Apres le gouverneur de la Preſſe
prend la forme & la mets deſſus, puis
la touche avec des balles de bois pleines
de laines, & couvertes de cuir blanc,
frottées avec de l'ancre mixtionnée, met-
tant la feuille mouillée ſur le tympan,
garny d'un autre petit tympan & d'un
blanchet, qui empeſche que la lettre ne
ſoit gaſtée par la platine de fer; & abba-
tant la friſquette, collée de parchemin,
qui couvre le blanc de la feuille, il fait
rouler le train de la Preſſe, appuyée ſur
un ſommier, juſqu'au deſſous de la vis, à
laquelle eſt attachée la platine, & prenant
le barreau tire tant qu'il peut, en ſorte
que la feuille ſ'imprime du coſté qui eſt
couché ſur la lettre, il faut tenir le meſme
ordre pour imprimer l'autre coſté. Mais
avant que de le faire, & que la Preſſe
puiſſe rouler pour la journée, ils tirent
deux ou trois eſpreuves, qui ſont reveuës
& examinées par la diligence du Corre-
cteur, & les fautes par luy marquées ſont
corrigées ſur le plomb avec une pointe,
qui ſert pour lever la lettre, qui y eſt ſu-
perfluë, adjouſter, diminuer, rappo-

cher, corriger les transpositions, renversemens & autres fautes, qui par mégarde seroient coulées en la composition. Sur cette correction on continuë à tirer la forme, soit pour journée ou demy journée, à la discretion de ceux qui font travailler. Deux compagnons sont nécessaire à la conduite de la presse, l'un qui tire, recueille & range les fueilles, l'autre qui touche sur la forme qui est sur la presse, & broye l'ancre sur la pierre. Et parce que le labeur est si penible qu'un homme n'y sçauroit fournir un jour entier, ils tirent à la presse l'un apres l'autre & par tour. Outre cette presse, qui sert à la besongne ordinaire, il est nécessaire d'en avoir encore une pour faire les espreuves.










*PIERRE BEMBE, CARDI-
NAL VENTTIEN.*



PIERRE BEMBE, CARDINAL
Venitien.

CHAPITRE XIV.



OVT ainsi que les Romains se glorifient de leur Historiographe Padoüan Tite-Live, ainsi en ces derniers temps la Republique & Seigneurie Venitienne se croit grandement honorée & illustrée par leur propre Historien Pierre Bembe, lequel a fidèlement & elegamment escrit leur Histoire contenuë en douze livres, & toutesfois en quelques endroits, pour avoir esté mal informé, il s'est oublié parlant des Indes & terres estrangeres posées au grand Ocean, comme aussi a fait Thomas Porcachi son compatriot, en son Histoire des Isles imprimée à Venise. Or Pierre Bembe a esté tenu de son temps, pour sa rare erudition & autorité, le lustre & ornement de l'une & l'autre langue, Latine & Italienne. Aussi pour ses excellentes vertus, doctrine & elo-

120 *Histoire des ſcavans Hommes,*
quence Ciceronienne (de laquelle il fut
grand imitateur) il fut fait Cardinal de
Rome. Je l'ay veu par pluſieurs fois
en ce meſme lieu cheminant avec vne
grande ſimplicité & humilité. Luy pour
n'emporter avec luy cette ſcience acqui-
ſe , & ne fruſtrer la poſterité des perfe-
ctions que Dieu luy auoit départies ,
a redigé par eſcrit & compoſé pluſieurs
œuvres tant en Latin qu'en Italien. Entre
autres des Epîtres fort elegantes, imprimées
à Baſſe, à Lyon. Les obſervations
de la langue vulgaire Italienne, en ſa na-
turelle langue fort corrécte , imprimez à
Venife, leſquels livres il a dediez au Car-
dinal Iule de Medicis, le tout compris
en trois volumes. Il a compoſé auſſi plu-
ſieurs Epîtres envoyées au Pape Leon
dixieſme, qui peuvent monter juſques à
ſeize Livres, & ſix d'Epîtres familiares,
avec certains Opuscles, & quelques
Ouvrages de Iean François Picus de
la Mirandole : Le Poëme Héroïque
avec diuerſe Poëſie. Eſtant à Venife il
me fut dit, qu'après ſa mort il avoit eſté
trouvé en ſa Bibliotheque un grand nom-
bre de Livres fort anciens eſcrits à la main
ſur du parchemin, tant en langue He-
braïque,

braïque, Grecque que Latine, qui jamais n'avoient esté imprimés. La plupart desquels estoient venus de la Bibliothèque de Georges Gemiste Plito Grec de nation & personnage de grande erudition, que l'on dit avoir assisté au Concile de Florence, peu apres lequel il mourut en la ville de Rimini en Italie, où luy fut dressée une somptueuse sepulture de marbre. Au reste nostre Bembe qui vivoit l'an 1140 a esté en telle reputation envers les plus habiles de son temps, & avoit le jugement si bon, qu'on luy apportoit de toutes parts les poësies & autres livres que l'on vouloit mettre en lumiere, afin que par sa doctrine il les polist & en donna son advis. Ce que Jacques Sannazarius voulut aussi faire, luy apportant son poëme *De partu Virginis*, auparavant que de le faire imprimer, voulant qu'il fut premierement approuvé par le jugement de Bembe, que de le communiquer au public. Omphrius en la vie du Pape Paul troisieme, recite que Bembe fut fait Cardinal avec plusieurs autres, comme certains pour leur sçavoir & doctrine: sçavoir Jean Fischer Evesque de Rochestre Anglois, Gaspard Contaren Venitien,


122 *Histoire des ſçavans Hommes,*
& Jacques Sadolet, leſquels ont laiſſé au
public un ample témoignage par leurs
eſcrits, de leur doctrine & ſuffiſance.







*JEAN PIC DE LA MI-
RANDOLE .*



JEAN PIC DE LA MIRANDOLE.

CHAPITRE XV.



E sujet eut bien requis que
 j'eusse parlé de la gloire, de
 la source & avancement de
 la Maison de la Mirandole ;
 mais pource que cela tireroit nostre dis-
 cours en trop grande longueur, je me
 contenteray de représenter sous ce Cha-
 pitre icy, tant les vertus de l'oncle que
 du neveu. l'avois bonne envie d'y ad-
 jouter aussi plusieurs autres singularitez,
 mais comme je ne suis point garny d'a-
 vantage de memoire plus ample, il a fallu
 que j'aye passé par dessus. Ce n'est pas
 que je ne me sois mis en tous les devoirs
 de solliciter ceux, qui ont ce bien que
 d'appartenir à ces heroïques Seigneurs,
 pour me secourir d'avertissemens. Quel-
 ques-uns d'eux ont seigné du nez si
 mal à propos, que mon plus expedient a
 esté, nonobstant leur méconnoissance, de
 tracer ce que j'en trouvois, rapporté au

124 *Histoire des ſçavans Hommes,*
vray par pluſieurs Hiſtorienſ. Joint que
je ſerois méconnoiſſant, ſi ayant receu le
portrait de ce Iean Pic de la Mirandole,
par le commandement de ce tres-digne
Abbé de Tournus François de la Roche-
Foucault, (Prelat fort amoureux des ver-
tus & lettres, & qui reſſentant la tige, dont
il eſt forty, s'adonne à tous heroïques &
genereux exploits) je dreſſois le Catalo-
gue des hommes Illuſtres , & coulaſſe
ſous ſilence, celui dont la memoire ne
pourroit jamais eſtre aſſez celebrée. Et de
plus, l'alliance qui eſt entre les maiſons de
la Roche-Foucault & la Mirandole, m'o-
blige particulieremēt à publier les loüan-
ges de ce perſonnage, auquel eſt voué ce
Chapitre. Et à dire la verité, je ne ſçau-
rois eſtre aſſez repris & taxé d'ingratitude, ſi
ayant eu l'honneur d'avoir eſté en mon
jeune âge entretenu par cette tres-ver-
tueuſe Dame la mere de François Com-
te de la Roche-Foucault & de ſon fre-
re le Seigneur de Rendan, en cette ville
de Paris & à Poitiers, je ne m'eſſayo-
is de repreſenter la verité de l'Hiſtoire de ceux
qui luy appartiennent. Et premierement
je commenceray par Iean Pic, duquel cer-
tains ſ'eſtonnent pourquoy le docte Poli-

lian luy a donné le titre de Phenix. le ne m'arresterv point aux longues & ennuyeuses digressions qu'ils font, pour prouver qu'il n'y a point de tels oyseaux, d'autant, qu'encore que j'accorde que cela soit, la comparaïson seroit tousiours belle & pertinente pour les particularitez qu'on a remarqué dans le Phenix, entre lesquelles est celle-cy, qu'il est seul au monde, & quoy que ses cendres soient consommées, si est-ce qu'il vit tousiours par la succession admirable qui se fait par la resolution & consommation de son corps. D'où vient qu'il a esté appellé le seul, unique & singulier entre tous les animaux. Mais le raport du Phenix avec nostre Comte peut bien estre à propos tiré à ce que tout ainsi qu'encore que le Phenix soit embrasé, estant seul individu de son espece, neantmoins il y en a tousiours un, qui porte seul le nom de Phenix; aussi, quoy que la mort ait coupé le fil de la vie à nostre Comte de la Mirandole, neantmoins l'ame de sa renommée ne laisse pas de battre, bouillonner, & en un mot faire tous les exercices d'une creature vivante. Quant je dis cecy, ceux qui ont la cervelle grossiere

126 *Histoire des ſçavans Hommes* ,
eſtimeront que je me trompe. Pour leur
lever une telle opinion, je ne veux que
leur propoſer , ou un Iean Hunniade , ou
un Zifca. Quand au Vvaivode Hunnia-
de , ſa bravoure eſtoit tellement redou-
tée par les Turcs, que les nourriſſes pour
appaifer leurs enfans crians, ne ſçavoient
les intimider que des menaces d'Hun-
niade , qui les viendroit auſſi-toſt pren-
dre. Cette ſeule apprehenſion du nom de
l'Hongre , faiſoit retenir aux enfans &
leurs cris & leurs larmes. Pareillement
ce grand fleau des Bœëmiens & Teuto-
niens Zifca, avant qu'il mourut comman-
da , qu'après ſa mort on l'écorchât, &
qu'on jettât ſa chair dans les champs, afin
qu'elle ſervit de paſture aux oiſeaux &
beſtes ſauvages ; que de ſa peau on cou-
vrit les fonds d'un tambour, lequel on por-
tât à la guerre , afin que du ſon les enne-
mis fuſſent effroyez , tout ainſi qu'ils
eſtoient épouvantez par ſa ſeule preſen-
ce. Sur ce fondeoit-il ſa raiſon, que les
brebis tremblotent de peur , lesquelles
entendent le bruit du tabourin couvert
de la peau du loup. De fait Albert Crant-
ze témoigne que les amis de Zifca firent
ce qu'il avoit commandé, & qu'ils trou-

verent ce qu'il avoit promis. De là je veux inferer, si la seule apprehension du nom d'Hunniade, la peau de Zisca ou du loup (font par maniere de dire) revivre les corps qui sont morts, qu'il n'est pas incroyable que Jean Pic, quoy que le tombeau retienne ses cendres, puisse encore vivre de la façon que fait allegoriquement le Phenix. J'avois bien envie de dire que cette qualité de Phenix luy a esté donnée, parce que tout ainsi qu'il n'y a qu'un Phenix, aussi n'y avoit-il qu'un Pic, qui, jeune Prince, nourry en delices, avoit neantmoins donné une vive atteinte au but, qui pouvoit eterniser à l'immortalité son heureuse memoire; mais je craindrois que plusieurs illustres & genereux esprits ne s'en sentissent scandaliser, qui me mettroient en butte le neveu qu'il a eu, & qui semble avoir esté éclos des cendres de son oncle. Ce n'est point donc pour raison des Princes amateurs de vertu, & adonnez aux lettres, qu'on doit employer le titre de Phenix à la loüange de nostre Pic, mais on jette plustost ce brandon de feu dans les magasins de ceux, qui au mépris de la vertu & bonnes disciplines, méprisent les bonnes lettres &

ceux qui ſ'y employent fondans l'appuy de nobleſſe ſeulement, ſur je ne ſçay quels furibonds henniſſemens, tintamarres & exploits guerriers. A les oïr bourſouffler en leur proüeſſe, on diroit que la ſcience eſt indigne d'un Prince, qu'elle l'avilit, l'appetiſſe, l'abbaiſſe, l'aſſottit, & en un mot qu'il n'eſt pas beſoin de miner la cervelle d'un Prince par la doctrine. Je ne veux point les renvoyer à Platon, qui tenoit qu'il n'y a aucun Empire, Seigneurie & eſtat heureux, que là où les Seigneurs ſont amoureux de la ſageſſe, vertu & Philoſophie. Je ſçay bien qu'ils rebrouïeroient l'autorité du divin Philoſophe, & le renvoyeroient au jugement qu'Annibal fit de l'impudent Phormion, qui parloit en clerc d'armes. Il ſera beaucoup plus ſeant que je leur mette en teſte cette perle de la Mirandole, laquelle pourra leur découvrir, non point ſeulement combien il ſ'abusent de ne tenir tel conte des ſciences qu'il faut; mais auſſi par quelle voye ils en pourront atteindre le faiſte & ſommet d'icelles. Et de fait ſi nous prenons garde aux enſeignemens, preceptes & advertiſſemens, que non moins doctement &

que subtilement il a donné, à peine trouva-t-on point sur la Philosophie ou Theologie, qu'il n'ait éclaircy. Sur la Genese & les Pseaumes il a si pertinemment écrit, que quoy que l'œuvre n'ait pû parvenir à perfection, à grande peine trouvera-t-on difficulté qu'il n'ait resolu & exactement examiné. Vous avez de plus les neuf cens conclusions qu'en son jeune âge il a soustenu à Rome devant le Pape & tous les plus haut huppez d'entendement, qui s'estonnoient comme il estoit possible, non pas que si suffisamment il discourut de plusieurs & diverses sciences, mais que seulement il eut pû flairer sur l'une ou sur l'autre. Aux Mathematiques, en la Cabale & Magie il n'y avoit aucun secret lequel il ne fûreta. Quant à l'Apologie de ses treize questions, tirées des neuf cens conclusions, il n'y a homme qui ne die que cét incomparable Pic s'est luy-mesme surmonté, pour raison, tant de sa souplesse & dextérité d'entendement, que de l'heur de sa memoire. De fait ce livre est plustost un mélange & abisme de toutes sciences, que ce qu'il porte en frontispice. Contre les Astrologues il a porté son aiguillon si

rudement, qu'il n'y a partie sycophantifée des impostures Astrologiques, où il n'ait fait assez belle ouverture. Et à la mienne volonté que nos prestigiateurs, devineurs & tels autres enjoleurs prissent plus de plaisir d'écouter Picus Philosophier qu'Agrippa & semblables attrapemins joüer des tours de passe-passe, on verroit, non point en la France seulement, mais par toute la Chrestienté plusieurs millions de personnes, qui ne se départiroient pas seulement des livres vilains & detestables, mais aussi les consacreroient au feu, de mesme façon que fit ce jeune Philosophe ses livres d'Amour, lesquels poussé d'une folastre jeunesse, fit, qui estoient doüez d'une grace merveilleuse, neantmoins pour n'apprendre matiere à aucun de s'amuser par apres, à cause de son exemple, à telles niaiseries, il les mit au feu, comme fit Platon :: Il estoit fils de ce lean François Pic, qui est tant célébré, pour avoir lors qu'il estoit Colonel de la Cavalerie de Simon Malateste Seigneur de Rimini, fait grand guerre au Pape Pie second & au Comte d'Vrbin, Lieutenant de l'armée Papale l'an mil quatre cens soixante

deux: qu'aussi pour avoir fortifié la citadelle de la Mirandolle de la façon qu'elle est de present, comme on peut voir en une pierre, estant sous le pont de ladite citadelle, où est gravé ce qui suit.

IOANNES FRANCISCVS PICVS, IOANNIS FILIVS, VT CÆTERIS VIRTVTIBVS, ITA HAC ANIMI MAGNITVDINE FACILE SVOS MAIORES SVPERAVIT, QVOD ARCEM HANC, A NVLLO ANTEA SEPTAM, MAXIMA IMPENSA SVA, COCTO LATERE CINGENDAM CVRAVIT ANNO A CHRISTI NATALI M. CCCC. LX. CALEND. SEXTILIBVS.

C'est à dire, Jean François Pic, fils de Jean, ayant surpassé en toutes choses les vertus de ses ancêtres, les vainquit aussi en magnanimité & grandeur de cœur, d'avoir premier fortifié ce chasteau & iceluy clos de murailles de briques, avec tres-grande despense, l'an de la Nativité de nostre Seigneur mil quatre cens soixante, le premier jour de Juillet. De maniere que ce n'est pas merveille si Jean Pic a esté fort adonné au public, estant issu de ceux, qui y estoient naturellement appelez, Enfin apres avoir.

laissé une infinité de témoignage à la posterité de ses vertus & proüesses, il mourut à Florence âge de trente trois ans en l'année mil quatre cens nonante quatre, le dix-septiesme jour de Novembre, qui fut le propre jour que le Roy de France Charles huitiesme fit son entrée à Florence fort magnifique, mais qui fut pour la pluspart ternie de dueil à cause du deceds de ce Seigneur, lequel le Roy desiroit grandement voir & le tenir en sa compagnie, & duquel il eut plus fait qu'autrefois le Consul Marcel pour l'Ingenieux Archimede. Il fut ensevely au cimetiere de saint Marc en ladite ville, en habit de Iacobin, apres sa mort n'étoit pas reputé habile homme, qui pour témoigner le regret qu'il avoit d'une telle perle, ne mit la main à la plume, pour chanter & publier ses loüanges. Cet eloge de Phenix dont nous avons parlé, nous fera encore dire un mot sur ce sujet, puis qu'il semble avoir tiré de ses cendres ce neveu Jean François Pic, fils du Comte Galeot, lequel avoit encore deux fils, à sçavoir Louys & Frideric. Apres la mort du pere, Jean François comme le plus âgé, s'empara de la Comté, dont survint grande guerre entre luy & son frere Louys, qui fut telle-

ment aventurée, que par deux fois il fut chassé du Comté. La première par son frere Louys, sous l'aide, faveur & secours d'Hercules Duc de Ferrare. Toutesfois apres la mort de Louys il fut remis en ses Estats, moyennant l'appuy du Pape Iules deuxiesme, qui fut l'an mil quatre cens deux, & chassa la femme de Louys, qui estoit bastarde du Seigneur Jean Iacques Triulse & le petit Galeot fils du susdit Louys, qui (comme nous dirons par apres) luy joüa un tres-mauvais tour. Mais ce Comte Jean François ne joüit guere du bon-heur d'un tel reestablisement : car à la journée de Ravenne le Seigneur Triulse rendit à Madame François sa bastarde, la Mirandole, l'an apres la Nativité de nostre Seigneur mil cinq cens douze. Toutesfois les François estans chassés du pays d'Italie par le moyen du Pape Iules & de l'Empereur Maximilian, le Comte Jean François fut remis en ses Estats, & en joüit jusques à l'an mil cinq cens trente trois : auquel temps environ le mois d'Octobre le jeune Galeot son neveu entra secrettement au Chasteau avec quarante soldats seulement, qui tua son On-

134 *Histoire des sçavans Hommes*,
de le Comte Jean François, comme il
estoit à la Messe, & y fit aussi mourir son
fils Albert, & mit en un fond de tour la
Comtesse leanne Caraffe sa femme, avec
un sien fils nommé Paul, & Madame Char-
lotte Vrsine femme de Jean Thomas, fils
dudit Comte Jean François. Cruauté
tres-grande, où la seule convoitise de
commander precipita l'honneur, humani-
té & civilité de ce neveu à l'endroit de
son Oncle propre. Voila quel est le mal-
heur d'ambition, qui aveugle tellement
les hommes, qu'il n'y a devoir de nature
& honnesteté, que n'outrepassent ceux
qui s'en sont laissé saisir, ou crime si de-
testable auquel ils ne se fourrent. Les Hi-
stoires sont pleines d'une infinité d'exem-
ples de ceux, qui se sont prostituez à par-
ricides, empoisonnemens & autres im-
pietez, pour assouvir leur phantaisie am-
bitieuse. Icy nous voyons la perfidie d'un
traistre & ennemy conjuré aux Loix, tant
civiles que naturelles, lequel pour se fai-
re place au Comté de la Mirandole, que
son pere avoit querelé, à tort & à travers,
sans prendre arrest au point de la raison,
charge sur celuy, qui hors un degré tenoit
le rang & lieu de pere. Je sçay bien que

quelques-uns se sont laissé donner par le nez de quelques faux bruits, qui ont esté semez par les partisans de Galeot, qu'on fut contraint de suivre telle voye extraordinaire, parce qu'il avoit fait battre de la fausse monnoye, qui estoit bien vrayement forgée sous les coings de la Seigneurie, mais n'estoit de vray & bon or, & desia en avoit semé beaucoup parmy le pais. Et pour ce que le maistre qui la faisoit, avoit decouvert toute la fourbe, il le fit mourir de cruelle mort. Mais de croire cela, c'est se laisser abuser à credit, & ignorer que la faute en doit estre imputée à la femme de ce Comte, qui, trop curieuse d'enfler ses bouges, se licentia à telle fabrication à l'insceu de son mary. La vertu duquel est tellement entre tous les gens de bien, qu'elle le justifiera de ce crime. Joint qu'il est tenu par les Historiens pour un Prince autant soigneux du profit de ses bons sujets que nul autre de son âge. Dont ce n'est merveilles, car en luy-mesmes, estoit verifié l'axiome de Platon, duquel nous avons parlé cy-dessus, que le plus grand bon-heur, qu'un estat ou une Republique puisse avoir, c'est d'estre commandé par un Seigneur Phi-

136 *Histoire des sçavans Hommes,*
lofophe & amoureux des lettres. Si l'On-
cle en a esté foigneux, luy ne l'a de gue-
re loin fuivy, & il semble que pour cou-
ronner & élever jusqu'au sommet de per-
fection la loüange de Jean Pic, il ait esté
plus que neceffaire que ce fecond Jean
François Pic foit furvenu, lequel a para-
chevé ce qui avoit esté laiffé imparfait
par fon Oncle, ainfi que luy-mefme a té-
moigné au livre qu'il a expreffément con-
faceré à defcrire la vie, faits dits & gētes
de Jean Pic. Et à dire la verité, il y avoit
plufieurs chofes à redire en fes œuvres,
fi elles n'euffent esté reveuës, corrigées
& par maniere de dire de nouveau refa-
çonnées par ce neveu, qui a pris pour
patron & modele ce que fon Oncle avoit
fait, dit ou efcrit, comme auffi ne pou-
voit-il choifir aucun plus propre & plus
commode que celuy-là, qui le pourroit
mettre au rang, qui immortalife les gens
de bien à eternité. Il a efcrit neuf livres
de la prenotion des chofes, trois livres du
fentiment que nous devons avoir de la
mort de Iefus-Chrift & de la noftre,
deux livres de l'eftude de la Philofophie
divine & humaine, de l'imagination du
divin amour, de l'immortalité de l'ame,
des

des elemens, six livres intituléz l'examen de la vanité des superstitions des Gentils, & de la verité de la doctrine Chrestienne; qui est le sommaire de toutes les sectes des Philosophes Academiques & Peripateticiens, où d'une façon fort gentille il fait entre-choquer Aristote contre luy-mesme & contre les axiomes qu'il a donnez, & sur lesquels est fondée la doctrine Aristotelique. A la poësie il a aussi esté fort adonné, mais non point si heureux qu'eut bien souhaité ce bon Seigneur. Toutesfois il a si bien rencontré, qu'on seroit par trop méconnoissant de ne le priser, comme celuy, qui n'a point seulement mis en lumiere de poëmes, mais les a aussi consacrez à la pieté & chasteté, de maniere que ses livres ne retentissent d'autre chose que de sainteté, choses sacrées & divines. D'un point est-il taxé, qu'il ne s'est adonné à une elegance & gaillardise de langage, comme a fait Ciceron, mais a suivy son grand chemin avec un stile assez rude & encore plus mal accommodé. Mais s'il n'y a que cela à redire, je ne vois point qu'on puisse rebrouïer l'excellence qui honoroit ce personnage, lequel (comme l'on dit) ay-
moit beaucoup mieux prendre le cœur &

138 *Histoire des ſçavans Hommes,*
ſubſtance de la matiere, que de ſ'amuſer
à l'écorce nue.







*CHRISTOFLE COLOMB,
GENEVOIS .*



CHRISTOPHE COLOMB,
Genevois.

CHAPITRE XVI.



E proverbe, qui porte que ceux qui promettent des montagnes d'or, font estat de chose, qui ne se peut accomplir, se trouvera eclipsé par la recherche diligente de cet excellent pilote, lequel ayant promis aux Roys d'Angleterre, Portugal & d'Espagne ces montagnes, les montra par effet à celuy qui voulut croire le sage conseil de ce Capitaine Genevois, sur le nom duquel certains ont voulu plus gaillardement que prudemment, & à propos subtiliser, quant faisant raport du pigeon, qui lâché de l'Arche de Noë, apporta certaines nouvelles de la terre, qui estoit découverte de ceux du déluge, avec ce Colomb Genevois, qui porta son vol si loin, qu'il poussa jusques aux terres qui nous estoient cachées & inconnues. Sans entrer au fonds de telles subtilitez, il vaut mieux

que le plus succintement que faire se pourra nous representations sa vie sous son portrait, que j'ay recouvert à Lisbonne en Portugal, avec plusieurs autres, comme j'ay dit ailleurs. Il estoit natif de Cugero, ou (comme quelques-uns dient) d'Albizolo, méchant petit village de la riviere de Gennes aupres de Savonne. Lequel trafiquant en Portugal & passant par le d'étroit de Gibaltar, avoit observé par longue experience, qu'en certain temps de l'année il y avoit quelques vents marins, venant devers le Ponent, qui duroient également, & souffloient, comme tout d'une traite, sans varier plusieurs jours. Et considerant que ces vents ne pouvoient venir d'ailleurs que de la terre, qui les engendroit outre mer : il forma l'idée & imagination de cette terre si profondement en sa teste, qu'enfin il se resolut de la trouver. C'est pourquoy il se presenta (ainsi que raporte M. Urbain Chauveton en son Histoire du nouveau monde, apres Dom Pierre Martyr Milanois) âgé d'environ quarante ans, à la Seigneurie de Gennes, & luy proposa le dessein qu'il avoit fait de passer le d'étroit de Gibaltar, & naviger si avant sur la mer du Ponent, qu'en faisant tout le

tour du monde, il arriveroit enfin aux terres qui produisent l'espissierie. Promit de s'obliger d'accomplir ce voyage moyennant qu'on luy fournit quelques vaisseaux équippez & armez. Telle entreprise sembla fort hardie & merveilleuse, mais de sonder le gué il n'en estoit question. Pour ce sujet il delibera de tenter une autre fortune, il passa en Portugal, où il trouva le Roy Alphonse cinquiesme, empesché à l'entreprise d'Afrique, & navigation d'Orient qu'il dresseoit alors, & le Roy de Castille occupé en la guerre de Grenade, & de là il envoya son frere Barthelemy à Henry septiesme Roy d'Angleterre, lequel, encore qu'il fut fort riche, & n'eut sur les bras aucune guerre, saigna du nez comme les autres, & renvoya Barthelemy comme il estoit allé sans rien obtenir. Ayant manqué de ce costé il commença de traiter de ce negoce avec le Roy de Portugal, qui luy fit un aussi pauvre accueil que l'Anglois & les Genevois. Car pour lors il y avoit l'Evesque de Viseu, un maître Roderic & quelqu'autres, qui se faisoient entédre ne pouvoir ignorer aucune chose de l'art de Cosmographie: ceux-là d'un maintient rebarbatif échafauderent tellement ce pauvre Genevois, affirmans

142 *Histoire des ſçavans Hommes,*
qu'en l'Occident il n'y avoit ny pouvoit
avoir aucun or ny autre richeſſe, comme
aſſeuroit Colomb, qu'il ſe trouva avoir
acquis reputation envers les Genevois
d'une plante-bourde, envers les Anglois
d'un fol, qui appreſtoit à rire aux autres,
envers les Portugais d'un reſveur & hom-
me ſurpris de ſon cerveau. Telles indi-
gnitez ne peurent luy faire perdre cœur,
mais pluſtoſt luy firent faire voile à paly
de Moguer, où il découvrit ſon ſecret à
Jean perez, Cordelier de la Rubida, Coſ-
mographe fort eſtimé, qui luy confeilla de
traitter de cette affaire avec Henry Duc
de Medine Sidonie, & puis avec Louys
Duc de Medine Celi, vers leſquels il ne
gagna pas davantage qu'à Genes, Angle-
terre & Portugal. A raiſon dequoy il ſ'en
alla en Caſtille à la Cour du Roy Ferdi-
nand, & de la Reyne Iſabelle. Commu-
niqua à leurs Majeſtez le projet qu'il avoit
fait, leur remontrant qu'il ne manquoit
que de moyens pour l'executer. D'abord
il ſe trouva bien reculé de ſon conte.
Toutefois apres le ſort commença à don-
ner ſur ſes entrepriſes, & ainſi (par l'in-
terceſſion de la Reyne, & l'entrée que luy
donna Alphonſe Quinte-ville, Treſorier
du Roy envers Dom Pierre Gonſales de

Mendoze , Archevesque de Toledé) Ferdinand apres avoir donné ordre à la guerre de Grenade , qu'il avoit sur les bras, luy accorda sa demande pour aller en ces terres , luy assignant en don la dixiesme partie des rentes & tributs Royaux en toutes les terres qu'il trouveroit & acquerroit. Et parce que le Roy n'avoit pour lors point d'argent pour cette expedition , Louys son Secretaire luy presta dix-sept mil ducats , moyennant lesquels Colomb arma un grand navire & deux caravelles , & y mit six vingts hommes, tant mariniers que soldats. De l'une il fit conducteur Martin Alphonse Pinzon , de l'autre François Vincent & Ænes freres dudit Martin, & luy fut Capitaine & conducteur du grand navire , & mena avec luy Barthelemy son frere. Il partit de Palu un Vendredy troisiésme jour d'Aoust, en l'année mil quatre cens quatre-vingts douze. Si à son entreprise , & pour y attirer quelques-uns à son secours , il eut beaucoup d'affaires , encore en eut-il davantage pendant son voyage , tant à cause de ceux qui l'accompagnoient , lesquels pour la disette de vivres qu'ils apprehendoient , furent sur les termes d'attenter sur sa personne , & apres estre ar-

144 *Histoire des ſçavans Hommes*,
rivez au port deſiré encore ne le peurent
ſouffrir, pour la rigueur qu'il exerçoit à
l'encontre de ceux qui ſe comportoient
mal en leur devoir, ainſi que le diſcours de
cette Histoire le découvrira plus manife-
ſtement. Mais ayant navigué quelques
jours & ne découvrant aucune terre, les
ſoldats commencerent à gromeler, mais
cela n'eſtoit que miel auprès des menaces
& grondemens, dont à bon eſcient ils ſe
mutinerent contre luy, apres avoir flotté
ſur mer encore trente cinq jours. Ce qui
eſtonna grandement ce pauvre Genevois,
qui pour toute monnoye ne leur ſceut of-
frir en payement qu'une priere qu'il leur
fit, d'avoir encore un peu de patience.
Mais le terme fut ſi long, que l'eau douce
commençant à décroître, ils commence-
rent de plus belle à crier, & luy faire en-
tendre qu'il falloit relascher & rebrouſ-
ſer chemin, ou autrement qu'ils le jette-
roient dedans la mer. Ils preſſerent ſi fort
ce pauvre Capitaine, qu'ils leur promit de
retourner en arriere, s'ils ne découvroient
terre dedans trois jours. Le lendemain,
Colomb fit baiffer les voiles, ſe doutant
bien qu'il ne pouvoit eſtre éloigné de la
terre, à cauſe de la fraiſcheur de l'air &
des petites nuées, que l'on voit baſſes &
pres

pres de terre, quant le Soleil se leve. La nuit suivante, qui fut l'onzième de Novembre mil quatre cens quatre-vingts douze, Rhoderic excellent marinier de Leppe, estant monté à la grande hune de l'un des vaisseaux, commença à crier, courage, courage, je vois du feu. Et tout à l'heure Salsede, serviteur de Colomb, repliqua que l'Amiral son maistre avoit desia dit le mesme. De fait deux heures apres minuit auparavant il appella un gentil-homme Espagnol. nommé Escobedo, valet de Chambre d'Espagne, & luy dit qu'il voyoit du feu, & qu'à son avis ils n'estoient pas loin de quelque terre. La premiere qu'ils virent, fut Guanabay, l'une des Isles Lucayes, située entre la Floride & Cuba, où soudain ils prirent possession du nouveau Monde. De là allerent à Baracon port de Cuba, & là prirent quelques Indiens, & retournans arriere en l'Isle de Hayti, jetterent les ancres au port, lequel Colomb fit appeller Royal. Puis promptement sortirent en terre, pour ce que le grand navire avoit heurté contre le Roch & s'ouvrit. Les Indiens furent tellement effroyez, les voyans avec ces armes à feu, qui foudroioient de si loin, que quittans le riva-

146 *Histoire des ſçavans Hommes,*
ge de la mer, ils gagnerent les monta-
gnes. Seulement peut-on attraper vne
femme, à laquelle on donna du pain, vin
& confitures, enſemble une chemiſe &
autres veſtemens. Qui fut cauſe d'attirer
le reſte des habitans du pays, qui, voyans
la courtoisie, dont avoit eſté careſſée cet-
te femme, accoururent tous vers les Ef-
pagnols, avec leſquels ils changerent des
patenoiſtres, verres, cloches & autres tel-
les menuës quinquaiſſeries, avec de l'or,
oyſeaux, pain & autres choſes. Chriſto-
phè Colomb & Goacanagari ou Guaca-
nari, l'un des Caciques de cette terre, ſe
firent par enſemble mille accolades &
des preſens reciproquement. Noſtre Ge-
nevois ne pouvoit voir l'heure de retour
en Eſpagne, pour porter au Roy Catho-
lique de tout ce qu'il avoit veu & fait.
Partant afin d'aſſeurer mieux les affaires
de ce nouveau Pays, il fit du conſente-
ment de ce Cacique, un chateau avec
terre & bois, où il laiffa trente-huit Ef-
pagnols ſous la charge du Capitaine Ro-
deric d'Arma de Cardouë. Le Chateau
parachevé, il prit avec ſoy dix hommes
Indiens, quarante perroquets, pluſieurs
tortuës, connils & divers autres diſ-
ſemblables aux noſtres, qu'il mit dans

les navires avec tout l'or, que ceux du pays avoient donné à contr'eschange de leurs quinquailleries. Puis en cinquante jours il arriva avec bon vent à Paly. Le Roy & la Reyne ayans entendu, qu'il y avoit moyen de conquerir ce pays & en retirer des tresors inestimables, veul la foison d'or qui regorgeoit en des montagnes de ce pays-là, y renvoyèrent une plus puissante armée qu'auparavant, sous la charge de Colomb (auquel ils confirmerent ses privileges en la ville de Barcelonne, le vingt-huitiesme de May en l'an mil quatre cens nonante-trois) avec des gens d'Eglise, artisans, chevaux & vaches, brebis, chèvres, truyes & asnesses, pour en peupler le pais, & partit du port de Calis en tel equipage, le vingt-cinquiesme jour de Septembre, l'an de grace mil quatre cens quatre-vingts treize, avec beaucoup plus grande allegresse, qu'au premier voyage. Mais il fut bien trompé, car il apprit, estant arrivé à l'Isle Hayti, nommée Espagnole, que les trente huit qu'il avoit laissé au fort de cette Isle, sous la charge de Roderic, avoient esté tuez par les habitans du lieu, pour les vexations, concussions & violences qu'ils leur fai-

ſoient tant à leurs biens & corps, qu'à l'honneur & pudicité des femmes. Il n'oſa point toutesfois pour cette heure chaſtier les Indiens, mais il ayma mieux en reſerver à une autre fois la punition. Cependant ayant là mis pied à terre, il bâtit une ville, qu'il nomma Iſabelle, apres cela une forterefſe aux mines de Cibao, d'où l'on tiroit de l'or, pour ſe deffendre contre la violence des Indiens, & laiffa ſon frere, Barthelemy Gouverneur de l'Iſle. Cependant il s'en alla avec trois Caravelles & découvrit le coſté Meridional de l'Iſle de Cuba, l'Iſle Iamaïque & autres. De là il retourna en l'Iſle Eſpagnele, où ayant trouvé un port fort commode, le nomma le port S. Nicolas. Il faiſoit bien eſtat d'exterminer les Caribes, mais ſa maladie l'en retint, & l'émeute qui ſurvint à Iſabelle, à cauſe des insolences, excès & indignitez que les Eſpagnols avoient commis en l'Iſle, dont les Caciques & habitans eſtoient fort mal edifiées. Pour les reduire à ſon amitié il fit mourir tous les Eſpagnols, qui avoient eſté auteurs de tels remuemens. Cette juſtice d'Eſpagnols, & ſur tout de Gaspar Freiz d'Arragon, qu'il fit pendre, piqua tellement les autres, que l'Amiral eſtant

guery n'eut rien de plus hastif, que de faire voile en Espagne, pour se purger & justifier des cas & crimes à luy imposez par ceux qui supportoient ces garnemens: de fait le Roy avoit desia envoyé son Chambellan lean Aguado, afin qu'il envoya en Espagne Colomb comme prisonnier. Il arriva à Medine del Campo, ou estoit la Cour, & apres avoir offert au Roy & à la Reyne ses presens, il donna le procès des Espagnols executez. Qui estoient si bien faits, à chaud & arene, & sa justification, que le Roy le declara absous des cas dont on l'avoit calomnié, & luy arma huit navires, pour aller chercher autre païs, deux desquelles Colomb envoya devant avec vivres & munitions, & avec les autres six il partit de S. Luc de Barrameda, le vingt-huitiesme jour de May, l'an mil quatre cens nonante sept, & prit sa route vers Madere, qui est l'une des sept Isles du Portugais, qu'ils appellent les Affores: & de là envoya trois navires par le droit chemin à l'Isle Espagnole, avec trois cens hommes bannis, & avec les autres trois passa en l'Isle de Cap-Vert, & de là prit sa route vers les Indes fort près de l'Equinoctial. Où estant arrivé, & entrant au Golfe de Paria, il vint mouïller l'an

150 *Histoire des sçavans Hommes,*
vint près de l'Isle de Cubagua, qu'il nom-
ma l'Isle des Perles. Colomb ayant fait
plusieurs entreprises alencontre de ceux
du pays, & nouvelles Isles, fut envié des
Espagnols, de façon que Roldan Xime-
nes grand Potesta ou Juge, ayant receu
lettres de cet Admiral, tendantes à ce
qu'il revint sous son obeissance, n'en tint
aucun compte, mais avec soixante & dix
hommes, liguez ensemble, se mutina, &
laissans Colomb, s'en allerent à Sirague,
& escrivirent infinis maux de luy & de
ses freres au Roy, lequel fut fort déplai-
sant, que les affaires des Indes allaissent
ainsi: & y fut envoyé François de Boual-
dello Chevalier, pour y estre Gouverneur.
Il arriva à l'Isle Espagnole avec vne flote
de quatre caravelles, l'an mil quatre cens
quatre-vingt-dix-neuf, & apres avoir fait
l'inquisition en la ville de S. Dominique,
envoya Christophe Colomb, Barthelemy
& Diego ses freres prisonniers en Espa-
gne avec les fers aux pieds. Où apres
qu'ils furent ouys, le Roy trouva si peu
de fondement aux accusations, qui avoient
esté calomnieusement faites alencontre
d'eux, que connoissant la fidelité de Chri-
stophe, il le renvoya derechef trois ans
apres avec quatre caravelles à chercher

nouveau pays, l'an mil cinq cens & deux, le 9 de May. Revenu qu'il fut en l'Isle Espagnole, & quand il fut près de la riviere Ocana, Nicolas d'Ovanda Gouverneur de l'Isle ne le voulut laisser entrer dans la ville de saint Dominique, dont il fut bien fasché, pource que c'estoit luy qui avoit basti la ville. Et deslors il prit son chemin vers le Ponant, & decouvrit l'Isle de Guanaxo, assez près d'une grande province de la terre ferme, que les habitans naturels du pays appellent Higueras, & les Espagnols le Cap de Honduras. Puis se partit de là, & flottant le long de la coste vers le Levant trouva le pays de Veraga: il mit pied à terre és Isles de Zorobaro, qui ne sont pas fort loin de cette terre ferme, & luy fut bien dit aussi par les habitans de là comme tout ce quartier de Veragua estoit riche en or. A ce rapport il passa outre, costoyant tousiours la coste jusqu'au Golfe d'Vraba, où il descendit en terre, & eut connoissance en quelques endroits de la mer de Midy. De là il retourna à Cuba, puis à Iamaica où il perdit deux Galeres, & avec les autres deux alla trouver des nouvelles terres. mais ce ne fut pas sans avoir auparavant souffert beaucoup de

151 *Histoire des ſçavans Hommes,*
maux & périls : car quelques-uns de ſes
gens devinrent malades, & les Eſpagnols
meſmes luy firent la guerre. Dont les In-
diens ſçavoient bien faire leur profit,
voyans que François de Poraz Capitaine
d'une galere & Diego, frere de Colomb,
avoient pris quelques barques pour tirer
vers l'Isle Eſpagnole. Colomb ſe trouva
ſi à l'eſtroit, que les vivres luy defail-
loient, & il luy eſtoit impoſſible d'en re-
couvrer par eſchange, non plus par prie-
re que par force. Et comme la neceſſi-
té ouvre la porte à toutes inventions, Co-
lomb mande quelques-uns d'un village
voisin, auxquels il donna à entendre, que
ſ'ils ne luy fourniſſoient dequoy vivre,
que Dieu envoyeroit en bref un tel fleau
du Ciel, qu'ils mourroient tous, & en té-
moignage de ce, qu'ils ſ'aſſeuraffent de
voir la Lune toute pleine de ſang, ſ'ils y
vouloient prendre garde. Quand ils vi-
rent la Lune enſanglantée (par l'Eclypſe)
ainſi qu'avoit pronostiqué l'Amiral, ils
luy allerent querir des vivres, & luy en
fournirent autant, comme il en eut be-
ſoin tout le temps qu'il demeura en cette
Isle là, le prians encore avec tout cela de
leur vouloir pardonner, & n'eſtre plus
courroucé contr'eux. Apres tant de poi-

nes & travaux cét expert Pilote fut saisi d'une maladie à Vaglidolit, dont il mourut le huitiesme de May l'an mil cinq cens six. Par son testament il ordonna que son corpe fût porté à Seville au Convent des Moines de la Certosa. A sa loüange a esté composé cét Epitaphe.

*Con l'altrui navi, & col proprio ingegno,
Nuovo mondo trovasti & nuove genti,
Magnanimo Colombo, ove altri venti
Diero à le vele tue di correr segno:*


*Tu quei popoli rozi, al Cielo a sdegno,
Ch' adoravan per Dei fonti correnti,
Alberi carchi, o fior vaghi, & ridenti,
Far riverire il Dio del sacro Regno.*

*Ne contento di ciò, loro insegnasti
L'humane leggi in matrimonio santo,
Et Città con le mura edificasti.
Et però havendo alei giovato tanto,
L'India ti chiama, come meritasti,
Padre: el Giovio ti dà fra gli altri il vanto.*

Il laissa deux fils, Dom-Diego, qui fut marié à Marie de Toledé fille de Dom Ferdinand grand Commandeur de Leon & Dom Ferdinand, qui ne fut point marié,

Dom Ferdinand, qui ne fut point marié, & lequel avoit vne Bibliotheque de plus de douze mil volumes, qui eſt à preſent au Convent de ſaint Dominique de Seville, & fut digne entrepriſe de fils d'un tel pere. Auquel les Eſpagnols veulent oſter l'honneur d'avoir le premier deſcouvert l'Inde Occidentale, & tiennent que ce fut le Pilote Andaluzo, lequel trafiquoit en Canarie & Madere, quand cette longue & perilleuſe navigation luy advint, & mourut en la maiſon de Chriſtophe Colomb auquel les Regiſtres de la Caravelle demurerent, avec la marque & hauteur de ces terres nouvellement trouvées, que par ce moyen Colomb eut la premiere connoiſſance des Indes. Et pour ce qu'il eſtoit bon Latin & ſçavant Coſmographe, que cela luy fit venir l'envie de chercher le païs des Antipodes & la riche Cipango, remarquée par vn Venitien, nommé Marc-Paul: Et auſſi pour avoir leu le Timée & le critias de Platon, où il fait mention d'une fort grande Ile nommée Atlantée, & d'un pays noyé par un deluge d'eaux, qui eſtoit plus grand que l'Asie & l'Afrique tout enſemble. Et auſſi pour avoir leu ce qu'Ariſtote eſcrivant à Theophraste, dit au livre des Merveilles du monde, c'eſt à ſça-


voir que certains Marchands Carthaginois navigeans par delà l'estroit de Gibaltar, vers le Ponent & le Midy, avoient descouvert, apres avoir long-temps floté sur mer, vne grande Isle des-habitée, bien pourveüe toutefois de ce qui est requis à la vie humaine, & arrosée de grands fleuves navigables. Pour clore la bouche à tels envieux je ne daignerois employer autre que ce que Colomb mesmes respondit vn jour en vn festin à plusieurs Espagnols lesquels divins sur la decouverte des Indes, entrerent si avant en propos, que pour les contenter, il se fit apporter vn œuf, & s'adressant à tous, leur dit, qu'il n'y avoit personne de la compagnie qui fit tenir l'œuf debout, comme il le feroit sans l'appuyer. Apres que chacun eut essayé, il prit l'œuf & de l'un des bouts en donne vn coup ou deux sur la table, tellement que l'ayant vn peu cassé l'arresta, & le fit tenir debout.







AMERIC VESPVCE .



A M E R I C V E S P U C E.

CHAPITRE XVII.



LEVEUREUX succès du voyage de Christophe Colomb, qui a esté proposé cy-dessus, réveilla plusieurs Princes à dretier & équiper des navires, pour envoyer aussi bien que le Roy de Castille à la découverte des païs, qui estans inconnus, & sans maistres, (au moins receus & approuvez) sembloient par droit de conqueste, appartenir au premier qui pourroit les empieter. Entr'autres le present discours representera l'expédition, que fit le Roy de Portugal pour découvrir le nouveau monde, n'est pas à croire que bien serré il ne se mordit les doigts, quant il apperceut, que celuy qui s'estoit offert à luy, pour recouvrer ces païs, en acquit une si bonne partie au Roy de Castille, que tout son Royaume regorgeoit en or, perles & autres choses precieuses. Cela fut cause qu'il équipa trois navires, lesquelles sous la charge de

ce Florentin il dépeſcha és contrées, qui avoient ſi à coup enrichy & Ferdinand & ſon Royaume. Je ne m'arreſteray pas à déduire les perils & dangers, à l'écueil deſquels l'orage de la tempeſte les jetta ſi rudement, qu'ainſi que le témoigne Veſpuce meſme, par pluſieurs fois ont eſté prés d'eſtre engouffrez dans la mer, tant à cauſe de l'impetuoſité des vents & pour le peu de gens qui eſtoient en la compagnie, entendus ainſi qu'il appartient au pilotage. Il falloir qu'il guidât, regardât & découvrit tout ſeul, quoy qu'en ſa compagnie il eut des nautonniers tres-experts, mais ils ne pouvoient connoiſtre en quel lieu, degré ou diſtance ils eſtoient, par faute d'eſtre drefſez en la Coſmographie. Ce qui le fit d'autant plus admirer d'un chacun, & meſme de ſes compagnons, qui n'eſtans iuſtruits à telle ſcience reputoient excellent ce pilote Florentin. Le quatorzieſme jour du mois de May, en l'année mil cinq cens un, il partit d'Oliſſipe avec ces trois navires, vint ſurgir au Cap de Verd, & vingt mois navigerent continuellement, & découvrit l'Iſle de Borriquen & Peninſule de la Floride. De là ayant penetré juſqu'au Iſles de S. Iean & de Cuba, s'en alla mouïller l'ancre à

l'Isthme, que l'on appelle vulgairement *Nombre de Dios*, distant de l'Equateur de quelques dix degrez & demy, & ayant rangé la coste jusques à la Province des Caribes, où il demeura deux mois pour attendre les vents propices & costoyant l'Isle de la Trinité, il s'en alla de rechef faire éguade au gouffre, qui est entre les deux grandes rivières Aureillane & celle de Marignan, que vulgairement on appelle la rivière des Amazones, qui est proche le Promontoire des Cannibales, puis renversant les voiles, prit la route droit en la haute Ethiopie. Cela a esté cause que quelques-uns ont estimé qu'il a esté le premier qui a découvert la plus grande partie de l'Amerique. Si bien qu'à ce compte cette quatriesme partie du monde n'aura autre nom qu'à cause du Florentin Americ. Auquel routesfois ne voudrois-je accorder ce que quelques-uns assez mal à propos luy octroyent touchant la découverte de ces païs, & ne prennent pas garde, que deux ans auparavant luy un nommé Vincent Pinzon, Capitaine & Pilote fort expert, vaillant, & encore plus heureux à la marine avoit enfoncé vers les parties Australes, beaucoup plus de huit

cens lieuës de courſe : mais le bon homme n'auoit pas eu la main porpre pour coucher par eſcrit les ſingularités de ſa navigation : Veſpuce a emporté la gloire d'auoir le premier éuenté l'Amerique, parce qu'il à écrit ſon voyage, quoy qu'aſſez lourdement & d'un ſtile groſſier, par ce moyen il n'a pas ſeulement privé Pinzon de l'honneur qu'il meritoit, mais auſſi le Geneuois Colomb, qui a de tels partifans, qu'ils ne permettront qu'à credit noſtre Florentin ſe remplumer des plumes Colombines, qui ne pourroient luy eſtre d'aucune façon propres ny bien ſeantes. Que ſi ſur la deſcouuerte de ces pays il y a eu du grabuge entre les auteurs, encor plus de diſcorde ſ'y trouue-t-il pour la deſcription, figure & forme de l'Amerique. Je me ſouviens auoir touché en ma Coſmographie, de l'erreur de quelques-uns de nos Geographes, qui pour ſeparer l'Amerique de l'Asie ont forgé un deſtroit de mer le plus mal à propos du monde. Mais encore plus je m'eſtonne, qu'Abraham Ortelius en la premiere charte de ſon Theatre de l'Vniuers, ne s'eſt pû donner de garde qu'il ne heurtaſt à l'écueil de cét erreur, puis que ſi amplement j'auois diſcoursu ſur ce fait pour en lever tout

tout le doute qui pourroit rester. Peut-estre que ce bon personnage a mieux aimé suivre l'opinion de Gemma Frisius, Jacques Cassaldi Piémontois, Jean Baptiste Guicciardin & de plusieurs autres graves & excellens personnages, que s'appuyer sur la verité de la chose mesme, laquelle je puis bien assurer, ayant eu cét heur d'avoir pû découvrir de mes yeux ce qu'ils ont appris seulement par le rapport d'autrui. Et encore que je ne vueille en rien ternir l'autorité, qui est due à tels & si rares cerveaux, si oseray-je bien dire (sans me flatter en trop grande opinion de moy-mesmes.) que le témoignage que j'en ay pû donner, est de beaucoup plus grande efficace, que la redite des autres, suivant le dire de nostre Homere François,

Que l'œil qui est témoin est plus sûr que l'oreille.

Bien autre conte a tenu de moy l'Ambassadeur d'Angleterre, qui a eu charge de sçavoir de moy les secrets requis & necessaires pour la navigation du Capitaine Martin Forbisher, Anglois es régions de Vvest & Norvvest, vers nostre Pol Arctique, en l'année mil cinq cens soixante & dix-sept. Auquel, contre l'

162 *Histoire des ſçavans Hommes,*
pinion de pluſieurs autres, je fis entendre
les ſecrets & raretez de ces contrées là,
que ſi plutoſt ils euſſent daigné s'enque-
rir de ce qui en eſtoit, ils n'eueſſent ſi mal
à propos recherché leur deſtroit Septen-
trional, lequel auſſi ces gentils Geogra-
phes ont voulu controuver ſous pretexte
de l'Antarctique, & en ont ſi bien abuſé,
tant ce Capitaine Anglois que pluſieurs
autres, qui ont à la volée entrepris plu-
ſieurs voyages, qu'au peril de leur vie ils
ont hazardé beaucoup de deniers, qui
euſſent eſté mieux ailleurs employez. J'ay
eſté contraint d'uſer de cette digreſſion,
pource que je vois que pluſieurs qui s'e-
ſtiment eſtre des plus habiles, prennent
encore plaſir de ſe laiſſer enſerrer dans
tel ſuppoſé deſtroit. Mais quoy? il ſem-
ble que de gayeté de cœur je ſois entré en
ce propos pour publier mes loüanges. Il
vaut donc mieux que j'apprenne à ceux
qui n'entendent pas bien les eſcritures la
faute qu'ils font de dire, que le Roy d'Eſ-
pagne tient & poſſede la plus grand part
de l'Amerique, tellement qu'outre les
pays, qui ſont ſujets aux Roys Portugaiſ
& François, il s'en faut plus de cinq cens
pars que l'Eſpagnol n'y commande.





FERNAND MAGELLAN
PORTUGALS .



FERNAND MAGELLAN,
Portugais.

CHAPITRE XVIII.



EVX qui ont voulu mettre en contrepoids le devoir d'obéissance & de fidélité, que doit le sujet à son supérieur, avec les règles qui doivent estre observées par ceux, qui estant plus haut élevez que les autres, ont moyen, pouvoir & autorité de commander, ont tres à propos remarqué qu'il y a un mesme point, à l'entour duquel, comme du centre, tous les cercles selon leur proportionnée circonférence doivent estre tournez. Et à cette occasion ont compassé, & limité, au mieux qu'ils ont pû, par leur capacité tout ce qu'ils estimoient estre requis aux uns & aux autres, afin qu'ils peussent s'aquitter de leur charge. Mais ils n'ont sceu arrondir si bien le tour de ce centre, que toujours il n'y ait eu quelque trait donné à la traverse, qui a difformé la perfectiõ d'une telle rondeur. Je pourrois icy employer plusieurs points, lesquels on peut remar-

164 *Histoire des ſçavans Hommes,*
quer en l'adminiſtration politique, ſi je ne
m'ennuyois de trop grande longueur ,
dans laquelle j'aurois tort de m'embaraf-
ſer, puis que ce fondement de la police
civile nous eſt maintenant représenté ,
qui giſt en ces deux Chefs, à ſçavoir de
chaſtier les méchans & dépravez, & à re-
compenſer ceux, qui méritent à cauſe de
leurs vertus d'eſtre reconnus. Je laiſſe-
ray le diſcours des peines , puis que ce
ſujet ne nous y appelle pas, & remarque-
ray en l'exemple de ce Portugais l'advifée
conſideration qu'il eſt beſoin d'avoir aux
recompenſes qu'on fait à ceux qui s'em-
ploient pour la choſe publique. Ce Gen-
til-homme Portugais avoit eſté fort long-
temps Capitaine de quelques navires de
Portugal, tant és guerres des Indes que
contre les Mores en Barbarie. Eſtant de
retour il pria le Roy de luy augmenter
ſes gages de demy ducat par mois, main-
tenant que ſes grands & dangereux tra-
vaux qu'il avoit ſupporté aux longs ſervi-
ces qu'il avoit fait à la Couronne ne pou-
voient moins mériter qu'un tel rehausse-
ment. Le Roy l'éconduiſit d'une telle
requeſte, craignant d'ouvrir la porte aux
ambitieux & importuns demandeurs. De
dire que ce fut la grandeur de la ſomme

qui le fit reculer arriere , ce seroit se tromper foy-mesme à credit , d'autant qu'à tout rompre ç'eut esté affaire à six ducats par an. Mais ce bon Roy consideroit qu'une Cour est pour le plus souvent garnie de plusieurs Sang-suës, tellement que s'il eut accordé la requeste à Magellan il faisoit voye aux autres pour luy en demander davantage. Je sçay bien qu'on me battra de plusieurs Histoires , qui montrent, qu'il y a eu des Princes qui ont spécialement voüé leurs liberalitez à certains mignons, sans que pour cela ils ayent esté contraincts de gratifier de mesme tous ceux qui leur demandoient quelque chose. Mais si l'issuë a esté mal-heureuse (comme c'est la verité) pourquoy n'excusera-t-on ce Roy de Portugal, qui a mieux aymé refuser six ducats d'estat par an à Magellan , que par immenses donations épuiser ses finances , ou bien semer une jalousie entre Magellan & ses autres serviteurs, lesquels il ne voudroit pareillement prevaloir d'amplification de gages. Toutesfois Magellan, sans avoir égard à telles considerations, se forma en son esprit un tel mécontentement, qu'oubliant toute foy, pieté & Religion, il ne cessa , jusques à ce que (entant qu'il

166 *Histoire des ſçavans Hommes* ,
pouvoit) il eut trahy le Roy qui l'avoit
eſſevé, le païs de ſa naiſſance , & hazard-
ant ſa vie à de merveilleux dangers, eut
mis l'eſtat en extreme danger. Et pour
avoir ſa raiſon il prit l'occaſion qui luy
eſtoit preſentée par un ſien amy , nommé
François Serran Portugais , Capitaine du
Roy de Tarenate, qui l'avoit fort ſouvent
prié d'aller en ce païs-là. Partant il de-
libera de recouvrer les Moluques par au-
tre voye que celle du Levant, aux deſpens
du Roy Charles, vers lequel il eut accès
par le moyen de François Ximenes , Car-
dinal & gouverneur de tout le Royau-
me. Il donna à entendre au Roy, que
les Iſles Moluques , ſituées de delà la
Cherſoneſe d'or, appartenoient au parta-
ge du Roy de Caſtille , & qu'Emanuel
Roy de Portugal les uſurpoit à fauſſes en-
ſeignes, & contre l'accord fait entre les
Caſtillans & les Portugais. Et pour im-
primer mieux en l'entendement de Char-
les cette opinion, il mena quant & ſoy
Rodéric Falier, qui faiſoit le grand Coſ-
mographe, & encore du meilleur Aſtrolo-
gue, lequel par demonſtrations represen-
toit au Roy la verité, qu'il diſoit des pro-
poſitions de ſon Magellan, enſemble la
grande commodité qui reuſſiroit de ce

voyage, telle que par cette voye là , l'on pourroit amener des especes & autres marchandises du Levant à moindres frais & avec plus grande seureté, que ne faisoient les Portugais, à cause du grand détour qu'il falloit faire par le Cap de bonne-Esperance. Je n'entreray point icy en preuve pour soustenir le party de ces Roys. Et aussi parce que quand ainsi seroit, que le Roy d'Espagne y auroit le meilleur droit du monde, la cause de Magellan ne seroit pas meilleure, puis que l'intention, qui le poussoit au recouvrement des Isles Moluques, n'estoit point pour affection qu'il eut d'agrandir & illustrer l'estat de Castille, mais de servir du pouvoir & autorité du Roy Charles, pour se venger du tort dont il se sentoit piqué. Doncques pour revenir à Magellan, la fortune le favorisa tant, que Charles, sans estre autrement mal edifié de la revolte de ce Portugais, le fit General de la flotte de cinq navires, qu'à ses despens il fit équiper, avec toute puissance de vie & de mort sur les Capitaines, soldats, pilotes & Matelots. Il fit voile du port de Seville, & du port de S. Lucar de Barra-meda, le dixiesme jour d'Aoust mil cinq cens dix neuf, menant avec soy environ

168 *Histoire des sçavans Hommes,*
deux cens trente sept hommes tant sol-
dats que matelots. Le navire du Capi-
taine s'appelloit la Trinité, les autres Vi-
ctoire, S. Antoine, la Conception & saint
Iacques. Je ne veux pas specifier par le
menu toutes les particularitez de leur dé-
couverte, je me contenteray de remar-
quer quelques singularitez de leur voya-
ge. Et entr'autres les mal-heurs, ennuis
& dangers, où luy & sa compagnie ont
esté reduits par plusieurs fois. Il mit à
telle espreuve les siens, que quelques-
uns d'entr'eux des plus mal-advisez, s'en-
nuyans de souffrir le mal & rage aux
dents, ne murmurèrent pas seulement
aussi à l'encontre de luy, mais aussi ose-
rent conspirer sur sa vie, dont il fut si
transporté de colere, que pour appaiser
leurs seditions, apres qu'ils furent entrez
au port, laissant celui de S. Iulien, il fit
écarteler le Tresorier Louys de Mendoza,
trencher la teste à Gaspard de Casade, &
mettre à terre Jean de Cartagene, avec
un Prestre, pour les faire là mourir de
faim, & les exposer à la mercy & injure
de leurs ennemis, pour toutes leurs ar-
mes ne leur donna que leur épées, & un
petit sac de biscuit. Et par ce moyen il
adoucit fort les autres. Estans partis de
cette


cette rade , ils cinglerent plus auant vers le Su , enuiron trente lieuës , iusques à cinquante deux degrés du Pole Antarctique , & trouuerent enfin l'année mil cinq cens & vingt ce grand destroit , qui (selon Oforius (ne contiendra que vingt lieuës de longueur & (selon les autres) cent & dix lieuës , & enuiron de largeur deux. Il a de hauteur cinquante deux degrés trente minutes de longitude , trois cens & trois degrés nulle minute. Ce fut luy qui le descouurit sur la minuiët , encores que les Capitaines des autres nauires estimassent que c'estoit quelque goulfe , qui n'auoit point d'issuë. Mais il sçauoit bien qu'il y auoit vn destroit fort caché , lequel il auoit veu marqué dans vne Carte marine , qu'auoit fait vn grand Pilote , nommé Martin de Boëme , laquelle estoit dans le Cabinet du Roy de Portugal. Et pour ceste occasion le destroit fut appelé de son nom Magellan. Ayans passé le destroit le vingt huiëtisme de Nouembre en ceste année il fit tourner les proües à main droite , & prit sa route quasi par derriere le Soleil , pour regagner l'Equateur : ils entrèrent dans la mer Paisible descouuerte par Vast Numez de Valboa, où ils navigerent.

rent trois mois & vingt iours , avant que voir terre. Et cependant ſouffrirent grande diſette & neceſſité de viurés & pluſieurs miſeres , qui leur engendrèrent pluſieurs maladies , des enſieures de mâchoires ſi groſſes & cacochimées des mauuaiſes viandes & corrompus breuvages , qu'ils prenoient, que dix-neuf en moururent , & vingt cinq ou trente en furent malades , apres auoir fait en telles miſeres quatre mille lieües en ceſte mer Paſſible. Ayans paſſé l'Equateur , ils rencontrèrent force Iſles , qu'ils appelerent Archipelague de S. Lazare. D'Iſle en Iſle les Eſpagnols gagnerent enfin celle de Zebut , où le Roy Hamabar les reçut fort benignement. A Matan fallut venir au combat , où ce vaillant Capitaine Magellan fut tué d'un coup de fleſche , qu'un Matanois luy tira au viſage , le vingt ſixième iour d'Auril , mil cinq cens vingt & vn , au grand preiudice de la Chreſtienté : car apres ſa' mort , Hamabar , qui s'eſtoit fait baptiſer , ſe revolta & tua Seran , qui auoit eſté ſubrogé à Magellan , avec trente Eſpagnols.





ROBERT GAGVIN .



ROBERT GAGVIN.

CHAPITRE XIX.



I les Italiens, Espagnols, Anglois & autres nations se glorifient de leurs Historiographes, de combien donc la France est-elle redevable à ce bon Pere Robert Gaguin, pour avoir escrit l'Histoire Françoise, jusqu'en l'an mil cinq cens un? Il estoit natif d'un village près d'Arras, son pere & sa mere estoient de basse condition, & lesquels il a nourris long-temps en cette ville de Paris, où ils sont morts & enterrez. Dès son jeune âge il fut rendu Moyne de l'Ordre de la Trinité, que nous appellons Mathurins; & ayant mis tout son esprit aux lettres, il fit en sorte qu'il fut Docteur en decret & droit Canon, au surplus grand Orateur, faisant sa continuelle residence aux Mathurins de Paris, & enfin fut fait & élu Ministre general de son Ordre. Or outre l'Histoire Françoise, il a composé plusieurs livres, entr'autres un à un de ses

amis nommé Arnou Boſtie Angevin, contre pluſieurs articles mis en avant par Vincent de Chateau neuf, un autre livre en Vers de la Conception de la Vierge Marie, un autre en Proſe de la miſerable condition de l'homme. Trois de l'art de Poëſie, des Vers & pluſieurs belles Oraisons, Epiſtres & Epigrammes, en propres termes & conditions Latines. Ce grand Censeur des celebres Eſcrivains Eraſme de Roterodam, familier & intimé amy de Gaguin, en une Epiſtre qu'il luy envoie pour le fait de ſon Hiſtoire de France, & autres labours, l'appelle tres-diſcret Hiſtoriographe, & d'une eloquence non vulgaire, lequel a eſté par Roys envoyé en legation & Ambaſſade en Italie, Angleterre & Allemagne, pour faire ſervice à leurs Majeſtez ; D'avantage Eraſme poſe bien comparer. en pureté de diction Latine, & compoſition d'Hiſtoire, à Saluſte & Tite-Live, qui ont fait & digéré ſi doctement l'Hiſtoire Romaine. Auſſi le Roy Louys douzième qui ſucceda à Charles huitième, deſirant faire revivre les lettres & les ſciences. qui auparavant par la negligence de ſes predeceſſeurs avoient eſté delaiſſées, donna audit Gaguin douze cens eſcus contans

sans l'assigner sur aucun Tresorier, ny autres financiers, pour aller chercher de toutes parts les bons livres és trois langues, le faisant par mesme moyen garde de sa Bibliotheque. Or tout ainsi qu'il avoit la science acquise, & le don de bien dire, aussi avoit-il la crainte de Dieu devant les yeux, & les pauvres en recommandation; de façon qu'il delivroit chacun an plusieurs Chrestiens prisonniers des mains des Infidèles: comme estant tenu de ce faire selon l'institution de leur Ordre, qui commença du temps d'Innocent III. & Othon V. Empereur d'Occident. Il vivoit l'an mil quatre cens nonante quatre, & mourut à Paris au Monastere des Mathurins, où j'ay pris le portrait tel que je vous le represente icy, s'estant luy-mesme fait tirer en deux divers endroits, sçavoir en une tapisserie que m'envoya Maistre Thibaut Mugnier, dernier General desdits Mathurins, au bas de laquelle sont escrits quatre vers en François, qui ressentent fort leur antiquité.

De mon temps l'an soixante & six,

Gautier me fit tel que ie suis.

Mil quatre cens nonante neuf,

Quand à Paris cheut le Pont neuf.

Contre la table du Maître Autel , devant lequel eſt ſa ſepulture , eſt auſſi ſon portrait , & ſur ſa tombe l'Epitaphe en Latin tel qui ſ'enſuit.

*Illuſtris Gallo nituit qui ſplendor in orbe,
Hic ſua Robertus mēbra Gaguinus habet.
Sit tanto non ſeva viro Libithina pepercit,
Quid ſperet docti cætera turba chori ?*

Ce ſiècle ne produiſit point ſeulement cette riche perle ; mais auſſi une infinité d'autres, entre leſquels je choiſiray Iean le Maire & le grand Rodolphe Agricola, qui eſtant natif de Gruningue en Friſe , fût dès ſes premiers ans façonné aux bonnes lettres par les plus excellents Docteurs qui fuſſent en ſon païs. Après il fut envoyé à Louvain, où ſ'avança ſi bien, qu'avant qu'en partir il ſurpaſſa tous ſes compagnons. Mais comme le cœur luy bouïllonnoit après les ſciences, il n'eut pas pluſtoſt ſenti le vent de Theodore Gaze , qui liſoit en Italie, qu'incontinent il fallut qu'il ſ'y acheminât, & par l'eſpace de quelque temps frequenta ſes doctes leçons qu'il faiſoit en Grec , deſquelles il raporta un fruit nompareil. Après qu'il eut ainſi épuisé la connoiſ-

fance des bonnes lettres de toutes parts , par le conseil & advis de Pleminger (homme de grande race, avec lequel il avoit esté familier à Ferrare) il fit retraite en Allemagne en la ville de Heidelberg , où il fut bien receu, & encore mieux recompensé. Le bruit de son erudition avoit esté tellement épandu, que de toutes parts on accouroit à luy, pour avoir resolution des points difficiles, mesme s'il y avoit quelque discord pour quelque mot ou sentence en Grec ou Latin, on le prenoit pour juge souverain & superarbitre. Et quant aux disputes de la quinte essence de la destinée, des causes & autres matieres Philosophiques, c'estoit Rodolphe, qui en pouvoit donner seur & assis jugement. Il estoit aussi réputé le plus sçavant de son siecle au droit Canon & en Theologie. De là vint, qu'il fut en grande reputation en la maison du Comte Palatin, auquel il a dedié son livre intitulé l'Epitome des Histoires. Il a escrit aussi trois livres *de inventione Dialectica*, & a tourné le Psaultier en Hebreu, & de Grec en Latin quelques œuvres de l'Orateur Isocrate. Il estoit grandement amateur de la Musique & Peinture. A la fin commençant à traduire les œuvres de saint

Denis Areopagite il mourut l'an mil quatre cens vingt cinq , & fut enterré aux Cordeliers à Heidelberg. A l'honneur duquel Hermolaus Barbarus homme tres-docte , & pour lors Ambaffadeur vers l'Empereur , luy compoſa cét Epitaphie.

Invida clauſerunt hoc marmore fata Rodulphum

*Agricolam , Friſii ſpemque decuſque ſoli
Scilicet hoc uno meruit Germania quicquid
Laudis habet Latinum , Gracia quicquid
habet.*

Au meſme temps auſſi vivoit le Docteur Jaſon Maynus , qui a tant fait parler de luy, encore que ſon origine fût pauvre , deſhonneſte & illegitime , telle que fut celle de Jean André & Bartole, au raport de Sannegis, & qu'au commencement de ſes eſtudes à Pavie il fit beaucoup de friponneries & débauches ſi grandes , qu'il engageoit juſques à ſes livres , mais dès qu'il pût trouver la veine pour ſe mettre à bien faire, un chacun ſ'eſtonnoit de le voir inopinément converty. A Pavie, Piſe & Padoüe il eut touſiours le premier lieu & la premiere chaire en cas de le-

Étude des loix : esquelles villes il eut publiquement par l'espace de cinquante ans, attirant de toutes parts par sa grace de bien dire & tres-digne sçavoir les plus habiles de toute l'Europe. Et encore que de vive voix il eut assez illustré le droit, toutesfois pour le faciliter davantage, il a publié ses Commentaires sur le Code, Digestes vieil, nouveau & Infortiat ; en apres ses conseils, l'excellence desquels je n'ay delibéré icy examiner, puis que la veüe & lecture d'iceux me peut relever de tels discours, auquel encore j'entre-rais si un chacun n'estoit deuëment adverty que pour son exquis sçavoir il a esté élevé aux honneurs. Il fut Patrice Milanois, Chevalier de l'Ordre & Sénateur du Duc de Milan. De deux choses il est taxé à tort par aucuns. La premiere est qu'il estoit sujet au gain, comme s'il luy eut esté loisible de refuser de Federic & Maximilien Empereurs les presens qu'ils luy firent lors qu'il estoit Ambassadeur vers leurs Majestez par Louys Sforce Duc de Milan. Je veux que l'or qu'on luy reproche fut quadruplé, il estoit trop petit compagnon pour refuser la liberalité de si grands Seigneurs. L'autre qu'il avoit l'avarice, ce qu'il tesmoigna quand

178 *Histoire des ſcavans Hommes,*
un jour le Roy Louys douzième, qui avec
ſes Barons & Chevaliers eſtoit allé enten-
dre la leçon de ce Docteur ; à l'iffuë il luy
demanda pourquoy il ne ſe marioit point :
La raiſon (dit-il) Sire , eſt afin qu'à vo-
ſtre faveur le Pape Iule me donne le Cha-
peau de Cardinal. Mais comme cette taſ-
che eſt, ſelon l'opinion du vulgaire, com-
mune aux gens ſcavans, ce n'eſt pas mer-
veilles s'il en a eſté un peu plus preſſé
qu'il n'eut eſté à ſouhaiter. Apres avoir
fait pluſieurs Ambaſſades vers les Empe-
reurs, Papes, Roys & Princes de la Chre-
ſtienté, & compoſé les Illuſtrations du
Droit dont j'ay parlé ; il mourut à Pavie
âgé de quatre-vingt quatre ans, & fut en-
terré au Temple de ſaint Paul, avec plu-
ſieurs Epitaphes, dont je me contenteray
d'en reciter une, duquel la teneur ſ'en-
ſuit :

*Quis iacet hoc hospes tumulo? Quis? summus
Iason,*

Ille ne Phrixæa vellere dives ovis?

*Clarius hic illo longe eſt. Quis-nā oro? Maynue
Excellens iuris gloria Caſarei.*

Non fuit hoc quiſquam iuris-consultior alter,

*Qui extinctum poſſet riddere ius melius:
Sed tamen hoc vetuit ſummi mens dia parētis,*

*Cæsaribus cupiens usquefavere suis.
Te audiit, ô nimium felix qui iura legentem,
Damnantemque acri plurima indicio,
Nec tamen infelix, tua qui monumenta re-
voluit,*

*Et memori condit te cæta fovetque sinu.
Et quanquam obloqueris plebs invida, solus
Iason*

*Hic legum nodos difficilesque luit
Amborum sic fama omnem vulgata per orbem:
Ille nitens belli laude, sed iste toga.*

Le rapport qui est icy fait, à cause de l'homonymie du nom des deux Iasons, n'est pas impertinent, d'autant que la gloire de l'un & de l'autre est bien recommandable, mais principalement celle de nostre Jurisconsulte, qui encore qu'il n'ait feillonné la mer dans le navire d'Argus, il a neantmoins trouvé des escueils aussi dangereux & destroits aussi effroyables que les Argonautes. De vouloir comparer la toyson d'or avec les trefors qu'a acquis nostre Iason, il y aura autant à dire que du jour à la nuit. Et enfin si nous prenons advis aux moyens que ces deux vail-lans champions ont tenu pour rapporter l'honneur qui luy est deu, il faudra que l'Æsonide Iason cede au Milanois. De ma

180 *Histoires des sçavans Hommes,*
part je ne veux pas nier qu'il n'ait entre-
pris une victoire qui n'estoit pas petite, &
qu'il ne doive estre grâdement privé pour
l'hazard où il se mit quand il fallut com-
battre & toucher sur les bœufs d'Aëtes :
mais cela ne fût que pour un coup. Et si
il fût contraint user des illegitimes char-
mes de l'enchanterelle Medée : Nostre
Milannois a virilement soustenu le com-
bat par l'espace de cinquante ans, ayant
toujours la teste levée, puis que par bons
& honestes movens il marchoit toujours
en bataille. On dit mesme de luy qu'il
estoit tellement consciencieux, qu'à ceux
qui luy venoient requerir conseil apres
qu'il avoit receu l'honnesteté qu'il rece-
voit d'eux, il leur promettoit de le leur
rendre, s'il advenoit qu'ils fussent en fin
de cause condamnez. Et pleurt à Dieu
que ceux qui l'ont suivy se fussent formez
à son modelle, sans se licentier tellement
à la pinse, que d'estoc ou de taille, à tort
ou à droit, il faut qu'ils en tirent plumes
ou ailles. Je lairray les gaufferies, dont
certains ont accoustumé de faire allusion
sur le nom de lafon, comme s'il avoit esté
ainsi appelé par moquerie, d'autant qu'il
estoit un jaseur, elles sont trop absurdes
pour m'y arrester. L'ayme mieux faire un

faut vers Jean le Maire, qui estoit grand
compagnon & amy de Robert Gaguin,
Chroniqueur avec Gaguin, duquel aussi
il fait mention en plusieurs passages de
ses Oeuvres. Quand à Jean le Maire il
estoit Chroniqueur de la Reyne & amy de
Gaguin: ce personnage ne s'est amusé à
amasser de gros & grands livres, mais par
ce peu qu'il a fait, il a bien montré qu'il
avoit du sang aux ongles, & a peut-estre
plus remué qu'un tas de broüilleurs: le
n'entreray au discours qu'il a fait de l'il-
lustration de la France, estimant n'estre
trop seant à moy qui suis François, de
louier un qui auroit loué ma patrie; le
pourrois sembler estre flateur, & aussi la
lecture de ses escrits, manifestera assez ce
que je pourrois en dire. Entr'autres cho-
ses on remarque en luy, qu'il estoit un peu
Satyrique & piquant à merveilles. De ce
font foy plusieurs de ses œuvres, & spe-
cialement la legende des Venitiens. Là
il les chatouille de telle façon, que si je
n'avois leu ce qu'il en a escrit, je n'ose-
rois croire ce qu'il en raconte. Et au
traité qu'il a fait de la difference des
schismes & des Conciles de l'Eglise,
& de la prééminence des Conciles de
l'Eglise Gallicane, il ne faut demander


182 *Histoire des ſçavans Hommes*,
comment il déchiffre le Pape lule ſecond,
lequel il fait autheur des diſſenſions &
diſcords qui ſont entre les Princes Chre-
ſtiens. Parmy ces ronces le Lecteur pru-
dent & ſage, ſ'il veut prendre advis, pour-
ra cueillir des Histoires fort remarqua-
bles touchant la ſource, progrès admini-
ſtration & maintien de la Republique de
Venife. En apres qu'elle eſt la dignité
des Conciles & pluſieurs autres ſingulari-
tez qui ne ſont à mépriſer. Car quoy
que par fois il faſſe des fallies, il n'eſt
pas trop difficile à remarquer ce qui peut
avoir eſté dit d'animofité, & retenir ce
qui eſt de bon & excellent: Et quoy qu'au-
cuns ayent voulu parler, ſi on veut atten-
tivement conſiderer les diſcours de ce
Mair, on trouverra peu de choſe advenuës
en la Chreſtienté juſques en ſon temps,
qu'il n'ait touchée.







*GEORGE D'AMBOESE, CAR-
DINAL, et Archeuesq; de Rouen*



GEORGE D'AMBOISE, CARDI-
nal & Archevesque de Roüen.

CHAPITRE XX.



ARCE qu'au Chapitre du Sei-
gneur de Chaumont cy-dessus,
n'ay peu que bien legerement
ouvrir propos de la maison
d'Amboise, presentement avant qu'en-
trer en la lice des faits, dits & gestes de
ce Cardinal, j'en toucheray un mot, de
peur que je ne semble vouloir cacher, ou
ensevelir au cercueil d'oubly la memoire
Illustre des Seigneurs, qui ont pris source
de ce tige genereux. Je ne veux pas
monter jusques à Anicien, qui fut fait
Seigneur d'Amboise par Maxime, encore
moins m'arrester à Geldouin, quoy que
de luy on puisse degré par degré tirer la
suite des Seigneurs d'Amboise jusques à
Pierre d'Amboise I I. du nom, pere de
celuy auquel est destiné cét Eloge. Telle
recherche seroit d'une longue chasse.
Pour briéveté je suis contant de passer le-
gerement sur ceux qui sont descendus du

Danois Geldouin, & n'eſcheler point plus haut qu'à Pierre d'Amboiſe ſecond, lequel fut fort en grace avec le Roy Louys XI. meſme alors qu'il fut Dauphin le ſuivit & courut ſa fortune lors qu'il s'enfuit. Il eſpouſa Anne de Bueil ſœur de Jean Comte de Sancerre Admiral de France. De la part d'iceluy Louys il fut député en Italie, pour accorder certains differens qui eſtoient entre le Pape & certains Princes d'Italie. Retourné en France il fut Conſeiller Chambellan ordinaire du Roy, & eut pluſieurs autres honorables charges ; acquit pluſieurs grands biens, car mourant il eſtoit Comte de Sagonne, Baron de Meillan, de Charenton, Sieur de Buſſy, de Jainville, des Bordes Guenand, du Blanc en Berry, de Prully & pluſieurs autres Seigneuries. De cette Dame Anne il eut neuf enfans mâles & huit filles, à ſçavoir Charles l'aiſné qui fut Chevalier de l'Ordre de S. Michel, gouverneur & Lieutenant pour ſa Majeſté en l'Iſle de France, & depuis de Champagne, Brie, Sens & Langres. Louys d'Amboiſe, qui fut Evesque d'Alby, grand Preſident, Lieutenant pour le Roy és païs de Languedoc, Comté de Rouſſillon, Bordelois & Guyenne. Jean d'Amboiſe, qui fut

fut Evêque & Duc de Langres, Pair de France & Lieutenant pour sa Majesté en Bourgogne. Emery d'Amboise, qui fut grand Prieur de France, & depuis grand Maître de Rhodes. Pierre qui fut Evêque de Poitiers. Jacques qui fut Evêque de Clermont & Abbé de Cluny. Jean qui fut Seigneur de Bussy. Huet ou Huguet Seigneur d'Aubejoux, & nostre Cardinal; les sœurs duquel furent mariées aux maisons de Genly, Chaferon, Mortemer, Clermont, Lodeve & Boisy: les autres furent Abbeses de S. Menoul, de Charenton & de Poissy. Or pour donner encor plus de lustre à cette genealogie, il faut plus distinctement esplucher quelques branches. Charles d'Amboise aîné de la maison espousa Dame Catherine de Chauigny, dont il eut plusieurs enfans, à sçavoir François, qui quitta son aînesse pour six mil livres de rente, avec la maison de Vandœuvre. Charles II. qui est le Seigneur de Chaumont, duquel nous avons desja parlé. Le troisième fut Guy, sieur de Ravel, qui épousa Madame Catherine Dauphine, dont il n'eut que deux filles, l'une nommée François, l'autre Anthoinette, qui fut mariée au pere de s^r Messieurs N. de la Ro-

186 *Histoire des sçavans Hommes*,
che-Foucalt fleur de Barbesieux Cheva-
lier des deux Ordres du Roy, duquel nous
avons ouvert propos ailleurs. Quant à
Iean fleur de Buffy, fils de Pierre d'Amboi-
se, il espousa Madame Catherine de S.
Belin, de laquelle il eut plusieurs enfans
& filles, n'y en eut qu'un, qui fut marié,
nommé Iacques, lequel espousa sa cousine
Françoise, fille de Guy. Ne reste à parler
que d'Huet, septiesme de ce nom en la fa-
mille d'Amboise, lequel fut Cheualier de
l'Ordre du Roy, Capitaine des cent Gen-
tils-hommes de sa maison, Capitaine de
Aiguemortes, de Pezenas & Seneschal de
Beucaire & du Comté de Roussillon: le-
quel espousa Magdelaine, fille de Messire
Iean d'Armaignac, Comte de Commin-
ges & de Marguerite de Saluces. Et mou-
rant à la bataille de Pavie fut enseuely aux
Cordeliers d'Amboise, avec son neveu
Georges, laissant de sa femme trois en-
fans mâles & trois filles, à sçavoir Geor-
ge qui mourut jeune sans estre marié,
Iacques qui demeura heritier survivant
ses freres. Hue, qui mourut aussi sans estre
marié, Barbe mariée à Monsieur le Mar-
quis de la Chambre, Magdelaine mariée
au Comte de Quellus, Ieanne Prieure de
Proulle. Ce Iacques qui, comme nous

avons dit demeura heritier,, Chef du nom & des armes de la maison d Aubejoux en Auvergne, Baron de Castelnau, de Bonnesons, de la Bastide, Montfort, de Graullet & autres places en Albigeois, Gascogne & Armagnac ; eut charge de Colonel de mil hommes de pied, en laquelle il mourut à Marseille l'an quinze cens trente cinq. Laisant de Madame Hyppolite de Chambez sa femme ces enfans, à sçavoir François qui mourut sans estre marié, & est enterré à saint Severin de Paris, Louys, qui fut posthume & nâquit apres sa mort. Anne mariée au Baron d'Ambres. Ieanne Religieuse à Fargue d'Alby. Marguerite Religieuse & éléuë de Proulle. Louys d'Amboise Comte d'Aubejoux, seul heritier d'iceluy Iacques, lequel a esté nourry enfant d'honneur des Roys François & Henry , duquel, pour ne sembler le flatter j'ayme mieux me taire. Sçauriez-vous souhaiter de plus beau témoignage que l'Ordre du saint Esprit , duquel sa Majesté a voulu l'honorer, le retenant pour Conseiller en son Conseil d'Estat & privé. De feu Madame Blanche de Levis, focur de Monsieur le Duc de Ventadour, sa premiere femme il a eu plusieurs enfans, dont les uns sont morts, il n'est resté.

que George & Jacques, gentils-hommes de la Chambre du Roy François, dediez à eſtre Chevaliers de Malthe. Louyſe non encore mariée, en laquelle nature ſemble s'eſtre pleu, pour les grandes perfections qu'elle poſſedoit. Mais en quelle prolixité nous a transporté ce recueil & abrégé de la genealogie d'Amboiſe: maintenant il eſt temps de nous adreſſer à notre Cardinal; ſujet ſi beau, que ſi je voulois laſcher ma plume je groſſirois bien d'avantage cét Eloge, d'autant que ſi la proſperité à rý ſur ceux qui luy atouchoient, elle s'eſt ſi à propos venu repoſer ſur ſon Chef, que, & les Hiſtoires ne pourront m'en dementir, paiſiblement il poſſedoit l'oreille de nos Roys. De telle ſorte, qu'il y a quelques auteurs, qui font mine de luy improperer le trop grand credit qu'il avoit près du Roy Louys douzième. Que s'ils faiſoient un détail des graces & perfections que Dieu avoit départy à ce perſonnage, ils ſeroient fort abrutis, s'ils ne reconnoiſſoient que le Roy eut eſté mal-advifé, de ne porter faveur à celui, qui avoit une adreſſe & gentilleſſe d'eſprit admirable, une hardieſſe & magnanimité incroyable, & une prudence encore plus neceſſaire aux urgentes neceſſitez

du Royaume. Ces considerations inciterent le Roy Louys à l'establiir pour son Lieutenant de là les monts, pour tenir en bride ceux qui vouloient s'écarter de l'obeïssance qu'ils devoient à sa Majesté. Dieu sçait avec quelle vigilance ce magnanime Cardinal prévint les complots adversaires, & si ce ne fut pas par son moyen que les affaires reussirent au gré du Roy : mais il y a bien plus, d'autant qu'outre l'autorité, laquelle le Cardinal s'estoit par sa grande suffisance acquis entre les estrangers, il avoit couru mesme fortune avec Louys, lors qu'il n'estoit que Dauphin, & s'estoit exposé à une infinité de dangers, qui n'avoient pû le destourner de la loyauté qu'il avoit promis & jurée à son Prince. Puis qu'à l'esppreuve il avoit connu sa fidelité au temps mesme que la fortune luy sembloit estre à rebours, ne faisoit-il pas bien de remettre la guide de ses affaires entre les mains d'un si signalé Seigneur, l'avancer & luy porter toute la faveur, que pourroit un sujet esperer de son Prince ? De ma part j'estime, que si Dieu eut permis que sa vie eut esté de plus longue durée, que les broüillis, tintamarres & remuëmens qui survinrent sur l'E-

ſtat François du Royaume de Naples ,
Duché de Milan , terres & Seigneurie
d'outre les monts , où commandoit ce
Seigneur d'Amboiſe en qualité de Lieu-
tenant general du Roy , n'euffent fait le
piteux & deſolé deluge , que depuis les
François ont ſenty. Mais comment eut
peu le Roy ne le glorifier & honorer de
ſes faveurs , ceux qui luy eſtoient les moins
affectionnez eſtoient contraints , ravis de
ſes merites , luy deſerer tous les honneurs ,
ſuffiſans pour recommander la dignité
d'un Seigneur ? Le Pape ne voulut laiſſer
partir Ceſar Borgia Cardinal , puis Duc
de Valentinoiſ , dépeſché expreſſement
en l'an quatorze cens quatre-vingt dix
neuf , pour porter la Bulle confirmative
du divorce du Roy Louys douzième , que
par meſme moyen il ne luy envoya le
Chapeau de Cardinal : & l'année ſuivan-
te l'honora de la Legation du Royaume de
France pour dix-huit mois. Charge , qui ,
comme eſtoit nouvelle , auſſi eſtoit de
tres-grande requeſte , & n'eſtoit pas beau-
coup agreable au Pape , qui par ce moyen
retranchoit pluſieurs emolumens & pro-
fits de la Cour Romaine. En France il
eſtoit tellement reſpecté , qu'il n'y avoit
grand ou petit , qui ne ſe reputa à grand

bon-heur de s'arrester à ces sages & prudents conseils, s'il y avoit quelque émeute ou mauvais ménage, il estoit celuy qui y mettoit la paix, ce que nous pouvons justifier par la mutinerie qui s'éleva en l'Université de Paris, lors qu'en l'année 1498. le Roy se proposa de reformer l'Université de Paris, & luy retrancher ses Privileges. Le Recteur & luez de l'Université firent intermission des Lectures, de sorte que le jour de la Feste Dieu il ne se trouva aucun Predicateur qui osa monter en Chaire, de peur de contrevenir à l'inhibition qu'avoit fait le Recteur. Sur ces entre-faites il entra à Paris Guy de Rochefort Chancelier de France, duquel les Escolliers tinrent si peu de conte, pour le tenir soupçonné d'avoir tenu la main à ce retranchement de privileges, qu'ils firent voler des libels diffamatoires & injurieux contre luy, mesme un jour on trouva à la porte de ce Chancelier un placart, dans lequel estoit peint un cœur transpercé de plusieurs dagues & poignards. Au dessous estoit escrit, si l'on t'eut trouvé on t'en eut fait autant. Qui fut cause que le Prevost de Paris à main armée y voulut remedier, mais il ne perdit que ses peines, & eut esté la sedition plus grande, si ce digne Car-

192 *Histoire des Seigneurs Hommes,*
dinal ne se fut jetté à la traverse, lequel
appaîsa tellement le Roy & remit en estre
l'union de l'Université, que l'on recom-
mença mieux que jamais l'exercice. La
Cité & Eglise de Rouën ne peuvent,
qu'elles ne reconnoissent que le principal
de leur lustre a esté moyenné par ce Car-
dinal, lequel d'Archevesque de Narbon-
ne qu'il estoit, fut appelé à l'Archevesché
de Rouën, apres le deceds de Robert de
Croismar. On sçait combien de beaux
edifices font encore aujourd'huy sur pied,
lesquels il a construit & remis en nature.
Je ne celebreray point son Gaillon, d'au-
tant qu'il y a peu de gens qui ne soient
abbrenvez du singulier plaisir qu'il pre-
noit à l'embellir. Ce fut par les prieres
de cét Archevesque que le Roy Louys
douziesme erigea le Parlement de Nor-
mandie à Rouën, au mois d'Octobre l'an
1499; comme ainsi soit qu'au paravant les
causes s'y decidoient par Eschiquier, ainsi
que maintenant à Alençon les causes d'a-
pel & de doleance trois fois l'an seule-
ment, comme qui y eut tenu les grands
jours, & suivant l'ancienne façon que les
Roys de France avoient de tenir le Par-
lement, à l'exemple desquels on tient que
Raoul, Duc de Normandie & grand justi-
cier,

cier, avoit estably cette forme d'oüir les causes de ses sujets. Mais la Cour de ses grands jours se tenant si peu souvent, & que les procès ne sont que par trop frequens en Normandie, & que partant l'Eschiquier ne pouvoit fournir à vuider les causes, le Roy sollicité par ce Cardinaly establit un Parlement sedentaire & perpetuel, composé de quatre Presidens, vingt-huit Conseillers, treize Clercs & quinze laïcs : deux Greffiers civil & criminel, les Secretaires de la Cour, six Huissiers & un Audiencier, avec les gens du Roy deux Advocats & Procureur general. Jamais ne seroit fait si par le menu je voulois particulariser tout ce qui rend recommandable ce Cardinal. Outre les excellentes marques que nous avons de sa dignité, estenduë tant par ce Royaume qu'és contrées estrangeres, on n'a que trop à decouvert apperceu apres sa mort, quel Thresor c'estoit à ce Royaume d'avoir un tel personnage, qui de son naturel estoit consommé aux affaires. La mort neantmoins le ravit aux François l'an 1509, au grand regret de ceux qui ayment la vertu, & sur tout de ceux qui luy appartiennent, lesquels comme vous avez veu ont esté voïez au profit du public & servi-

ce de cette couronne. Entre iceux je ne puis aſſez priſer la pitié de cette vertueuſe Dame, Madame de Barbezieux, par le moyen de laquelle j'ay eſté ſecouru, tant des portraits de ce Cardinal & du ſieur de Chaumont ſon neveu, que de beaux memoires concernans leurs vies. Sur la fin de cette Hiſtoire je ſuis cōtraint de m'arreſter pour oïr les plaintes de ceux, qui veulent controler les deſſeins & exploits de ce perſonnage. Ils font bien de luy abayer apres ſa mort, durant ſa vie n'eufſent peut-eſtre oſé le regarder en face, pour éplucher toutes les particularitez de ſa vie. Je ne m'amuſeray pas à rembarquer toutes leurs objections, la pluſpart deſquelles ſont ſi frivoles, que j'ay moy-mefme honte d'avoir perdu le temps à les oïr. La principale reproche qu'ils luy font peut-eſtre reduite à deux Chefs. Le premier eſt, de ce qu'il a employé verd & ſec pour arpentier à la Papauté. Pour preuve employent pluſieurs menées, qui ont à cét effet eſté faites, ſur tout qu'apres la mort du Pape Alexandre le Duc de Valentinoiſ promit à certains qui faiſoient pour ce Cardinal, de faire en ſorte que la pluſpart des Cardinaux Eſpagnols dōneroient leur voix au Cardinal d'Amboiſe :

que plein de cette esperance, avec l'autorité, les deniers & les forces du Roy, estoit allé à Rome, menant avec soy le Cardinal d'Arragon, le Cardinal Ascaigne. Je pourrois nier le fait, & pallier les pratiques qu'on menoit sous-main pour ce Seigneur d'Amboise, & dresser estat des inconveniens, traverses & empeschemens qu'on luy pouvoit donner, qu'il pouvoit assez bien éventer. Je veux qu'il ait aspiré à estre Pape, & que les forces Françoises ayent outrepaslé Nepi & Isle, seroit-il à blasmer d'avoir pretendu à une charge si digne ? Ce qu'il en faisoit ne têdoit qu'au bien de la République Chrestienne, laquelle il desiroit faire, aussi bien que nostre France, participer des graces qui luy estoient distribuées. Je me suis laissé dire à quelques moynes Mendians, qui vivoient de son temps, qu'il reforma plusieurs de leurs Convents, de telle sorte qu'il attrapoit les rentes qu'ils avoient, les annexoit aux Eveschez & Abbayes, alleguant qu'ils ne devoient rien posseder, mais devoient porter la besaïe, encore qu'ils en jouïssent du tēps de leurs premiers fondateurs & instituteurs de leurs ordres. Il reforma les Cordeliers de Rouē, où il y a un Convent, l'un des beaux & ri-

196 *Histoire des ſçavans Hommes*,
ches de France, auquel on eut pû trouver
une douzaine de Docteurs, les effigies d'i-
ceux nous le témoignent, telles qu'on les
voit en leurs Convents, avec le bonnet
Doctoral qu'on leur fait porter à Lyon,
Poitiers, Tours & Orleans, & plus de
deux cens autres. Il ſe voit encore au
Convent de Paris au milieu du Chapitre,
une pierre contre laquelle ſont eſcrits ces
mots ;

*Anno Domini millefimo quingentefimo ſe-
cundo, adveniens Reverendiſſimus Magiſter
Ægidius Delphin, ordinis minorum Mini-
ſter quadrageſimus hunc toto orbe famatiſſi-
mum Conventum Pariſienſem, favore &
auxilio Chriſtianiſſimi Ludovici duodecim
Francorum Regis, atque digniſſimi Senatus
Pariſienſis, & Reverendiſſimi Domini Lega-
ti de Ambaſia, reſormavit, & reſormatis per-
petuo regendum reliquit: primum Gardianum
inſtituens Magiſtrum Iacobum Duitry de
Bleſis : quæ omnia auctoritate Apoſtolica, &
per capitulum generaliſſimum Roma celebra-
tum & Reverendiſſimum patrem Reginal-
dum de Cotignola modernum generalem ordi-
nis, patentibus litteris fratri Bonifacio mini-
ſtro Francia conceſſis, approbata & confirmata
poſtremo fuere. 2. Auguſti.*

Il y avoit un autre Cardinal du mesme temps nommé Pierre de Luxembourg, Evêque du Mans, qui voulut user de mesme rigueur à l'encontre des Mendians, sur lesquels il pensoit commander. Mais il trouva les facultez qui s'opposèrent pour raison des degrez de Bachelerie & Doctorat, qui gagnerent leur cause contre luy ; de sorte qu'il fut contraint de s'attaquer aux Abbayes de l'Ordre de S. Benoist, quelques-unes desquelles furent plumées, entr'autres celle de S. Vincent du Mans, laquelle il ébranla si bien, que les Moynes luy accorderent quelques sept ou huit mil livres de rente, ainsi que j'ay appris de l'Abbé du lieu. A l'exemple de ces Messieurs aujourd'huy nous voyons plusieurs Abbez, qui s'émancipent à tenir le ratelier si haut à leurs Moynes, qu'ils leur retranchent leur principal pour en remplir leurs bourses, & le tout sous le manteau, que la trop grande abondance de biens pourroient les faire sortir hors des bornes de leur regle. De ma part j'estime que ce qu'en faisoit nostre Cardinal tendoit à bonne fin. Et qu'ainsi ne soit, on sçait qu'il estoit trop affectionné au public, & principalement aux gens lettrez, qui estoient en tres-grand nom-


198 *Histoire des ſçavans Hommes,*
bre dans les Convents. Que s'il eut dé-
chargé trop rudement le barreau de refor-
mation ſur les Mendians, il ſçavoit bien,
que c'eſtoit le vray moyen de les eſcarter
de l'union de l'Egliſe Romaine. Si bien
qu'au lieu qu'ils luy ſervoient de chante-
relles & trompettes, il en eut fait, ou des
heretiques, ou de leurs partifans & ſup-
pos. Ce n'eſtoit donc à luy, à qui falloir
que s'oppoſaſſent les Facultez des Vniver-
ſitez, pour maintenir les degrez de Do-
ctorat, Bachelerie & autres entre les Men-
dians : s'il eut veu qu'aucun ſe fut eſſayé
de les abbattre, il eut expoſé ſa propre
vie pour les redreſſer.







*BAPTISTE MANTOVAN
CARME, ITALIEN .*



BAPTISTE MANTOVAN,
Carme Italien.

CHAPITRE XXI.



L n'est point question en ce lieu de confirmer l'ancienne & commune sentence, que les Orateurs avec grand labeur & exercice assidu obtienne l'honneur de bien haranguer & coucher par escrit; mais au contraire les Poëtes sont de nature nez à la Poësie, laquelle autrement ne seroit pas possible à l'homme de pouvoir par labeur quelconque obtenir. Cela se voit & pratique ordinairement par experience: Car si un homme est d'un naturel prompt, aigu, & imaginatif, il ne faut douter que la divine Poësie plus qu'à un autre ne luy soit familiere. Combien voyons-nous de personnes qui se travailleront l'esprit pour composer quelques Vers, & neantmoins les feront si mal, que l'on leur peut accommoder le Proverbe, *Nè invita Minerva?* Au contraire il s'en trouve certains, qui sans

200 *Histoire des ſavans Hommes*,
peine, eſtude ou premeditation aucune ſe-
ſentiront propres & nez à la Poëſie. Tel
fut Ovide.

*Pouſſé d'un ſeul inſtinct de la mere na-
ture,
Je redais mes propos à certaine meſure.*

Autres infinis ſe ſont trouués ſaiſis de telle
Apolline fureur, ne trouuans rien à leur
gré que ce, qui reſſentoit vne douce ar-
monie de ſons & meſures. En voulons
nous chercher vn plus preſent & notoire
exemple que de ce Poëte Italien & Reli-
gieux harpeur Baptiſte Mantouan, duquel
j'ay bien voulu repreſenter le portait, tel
qu'un mien amy me donna eſtant à la ville
de Mantouë, quatre ans auparauant la
mort du Pape Paul troiſieſme. Que ſi
on conſidere ſa vocation, qui eſt Reli-
gieuſe, on confeſſera de premiere en-
trée que mal à propos il prenoit autre
ſujet à traiter que les lettres ſacrées, &
pour neant ſ'amuſoit à la douceur de la
Poëſie, laquelle (ſelon l'opinion d'au-
cuns) ſemble diſſemblable & meſſeante
à telle profeſſion. Quoy donc ? ſeroit-
il poſſible tellement dominer ſur ſon na-
turel, vaincre & ranger ſon eſprit, qu'il

ne soit aucunement plus enclin à un art & science que à l'autre ? Voudroit-on contrarier au cours de nature , laquelle quiconques suit ne peut aucunement faillir ? Je puis asseurer que nostre Poète Carmelitan , suivant les traits & instinct de son esprit, enclin à la Poësie , ne s'est aussi éloigné de la pure verité. Car appliquant seulement sa versification à l'ornement & exposition des choses saintes, a meritè ensemblement le titre de Poète parfait & bien consommé Theologien. Que si contant d'une seule science il se fut totalement adonné à icelle , comme pour exemple si seulement il se fut adonné aux Vers , qui sembloient le favoriser dès sa nativité, c'est sans doute qu'il n'y eut jamais aucun digne d'estre comparé à luy, & eut meritè le premier degré entre les Poètes excellens. Mais il luy advint , suivant le commun Proverbe, que pendant qu'il chassoit à deux lièvres, tous deux luy échapperent, & que qui trop embrasse mal estraint, d'autant que,

Si nostre esprit s'applique à double intention ,

La memoire s'épanche, & la perfection.

Il vaudroit donc mieux ſuivre le proverbe veritable, *Spartam invenisti, hanc orna*, & ne s'amuser point à tant de varietez, qui n'engendrent point tant un mélange qu'une confuſion. Es-tu donc né à la Poëſie, fais tant que tu demeure parfait en cét art. As-tu entrepris la Theologie ? laiſſe tous les autres arts ? qui te pourroient empeſcher d'atteindre le ſeſte d'une ſi ſacrée ſcience. Es-tu appellé aux armes ? tu perdrois tes peines ſi tu voulois te rendre ſedentaire & reclus dans une eſtude & philoſopher, d'autant que la guerre giſt en fait & main-miſe, & non point en Idées ou contemplations. Pour revenir donc à noſtre Mantolian, je veux dire qu'il eſtoit d'un eſprit ſi actif & viſ, que ne ſe pouvant arreſter à une ſcience, il a voulu, à l'exemple des éven-tez, apprendre de toutes choſes quelque peu & du tout rien, eſtant tombé en une ſaiſon de temps, auquel les Poètes mediocres n'eſtoient gueres bien venus & receus. Point qu'ayant entrepris de mettre par eſcrit la vie & faits victorieux de ce belliqueux Eſpagnol Conſalve, ſurnommé le Grand qui avoit conquis les Royaumes de Sicile & de Naples, encore qu'il eut en ce ſien ſujet ſurpaſſé un nom-

mé Cantaliene Poëte furieux & ignorant, & par ce moyen obtenu quelque reputation, honneur & profit du Capitaine liberal & amateur de vertu, si est-ce pourtant qu'un autre Poëte appelé Pelerus Gramma luy fit incontinent diminuer cette gloire acquise, publiant un Panegyrique du susdit Consalve sur le mesme argument de ses vertus, lequel selon le jugement de Pontanus & Ætius Syncerus, Poëtes & Philosophes excellens & Juges competans, fut estimé surpasser celuy du Poëte Carmelitan. Quoy qu'il en soit, nostre Baptiste semble avoir beaucoup fait en ce que nettoyant la source Andive & repurgeant la fontaine, laquelle par l'espace de quinze siecles, apres avoir esté laissée par le Poëte Virgile Mantoüan, estoit demeurée embourbée & tarie, il a donné courage à plusieurs autres bons esprits, qui en ont beu suffisamment & célébré le territoire Mantoüan. Il mourut âgé d'environ quatre-vingts ans, l'an mil cinq cens seize, en son Monastere des Carmes à Mantouë, auquel, comme à un personnage digne d'honneur & memoire eternelle, ceux de son Ordre firent un convoy magnifique & honorable. Le Prince Frideric de Gonzague, Duc de Man-

touë luy fit dresser une ſtatué & effigie de marbre couronnée de l'aurier, laquelle ſe voit encore maintenant ſous une meſme arcade que celle de Virgile Maron, avec vers & Epitaphes, qui ſemblent comparer l'un à l'autre, quoy que la comparaïſon n'en ſoit recevable, ny le diſton de ceux qui ont feint ce Proverbe. Ou Baptiſte ſuit de bien près ſon contemporain & compatriote Virgile, ou bien Virgile approche de la veine & doctrine de Mantouan. Et de fait, qu'on ſe raporte au jugement des hommes, on trouverra que dès qu'il ſ'eſt laiſſé couler ſur la vielleſſe, il a commencé à radoter & ſ'eſt amuſé à piquer, & ſatyriſer l'un & l'autre. Et à la verité ceux qui n'ont devotion à l'Egliſe Catholique Romaine, font grand eſtime des eſcrits de ce Carme, qui ſemble de guet à pend avoir mis la main à la plume, pour décrier & découvrir les abus de Rome, ſi bien que je fais eſtat qu'aujourd'huy ſ'il entreprenoit de cauſer ſi haut, on luy chaufferoit les pieds de plus près qu'il ne deſiteroit. Voila pourquoy il eſt appellé par quelques Poètes paſſager, comme celui qui n'a eu aucun arreſt & a abandonné ſa plume à noircir le los, tant d'un party que de l'autre; car de dire

qu'il ait favorisé les Reformez, il n'y pensa jamais ; mais comme il faisoit gloire de parler librement, il se licentia de telle sorte, que d'estoc & de taille il charge assez rudement l'Eglise Romaine ; que si la mort ne luy eut coupé le filet, il est hors de doute, que n'ayans plus de quoy railler d'autrui, il se fut rué sur sa friperie mesme, & n'eut cessé qu'il n'eut dégorgé tout ce qu'il avoit sur le cœur. Voila ce que c'est des defluxions satyriques, qui continuellement découlent, dès que la voye a esté quelque peu frayée, principalement quand e'le trouve des corps cacochymiez, tels qu'estoient nostre Baptiste Mantoüan. Lequel je ne veux attaquer de ce qu'il a esté bastard, d'où quelques-uns ont voulu inferer, qu'il estoit impossible qu'il se mit à bien faire. Mais ils ne prennent pas advis qu'il n'y a regle ou sentence, tant asseurée soit-elle, si elle est ainsi generale, qu'elle ne soit sujette à fléchir à quelques exceptions. Je ne daignerois leur proposer ce Mantoüan, crainte que j'ay qu'ils ne voulussent (à tort neantmoins) par son exemple verifier leur regle. Il sera beaucoup plus expedient de faire entrer en lice une infinité de braves & excellens personnages, qui, quoy qu'ils

206 *Histoire des ſçavans Hommes,*
fuſſent procrées de conjonction reprou-
vée & illegitime, ne laiſſoient pas d'eſtre
émaillez de pluſieurs vertus, & beaucoup
de fois ont ſurpaſſé les legitimes, comme
ſi nature eut voulu ſoulager la defeſtuoſi-
té que leur apportoit leur des-honneſte
exiſtence, par une perfection dont outre-
naturellement elle les ſurpaſſoit par deſ-
ſus ceux, qu'elle avoit honorez d'une ju-
ſte & honeſte naiſſance. Que ſi je vou-
lois m'amuſer aux fables des Poètes, je
pourrois employer ce qu'ils ont raconté
d'un Hercules, qui pour eſtre baſtard (en-
core que ce fût de Jupiter) ne pouvoit
eſtre placé au rang des Dieux. Cela fut
cauſe que le grand Pere Lupin, eſpion-
nant l'heure du repos de ſa femme Iuno, la fit
tetter à ce jeune baſtard, qui n'eut pas
pluſtoſt ſuccé le laiſt de ſes mammelles
divines, qu'il fut naturalisé & fait capa-
ble d'eſtre deifié. Encore que ſous tels
déguifemens les Poètes ayent voulu re-
preſenter un heroïque & ſurnaturel deſ-
tin, qui accompagnoit cet effroyable
Hercules, toutesfois de peur d'appreſter
matiere à certains d'invalider cette preu-
ve, à cauſe de l'imbecillité & peu de foy
de fictions poetiques, je ſuis bien content
de leur montrer un Themistocles, Capi-

tain Athenien , fort belliqueux , prudent & eloquent , qui chassa les Perfans , réedifia Athenes , & l'environna de murs en l'an du monde trois mil quatre cens nonante deux , avant la Nativité de Iesus-Christ quatre cens soixante dix ans. Et parce qu'ils sont si difficiles à acquiescer à la verité , si la multitude des preuves ne leur creve les yeux , ie suis encore d'avis , pour iustifier mon exception , employer bien d'autres-moyens , & adjoûter la pieté d'Æneas le Troyen , qui , pour garentir la vie de son pere , trauersa les bandes des Grecs , portant son pere sur ses espaules , lequel il avoit desia tiré du feu , qui le pensoit embraser. D'où il n'acquit pas seulement vne grande loüange , mais taschant de deliurer son pere , luy mesme obtint sauf-conduit pour tous les deux , quoy que les droicts de guerre ne le leur permissent. De Romulus on ne scauroit douter , si ce n'est qu'on se veuille abuser à credit , qu'il n'ait esté conçu à la desrobée , puis que Rhea Ilia fille de Numitor , Roy des Latins & Vestale , disoit , que Mars l'avoit engendré avec Remus , & toutesfois c'est à deux jumeaux ou bessons , auxquels ont doit

l'honneur du commencement de l'eſtat des Romains , attendu qu'ils baſtirent cette belle ville, qui fut nommée Rome, au lieu ou ils avoient eſté portez petits & delaiſſez à Accia Laurentia, qui les nourrit & alaiſta, & que Romulus fut premier Roy des Romains, & commença, apres avoir fait mourir ſon frere Remus, à regner l'an du monde trois mil deux cens douze, & avant la Nativité de noſtre Seigneur Jeſus-Chriſt, ſept cens cinquante ans, âgé de vingt-un an. Eſtant ſeul Roy il ordonna cent Senateurs, leſquels par honneur il fit appeller peres, & leurs deſcendans Patrices, & trois cens hommes armez pour la garde de ſon corps, en temps de guerre ou de paix. Il ſurmonta les Sabins & autres ſiens voiſins ennemis, auſquels il fit ſi bien la Loy, que leurs allies entendans comme le bon-heur en vouloit à ce Romulus, ſe reputoient heureux de pouvoir contracter amitié avec luy. De maniere que ſi Rome doit à tres-juſte occaſion eſtre priſée, pour le commandement qu'elle a eu ſur la pluſpart du monde, & pour avoir élevé non ſeulement des victorieux, mais auſſi M. Varro, Ciceron, M. Caton, le Conſul Scipion, le Philoſophe Panéece, le Patrice


Sym.


Symmaque, le Philosophe Boëce, l'Histo-
rien Saluste, le Comique Plaute, Tibulle &
infinis autres excellens Orateurs, Poëtes
& Philosophes, pourquoy ne priserai-t-on
celuy qui n'a pas dressé tant seulement le
plan & dessein d'une telle pepiniere de
Marriaux & sçavans personnages, mais la
dressé & façonné d'une maniere fort
émerveillable? Que diray-je de ce grand
Alexandre, qui estant fils de Philippes
Roy de Macedoine & d'Olympie, quoy
que ce fût d'une illicite conjonction, ne
laissa pas pourtant à estre presagé d'un
bon-heur, qui l'accompagna si bien, qu'il
s'est rendu l'un des plus grands & victo-
rieux Roys, dont on ait ouy parler. De-
fait Iustin raconte que sa mere la nuit
qu'elle le conceut, songea qu'elle estoit
enroulée avec un serpent d'effroyable
grandeur. En quoy elle ne fût abusée,
dautant qu'elle portoit dans son ventre
un fruit, qui outrepassoit l'humaine mor-
talité, & qui ne devançoit pas seulement
ses peres, mere, freres & la race *Æacide*,
mais le reste des hommes. Et pour cette
occasion Plutarque remarque que le pre-
stre de Jupiter Ammon voulant saluer
Alexandre encore jeune, begayant à cau-
se de la defectuosité de langue qu'il avoit,

210 *Histoire des ſçavans Hommes*,
au lieu de dire *Paidion*, c'eſt à dire petit
enfant, dit *Pai Dios*, c'eſt à dire fils de Ju-
piter, l'investit & couronna de la félicité
qui par apres le ſurhauffa; juſqu'au feſte
du comble de toute perfection. Il fut de ſi
grand cœur, meſme en bas âge, que quand
on faiſoit des feux de joye pour les victoi-
res de ſon pere, il pleuroit, ſe complai-
gnant de ce que ſon pere conqueroit
tout, & ne luy lairroit rien à ſubjuguer.
Si trouva-t-il aſſez de ſujet pour remuer
les mains, & de fait il conquist la Sclavo-
nie, l'Afrique, la Syrie, Sydon, Tyr &
plusieurs autres contrées, païs & Citez,
quelques-unes deſquelles par leur rebel-
lion il bouleverſa, pilla & rafa pour don-
ner crainte aux autres villes de Grece de
ne plus ſe revolter contre leur bon Prince
& Seigneur. Il fut déclaré Empereur par
les Grecs, & vainquant Darius Roy de
Perſe, deſſit vingt mil hommes de pied,
& quinze mil chevaux: tant Inde juſqu'au
fleuve de Ganges, prit Babylone, prit
Perſepolis, & executa de ſi beaux & ge-
nereux exploits, que quand il n'y au-
roit que luy entre les baſtards qui ont eſté
heureux en telle conquête, on ne ſçau-
roit nier qu'il n'y en ait pluſieurs, qui
puiſſent s'employer à bien faire. Mais

pour autant que celuy auquel est confa-
cré le present discours, n'estoit des sup-
posts de Mars, & que je sens bien qu'on
me pourroit objecter je ne sçay quelle
sanguinaire inclination, qui est emprain-
te dans la pluspart des guerriers, encore
que je puisse faire preuve au contraire par
ce que Constantin le Grand, & Guillau-
me le Conquerant Roy d'Angleterre, ont
magnanimement executé, j'ayme beau-
coup mieux faire parade de trois freres
rares en vertu & science, qui neantmoins
estoint éclos d'une couvée illicite, ce se-
ront Pierre Lombard, Pierre Comestor &
leur frere Gratian, desquels i'ay desia as-
sez suffisamment discouru en la vie du
Maistre des Sentences.









*THOMAS MORVS,
ANGLAIS .*



THOMAS MAVRVS, ANGLOIS.

CHAPITRE XXII.



N peut douter lequel des deux à plus honoré la memoire de Thomas Morus , & fait connoistre par toutes les parties du monde, ou bien son rare & exquis sçavoir , ioint avec vne admirable patience, ou l'heureuse fin & martyre , qu'il a patiemment enduré pour maintenir la verité & Iustice: Il sera toutesfois aisé de donner jugement, apres auoir extrait vn bref Epilogue de sa vie. Thomas Morus nâquit en la ville de Lōdres , siege & demeure des Roys Anglois, de parens mediores & honestes, lequel par son bon esprit & propre industrie paruint à tel sçauoir & connoissance de la langue Latine , que c'est merueille comme (n'ayant iamais sorty de son pays (la renommée de son esprit & doctrine soit si celebre par toute l'Europe. Estant doncques encore ieune, & suiuant la vocation politique, il harenquoit & plaidoit si eloquemment , que

214 *Histoire des sçavans Hommes,*
receu en amitié par le Roy Henry huitième, il fut fait Cheualier, puis Tresorier, & tousiours croissant la faveur du Prince en son endroit, il fut admis au privé Conseil de l'Estat & affaire du Royaume. Enfin pour sa grande equité, bon jugement & prudence, appellé aux plus hauts estats, & fait Chancelier d'Angleterre; lequel estat, tant en dignité, autorité, gouvernement & maniement de la Republique, est estimé le plus honorable. Encore fut-il député principal Ambassadeur pour la part de son Roy au traité de Cambray, auquel il s'employa fidèlement & affectueusement à pacifier les differens qui estoient entre les plus puissans Roys de la Chrestienté. Or en ce cours prospere de tous Magistrats, offices & honneurs, comme il se comporta de telle sorte, que le Roy le tenoit pour fidel serviteur & administrateur, la Noblesse le reveroit & aymoit, le menu peuple le respectoit & honoroit, il estoit seulement craint & hay des larrons meurtriers & autres garnemens ennemis du repos public. Son pere vivoit encore, on l'apelloit Jean Morus Chevalier & receu au nombre des iuges, que l'on appelle vulgairement le Conseil du Roy, personnage accord, civil, gracieux, fin

ple, entier, misericordieux & juste, assez âgé ; mais pourtant d'une assez bonne disposition corporelle pour son âge, lequel se voyant parvenu à un tel heureux succès que de voir son fils Chancelier, deceda avec un grand contentement d'esprit. Lors le fils de Maurus, son pere estant decedé, lequel vivant il estoit ordinairement appelé le jeune, & tel aussi s'estimoit-il, fâché de sa mort, se voyant pere de quatre enfans, & chargé de onze petits neveux, il commença de devenir plus nonchalant, se chagriner & s'ennuyer : A cette passion & affliction un mal d'estomach, cōme signe de vieillesse s'ensuivit. Doncques quasi ennuyé des affaires & choses mondaines, les quittant peu à peu & se retirant de toutes occupations, pour vacquer plus librement à la meditation des escritures sacrées ; joint aussi qu'il prevoioit les divers accidens & tumultes, qui se preparoient en Angleterre par le divorce du Roy d'avec la Keyne Catherine sa femme legitime, de son bon gré & sans contrainte quitta la dignité de Chancelier ; autrement il eut fallu, contre l'integrité de sa conscience & bonne reputation de sa vie passée, estre fait participant, auteur & ministre des

216 *Histoire des ſçavans Hommes,*
conſeils & opinions d'un Roy. Mais pour
ſon abdication volontaire il ne peut
adoucir le cœur vlcéré du Roy: ce qui le
priuant de tous biens & moyens exte-
rieurs, le fit conſtituer priſonnier, pour
ceſte ſeule occaſion qu'il proteſtoit ne
pouvoir ne devoir approuver les ſecon-
des nopces du Roy, à ce faire le provo-
quant la ſeule crainte de Dieu & integri-
té de ſa conſcience. Enfin apres avoir
eſté long-temps detenu en priſon, fut
amené & préſenté devant les Juges dele-
guez à parfaire ſon procès, par leſquels
apres pluſieurs objections & interroga-
tions, perſeuerant toujours en ſa con-
ſtance & intégrité, il fut enfin condamné
comme convaincu de rebellion & de leze
Majeſté, faiſans neantmoins les Juges
quelque difficulté de proferer ce mot
Githi, c'eſt à dire en leur langue, il eſt
digne de mort. Lequel arreſt par luy en-
tendu, il commença lors à déclarer libre-
ment ce qui luy ſembloit tant du divorce,
que de la puiffance ſouveraine Eccleſia-
ſtique, que vouloit s'approprier le Roy,
monſtrant clairement par autorité des
eſcritures & Docteurs approuvez de l'E-
gliſe, qu'un homme lay ou ſeculier ne
pouvoit eſtre chef de l'eſtat ſpirituel &
Eccle

Ecclesiastique. Que s'ils se vouloient fortifier du consentement des Estats du Royaume, il opposoit au contraire tous les Conciles vniuersels de l'Eglise, & tous les Royaumes Chrétiens, qui en croient autrement. Toutes ces remontrances neantmoins n'empescherent pas que le Roy, transporté de courroux, ne fit faire vne terrible deffense sur peine de la vie de ne payer à l'aduenir aucun tribut au Pape, pour laquelle mesmes occasion IeanFischer perdit la vie, & ne l'empescha sa dignité Episcopale. Je n'obmettray vn exemple de la grande & invincible constance de Morus. Car comme le iugement donné, on le remena en prison, & fut en chemin, l'vne de ses filles, nommée Marguerite, se meslant parmy la foule du peuple & des gardes, d'vne amitié filiale: sans aucun respect de son estat, du lieu public ny des assistans, approcha de son pere, & l'embrassant monstroir par ses pleurs & sanglots sa tristesse, & extreme douleur. Et comme assés long-temps elle le tint embrassé sans pouvoir proferer un seul mot, le pere par permission des satellites la consola, disant, Marguerite ne te tourmente pas davantage, puis qu'il plaist à Dieu qu'il soit ainsi fait de moy. Et

ſans ietter aucunes larmes luy dit, A Dieu ma fille, & prie Dieu pour le ſalut de mon ame. Le ſeptieſme iour de Iuillet, l'an de ſalut, mil cinq cens trente cinq, il eut la reſte trenchée en la grande place publique, devant le Palais du Roy, où il protesta devant toute l'aſſiſtance, qu'il mourroit affectionné ſerviteur du Roy, apres le ſervice qu'il devoit à Dieu Tout-puiſſant. Sa teſte fut fichée ſur le Pont, pour luy faire un plus grand deſhonneur, laiſſant un regret de luy à toutes perſonnes, apres avoir compoſé pluſieurs doctes & excellens livres, entr'autres des Epigrammes, Comedies, Dialogues familiers & declamations contre Eraſme, contre les Allemands, contre un nommé Fryth, & pluſieurs autres. Et comme la cauſe ſur laquelle eſtoit fondée cette maudite condamnation eſtoit inique, encore plus l'eſtoit la procedure, qui fut tenuë à luy faire & parfaire ſon procès. Thomas eut ſa partie pour juge, qui avoit empieté ſon eſtat & donné Commiſſaires à ſon plaifir, pour avancer l'iuſtruction du procès, & le Roy nomma douze Iuges pour donner avis ſuivant la couſtume du pais, qui n'eurent pas ſi toſt lâché de leur bouche ce mot *Githi*, que le nouveau Chancelier ne

prononça l'arrest. Le galand avoit peur qu'il ne réchapa, & qu'il le fit partir du lieu qu'il estoit contant de tenir. Cette condamnation donna tres-mauvais bruit au Roy d'Angleterre, tant envers les estrangers qu'envers ses sujets. Ce qui ne fut arrivé, s'il ne se fut meslé de ce jugement : non plus que le Roy François premier, qui fit mettre prisonnier Guillaume Poyet son Chancelier, qui apres la mort du Chancelier Anthoine du Bourg, fut tiré en l'an mil cinq cens trente huit, de la Cour de Parlement à Paris, où il estoit President, & fut élevé en cét estat de Chancelier. Et pourtant ne voulut estre son iuge, ny mesme assister au jugement, mais le renvoya au Parlemēt; & comme le Chancelier eut trouué moyen de recuser tous les Presidens & Conseillers de la Cour, le Roy luy permit avoir deux Juges de chacun Parlement, pour ne luy donner aucune occasion de tort ou de griefs. Voila cōme Dieu éblouit les yeux de ceux qui veulent se bāder contre la justice, qu'il font mesme brèche à l'aparence de justice, qu'ils veulent prendre pour couverture. Apres la mort de ce grave Chancelier a esté composé cét Epitaphe.

*Quis iacet hic? truncus, cuius caput ense reci-
sum est.*

*Qua natat in tetro sanguine? Canities.
Hic est ille Thomas Morus, sic fata rependit
Tristia multa bonis, & bona multa malis.*

*Qua circumcistunt Diva lugubre cadaver?
Diva tenax veri, Sancta fides, Nemesis,
Quarum prima fuit causa & fuit altera
mortis,*


Vlrix injusta tertia cadis erit.







*HENRY CORNEILLE ,
AGRIPPE .*



HENRY CORNEILLE,
Agrippa.

CHAPITRE XXIII.



I j'ay eu sujet dans la vie de
quelqu'un, de m'excuser de
ce que je luy donnois place en
ce liët d'honneur, quoy qu'il
ne fut accompagné des bonnes parties qui
doivent honorer ceux, que nous couchons
en l'estat des hommes Illustres, à tres-
juste occasion pourrois-je employer une
bonne partie de ce discours, non point
pour blanchir ce Magicien, dautant
qu'en vain je tâcherois de le faire à vn
More, mais pour me justifier, de ce qu'en-
tre les personnages de caracteres & im-
pressions vertueuses, j'ose meller celuy,
qui par le raport de plusieurs a esté diffamé
de l'impiercé & magie diabolique. Je
ne veux point icy me couvrir du masque,
dont plusieurs pourroient se cacher, sous
la distinction de magie, puis qu'on ne peut
nier, qu'il n'ait esté miserablement enfor-
celé de la plus fine & execrable magie,

322 *Histoire des ſçavans Hommes,*
qu'on puiſſe imaginer, & de laquelle, au
veu & ſceu d'un chacun, il a fait profes-
ſion ſi évidente (ainſi que le preſent diſ-
cours le juſtifiera) qu'il n'eſt poſſible de
reculer en arriere par negatives, pallia-
tions ou déguifemens. Et ſi pour cela je
n'eſtime pas avoir grandement failly, ou
autrement je condamnerois ce grand Em-
pereur Charles-le-Quint (qui pour ſa
grande pieté a eſté nommé de pluſieurs
l'amour & les delices du peuple Chre-
ſtien) à la Cour duquel il fut ſi bien re-
ceu, qu'il fut du nombre de ſes Conſeil-
lers. Par ainſi pour contenter une diver-
ſité de Lecteurs, il a fallu que j'aye pris
peine de diverſifier ce Cabinet de por-
traits d'hommes differents, non point à
cauſe des traits & lineamens du viſage
ſeulement, mais auſſi des mœurs, d'eſtats
& de profeſſions. Icy donc je ne propo-
ſe point Agrippa, pour réveiller l'appetit
à certains, afin qu'ils ſ'embeguignent des
baliverneries magiciennes, veu qu'ils ne
pourront y prendre gouſt, ſ'ils prennent
égarde à la malheureuſe fin de ce pauvre
homme, lequel nâquit le treizième de
Septembre, en l'année mil quatre cens
quatre-vingt ſix, en la ville de Neſtre. Il
eſpouſa Mademoiſelle Louyſe Tyſſie, iſſuë

de fort noble maison, l'an de son âge 23, & de salut 1509. C'estoit l'homme le mieux versé en toutes sortes de sciences, le plus subtil Philosophe & mêlé en la connoissance des langues Hebraïque, Chaldée, Grecque & Latine. A la Jurisprudence il avoit donné une si vive atteinte, que (comme i'ay cy-dessus remarqué) l'Empereur Charles-le-Quint le receut au nombre de ses Conseillers. Il est bien vray que ce fut par l'intercession d'Anthoine de Leve, qui cherissoit tellement ce personnage, que par son Conseil, advis & prudence, il venoit à bout des desseins de ses hautes & superbes entreprises. Ce qui a fait que certains envians à cét Espagnol ses victoires, on dit que par art magique & Agrippine, il a grippé sur ses ennemis avec ses mains podacres & crochuës, ce que beaucoup de vaillans Capitaines n'eussent sceu par le cliquetis de leurs armes, & combat furieux. Je ne voudrois pas permettre qu'on déchirât ainsi la renommée de ce vaillant Capitaine, & au lieu de priser sa prudence, qu'on l'attachât au posteau de Magie avec les liens de son Agrippa, auquel il n'est pas croyable qu'il s'adressât, pour quelques prestigieux & iniques charmes, mais plustost pour

224 *Histoire des sçavans Hommes,*
la rare merveille de l'esprit de ce Corneille, de laquelle il vouloit estre saisi, afin que de la corne Agrippine il heurtast ses adversaires, puis que la force & puissance Leonine luy manquoit. L'ay pris plaisir à m'exprimer ainsi au long, tant pour justifier nostre Agrippa, lequel quelques-uns tiennent ne pouvoir estre représenté que de nuit, comme un hibou, à cause de sa laideur magique, qu'aussi pour lever la sinistre opinion, qu'assez legerement quelques-uns se sont imprimée dans leur teste, que les conquestes & belles actions de Charles le Quint sont plustost par moyens illegitimes & sortileges, que par hardiesse ou magnanimité guerriere. Si cét Empereur estoit seul ainsi calomnié, je ne m'en estonnerois pas tant, que je fais, qu'aujourd'huy dès qu'il y a un Prince ou Seigneur, auquel l'heur rit, soudain on luy jette le chat aux jambes qu'il courtise Agrippa. Que plusieurs ne se soient miserablement prostituez à telles impietez, on ne le pourroit nier, mais aussi de juger, dès qu'on voit quelqu'un avancé en quelque entreprise, qu'il se sert de Magie, c'est controler les liberalitez de Dieu, & nier que celuy puisse de peu de chose faire

choses incroyables, qui de rien a fait tout le monde. Or pour retourner à nostre Agrippa , l'Empereur le prit à service , pour l'assurance qu'il avoit que par son meur & rassis jugement il pourroit survenir aux grandes affaires qui luy estoient tombées sur les bras. Ce n'est pas que je vueille approuver les damnables & reprouvez enseignemens d'Agrippa , qui sont tellement defraisonnables , que le Docteur lean Vuier, quoy qu'en plusieurs endroits de ses œuvres il le louë & exalte grandement, comme son bon maistre: Il est neantmoins quelques-fois contraint de luy donner un coup de pied & le desadvoüer. Ce que quelques-uns s'amusans plüstoit à badiner, qu'à faire chose propre à leur premier sujet , n'ont pas bien remarqué, ou bien il n'est pas croyable qu'ils eussent proferé tant d'injures sur ce pauvre Medecin , auquel ils voudroient volontiers faire croire, qu'il est *demono-maniaque*, parce qu'il ne veut laisser fouler aux pieds à credit son pauvre maistre. Je ne veux leur mettre en teste que le chapitre quarante quatriesme du second livre des illusions & apparitions des Esprits: là ils trouverront lean Vvier se moquant (avec Cardan au dix-huitié-

216 *Histoire des ſçavans Hommes*,
me liure de la ſubtilité) des reſueries d'A-
grippa , qui forgeoit des apparitions plus
que ridicules. Pareillement auffi ſon liure
de la Philoſophie cachée & inconnüe a
eſté condamné & cenſuré par les Chre-
ſtiens , qui doiuent fuir , cōme peſte, telles
& ſi dangereuſes boutiques d'impieté: &
ſuiuans l'exemple de l'Apoſtre S. Paul,
bruſler & exterm ner tous les monumens,
memoires & inſtructions qui pourroient
ſeruir aux enjoleurs Magiques , ce que le
Jurisconſulte Vlpian a fort bien conſeillé.
Et pour ceſte occaſion fut contraint Agri-
pa d'abandonner la Flandres , où il ne
peut eſtre ſouffert , faiſant profeſſion de la
magie , de maniere qu'il prit la route
d'Italie où il ſejourna l'eſpace de trois ans
ou environ, & y épanchât plus que n'eut
eſté requis du poiſon, avec telle abondan-
ce, que pluſieurs gens de bien apperceuans
qu'il en auoit en ſi peu de temps infecté
l'air de l'Italie, luy donnerent la chaffe ſi
vive, qu'il n'eut rien de plus haſtif que de
ſe retirer à Dole, où il leut publiquement
le livre *de verbo mirifico*. Obscurcit telle-
ment la Bourgogne des fumées & broüil-
lard de ſes ſciences noires, que ſ'il n'eut
fait un trou à la nuë, il eſt bien à craindre
qu'avec le feu on ne l'eut éclairé de plus

près qu'il n'eut sceu souhaiter : Cela luy fit courir le païs. Enfin s'estant rendu à Lyon fort pietre & dénué de facultez , il chercha tous les moyens qu'il pût pour vivoter , remuant le mieux qu'il pouvoit la queue du baston , & il gaignoit si peu , qu'il mourut en un chetif cabaret, abhorré de tout le monde, qui le detestoit comme un maudit & execrable Magicien, parce que tousiours il menoit en sa compagnie un diable sous la figure d'un chien , auquel, quand il se sentit approcher de la mort, il arracha du col le colier, qui estoit tout figuré de caracteres Magiques, apres à demy forcené le chassa, disant ces mots. Va meschante beste, qui m'as du tout perdu. Et depuis ce chien qui luy estoit si familier & luy tenoit perpetuellement compagnie en ses voyages, ne fut iamais veu, parce qu'apres le commandement que luy fit Agrippa, il se mit à courir vers la Saône , où il se jetta, & jamais n'en sortît, de sorte qu'on estime qu'il y fut englouti. Pour tesmoignage perpetuel de sa lâche & deprauée vie, a esté composée sur son tombeau cét Epitaphe.

228 *Histoire des ſçavans Hommes ,
Hunc tumulum hand Charites ſervant, ſed
Erynnies atra :*

*Non Muſæ, at ſparſis anguibus Eumenides.
Colligit Aleſto cineres, miſcetque aconito,
Grataque dat Stygioliba voranda cani.*

*Qui quod erat vivum comitatus, atrociter
Orci*

*Nunc quoque per cunctas raptat agitque
vias :*

*Insultatque adeo, & furias quia noverat om-
nes,*

Salutat, iniungit nomine quamque ſuo.

*Ô miſeras artes, quæ ſola ea commoda præſtât,
Accedat Stygias notus ut hoſpes aquas.*

Que ſ'il a eſté en la mauvaiſe grace du
peuple en general, encore a-t-il eſté plus
ennuyeux aux gens doctes & ſçavans, con-
tre leſquels il a de guet à pend tourné la
fureur de ſa plume au livre de la vanité &
incertitude des ſciences. Il n'y a coin ny
ſecret d'aucune diſcipline, lequel il n'ait
fureté, & n'y ait vommy quelque peu de ſa
mortelle poiſon. Je laiſſe les diſcours
qu'il a particulierement dreſſé contre
chacune ſcience. Merveilles, comme un
homme doué de ſi grands dons , ait pû ſe
lâcher tellement la bride , qu'à torts & à
travers il ait ſatyriſé tant les bonnes &


louables disciplines, que celles qui sont à rejeter d'elle-mesmes; & qu'il n'ait point fait de conscience d'entasser dans le rouleau de ses reprehensions les sept arts liberaux, d'autant qu'encore qu'il y ait de la vanité & incertitude plus qu'il ne seroit à desirer, si est-ce qu'il y avoit moyen de faire discretion autre qu'il n'a pas fait. Voila qui a donné occasion à plusieurs de s'armer contre ses furieuses faillies, comme luy-mesme a preveu sur l'avant-propos de tout son œuvre, beaucoup mieux buriné que l'incertitude & vanité qu'il tâche de nous imprimer. Que s'il eut avec le compas de la raison, & sans s'estomaquer en soy-mesmes, sceu bien choisir le point d'incertitude & vanité, ainsi qu'il a esté remarqué par ces grands Sages, qui ont tres-doctement escrit que toutes choses estoient vanité, sans doute, eust-il esté excusable, mais pensant se prevaloir par mieux avilir les sciences, il a flestry & aneant y le plus precieux joyau de sa renommée. Et pleut à Dieu que tout seul il se fût noyé en ce goulphre d'impiété, aujourd'huy nous n'aurions un tas d'Athées, de médifans & brocardeurs, comme ce siecle nous en produit. Quand à ceux qui parlent des sciences, il y en a beau-

coup, la pluſpart deſquels ne ſçauroient à propos mettre une lettre devant l'autre. Pour la Magie & Atheiſme Agrippa en a éclos une infinité de formilieres, leſquels ſont diſtinguez par bandes & cantons, tout ainſi que les Magiciens ſont diſperſez & ſeparez par pluſieurs & diverſes categories. En noſtre France il a laiſſé ces genethliaques broüillons, leſquels ſous l'obſervation de l'horoscope ne feignent choſes terribles & incroyables, ſinon à ceux, qui ſe laiſſans gripper à tels enjoleurs, ſont apres pris comme beſtes & pauvres idoles. Cela ſera trouvé eſtrange par ces Meſſieurs, qui ſentans la terre indigne de les ſupporter, veulent grimper iuſqu'aux Cieux, les furetent, preſumans qu'on croira qu'ils ſont grande choſe, puis que ne ſe pouvans arreſter en terre, ils voltigent juiſqu'au coupeau du Globe celeſte. Mais ſ'ils conſideroient que lors qu'ils ſ'arreſtent aux influences ſupremes, qu'ils rabaiſſent d'autant plus la gloire & l'honneur du Tout-puiſſant, qui veut ſes proprietéz luy eſtre propres au quatrieſme degré, & incommunicables à autre, je m'aſſeure que ſ'ils ont quelque reſte de bon jugement, qu'ils ne développeront point de telles badineries. l'ay honte qu'il

faillie que je remette devant les yeux les malheurs de nostre France, qui encore pour le present soustient des Agrippins, esquels sous quelques traits estranges & épouvantables font estat de prendre la lune avec les dents, taillent, roignent, retranchent, moderent, partagent la puissance de l'Eternel, lequel ils veulent assujettir aux niaseries, qu'assez fortement ils s'impriment dans la cervelle. Je serois bien marry de les renvoyer aux deffenses de l'Eglise, & témoignages tres-manifestes de la sainte Escriture. Ils ont l'ouïe dure & la veüe tellement ofusquée, que ce seroit (comme l'on dit) laver la teste à des asnes avec de la lessive. Il me sera beaucoup plus feant de les battre des armes mesme d'Agrippa, lequel a voulu affadir le lustre des sciences par leur incertitude: qui est le plus seur moyen pour tout d'un coup les retrancher. Si doncques l'incertitude des sciences nous doit dégouster de nous y appliquer, pourquoy ces habiles esprits veulent-ils se tenir si fort à leur Agrippa? il n'y a chose si fragile & peu asséeurée. L'experience (vraye maistresse des fols) en pourra faire foy. Et comme pourroit bien advenir de telle & si insigne vacation? Dieu

232 *Histoire des ſçavans Hommes*,
n'en eſt auteur, mais ce frauduleux &
trompeur ennemy de pieté & juſtice, le
pere de menſonges, qui ne prend plaifir
qu'à tromper & decevoir ceux qui ſe met-
tent en ſa nacelle pour eſtre deniaifez.
I'ay en mon cabinet, & me ſouviens en
avoir touché quelque choſe en ma Coſ-
mographie, quelques livres appartenans
à des diſciples d'Agrippa, avec des cha-
racteres fort eſtranges, deſquels j'euffe
fait part au public, ſi j'eſtimois qu'il luy
en pût revenir quelque profit. I'ayme
mieux advertir le Lecteur, que noſtre A-
grippa a composé pluſieurs autres livres,
leſquels monſtrent aſſez l'excellence de
ſon eſprit, deſquels j'euffe icy fait un re-
cit, ſi pluſieurs deſia n'euffent paſſé leur
plume ſur ce ſujet. loint auſſi qu'il y en a
qui ne ſont de guere meilleure digeſtion
que les precedens : & neantmoins il y en
a qui ſe croient fort habiles, qui en font
plus d'eſtat que des livres ſeans aux vrais
Chreſtiens.







*JEAN DE SACRO
BUSTO .*



JEAN DE SACRO BUSTO.

CHAPITRE XXIV.



LATON n'a pas dit, sans tres-juste occasion, que l'homme avoit les yeux en la teste pour l'amour de l'Astrologie: ce que plusieurs, tant Philosophes que Poëtes ont aussi confirmé; quand ils ont dit que la veüe de l'homme estoit à la teste, & non aux pieds, afin qu'il pût contempler les Cieux, qui sont témoignages indubitables pour apprivoiser les plus farouches, qui se voudront licentier à ne croire la Toute-puissance, sagesse & excellence de celui qui les a créés, composés, disposés & ornés d'une rareté tres-admirable. De fait nous trouverons (ainsi que tres-sagement ont escrit quelques Theologiens) que pour lever tout Atheisme la consideration des Cieux est plus que suffisante. Mais pour ce qu'il y a des abus, certains mal advisez ont par trop temerairement condamné l'illegitime Astrologie, & celle qui est du tout necessaire.

Cela fait que j'eſtime qu'ils n'entendent pas bien les eſcritures, ou qu'ils n'ont envie de diſtinguer le faux d'avec la verité & le blanc du noir; autrement euſſent-ils trouvé que l'Aſtologie, qui n'eſt embeguinée des preſtigieuſes devinations, n'eſt point tant ſeulement louable, mais profitable & neceſſaire au cours de la preſente vie. Ce que les Medecins meſmes, quoy qu'ils attachent le cœur de leurs guerifons aux matieres corporelles, ont eſté contraints de reconnoiſtre par leurs obſervations du cours de la Lune & autres aſtres. Ce n'eſt pas que je vueille mettre une neceſſité aux prediſtions Aſtologiques, laquelle Ptolomée meſme n'a jamais voulu accorder, ſeparant fort à propos les ordonnances des Preteurs & autres Magiſtrats, des Decrets des Aſtologues: pource que l'obeiſſance qu'on fait ſur l'exécution des edits du Magiſtrat eſt neceſſitée par la force de la Loy: & les ſignifications remarquées par les Aſtologues, ne peuvent aſſujettir ces corps inferieurs aux preſcriptions celeſtes. Pourtant ne ſont-elles point oifives, inutiles & de nul effet, ainſi que l'experience l'a toujours fort bien monſtré. Entre ceux qui ſe ſont employez à une ſi

excellente profession, celuy duquel je represente icy le portrait, telqu' autresfois il est venu de la Bibliotheque de Robert Guaguin, n'a esté des derniers, mais de ceux qui ont esté à la plus haute cime de la perfection d'Astrologie, ainsi que plus ample-ment je deduiray cy-apres. Volateran au vingt-uniesme livre de son Anthropologie témoigne qu'il est fort d'Allemagne, dont Henry Pantaleon & ceux de sa nation font un merveilleux estat, pour l'excellence des dons, graces & perfections, qui d'une façon merveilleuse ruisseloient dedans ce doctre personnage. D'autre costé les Anglois ne veulent pas permettre, quoy qu'ils ne soient gueres discordans d'avec les Allemands, qu' autres s'approprient la naissance d'un homme qu'ils maintiennent à corps & à cry avoir esté éclos dans l'enceinte de leur Isle Britannique, d'un lieu duquel portant le nom il a esté surnommé de *Sacro Busto*, au lieu donc qu'auparavant il estoit appellé *Halifax*. Je ne veux point tenir plustost le party de l'un que de l'autre, attendu qu'ils se debattent de la chappe à l'Evesque, d'autant qu'ils l'ont à la verité en recommandation, pour avoir cet heur d'estre cōpatriots d'un si brave Astrologue: mais

les François doivent à beaucoup plus iuste occasiō s'en glorifier, ayañs esté honorées de son sçauoir, duquel particulièrement il les a voulu rendre depositaires. Jean Baleus au quatre vingt treiziesme Chapitre de la fixiesme Centurie des personages Illustres d'Angleterre, témoigne qu'au rapport de l'Historien Leland, il a fait son apprentissage dans cette celebre Academie d'Oxford, où il se fortifia si bien en toutes sortes de sciences, & nommément en l'Astrologie, qu'il fut trouvé digne, non point seulement de civiliser sa patrie de la rareté du sçauoir, qu'il avoit acquis, mais aussi faisant retentir la renommée Angloise par tout l'Vnivers, regenter en la plus estimée Vniversité de tout le monde, à sçavoir à Paris. Où il fit un tel devoir, qu'il n'y eut petit ny grand, qui ne reverast l'exquis sçavoir de ce personnage, qui avec telle facilité monstroït tous les secrets de l'Astrologie, que quand ses Auditeurs eussent pû avoir une eschelle assez grande pour toucher jusqu'aux Cieux, à peine eussent-ils pû découvrir si à l'aise & veritablement les singularitez, tant de la voute, distinction, figure & qualitez des lieux celestes, comme d'une methode tres-facile

leur a représenté ce docte Mathematiciën. Lequel pour eterniser le cōble des loüanges qui entouroient sa teste, a daigné mettre la main à la plume, pour engraver dans les monumens eternels de la posterité, ce que ceux qui l'ont suivy ont pû apprendre par les certitudes de ses tres-doctes demonstrations. Nous avons quelques œuvres de luy, qui sondez ric à ric, n'ont point la perfection qui pourroit estre requise par ceux, qui se plaisent d'avoir un stile & moyen d'enseigner haut, & élevé. Il nous a dans son traité de la sphere ébauché tout ce qui estoit selon les anciens, le plus necessaire pour la connoissance de la Cōsmographie, avec telle dexterité, que les plus lourds, rudes & grossiers ont assez de quoy profiter sous un tel Docteur, d'autant qu'outre les points qu'il éclaircit fort à propos, touchant la description de la sphere, de ses cercles, mouvemens & circonvolutions; & de la longueur, largeur & autres qualitez, tant de la terre que de l'air, il y a adjousté ses non moins rares que tres-certaines demonstrations, qui font toucher au doigt le verité de ses propositions. Vous avez le comput Ecclesiastique, qu'il a dressé avec une si serieuse observation, que ce

grand cerueau Philippes Melancton a daigné auffi bien que ſur ſa Sphere paſſer ſa plume , pour recommander l'excel-
lence d'un tel ouvrage , qui , eſtant polis avec vn ſi rare artifice peut de beaucoup ſeruir à ceux , qui ſont curieux de l'hiſtoire. Et pour ceſte occaſiõ le doct̃e Melanctõ ſçait fort bon gré à ceux qui joignent à la ſphere ce traitté de l'eſtat de l'année , qui eſt fort néceſſaire tant pour le calcul des mois & Indictions, que pour la diſtinction des mois & iours Solaires, Lunaires, naturels & artificiels. Voyla pourquoy Cyrille teſmoigne , que tous les ans l'Eueſque d'Alexandrie faiſoit ſçauoir au Pape un jour certain de l'Equinoxe, pour-
ce qu'en l'Eſcole Alexandrine en cetẽps auoit grande vogue un tel exercice , & non à Rome. Il eſt bien vray qu'il a donné quelque coup contre la verité de ce, qui a eſté depuis découvert , & principale-
ment ſur les diſcours qu'il fait des cinq Zones , où le bon homme, faute de bon-
nes lunettes, a choppé avec pluſieurs, qui ont eſté eſtimez des plus habilles. Mais ſi la grande compagnie des abuſez peut luy ſeruir de voile & bandeau, je ſeray
content d'excuser & rejeter la faute , qu'il a pû faire ſur le deffaut d'experien-

ce. Ce point osté j'estime qu'il y a bien peu, qui eu égard aux moyens qu'il a gardé pour astrologiser, ayent sceu le devancer pour la familiarité de certaines demonstrations Mathématiques, qu'il a fidèlement proposées. Elles ont esté trouvées de si bonne grace, que le commencement d'Astrologie est tousiours pris dans toutes les Vniversitez fameuses par la sphere, qu'il a fort à propos accommodée. Apres avoir de telle façon passé le cours de cette vie, laissant plusieurs trophées de la diligence qu'il a mis, à remettre en lumiere la splendeur & la gloire de l'Astrologie, il changea cette vie caduque & perissable avec celle qui est immortelle & incorruptible, l'an 1536, non sans grand regret des gens vertueux & amateurs des sciences, qui desespéroient de l'Astrologie, quand ils se virent privez de leur bon pere; lequel avec grands honneurs fut enterré dans le Cloistre des Mathurins de Paris: maison qui autresfois appartenoit à l'Vniversité, pour ce les assemblées publiques s'y font, & les processions tant des Recteurs que de l'Vniversité, faut qu'elles sortent de ce Monastere. Quelque temps apres les Recteurs, Procureurs & Doyens de cette

240 *Histoire des ſçavans Hommes,*
Univerſité firent de nouveau refaire ſon
tombeau, ſur la pierre duquel ils firent
graver une ſphere, avec cette inſcrip-
tion; *Hic conditus eſt Ioannes de Sacrobu-*
ſto, pour l'honneur & reſpect qu'ils por-
toient à cét excellent Aſtologue. L'âge
duquel a eſté aſſez rudement deſcrit par
ces vers Latins.


M. Chriſti bis C. quarto deno quater anno,
De Sacro Baſto diſcrevit tempora ramus,
Gratia cui noſſen dederat divina Ioannes,







*DIDIER ERASME DE RO -
TERDAN, HOLLANDOIS .*



DIDIER ERASME DE ROTTER-
dam, Hollandois.

CHAPITRE XXV.



A dispute qui est faite par quelques Philosophes, touchant le point de l'honneur, à sçavoir si l'ardeur qu'on a d'y paruenir est à louer, ou à reprendre & à condamner, ne semble point estre hors de propos, d'autant que naturellement il y en a, qui sont poussez à telle & si ambitieuse entreprise. Nous lisons que Themistocles Capitaine Athenien, pour l'envie qu'il avoit d'atteindre au sommet de la gloire, estant encore fort jeune, lors que le Capitaine Miltiades gagna la victoire en la bataille de Marathon, le plus souvent se tenoit seul & pensif, sans hanter les compagnies, où il avoit auparavant accoustumé de se trouver. De nuit il ne pouvoit prendre son repos; dont quelques-uns de ses amis fort surpris d'une telle & trop assidue persévérance à reserver, luy demanderent enfin si soudainement luy estoit provenu un tel chan-

gement, auxquels il répondit, que la victoire & triomphes de Miltiades ne pouvoit le laiffer dormir, car au lieu que le reſte du peuple eſtimoit que cette victoire avoit coupé le moyen aux Barbares d'oſer plus aſſaillir les Grecs, Themisto- cles au contraire faiſoit eſtat, prevoyant de loing ce qui en devoit advenir, que ce n'eſtoient que preparatifs des bravoures qu'il devoit faire voir pour le ſalut de ſa patrie à l'encontre des Barbares. De meſ- me deſir fut épris Pausanias, qui ayant appris d'Hermocles, que pour eſtre repu- té grand, il luy falloit tuer Philippes, s'ha- zarda de tuer celui qui ne luy avoit ja- mais fait tort. Mais qu'eſt-il beſoin d'al- ler rechercher les exploits, ou des guer- riers, ou de ceux qui par un long eſpace d'années nous ont devancé, puis que no- ſtre âge nous a produit une infinité d'il- luſtres hommes, qui tous ont avec tres- admirable ardeur de courage aſpiré à ce degré d'honneur, & entr'autres ce ſigna- lé Eraſme de Rotterdam, ville ſituée au pais d'Hollande près de la Meuſe, ſur la bouche du canal, nommé Rotter, dont elle prend le nom, & qui, outre le trafic des draps qui s'y fait, & pluſieurs ſingu- laritez dont elle eſt renommée, aujourd-

d'huy par le moyen de ce nourrisson a acquis un bruit à jamais perdurable, auquel les lettres sont autant redevables qu'à autre quelconques de son temps, pour en avoir avec telle vivacité d'esprit poursuivy l'embellissement & illustration. Mais ce, dont la plus grand part des gens doctes le taxent est, qu'il a esté trop particulièrement adonné à poursuivre ce, qu'il estimoit le pouvoir agrandir en honneurs: maladie, qui à la verité est commune à la pluspart des gens doctes & rares de sçavoir: mais dont particulièrement ce personnage a esté tellement frappé, qu'il semble avoir principalement tendu à ce qu'il fut réputé grand, comme sans doute il estoit. Icy je n'entre pas en ce discours pour médire de luy, à ce poussé de quelque rancune, dont je sois mal affectonné en son endroit, mais puis que la verité me commande, j'ayme mieux avec Aristote, estre amy de la verité, que de ceux qui peuvent avoir credit & autorité entre les hommes. Doncques nostre Erasme a esté si envieux d'estre monté sur le coupeau de l'honneur, qu'il a (en ce imitant Aristote & plusieurs excellens & celebres Philosophes) tâché, entant qu'à luy a esté possible, de rendre sa maniere de dire &

parler la moins frequente qu'il a peu) afin d'attirer à admiration des raretez, dont il eſtoit accompagné, les cerveaux de ceux, qui ſur tout prennent plaifir à la nouveauté. En ce il n'y auroit occaſion de le reprendre, ſ'il n'avoit eſcrit ou brocardé certains, pluſtoſt par envie de ſe faire paroître, que par juſte & legitime occaſion. Entr'autres il a tellement harcelé Guillaume Budé, que ſ'il eut trouvé un eſprit fretillant & riotteux, il y eut eu aſſez de quoy employer l'âge, labeur & induſtrie de ces deux rares eſprits à ſe contrarier l'un l'autre, dont le public eut reçu un prejudice ineſtimable pour les œuvres, que l'un & l'autre ont depuis mis en lumiere. Le ſçay bien qu'il y en a, qui ont voulu faire croire, qu'Eraſme, encore qu'il ait avec ſa lancette percé la veine du docte Budé, ne luy a cauſé aucun mal, & qu'il n'y a eu aucune inimitié entr'eux, ce que tres-volontiers j'accorderay. Mais de dire qu'Eraſme n'ait donné le coup, & qu'à luy n'a tenu qu'il n'ait eſté repouſſé, ce ſeroit trop s'éloigner de la verité. Car encore qu'Eraſme n'eut occaſion de ſe rendre partyſan à l'encontre de Bude, il avoit un eſprit ſi remuant, qu'à quelque prix que ce fut, il falloir qu'il eut (com-

me l'on dit,) la dent sur quelqu'un, & principalement quãd il connoissoit qu'on le reputeroit estre habile pour s'estre rendu homme de remarque. Mais qu'est-il de besoin de poursuivre davantage ce discours? il semble de guet à pend, nous ayons pris à décrire la vie d'Erasme pour déduire ce, en quoy il peut avoir manqué. Il florissoit environ l'an de nostre Seigneur, mil cinq cens vingt, & a composé de fort beaux & excellens livres, qui éclaircissent non seulement la langue Latine, mais donnent une tres-grande facilité à l'intelligence des œuvres, qui nous ont esté données par les Autheurs Grecs. Qui luy ont acquis une telle loüange, qu'il a eu le renom de toute l'Allemagne d'estre appellé le Phenix de son país, parce qu'il a par un assidu exercice repeuplé l'Allemagne de successeurs, qui éclos de ses cendres, continuent le bruit & renom d'Erasme iusqu'à l'éternité. Il ne fera pas impertinent de remarquer icy, encore que certains l'ayent voulu attribuer à l'ambition de nostre Hollandois, surquoy est appuyée cette devise, *Nulli cedo*, de nostre Hollandois. Titre, qui sans doute, de prime face, semble estre un peu arrogant & plein de presumption, mais

246 *Histoire des ſçavans Hommes*,
quand il ſera examiné, comme il appar-
tient, ne pourra donner occaſion de luy
impoſer quelque fierté ou temerité. Car
encore qu'à la rigueur on examine ces
mors, il ne paſſent point les bornes de la
qualité du Phenix, qui n'a aucun ſembla-
ble, puis qu'il eſt tout ſeul. Et quand on
le déveſtiroit des plumes de cét oyſeau, ce
titre ne ſeroit pas ſi deſordonné qu'on
pourroit preſumer, d'autant que ſans fai-
re parade du ſçavoir dont il eſtoit doüé, il
pourroit dire qu'il ne cedit à perſonne,
qu'il ne ſ'humilioit à perſonne, quelque
haut huppé qu'il fut, mais que ſeulement il
ſe vouloit aſſujettir à la raiſon. Or pour-
ce que le fil du diſcours narratif de ſa vie
nous appelle à voir quelles œuvres il a
laiffées à la poſterité, j'en feray icy un pe-
tit ſommaire recueil de quelques-uns,
laiffant l'entier denombrement pour n'e-
ſtre pas long. Premièrement les Para-
phraſes, qu'il a fait des livres ſacrez le
doivent rendre admirable, pour le ſingu-
lier ſoin qu'il a pris à la lecture & intelli-
gence d'une ſi ſainte & divine ſcience.
En apres les traduſtions qu'il a fait du
Grec en Latin des livres ſuivans, à ſça-
voir de la Grammaire de Theodore Ga-
ne, de quelques Opuscules de Lucian, de

l'exhortation à l'estude des bonnes sciences, composée par Galien, du livre, qui montre que le Medecin doit estre bon Philosophe du mesme Auteur, l'Hecube & Iphigenie d'Euripides, de la harangue d'Isocrates touchant l'institution du Prince ou du Royaume, & plusieurs autres traitez. Qui voudroit icy particulariser tous les livres qu'il a composez, pourroit amplifier sa vie de cinq ou six feuilles, il suffira icy de remarquer l'excellente & incomparable œuvre des Chiades & Adages, qu'il a avec une telle dexterité élaboré, que tout esprit curieux d'apprendre quelque chose a dequoy assez se contenter de ce, qui en est doctement expliqué par nostre Hollandois. Duquel tant nos Princes que les Estrangers ont fait telle estime, qu'ils ont bien daigné le coucher en estat de pensionnaire. En quoy est fort recommandable la munificence tant de François premier, que d'Henry Roy d'Angleterre, soit qu'à la poursuite de M. Guillaume Budé, ce grand restaurateur des bonnes lettres, ait voulu reconnoistre nostre Hollandois, soit aussi qu'il craignoit d'alterer la qualité qu'il tenoit entre tous les Princes Chrestiens, de cherir & honorer les bonnes lettres,

248 *Histoire des ſçavans Hommes,*
laquelle il eut ternie, s'il n'eut pas reconnu les gens lettrez. Mais cela eſtoit au temps que les lettrez eſtoient plus eſtimez par les grands, qu'un tas de bouffons & harangueurs, qui ſont pour le jour-d'huy mieux reconnus que ne ſont ceux, qui ont employé la meilleure part de leur vie à illuſtrer la dignité des bonnes ſciences. Je ne diray point cecy pour l'intereſt que j'y puis avoir, ayant par l'eſpace de tant d'années voyagé dans les quatre parties de l'Univerſ pour pouvoir rapporter à noſtre France l'ouverture & connoiſſance de ce qu'elle avoit ignoré, juſques à ce que je le luy aye fidellement revelé. Mais je ſuis trop deplaiſant de l'aviliffement des bonnes ſciences, qui ne peut provenir d'ailleurs, ſinon du mépris & peu de conte qu'on fait des gens doctes & conſommés aux rares ſciences. Si Eraſme eſtoit encore de ce ſiecle, je l'euffe grandement repris de ce qu'il auroit quitté la vie Monaſtique, pour le peu de recompenſe qu'il pourroit eſperer, de la pluſpart des Seigneurs de noſtre temps, d'autant qu'à tout evenement auroit-il plus de ſoulagement, eſtant rangé dans ſon cloiſtre pour là philoſopher, qu'eſtant meſlé parmy les hommes, ſouffrir mille

peines , ennuis & fatigues, & pour toute recompense avoir seulement quelque peu d'eau beniste de Cour. Puis doncque qu'il estoit au siecle doré, auquel la diligence des bons esprits n'estoit foulée aux pieds, je suis en branle, n'estoit l'obligation de son vœu , si je dois confesser, qu'il a plus profité, n'estant astraint à la reigle de l'Ordre de S. Augustin , qu'il n'eut sceu meriter en son estat de regularité, quand il y fût demeuré 500 ans, puis qu'il a tant avancé les bonnes sciences, & a si bien esté recompensé par nos Princes , que pour un coupil eut en present par certains Seigneurs, vaillant plus de trois mil écus. Je voudrois que les Potentats de la Chrestienté prissent tant de goust aux sciences, que faute d'appuy elles ne s'abatardissent comme elles font. Or nostre Erasme apres avoir passé ces jours de la façon que vous avez entendu, deceda en la ville de Basle le 12 jour de Juillet 1536, en l'âge 70 ans. Apres sa mort plusieurs gens doctes, pour témoignage du dueil qu'ils avoient d'avoir perdu leur pere, à l'envy l'un de l'autre luy consacrerent plusieurs Epitaphes, desquels seulement j'en proposeray un, duquel la teneur s'ensuit.

250 *Histoire des ſçavans Hommes,*
Lubrica ſi tibi mens fuit, & ſpinofior aqua
Ingenium, certe, nobile Eraſme fuit.
Felix ſi miſtas labruſcas dulcibus unis,
Prodiga deſiſſet vinea ferre tua.
Barbarie e media præclarum ſydus haberent,
Et te Varrenem tempora noſtra ſuum.
Hanc tamen inſcriptam his titulis poſuere co-
lumnæ,
Iactura hic laudum publica facta fuit.

Outre noſtre Hollandois il y a eu pluſieurs graves & ſçavans hommes, qui ont compoſé de beaux & excellens livres. Le premier a eſté Eraſme Albert, qui a compoſé premierement le livre intitulé *de ſpongia Eraſmi*, où il le diſtrait de l'opinion de M. Luther, en apres des Vers en Allemand touchant l'inſtruction des enfans, & ſur le Decalogue. Le ſecond a eſté Eraſme Ebner, qui a tiſſu le blaſon des formis. Le troiſieſme eſtoit Eraſme Corneille, qui a réduit en tables le liv. de Donat *de octo part. orationis*. Le quatrieſme eſtoit Eraſme Heupelius Grammairien, de Bruneg, qui a paraphraſé le Dialogue de Lucian touchant l'ambition & convoitiſe de gloire : Le cinquieme a eſté Eraſme Michel le joyeux, Cimbre, Theologien en l'Academie de

Coppehaguen, autrement appelée Cöppinanhaven, magasin du Royaume de Dannemark. Il a composé de fort beaux livres, tant en lettres humaines que sacrées. Le sixiesme estoit Erasme Muscle, qui a recueilly les communes opinions des Conseils de Marian Sorin. Le septiesme fût Erasme Osvald de Schreckenfuchs d'Austriche, excellent Mathematicien & Professeur de la langue Hebraïque en l'Academie de Fribourg, qui a mis aussi en lumiere de fort beaux livres, tant en Philosophie & Mathematiques que Theologie. Le huitiesme a esté Erasme Reinhold, Professeur des Mathematiques en l'Academie de Vvitemberg, qui les a par plusieurs beaux livres illustré. Le neuvième fût Erasme Rotembucher, qui a écrit un livre de la puissance & autorité de l'Eglise. Le dixiesme a esté Erasme Sarciel, qui a écrit plusieurs livres concernans la Rhetorique, Dialectique, Theologie & Jurisprudence. L'onzième estoit Erasme l'Estoile, duquel nous trouvons deux livres, dans l'un sont décrites les antiquitez de Borusse, dans l'autre il declare les proprieté, vertus & singularitez des Perles: Dont j'ay voulu advertir le Lecteur, afin qu'il ne prenne le

252 *Histoire des ſçavans Hommes*,
verd pour le jaune, & qu'il n'ait mécon-
tentement. Mais qu'eſt-il beſoin de ſi
long-temps ſ'arreſter ſur la variété &
multitude des Eraſmes, puis que (ſans
faire breſche ny à la vérité, ny à l'honneur
qui peut eſtre deu aux perfections des au-
tres Eraſmes) on peut palpablement ap-
percevoir des particularitez en noſtre
Eraſme, qui le font differer des autres de
beaucoup ? Et afin que je n'ennuye le Le-
cteur des redites, je le prieray de faire un
eſtat ſommaire de chacun de ceux que
j'av cy-deſſus nommez, portans le nom
d'Eraſme, & les conferer avec les points
qui ſont remarquables en la vie de cét
Eraſme Hollandois, ils y trouverront
beaucoup à redire. Il commença ſes eſtu-
des & apprentiſſage des bonnes lettres
ſous Alexandre Hege de Vveſphal, grand
amy de Rodolphe Agricola, & qui prenoit
grand plaifir de luy communiquer les ſe-
crets qu'il ſçavoit en la langue Grecque.
Eraſme eſtoit tellement curieux de la pu-
reté de la langue Latine, accompagnée de
l'ancienneté, qu'à autre il ne daigna ſ'a-
dreſſer qu'à cét ancien Comedien Teren-
ce, lequel il ſçavoit ſur le bout du doigt.
Mais ce qui le rend d'autant plus recom-
mandable, eſt que hors les Rudimens, il

n'a eu aucun autre maistre que luy-mesme. Ce qui semblera estrange à ceux , qui entendent dire qu'il a rodé beaucoup de pais, mais ç'a esté plustost pour hanter pais que pour s'adonner aux bonnes lettres & faire estudes serieuses. Et de fait à Bologne il ne se trouuera qu'il ait assisté à aucunes leçons , mais se contentoit de l'amitié de Paul Bombase (lequel mourut apres sous le Pape Leon dixiesme) pour estudiant en particulier , conferer avec luy : & ce fut alors qu'il fit amas de ces exquis fleurons, qu'il a mis dans ses adages, lesquels peu de temps apres il donna à imprimer à Alde Manuce. Et pour cette cause, nécessité luy fut de s'acheminer à Venise, où il fut secouru de beaux advertissemens & riches resolutions , que luy donnerent, pour achever une telle œuvre, certains de ses amis , & entre les autres Marc Musure & Scipion Carteromague, personnages confits en toutes sortes de sciences; mais sur tout grands amis de nostre Erasme. En public aussi il a fait profession d'enseigner aux Vniversitez de Louvain , Cantorbie en Angleterre : & en public à Paris. Apres à Thurin il receut le Bonnet Doctoral. Pour Mece- nas & patrons il eut Henry de Burges,

254 *Histoire des sçavans Hommes,*
Eveque de Cambray, Guillaume de Mont-
loye. Guillaume Guarave, Archeves-
que de Cantorbie, & Primat d'Angleter-
re : une infinité d'amis, & entr'autres Li-
nacer, Pierre Gilles, le Chancelier Tho-
mas Morus, Jean Colet & plusieurs, les-
quels il seroit trop long de deduire. Il
estoit petit, mais d'une fort foible com-
plexion, & souffroit aisement au moin-
dre changement de vin, viande & ciel.
Avec une assiduité inestimable il estoit
bandé aux lettres, de ce en pourront fai-
re foy les livres qu'il amis en lumiere. A
Fribourg il fit retraite & y demeura sept
ans entiers ; apres estant de retour à Bâle
se voyant affligé de sa gravelle, qui luy
engendra une dissenterie, de laquelle il
fut persecuté par l'espace d'un mois, chez
Hierosme fils de Jean Froben, il alla
de vie à trespas le douziesme jour de
Juillet sur la minuit. Et comme il avoit
vécu en homme de bien & craignant Dieu,
quand il fut sur le bord de sa fosse, aux
agonies de la mort ; c'est alors qu'il se
monstra encore plus ferme & assuré des
promesses du Tout-puissant, la main du-
quel le soustenoit en une constance vraye-
ment Chrestienne. De fois a autre on luy
entendoit prononcer ces paroles. O mi-

sericorde de Iesus , Seigneur , delivre moy , Seigneur , mets-y la fin. Seigneur ayez pitié de moy. Cher Dieu. L'ay esté bien content d'exprimer ainsi au long la verité de cecy, pour monstrier la haine de quelques-uns, lesquels se voudroient non seulement persuader , mais aussi à plusieurs autres, qu'Erasme a esté je ne sçay quel avorton d'impieté (comme ils l'appellent) & qui ne se soucioit gueres que du tiers. Il faut qu'ils n'entendent pas bien les sciences, & qu'ils n'ayent des lunettes assez nettes pour découvrir la verité; ou autrement je n'estime point qu'ils soient si miserables , que de guet à pend, espargnans par trop la verité, deschirer la bonne renommée de cét Hollandois. Je les priay pour s'éclaircir la cervelle, de considerer , tant les gestes & comportements de s'avie, que la fin & heureuse issue, s'ils ne sont asseurez d'une trop hardie impudence , je tiens pour certain qu'ils rougiront de honte , & sans attendre qu'arrest s'en ensuive , qui pourroit les noircir d'infamie, luy feront de gayeré de cœur amande honorable , reconnoissans qu'à tort ils ont déchiré l'intégrité de la reputation de ce grand personnage. Lequel par son testament ordonna que ses

biens fuſſent diſtribuez aux pauvres neceſſiteux, meſmes aux filles, leſquelles deſtituées de moyens ne peuvent trouver de party, aux jeunes hommes dénuéz de ſecours humains, & generallyment à toutes cauſes pies. Ils ne pourront m'alleguer, que pour penitence & ſatisfaction de ſes pechez il ait fait tels legs, puis qu'ils ſont d'accord avec moy qu'il n'eſtoit de ceux, qui approuvoient le purgatoire. Mais s'ils veulent un témoignage plus manifeſte, qu'ils prennent le loisir de contempler l'honneur qui luy fut fait à ſes obſeques. Les plus ſignalez eſtudians le voulurent porter ſur ſes eſpaules juſqu'au Temple de Noſtre-Dame, l'onzième de luin en l'année mil cinq cens trente fix, avec telle pompe funebre, que ce ne ſeroit point faire tort ſeulement à Eraſme, mais auſſi à ceux qui l'honorèrent de telles obſeques, de dire qu'il ait eſté vicié & corrompu de telles & ſi deteſtables opinions, que les plus mal-advifez luy veulent impoſer. Ha que bien davantage je le priſerois, s'il ne ſe fut eſcarté du gyron de noſtre S. Eglise, & ſi à elle il eut deſtiné le précieux talent que noſtre Dieu luy avoit donné. Il a eſté loué par pluſieurs perſonnages, qui ont deploré la perte,

qui


qui leur est survenuë à la mort de ce do-
cte personnage : Entr'autres j'ay pris l'E-
pitaphe de lean Secundus, grand Catho-
lique.

*Defunctus vita, longique laboribus avi,
Hac situs est tandem doctus Erasmus humo.
Quem licet in sera rapuerunt Fata senecta,
Et vita saturum sopiit alta quies.
Nostamen hunc velut immatura funere ra-
ptum,
Flemus, & effusis diffluimus lachrymis.
Ille igitur periit, & quondam illa illa diserta,
Et dulci manans nectare lingua tacet.
Ingeniumque sagax, & amans virtutis &
equi,
Omnia sub paruo condita sunt tumulo.
Illum igitur canos Virtus lacerata capillos,
Et Charites lugent, luget & ipsa Fides.
Collectasq, rosas Permessi ad flumina Nymphæ
Inspargunt sacro Pierides tumulo.*










*GVILLAVME BVDE',
PARISIEN.*



GUILLAVME BVDE' PARISIEN.

CHAPITRE XXVI.



ENCORE qu'il me fut plus
seant de m'abstenir de dis-
courir des faits, gestes & dits
de ce personnage, par ce que
les plus diserts Orateurs qui ayent esté
cy-devant, & qui sont encore pour le pre-
sent, ne pourroient approcher que de bien
loin de la dignité que nostre Budé a meri-
té, tant il a esté doué de singularitez, per-
fections & graces, quoy qu'ils employas-
sent toute l'industrie qu'ils auroient à
bien dire. En quoy ie ne pense aucune-
ment ravir ou abaisser l'honneur, doctri-
ne & bien dire de tant d'eloquens Ora-
teurs, mais puis que la verité est telle, ce
n'est pas la raison de la déguiser, pallier
ou en rien alterer. Quoy que doncque le
silence des vertus de nostre Budé me fut
plus à honneur, pour ne pouvoir les bien
representer, toutesfois méprisant de tel-
les considerations, j'ay bien voulu repre-
senter à nostre nation celuy, qui l'a telle-

260 *Histoire des ſçavans Hommes,*
ment honorée que je ferois par trop repu-
té ingrat, ſi je ne luy euſſe donné place
avec les autres hommes Illuſtres que j'y
ay propoſez. D'attendre l'entier recit
de ce qu'il a fait & eſcrit, ce ſeroit per-
dre ſon temps, car pluſtoſt je pourrois eſ-
puifer l'eau de la Seyne, que m'acquitter
tellement en cét endroit de ma charge,
que ſelon qu'il a mérité, rien ne reſtât en
arriere. Cecy fera donc pluſtoſt pour
laiffer en appetit le Lecteur, que le raiſſa-
ſiant, faire tort à la dignité de noſtre Bu-
dé. Duquel ſi nous recherchons la race
dont il eſt iſſu, nous ne trouverons pas
eſtrange ſi par ſa ſainte converſation,
doctes eſcrits & induſtrie, il s'eſt acquis
une louange immortelle. Il eſtoit natif
de Paris, d'un pere fort honorable & de
fort noble & ancienne race, appartenant
à de grands perſonnages, qui par leur
prudence & magnanimité ont tâché tou-
te leur vie à l'agrandiſſement, ſplendeur
& ornement non ſeulement de leur patrie,
mais auſſi au ſervice de leurs Seigneurs
& Princes nos Roys. De maniere que ce
n'eſt pas merveille, ſi d'un tige adonné à
l'embelliſſement, grandeur & conſerva-
tion de noſtre France, eſt deſcendu ce
divin rejetton, lequel n'eſtoit faſcheux à

plier au profit de sa patrie, puis que par degrez de naissance telle qualité estoit en luy decoulée & infuse, qui faisoit que succedant à ses ayeuls, aussi il retenoit d'eux, comme par hoyrie le naturel devoir, où il se devoit employer pour l'avancement de son país. Et pour s'y adresser il prit telle diligence & assiduité aux bonnes lettres, que son pere enfin fut contraint de l'en crier, luy remontrant le tort & prejudice qu'il faisoit à sa santé, demeurant incessamment bandé à son estude : Pour cela toutesfois il ne peut le degouster de la continuelle lecture qu'il faisoit, & dont en presence du Roy François premier, l'honneur luy fut donné par certains grands personnages. Mais ce qui plus fait recommander nostre Budé, est qu'estant desia âgé, il ne dédaigna point se ranger au nombre des Escoliers pour estudier en la langue Grecque (imitant en ce Caton, lequel en sa vieillesse voulut bien encore apprendre à parler en Grec) & pour precepteurs eut George Hierôme, qui se disoit Lacedemonien, lequel il entretint fort long-temps à tres-grands frais, pour pouvoir de luy tirer ce peu de Grec, qu'il avoit plus par naturel

Y iij

que non pas par art. Partant afin qu'il pût parvenir à la perfection de la connoissance de cette langue Grecque, il s'accosta de ce grand & tant renommé Lascare, duquel il ne peut toutesfois avoir en tout vingt leçons, dont cependant il fit tel profit que Lascare fut cōtraint de reconnoistre que nostre Budé auoit amené en France la doctrine & eloquence, qui estoient particulieres en la Grece, tout ainsi que Ciceron, les ayant rauy à la Grece les auoit attiré à Rome. Quant aux Mathematiques il y comprenoit plus que Iean Faber excellent Philosophie ne pouuoit luy en enseigner. De façon que Faber fut plustot las d'enseigner, encores qu'il en reçeut pour ce grand gage, que ce disciple d'apprendre. Pour la lurs prudēce il fut enuoyé à Orleans, où il prit vne peine inestimable durant trois ans qu'il y demeura, pour se rendre familiere la connoissance de ceste sciēce, propre pour l'administration & gouvernement de la Republique, de tels labeurs il a rapporté tel fruit qu'il a emporté le prix, non seulement des François, mais aussi des Italiens, Allemans & autres en quelque science que ce fut. De luy comparer aucun en la langue Grecque, c'eut esté vne entreprise de trop

grande temerité , d'autant qu'à Lascaris, Longolius & autres doctes & sçauans esprits, il a fait paroistre de la dexterité & perfection qu'il s'étoit acquis en cette langue , tant par lettres missiues qu'il leur a escrit , que par liures , qu'il a mis en lumiere pour l'illustration de cette langue, ausquels on reconnoist vn stil si doux, coulant & amiable, ioint avec vne grande grauité, orné de tant de fleurs & raretés, qu'il est impossible quitter la lecture de ses escrits , dés qu'on y a seulement ietté la veüe. Entre autres ses lettres missiues sont pleines de tant d'elegances, & riches gentilleesses, que ce grand personnage Tusan n'a point desdaigné s'en rendre interprete & commentateur. Quant à ses commentaires de la langue Grecque , ie ne peut m'empescher de parler du profit qu'on en peut recueillir, puis que le seul essay peut assés suffisamment faire foy de la merueilleuse vtilité qui en peut prouenir. Comme aussi des traductions qu'il a fait des liures d'Aristote & Philon , touchant le monde, & certaines parties des Morales de Plutarque. Où il s'est comporté avec telle fidelité & industrie, qu'on peut, sans contredire à verité , asseurer que ces autheurs n'ont pas mieux escrit

264. *Histoire des ſcavans Hommes,*
ce qu'ils pretendoient en leur langue
Grecque & vulgaire , que Budé à repre-
ſenté leur intention en langage Latin.
Mais ſ'il a eſté exquis & recommandable
pour les perfections qu'il auoit en la lan-
gue Grecque , il ne merite pas moindre
louange pour l'éclairciſſement qu'il a ap-
preſté à la Jurisprudence par ſes annota-
tions doctes & elegantes qu'il a fait ſur le
Digeſte , où il n'a ſeulement rendu faciles
grandes & intelligibles les reſponſes des
Jurisconſultes , qui ſont là contenues,
mais apres auoir retranché; en tant que
faire ſe pouuoit , les diſcordances , con-
trarietés & antimonies qui ſ'y preſen-
toient , il a corrigé pluſieurs mots , qui y
eſtoient , viciés, corrompus & mal enten-
dus par les Interpretes. Et afin qu'on ne
put luy dire qu'il ſ'eſtoit ſeulement ar-
reſté ſur ce qu'aucuns appellent Theorie
(improprement , puis que la ſcience du
droit giſt principalement en pratique;
ſelon que tres-bien & tres-doctement l'a
prouué Ariſtote) apres auoir expliqué le
droit ciuil des anciens Romains , il nous
a baillé ſon commentaire des mots & ma-
nieres de parler, dont on vſe en pratique,
avec l'interpretation en noſtre langue
Françoïſe , dont vn chacun, qui veut ſ'a-
pliquer

pliquer à l'administration politique, ne peut nier qu'on ne puisse retirer un merveilleux profit. Il a escrit & composé beaucoup d'autres œuvres, tant poèmes qu'harangues, lesquelles quoy qu'ils méritent grande louanges, je passeray pour venir à cet excellent ouvrage de Asle, ou il a bien démontré l'adresse & industrie divine de son esprit, soit qu'on prenne advis au sujet de l'œuvre qui estoit de si haute liste, que plusieurs excellens personnages n'ont jamais osé l'entreprendre, ou bien s'ils y ont tâché, n'ont pû le poursuivre jusqu'à la fin. Ce qui est par moy proposé, non point pour ravir à Hermolae, Politiaïn & autres l'honneur qui leur appartient; mais pour de mieux en mieux descouvrir la gentillesse d'esprit de nostre Parisien, qui meriteroit estre eternisé d'une louange immortelle, quand il n'auroit jamais mis la main à la plume pour autre œuvre que celui-cy, puis qu'il a recherché tout ce qui estoit d'exquis touchant les poids & mesures, & a représenté la valeur, raison & prix des monnoyes, tant Latines que Grecques, avec une telle certitude, que quand il eut esté du temps des anciens Romains & Grecs, il n'eut sceu déchiffrer avec telle asse-

266 *Histoire des ſçavans Hommes,*
rance & verité, tant la valeur de ces
monnoyes, que leurs regles de compter,
s'il n'eut eu le credit d'entrer aux cabi-
nets des plus grands de ces nations. Si
on veut connoître avec quelle fidelité il
a procédé en ce discours, que l'on con-
fere ce qu'il en a eſcrit, avec les longs
traitez que d'autres en ont fait, on trou-
vera que les uns ont pris plaisir à mal
parler, pour faire croire à autrui, chose
qu'eux meſmes ne ſçavoient pas: les au-
tres par ignorance ſe ſont laiſſé couler
aux impoſtures, dont cette matiere eſtoit
entièrement obſcurcie. Ce n'eſt donc
merveilles s'il a eſté ſi bien veu par Char-
les huitieſme Roy de France, qui le tirant
de ſon eſtude, le fit appeller avec grand
honneur pour ſuivre ſa Cour, puis qu'il
eſtoit bien difficile de choiſir un perſon-
nage qui fut doüé de telles graces & per-
fections comme noſtre Budé: qui pour
cette occaſion ne peut encore quitter la
Cour, y eſtant retenu par le Roy Louys
douzieſme, qui ne ſe pouvoit ſouler de
conferer avec luy, & l'honorer de gran-
des careſſes & liberalitez. Par deux fois
il l'envoya en Ambaſſade en Italie, où il
executa ſi heureuſement ſa charge, qu'a-
pres il fut receu au nombre des Secretai-

res du Roy, & s'il eut voulu entrer au Parlement, il y avoit l'une des premieres & plus honorables dignitez qui luy estoit destinée. Mais comme il ne prenoit plaisir sinon quand il pouvoit courtoiser avec les Dames de sa Bibliotheque, il refusa ce party, & enfin quitta la Cour jusqu'au regne du Roy François premier, qui estant amateur des bonnes lettres & de ceux qui y estoient addonnez, ne pût durer qu'il n'eut en sa Cour ce pilier des Muses, estimant que ce luy feroit un des-honneur, puis qu'il estoit Prince, qui ne desideroit que d'illustrer & surhausser la dignité des lettres, s'il laissoit croupir plus longtemps son Budé dans les tenebreuses chartres de son estude, où encore qu'il pût veritablement faire un grand profit pour la republique lettrée, si est-ce qu'estant accablé, il sembloit que son excellence fut engagée dans les murailles de son cabinet. Je dis cela neantmoins, sans pretendre favoriser ceux, qui tâchent de tirer de l'estude ceux, lesquels ils veulent entremettre aux affaires, & les faire voler ou sans ailles. ou avec celles qui ressemblent à celles de Phaëton. Partant afin de faire voir & retentir le bruit & renommée des Muses, il rappella en Cour.

noſtre Pariſien , afin que de là , comme du ſommet & lieu plus eminent de tout le Royaume de France, il fit éclater les loüanges des bonnes lettres. Et pour l'y retenir l'honora de l'eſtat de Maître des Requeſtes de ſon Hoſtel. Dont cét excellent perſonnage ſceut bien ſe ſervir, pour accroître & amplifier la dignité des bonnes lettres : & pour ce plus ardemment qu'auparavant il n'avoit fait , il en pourſuivit l'avancement : & premièrement il perſuada à ce bon Prince de leur eſtablir un ſeur domicile dans ſa bonne ville de Paris. Ce qu'il obtint aiſément, tant parce que ſa requête eſtoit plus que raifonnable , qu'auffi d'autant qu'il avoit l'oreille de ſon Prince propice à accorder ce qui ſervoit pour l'illustration des Muſes. Et de fait le Roy fit venir des plus fameux Professeurs de l'Europe , tant en Hebreu, Grec & Latin, qu'autres ſciences , auxquels il ordonna bons & amples gages. Seul geſte qui peut aſſez ſuffire, quand cét amateur des Muſes n'auroit illuſtré ſon nom par autres infinies actions & belliqueux exploits, pour à jamais eterniſer la memoire de ſa loüange immortelle , & apres ce Prince les Muſes doivent reverer noſtre Budé, qui auroit

conseillé , poussé & induit ce Prince à un si heroïque exploit. Enfin ce docte Parisien , apres avoir passé ces jours par les moyens qui ont esté cy-dessus deduits, fut grièvement affligé d'une fièvre par les Parques ennemies de l'heur & accroissement, qui de jour en jour arrivoit aux bonnes sciences, par son moyen, adresse & vigilance. Enfin il mourut à Paris, le vingt-deuxiesme jour d'Aoust, l'an 1540. estant âgé de septante trois ans, & fut enterré de nuit à Paris en l'Eglise S. Nicolas des Champs, n'ayant pour toutes pompes & funerailles qu'une torche allumée, avec une fort grande & honorable compagnie de ses parens, amis & des plus apparens de la ville. Et parce qu'il y en a, qui se debattans (comme l'on dit) de la chappe à l'Evesque, se formalisent de ce qu'il n'eut plus grande somptuosité à ses obseques , & ne voulans prendre cette raison en payement, que puis que par son testament qu'il fit un an avant sa mort , par expres il avoit ordonné qu'on ne luy fit autres ceremonies en sa sepulture, j'ay bien voulu adjouster icy quelques Vers , lesquels le sieur de S. Gelais a fait sur ce sujet, & qui peut-estre contenteront mieux ces testes charoüilleuses.

270 *Histoire des ſçavans Hommes,*
que ce que nous venons d'alleguer tou-
chant la volonté du deffunt.

Qui eſt ce corps, que ſi grand peuple ſuit?

Las! c'eſt Budé, au cercueil eſtendu.

Que ne font d'oc les cloches plus grand bruit?

Sen bruit ſans cloche eſt aſſez eſpandu.

Suivant la mode accouſtumée & ſainte?

Afin qu'il ſoit par l'obſcur entendu,

Que des François la memoire eſt eſteinte.

l'eſtime que j'ay aſſez diſcours des
mœurs, diſts, geſtes & eſcrits de ce rare
perſonnage, pour faire entendre à un
chacun de combien ſ'abusent quelques-
uns, qui ne prenans plaifir qu'à piquer les
gens digne de remarque, ſans qu'il y ait
aucune occaſion, tâchent à avilir la louan-
ge de Budé. De trop m'en formalifer je
m'en garderay bien, puis que je voy que
Budé luy-meſme n'a daigné repouſſer par
inveſtives Eraſme, George Agricole &
autres qui l'ont voulu amener à telles &
ſi rigoureufes procédures.





ANDRÉ ALCIAT, IVRIS-
CONSULTE MILLANOIS.



ANDRÉ ALCIAT IVRISCONSULTE Millanois.

CHAPITRE XXVII.



ANT plus le sujet est beau, ample & spatieux pour pouvoir discourir des loüanges de ce personnage, d'autant plus me trouvoy-je entrepris, pour ce que je n'ose entrer au discours de la gloire qu'il mérite, puis que je ne pourrois m'en retirer pour peu que je sceusse y entrer. Et à dire la verité, quand je me represente devant les yeux, tant la profondeur de son sçavoir, que le mélange des sciences, dont il estoit accomply, je suis ravy en grande admiration comme il est possible qu'un seul homme ait pû embrasser un si grand tas de discipline, avec un tel bonheur, que dequoy qu'il se soit messé il a sur tous autres emporté le prix. A l'Histoire, connoissance des langues, eloquence, poësie, Iurispudence & autres disciplines a-t-il donné si parfaite atteinte, que quand il auroit employé tout le cours de sa vie,

il feroit impoſſible que mieux à propos & plus pertinemment il eut peu diſcourir de chacune d'icelles, qu'il a fait ſur toutes leurs parties & generalité, ainſi que je declareray par le menu cy-apres. Il nâquit au village d'Alciat, qui eſt au Duché de Milan, au huitième de May mil quatre cens quatre vingts douze. Il n'eut pas atteint l'âge capable de pouvoir comprendre quelque choſe, que ſes parens le fourrerent aux plus floriffantes Vniverſitez qu'ils peurent choiſir. Où ce jeune Eſcolier fit un tel profit, qu'en bien peu de temps il ſe rendit le plus ſçavant de tous ceux, qui auparavant luy eſtoient égaux. De fait en quelque endroit de ſes œuvres il remonſtre à ſes Auditeurs, que la diligence & aſſiduité leur ſont plus que neceſſaires pour grimper au deſſus du Mont Helicon, & principalement la continuelle poursuite qu'il faut faire inceſſamment pour atteindre le but où on pretend. Et à cét effet il avoit accouſtumé de leur mettre en butte la devife de ſa race, laquelle fondée ſur l'alluſion du nom, convenoit tres-proprement à ce ſubtil & diſpos Alciat, car tout ainſi que l'Alce (qui eſt une beſte ſauvage, de laquelle parle Plin au huitième livre de ſon Hſtoire

naturelle, Chapitre 15.) avec sa force & agilité, arpenté & surmonté les monts les plus difficiles : aussi la diligence tirant toujours d'un mesme fil, sans y penser nous rend au dessus de nos pretensions. Mais le secret de la devise (laquelle est couchée au troisieme de ses emblemes) gist en ces deux mots, *myden anaballomenos*, à sçavoir que par remise à autre temps il ne faut jamais reculer arriere. Ce qu'il exprime par l'exemple du grand Alexandre, lequel en fort peu de temps a fait de telles & si incroyables executions. Et parce que l'exemple que nous donnons nous-mesmes par nostre vie à autrui, esmeut beaucoup d'avantage, il avoit cette grace de leur faire parade l'indompté travail que jours & nuits il prenoit apres l'estude. Tel que (comme j'ay dit) il se trouva inopinément le premier de sa robe, & il n'a point de honte luy-mesme en une harangue qu'il prononça à Pavie, de se vanter qu'encore que son âge le recula du degré que tenoient les grands & anciens Docteurs, malgré sa volonté il s'y trouva, & tint l'un des premiers rangs sur les autres. De fait il ne pouvoit qu'il n'arrivât ainsi, puis que par son vol il ne pouvoit pas seulement se mettre au dessus de

274 *Histoire des ſçavans Hommes,*
chaires doctorales , mais par deſſus les
Cieux , autant que la capacité humaine
peut le luy permettre. Ce que par la de-
viſe qu'il s'eſt particulièrement appro-
prié, ſembloit que non par ſoy-meſme, ou
par ſa vertu, mais par fortune ſon entor-
tillé *Æſculape* le rendoit heureux d'une
telle & inopinée felicité. Pour preuve de
ſon excellence je pourrois employer la
bien-diſance qu'il déployoit avec grande
dexterité en ſes leçons ordinaires de Bo-
logne, Pavie & Ferrare , où je me ſou-
viens l'avoir autresfois veu , fort priſé
des grands Seigneurs, qui ſe reputoient à
tres-grand bon-heur d'avoir familiere
communication avec un ſi rare & ſigné
perſonnage de tant de vertus. La France
pourra teſmoigner de ſa ſuffiſance, & il y
a bien peu d'Univerſitez floriffantes , qui
n'ayent eſté honorez de ſa preſence. Sur
toutes autres celle de Bourges , comme
elle eſt honorée des plus excellens Iuriſ-
conſultes de l'Europe , auſſi peut-elle ſe
glorifier de l'avoir entretenu par l'eſpace
de cinq années , où tellement il entonna
ſes leçons legales, que non ſeulement il
en remporta de la louange, mais auſſi ſ'in-
ſinua aux bonnes graces du Roy François,
premier reſtaurateur des lettres , qui le

careffa de toutes les honneftetez qu'il pût. Apres il fut rappellé par son Prince en fon païs, non fans grand regret qu'il eut de laiffer cette floriffante Vniverfité, en laquelle il fe trouvoit fi bien, qu'il ne pouvoit en fortir, ainfi que témoignent les Vers qu'il compofa à fon depart.

Vrbs Biturix, invitus amans te defero amantem,

*Quinque per astate terra habitata mihi.
Nunc opus ad vitulos est à vervecibus ire :
Ergo vale, & felix fit tibi lanicium.*

Cét adieu de ce fage Poëte eft fort elegant & representé, tant l'affection qu'il portoit à Bourges, qu'auffi la ville à luy, & pareillement la diftinction de Bourges, avec le païs d'Italie, fondée fur la diverfité des armoiries du veau & du mouton. Or pour retourner à notre Alciat, parce qu'il vit fon païs en trouble, & que mal-aifement pourroit-il faire éclater le fon de fa trompette legale parmy les troupes guerrieres, il fit estat de choifir un lieu paifible, partant il fe retira en France, à ce follicité par le moyen de cette grande Marguerite, qui en fon Duché de Berry reftaura les bonnes fciences. En France il

276 *Histoire des ſçavans Hommes,*
fut fort benignement receu, tant par ſa
Majeſté que par pluſieurs Seigneurs, qui
le reſpectoient grandement, à cauſe de
ſon excellent ſçavoir : & entr'autres ce
grand Proteſteur des lettres & hommes
ſçavans, Antoine du Prat, Chancelier de
France, auquel il ne tint pas qu'Alciat ne
fut bien appointé. Comme auſſi le Docteur
Budé prenoit un nompareil plaiſir, que
l'orage de l'Italie eut pû jetter en noſtre
France celuy, qui pourroit par ſes labeurs,
induftrie & ſubtilité redreſſer beaucoup
de choſes, qui eſtoient par l'injure du
temps démantelées au corps du droict.
Mais qu'eſt-il beſoin de m'arreſter, ou
ſur l'accueil que les Seigneurs de remar-
que luy ont fait, ou ſur le profit qui peut
eſtre par luy ſurvvenu au public par ſes le-
çons, puis que ſes eſcrits celebrent aſſez
ſa renommée. De ma part j'oſeray bien
dire (& en ce ne penſe point faire tort à
perſonne) que c'eſt le perſonnage qui a
avec auſſi grande ſubtilité & gentilleſſe
d'eſprit, eſclaircy les points fâcheux &
difficiles du Droit, que nul autre de ſon
temps. Et qu'ainſi ne ſoit, les fideles in-
terpretations, aſſeurées reſolutions, con-
ciliations d'antimonies, diſtinctions & re-
cherches qu'il a fait, pourront m'en de-

mentir. Quant aux restitutions, emendations & animadversions qu'il a fait sur tout le corps du Droit, il n'y a homme, qui né au Droit ne me confesse que c'est le premier qui a le mieux rencontré, & quoy que quelques-uns luy reprochent quelque parade Italienne, qui l'auroit porté à s'ébattre en nouveauté pour faire parler de sa suffisance, & quand cela seroit ainsi, s'il a pû donner droit au but, pourquoy est-ce qu'on ne prisera sa vivacité d'esprit & rareré de doctrine? Je sçay bien que plusieurs qui l'ont suivy ont illustré le droit de plusieurs recherches, sans lesquelles le droit eut esté bien embrouillé. Je ne veux point pareillement dire que l'honneur du Docteur Cujas, le Platon des Loix doivent estre terny, pour la reputation en laquelle je tiens Alciat. Ce n'est pas à moy d'entreprendre sur un tel jument, & aussi il me déplairoit fort de flétrir la dignité de celuy, qui aujourd'huy ressuscite cette fameuse Academie de Bourges, de laquelle nous avons entendu cy-dessus qu'Alciat estoit grandement Amoureux. Si est-ce qu'il faudra qu'ils m'accordent, qu'ayans découvert que ce Jurisconsulte Milannois avoit commencé à escumer les superflui-

tez, qui pouvoient nuire à la doctrine legale, ils ont en tant qu'en eux a eſté, tâché de repurger cette divine ſcience, de ce qui eut pû luy corrompre ſa faveur. A l'Histoire encore qu'il eut donné grande lumiere par le diſcours de ſes Commentaires, particulièrement a-t-il voulu attacher l'Hiftoriographe Corneille Tacite, & par quelques autres volumes. D'entrer au prix & eſtime qu'on pourroit faire de ſes Emblemes, je m'en garderay bien pour l'envie que j'ay d'abreger ce diſcours, lequel je groſſirois trop, ſi je voulois dire ce qui feroit requis des philoſophiques ſecrets qui ſont contenus en un tel œuvre, de la briéveté Laconique, ſous laquelle, comme marques Hieroglyphiques, il a déclaré des choſes que pluſieurs autres euſſent eſté bien empêchez d'exprimer auſſi euidentement, encores qu'ils y euſſent employé de gros & amples volumes: loint auſſy que le Dijonnois Minos a aſſez ſatisfait ſur cette matiere. Auquel ie ne puis preſenter pour remerciemens, que l'eternelle louange, qu'il s'eſt luy meſmes acquis. Je lairray pareillement l'eloquence de ce diſert & incomparable Orateur, qui nous a représenté ſous riches & latins termes ce que les

anciens Docteurs avoient proposé, & de lourds barbatismes. De deux points est-il taxé. L'un que sa methode ressenoit je ne sçay quelle ostentation doctoralle, qui reussissoit entierement au profit du lecteur ou auditeur, pour les curieuses questions & distinctions de vieux bouquins, où il s'est trop amusé. L'autre que l'avarice luy commandoit tellement, qu'il sembloit que sa langue, plume & doctrine fussent à gage des Seigneurs, qui plus luy donnoient d'escus. Et mesme je me souviens qu'aux parerges, parlant de l'ason, il vueille prêcher pour l'argent, le prisant de ce qu'à luy ont esté augmentez les gages des Docteurs. D'où Alciat a bien sçeu faire son profit, ayant tiré de l'Vniversité de Bourges douze cens escus d'estat, outre ses licences & Doctorats, qu'il faisoit bien tripler, suivant la trace du Docteur l'ason, lequel fût le premier, qui pour les degrez & honneurs qu'il donnoit aux Jurisconsultes, prenoit cinquante & cent escus, au lieu qu'auparavant luy on avoit accoustumé de passer pour trois ou quatre escus. A cause de ce (dit-il) que luy, Decius, Ruine & les autres Docteurs peuvent s'enrichir de ces gratieufetez, que payent les Escoliers, sans estre sujets à

280 *Histoire des sçavans Hommes,*
reprehension. De là il n'est pas mal-aisé
de recueillir qu'il se fait fort de l'ason,
contre ceux qui se formalisoient à l'en-
contre de luy, de ce qu'il estoit tellement
tenant à l'argent, que pour recevoir de luy
la dignité de Docteur, Bachelier ou Licen-
tié, il falloit qu'on desgaignast à foison
des escus. Ce qui me fait persister d'avan-
tage en cette opinion, est qu'au dernier
chapitre du cinquiesme liure de ses parer-
ges, reprenant son propos de l'ason, il se
plaint des Princes & Seigneurs, qui cou-
chent en si petit estat les doctes & sça-
vans hommes, au lieu qu'au temps passé,
mesmes du temps de Vespasian (au ra-
port de Tranquille) cét Empereur fai-
soit delivrer de ses deniers publics quin-
ze cens escus aux Orateurs & Rhetori-
ciens Grecs & Latins : mesmes adjouste-
il l'autorité du Rhetoricien Eumenius,
qui exerçoit sa vocation à Authun, auquel
par l'Ordonnance des Empereurs Diccle-
tian & Maximian, on donnoit d'estat
quinze mil escus par an. Somme qui sem-
blera bien excessive à ceux, qui enten-
dent qu'aujourd'huy quelques Princes
tiennent si peu de conte des gens sça-
vans, qu'à peine daigneront-ils les re-
compenser de quelque petite reconnois-
sance.

sance. Je ne sçay si la faute vient de ce qu'il n'y a plus d'Alciat, qui leur fâsse entendre haut & clair leurs leçons. Quant à la methode de ce Jurisconsulte, laquelle certains tiennent estrange, ils en forgeront s'il leur plaist un autre, si ne pourront-ils nier que la principale pureté, qui a esté donnée au droit, n'ait esté par le moyen du docteur Milannois, qui raclant tous ces gros mots barbares qui escorchoient le palais des plus patriens, forts & vigoureux, non assez prisee eloquence, restitué à la Jurisprudence la liberté qui estoit acquise par le droit Romain. Je sçay bien que quelques rechignez & controleurs se mocqueront d'une telle peine, qu'à pris cét Eloquent Jurisconsulte à nettement exprimer ce que ses devanciers avoient proposé mais en un si grossier discours, qu'il ne sembloit plus que le droit civil fut Romain. Leur raison est, qu'aujourd'huy en France on ne plaide plus en Latin, de sorte que moyennant qu'on puisse en France exprimer le droit en François, suffira, sans s'amuser aux delicats fleurons des phrases Ciceroniennes. Et toutesfois n'ont-ils pas gagné leur procès, pour ce que cela ne doit pas empescher que la pureté de l'E-


282 *Histoire des sçavans Hommes,*
legance Latine ne soit gardée, d'autant
que le Droit a esté tissu & composé par
les anciens Iurifconsultes, qui ne don-
noient point d'attaques, ou à Priscian ou
à Ciceron. Apres avoir eternisé de cette
maniere sa renommée, il alla de vie à tré-
pas à Pavie, l'an 1548. ou selon les autres,
22 Janvier 1551. & fut enterré en l'Eglise
S. Epiphane.







MELLIN DE S.^T GELAIS,
ANGOUMOISIN .



MELLIN DE SAINT GELAIS,
Angoumois.

CHAPITRE XXVIII.



ELLIN de Saint Gelais, issu de noble & ancienne famille, son pere fut Octauien de Saint Gelais, qui a traduit en Vers François les Epistres d'Ouide, l'Æneïde de Virgile & quelques liures de l'Odyssée d'Homere, composé le Sejour d'honneur & le voyage du Roy Charles huitième. Son fils fut nourry au commencement de son ieune aage en France, où il apprit les lettres humaines, puis ayant atteint l'aage de vingtr ans, il s'achemina en Italie pour estudier, & apprendre le Droit ciuil, lequel il vit tellement espars, & confus, & rempli de telles contrarietez, qu'il n'y auoit interprete, ou Docteur sur iceluy, qui n'eut besoin d'autre interprete: Destourné de cette science pour son obscurité, & confusion (selon l'erreur du vulgaire) & pour la diversité d'opinions des Docteurs, il reprend la poë-

ſie beaucoup plus douce , & mieux ſonante , laquelle des ſon commencement il avoit ſuivie, & embrassée. Il appliqua auſſi ſon eſprit à la Philoſophie , & cōme celuy, qui avoit grande connoiſſance de l'Aſtrogie , il ſ'eſtudia fort , & approuva les aſtres , conſtellations, & naiſſance de l'homme , rejetant toutes les autres parties comme ſuperflües. Il a fait , & compoſé vn liure , intitulé en Latin *De fato*, lequel il a redigé par eſcrit d'un ſtile fort elegant , & depuis a eſté imprimé ſans nom , & auteur , & a eſté mis en lumiere: comme beaucoup d'autres de ſes eſcrits contre ſa volonté & intention. C'eſt luy qui a traduit en vers François la tragedie de Sophonisba , & a reueu & corrigé le liure du courtiſan, compoſé par Balthazar de Caſtille Italien. Il a de ſon vivant diligemment, & ſoigneuſement recherché la lecture de tous les Poètes , & a à leur exemple & imitation compoſé en Latin des poèmes de pluſieurs fortes. Il a le premier redigé en François des Poèmes amoureux , & de toute autre façon , & avec le conſentement de tous il a acquis & emporté le nom de Poète, fluide. En la Muſique, & toute ſorte d'inſtrumens il a excellé de ſon temps avec telle grace , douceur , &

gravité, que le Roy François premier pere des Muses, & restaurateur des sciences, lors regnant, l'apella, & attira en sa Cour. Où estant avec sa douceur & honnesteté, il se captiua, & gagna entierement les cœurs, & amitié d'un chacun, laquelle il conserva avec une ferme constance iusques à la fin. Il n'estoit pas seulement aimé du Roy, mais tous les Princes, & Seigneurs de sa Cour eurent beaucoup de creance en luy : Par le moyen de laquelle, & par sa bonté, il profita à plusieurs plus qu'à soy mesme. Le Roy le constitua Maître & garde de sa Bibliorheque, qu'il auoit tres-belle, à Fontaine-bleau. Le Roy François decedé, le Roy Henry son successeur le continua pour ses merites, & valeur en tous ses Estats & offices, & pour sa vertu l'honora grandement s'il y auoit quelques braues discours à faire, soit pour escrire en Prose, vers François, ou Latins. le tout estoit renuoyé à Saint Gelais. Il estoit toutesfois prompt, & soudain à reprendre & censurer les fautes d'autrui. En quoy il s'acquist de son viuant plusieurs enuieux. Peu auparauant sa mort estant au liect tourmenté d'une fièvre, il ne pût oublier son ancienne coustume, & se fit apporter sa harpe. Et chanta d'une voix,

286 *Histoire des ſçavans Hommes,*
mains tremblantes les Vers enſuivans,
qu'il avoit faits au fort de ſa fièvre.

*Barbite, qui varios leniſti corporis aſtus
Dūm juvenē nunc ſors, nūc agitabat amor.
Perſice ad extremū, rapideque incēdia febris.
Qua potes infirmo fac leviora ſient.
Certe ego te faciam ſuperas evectus ad auras
Inſignem cythara fidus habere locum.*


Le iour ſuiuant eſtant à ſemblable touche de la fièvre, & de chaleur vehemente, beuvant du laiſt d'aſneſſe, duquel pendant ſa maladie il avoit de couſtume d'uſer, par le conſeil des Medecins, il compoſa ces deux Vers.

*Troiam evertit equus, Perſas genus anxiet
equorum,
Nolo ego equos, fatis ſat ſit Aſella meis.*

Puis vne ou deux heures avant rendre l'eſprit, les Medecins eſtans en ſa chambre, diſputans, & deuiſans de ſon vrine, en ſe ſouſſiant, leur dit, qu'en peu de fait il leur enſeigneroit quelle ils la devroyent iuger: Ainſi conſtant Philoſophe, Poète doux, & fluide au fort de ſa maladie, eſtant meſme d'âge & decrepit, il porta

patiemment son mal. Il estoit de moyenne stature, fort gresse de corps. Ayant le poil des cheueux, & de la barbe fort clair & mol, le front ouuert, le sourcil vn peu enleué, les yeux verts, le nez eleué, la bouche moyennement grande. La face longue, le col assez long, & petit, d'un visage modeste, d'une singuliere Eloquence, de petite nature, & complexion, mourut au mois d'Octobre, vesquit soixantè & sept ans, six mois, quinze iours, & son corps fut mis & enterré à l'Eglise saint Thomas du Louvre, à Paris.










SEBASTIEN MÜNSTER .



SEBASTIEN MUNSTER.

CHAPITRE XXIX.



LVSIEURS s'estonneront de ce qu'ayant en ma Cosmographie & en cét œuvre si souvent repris Munster, presentement je represente son portrait, & dressé par maniere d'eloge le bref discours de sa vie. Ausquels je ne veux pour les contenter, opposer rien autre que la deffiance que prit Aristote sur ce qu'on luy eut sceu reprocher, qu'il se bandoit contre Platon, lequel comme son maistre & precepteur il devoit cherir & honorer. Platon, dit-il, m'est amy, & la verité m'est amie. C'est pourquoy encore que je prise le sçavoir de Munster, si ne puis-je le flatter en quoy je connois qu'il s'est mépris : autrement il faudroit quitter mon naturel, & d'une affection mal-advisée épouser les opinions d'autrui, lesquelles je vois autant éloignée de la verité, qu'il y a de distance entre le dernier Ciel, jusqu'au centre de la terre. Et afin que je des-

190 *Histoire des scavans Hommes,*
ploye quelque chose de ce que je puis
avoir sur le cœur de ce personnage, je
trouve que de trois costez son honneur
est terny & déchiré. Quant à luy, pour
avoir esté trop prompt à croire, au raport
d'autrui, il s'est laissé couler en une mil-
liasse de faussetez, bourdes & niaiseries,
dont j'en ay en passant remarqué quel-
ques-unes, ainsi qu'il le pouvoit permettre
le sujet que je traitois. Voila ce que c'est
de s'aventurer en ce qui passe les bor-
nes & limites, soit de nostre capacité, soit
de nostre vacation. S'il eut remarqué que
la Cosmographie doit estre traitée par
personnages, qui ayent hanté & décou-
vert les pais, contrées & regions du mon-
de, je n'estime pas qu'il eut osé s'hazar-
der à chose, où il n'entendoit que le haut
Allemand: car encore que par la propor-
tion bien ordonnée du globe terrestre, on
puisse apprehender les hauteurs des li-
gnes, climats, paralleles, cercles, latitu-
des, longitudes, degrez, minutes, & di-
mensions: Toutesfois cela est avec une
incertitude si grande, que ceux, qui sans
avoir de leurs yeux découvert les pais, en
ont voulu raisonner, ont trouvé leur rai-
son eclipsée de trois quartiers & de la
moitié & d'avantage de l'autre quart. Pour

cette occasion on n'adjouſte pas grande foy à Xenophon & Thucydide, parce qu'ils n'eſtoient parvenus juſqu'aux lieux dont ils faiſoient mention. Comme auſſi le recit d'Ephore & Timée eſt demeuré freſle, douteux & mal-aſſeuré, pour ce que non point par pareſſe & negligence ils ſe ſont mépris, mais par faute d'avoir ſceu découvrir l'aſſiette des païs & regions, dont ils dreſſoient un diſcours: Au lieu qu'on voit le grand poids qu'a eu le raport d'Artemidore, quand il eſcrit d'Arabie, parce qu'il y avoit eſté, lors qu'*Ælius Gallus* y fut dépeſché par les Romains. De meſme auſſi, ſans caution (comme l'on dit) ſ'aſſure-t-on de ce que Diodore le Sicilien deſcrit, promet & propoſe des affaires des Egyptiens. Et c'eſt cela qu'on dit couſtumièrement, qu'un témoin qui a veu, vaut d'avantage que dix qui auront ouï. Cela fait que je loue grandement ce qu'a eſcrit Munſter touchant ſon païs d'Allemagne, puis qu'on voit qu'au plus près de la verité il en a eſcrit ce qu'il en ſçavoit; mais à ce qui eſt des païs eſtrangers, il n'y a perſonne qui avec moy ne reconnoiſſe, qu'il a paſſé par deſſus, & le plus ſouvent a pris le blanc pour le noir, pour avoir peſché dans les bezalles de quelques

292 *Histoire des ſcavans Hommes,*
ignorans, qui n'avoient que danrées fal-
ſifiées & corrompuës. Dont je m'eſton-
ne plus eſt, qu'il y en a eu, qui n'eſtans
plus habiles de ſçavoir que Munſter, ont
neanmoins oſé gratter ſur luy, le refon-
dre de nouveau, qui eſt le ſecond chef
ſur lequel je fonde le grief que je pre-
tends à l'encontre de ceux, qui n'ayans
porté leur nez gueres plus loin que les
tiſons de leur foyers, leur poiles ou leurs
cahuettes, cependant oſent ſe faire ac-
croire qu'il n'y a coin, canton ny angler
de terre, lequel ils n'ayent fureté, mais
c'eſt imaginaiement. Pour couvrir leur
par trop preſumptueuſe entrepriſe, ils
ont par cy par là derobé ce qu'ils ont peu,
& quelquesfois ont voulu eſtronçonner de
petits lopins de la ſuite des diſcours qu'ils
ont chaſtré: ſi bien que leurs gros bou-
quins ne ſont compoſez pour la pluſpart
que de piéces raportées, qui ſont de ſi
mauvaiſe grace, qu'à ce que je puis ap-
prendre ils ne ſervent qu'à faire des cor-
nets aux eſpiciers & beurriers. Ce que
j'en diſ ainſi ouvertement eſt pour le re-
gret que j'ay, que Belleforeſt ait aſſez in-
diſcrettement voulu raboblir la Coſ-
mographie de Munſter. Je ne fais pas
de doute, que quelques-uns n'eſtiment,

que j'en dis ce soit pour luy rendre pour poids fèves, & qu'ayant esté agacé par luy, je vueille à cette heure descharger la fureur de mon courroux sur luy. Dieu m'en fera à témoin, & de ma part, quand il m'auroit plus offensé qu'il n'a, je serois bien fasché de satyriser & mal parler d'un mort. Joint qu'à la fin de ses jours, reconnoissant le tort qu'il sçavoit, d'avoir fait imprimer ces livres, ou contre sa conscience il déchiroit la renommée des gens de bien & de ceux qui leur avoient mis le pain à la main, il me manda : Et en presence de deux Docteurs de la Sorbonne, son Medecin & son Marchand Libraire & Imprimeur Gabriel Buon, apres m'avoir baisé les mains, confessa publiquement qu'il sentoit sa conscience chargée des blasmes qu'il m'auoit imposé : parquoy il me demanda pardon par plusieurs fois. De ma part je le requis au mieux qu'il me fut possible, & luy dis qu'il ne devoit point penser à cela, attendu que nous estions tous hommes. Et quand à Munster, je ne suis point de ceux, qui quant le loup est mort (comme l'on dit) sont hardis à abbayer ; mais n'oseroient de cent pas à la ronde

294 *Histoire des ſçavans Hommes*,
approcher de luy, j'ay lettre de ce docteur
Allemand, eſcrite dès l'an mil cinq cens
cinquante, par laquelle il ſe retracte de
certaines fautes lourdes qu'il avoit com-
mis dans ſa *Cosmographie*, prend de bon-
ne part les reprehensions que je luy avois
fait, ſous promeſſe de les remarquer &
retrancher en la premiere edition qui en
feroit apres faite. Faut que la mort ait
coupé une ſi loüable retractation. Au-
moins ſi ceux qui ont remis la main ſur ſa
Cosmographie, euſſent daigné demander
aux ſucceſſeurs de ce bon personnage les
memoires qu'il pouvoit avoir eſcrit apres
la derniere edition, ils n'euffent (j'en
ſuis bien aſſeuré) fait de ſi lourdes dé-
marches. Or pour reprendre noſtre
Munſter, le troiſieſme chef qu'on peut
employer pour le terniſſement de ſon
honneur, eſt que l'auteur des portraits
des Hommes Illuſtres le ſemble mépriſer
de ce qu'il a eſté Cordelier, comme ſi
l'habit de ſaint François & la Chreſtien-
té en un meſme ſujet fuſſent deux choſes
incompatibles. Parce qu'il eſt de diffe-
rente opinion d'avec moy, je ne le bat-
tray point des argumens propres à le per-
ſuader aux Catholiques, d'autant que je
ſçay bien qu'il ne s'en feroit que rire.

Mais je luy veux apprendre sa leçon des livres mesmes de ceux de sa Religion, qui confessent que le Baptisme qui est receu en l'Eglise Catholique Romaine, retient encore la forme essentielle, qui fait Chrestiens ceux qui sont baptisez. De là je conclus, que puis que Munster a esté baptisé, qu'il est Chrestien. Et il y a bien plus, que les Catholiques Romains ne sont point retranchez de la compagnie des Chrestiens par Calvin, & celuy mesme auquel nous adressons ce propos. Qui pouvoit bien plus modestement parler de Munster, sans tout d'un coup le des-Chrestienner dès qu'il a esté Cordelier. Possible fonde-t-il sa raison sur ce que les Catholiques croyent Iesus-Christ, lequel luy ny les siens ne veulent advoüer? mais cela est rompre l'anguille au genoüil. Que s'il le veut oster du nombre des Chrestiens à cause de la bezasse qu'il faut que les Mendians portent, je le quitte, moyennant aussi qu'il m'accorde deux points. Le premier est que Iesus-Christ rejette du nombre des siens les pauvres. Ce qui est manifestement repugnant à la verité Evangelique, & par ainsi je tiens tant de luy, que jamais il ne me passera cét article. Le second est qu'il retrancha

296 *Histoire des sçavans Hommes,*
du nombre des Chrestiens tous ceux qui
ont esté Mendians ou Moynes, & par ce
moyen il effacera du livre de louange une
grande bande de ceux, qu'il a tant prisé
en son œuvre des portraits, & mesme
nostre Munster. Vous y trouverez son
Hierosime Savonarola, lequel il fait Flo-
rentin, quoy qu'il fut Ferrarois, il estoit
Iacobin. Quand à Martin Luther on sçait
fort bien qu'il fut Augustin, & Conrad
Pellican Cordelier, Jean Baleus Anglois
Carme, Pierre Martyr de l'Ordre de saint
Augustin, François Kol Augustin, Mar-
lorat, Jean Bugenhage, Martin Bucer,
Volfgang Muscule, Christophe d'Areli-
ano & une longue traite d'autres, avoir
esté premierement esclous dans des Con-
vents & Monasteres, desquels ils ne pou-
voient sortir & rompre leur veu de cha-
steté sans permission ou dispense du Pa-
pe, & les conditions sous lesquelles les
Saints Conciles ont permis qu'ils pou-
voient quitter leur Religion, à sçavoir si
par force ou n'avant âge competant ils
ont esté reclus és Cloistres, qui ont esté
les ouvriers de l'edifice de leur Religion,
& par ainsi qu'ils doivent estre renvoyez,
ou au Paganisme, ou au Mahometisme,
ou enfin au mélange de l'un & de l'autre.

Là dessus je sçay fort bien qu'ils me répondra que leur conversion les a refaits Chrestiens. Ce qui sera fort difficile à me persuader, puis que je tiens pour maxime indubitable, que la seule porte & entrée du Christianisme tourne sur les gonds du Baptesme. Toutesfois puis que ce discours n'a pas esté entrepris pour rembarrer avec raisons Theologiques ceux, qui detraient de l'autorité de l'Eglise Catholique, Apostolique Romaine, je me deporteray de cette dispute, pour retourner à nostre Munster, lequel (ainsi que luy-mesme a escrit au troisieme livre de sa Cosmographie) estoit fils d'André Munster, né à Ingelhein lieu fort renommé, tant pour son assiette, qui est fort belle & plaisante, que pour la naissance qu'il a donné à l'Empereur Charles le Grand, encore que certains le veulent faire natif du Liege : ce que je ne puis croire, attendu que cét Empereur, quand il estoit en la haute Allemagne, avoit accoustumé de se tenir dans son superbe & magnifique Palais, qu'il avoit là. Que s'il doit estre renommé pour avoir donné naissance à un Empereur, qui a par ses actions & victorieuses conquestes fait retentir par tout le mond

298 *Histoire des ſçavans Hommes*,
le bruit de ſon excellence, combien plus
doit Ingelhein eſtre eſtimé d'avoir enfan-
té celui, qui n'a point ſeulement conſacré
à eternité la memoire du lieu de ſa naiſſan-
ce, mais auſſi l'Allemagne entiere & le
reſte des contrées de tout le monde; le
ne tireray point hors ligne de compte ce
qui ne peut luy eſtre deſavoué pour le
merite de ſa Coſmographie, puis que cy-
deſſus j'en ay deſia aſſez ſuffiſamment
parlé, & qu'il n'y a homme qui ne doive
grandement admirer la diligence, qu'il a
mis à rechercher, tant l'aſſiette des pla-
ces, dont il propoſe les deſcriptions, que
les loix, mœurs, couſtumes & manieres
de vivre des peuples, quelque eſloignez
qu'ils ſoient. J'ay beaucoup d'autres ar-
ticles, leſquels ſi je voulois mettre par
compte, il faudroit groſſir de beaucoup
ce preſent eloge. Pour les ſciences Ma-
thematiques il a mis en lumiere pluſieurs
beaux & excellens livres, qui ſervent de
beaucoup à l'illuſtration de ces diſcipli-
nes. Vous avez ſon Horolographie, où
il dreſſe pluſieurs ſortes de compositions
d'horologes, le tout avec pluſieurs figures
gaillardes & gentilles. En apres ſon or-
gane uranique nous repreſente les Theo-
riques de toutes les planettes, leurs mou-

vemens ordinaires jusques à cent ans; les changemens de la Lune quant elle croist, envieillit ou deffaut à cause de l'Eclipse; le deffaut du Soleil. Les regles sur le nouveau instrument lumineux, enseignans par quels moyens on trouve les vrais & moyens mouvemens du Soleil & de la Lune, les lunaifons, les conjonctions, les oppositions, le chef du Dragon, les Eclipses, les heures egales & inegales de la nuit, le lever & coucher du Soleil, l'ascendant du Ciel, l'intervalle, le nombre d'or & infinies autres raretez dignes de fort grande remarque. Les tables nouvelles, qu'il a adjousté sur la Geographie de Ptolomée, faites avec tant d'industrie, que pour lire dans ce Geographe, il est presque impossible, de n'avoir pas les lunettes dressées & accommodées par Munster. Sur Pomponius Mela & Iule Solin il a passé son pinceau pour nettoyer & purifier les rides, macules & obscuritez, qui rendoient ces auteurs autrement ennuyeux au Lecteur. Il laisse à part quelques autres petits traitez, qui sont glissez parmy les œuvres d'autres excellens Mathematiciens, pour estaler ce qu'il a consacré à la langue Hebraïque, à laquelle il a apporté autant de lumiere que nul autre

300 *Histoire des ſçavans Hommes*,
de ſon âge. Premièrement je produiray
l'introduction qu'il a fait pour la langue
Hebraïque, avec une telle facilité, que
les plus lourds peuvent prefques en dor-
mant comprendre les ſecrets d'une ſi
ſainte & divine langue. Vous avez des
tables, grammaires deſparcellées & join-
tes enſemble pour l'explication de tou-
tes les parties de la langue Hebraïque,
ſoit ſur les declinaifons des pronoms,
les conjugaifons des verbes, l'artifice de
ſouſ-mettre les affixes, les façons diver-
ſes & jugemens des noms, les explica-
tions des conſignificatifs, les abbrevia-
tions Magiſtrales, les difficultez des ac-
cens & la compoſition des Vers. Ce fut
Munſter qui le premier eſcrivit la Gram-
maire Chaldaïque, apres avoir commen-
té quelques regles generales des He-
brieux. De ſon cabinet auſſi eſt ſorty ce
riche & elegant Dictionnaire Chaldaï-
que. Mais, qu'eſt-il beſoin de m'arre-
ſter ſi long-temps ſur la liſte des livres,
qui ont ſeulement ſervy de trace pour
parvenir à la connoiſſance de cette pre-
miere & divine langue. Bien peu trou-
verons-nous de livres au vieil & nouveau
Teſtament, qui n'ayent eſté calcinez, re-
vus, & obſervez par Munſter. Je n'en

feray point particulier recit , de peur d'ennuyer le Lecteur, qui pourra , s'il luy plaist prendre la patience, avoir recours à ceux , qui ont dressé un registre & inventaire des livres partis de la Bibliothèque de Munster. La subtilité duquel je n'admire point tant , comme je fais la facilité jointe avec une profondeur de sçavoir inestimable , dont il a usé pour interpreter les livres sacrez. Sur tout il a mis grande peine de découvrir les abus, impostures & resveries des Rabins, qui sous pretexte qu'ils avoient naturellement la connoissance de la langue sacrée, se sont fait accroire qu'il leur estoit loisible de tourner , virer & renverser le sens de l'Ecriture à leur poste , afin que par ce moyen embarassans de leurs resveries la verité de la parole de Dieu, ils nous privassent du fruit de la lumiere, que avec un certain Juif accariastre qui s'opiniastroit obstinement pour son Messias, luy aprend que le vray Messie est desia apparu, le vray & unique Sauveur de tout le monde , auquel les Chrestiens croient. C'est le Dialogue qu'il composa en Hebreu & en Latin, afin que les Juifs vissent leur procez fait , puis que leurs ruses estoient découvertes , & d'autre costé que

302 *Histoire des ſçavans Hommes,*
les Chreſtiens s'équipaſſent de toutes armes, dont là il dreſſa un arſenal, pour reſiſter aux calomnies & fauſſetez Iudaïques. Il a fait pluſieurs belles traduſtions, tant des livres de la Bible que de ceux des Rabins, leſquels il connoiſſoit pouvoir ſervir à l'edification de l'Egliſe de Dieu. A laquelle non ſeulement par eſcrits, mais auſſi de bouche, il a ſervy en l'exercice de Profefſeur, où il eſtoit appellé à Baſſe, ville entr'autres choſes renommée pour la fameuſe Vniverſité qu'y dreſſa le Pape Pie ſecond, comme on voit par ſes lettres, donnée à Mantoüe le dernier jour de Decembre, l'an de grace mil quatre cens cinquante neuf, & de ſon Pontificat le deuxieſme, leſquelles contiennent cecy. Autresfois quand nous eſtions encore en plus bas eſtat, avons evidemment connu par l'eſpace de temps, que nous avons demeuré en la tres-renommée ville de Baſſe, que c'eſtoit un lieu, quant à la ſalubrité de l'air & routes autres utilitez, deſquelles l'homme peut ſe reſiouir, fort exquis & pour cela bien commode à ſubſtenter les ſemences des arts & lettres. Parquoy nous eſtans parvenus au plus haut degré de la dignité Apoſtolique, & deſirans illuſtrer & eſ-

claircir par la lumiere des sciences, tant cette ville que le pais à l'entour, & l'appuyer du conseil de gens sçavans, avons estably & ordonné audit lieu une Vniversité generale, & donné licence de lire perpetuellement, tant en la sacrée Theologie & chacun Droit, qu'en toutes autres Facultez licites. Et ne se contenta ce Pape d'y dresser une Academie, mais aussi (comme témoigne celuy auquel est destiné cet Eloge au troisieme livre de sa Cosmographie universelle) il luy octroya tous les privileges, droits & libertez qu'ont Bologne, Cologne, Erford, Lipse, Vienne & Heidelberg. Là cet excellent personnage leut par un fort long-temps. Enfin apres avoir de la maniere que vous avez entendu immortalisé son nom, mourut de peste l'an mil cinq cens cinquante deux, en l'âge de soixante trois ans, au grand regret, non seulement de ceux de Basle, mais aussi de tous les bons esprits, amateurs de vertu. De ma part j'ay esté contristé de sa mort, autant que nul autre de ses amis, pour l'envie que j'avois qu'il donna un coup de plume avant mourir, là où il s'estoit laissé assez miserablement suprendre à erreur, pour avoir voulu croire trop de leger. Il avoit eu fort

304 *Histoire des ſcavans Hommes*,
grande familiarité avec Eraſme, lequel
neantmoins fort ſouvent il reprenoit de
ce qu'il prenoit trop de plaifir à gauffer
& piquer les uns & les autres ; & luy met-
toit en butte pluſieurs de ſes compagnons,
qui par leur modeſtie gaignoient plus qu'il
n'eut ſceu par telles violentes & brocar-
dées inveſtives. Sur tout il luy propoſoit
Simon Gryné, lequel mourut le premier
jour d'Aouſt 1541. Mort, qui fut autant
ou plus fâcheuſe à Munſter, que ſi c'eut
eſté de ſon propre frere. Telle conjon-
ction & amitié eſtoit entr'eux, que je me
ſuis laiſſé dire, que par l'aide de ce per-
ſonnage, il a acquis l'éclairciſſement de
pluſieurs points, deſquels il a enrichy ſes
œuvres dernieres. De ſorte que d'autres
ſe ſont avantaagé de dire, que le peu de
livres qu'on a de Griné n'eſt pas qu'il
n'en ait point compoſé ; mais parce qu'il
donnoit à Munſter tout ce qu'il pouvoit.
Ce qui ne luy doit eſtre tourné à blaſme,
puis que dans ſes œuvres nous voyons,
qu'il n'eſt point chiche de reconnoiſtre
ceux qui l'ont ſecouru d'advertiſſemens.
Et cela me fait douter de ce raport, dau-
tant que ſi Munſter ſe fut ſenty redevable
à Griné pour cela, il n'eut pas eſté, qu'il
n'en eut touché quelque mot dans ſes œu-
vres.

vres. Or encore qu'il fut expert Cosmographe, parlant de la division du monde & region celeste, du Zodiaque ou l'escharpe du firmament, de la premiere & seconde Ecliptique, des Colures ou cercles imparfaits il n'en a pas dit grand chose, mais s'est laissé aller suivant l'opinion de Pierre d'Ally. Je le loüe principalement d'une chose, de ce que jamais il n'a appliqué son entendement aux predictions Lunatiques, par lesquelles plusieurs se sont meslé de predire beaucoup de choses suivant ce que Corneille Agrippa n'en a que trop escrit. Munſter abhorroit & avoit en desdain telles sciences noires, qui apprennent à phantastiquer sous certains caracteres & invocations de malins esprits, & eut esté bien fasché d'estre de la partie des exposeurs des Canicules de Salomon & visions du miroir, comme il estoit bien adverty que telles superstitieuses impietez sont damnables à ceux qui en font profession. Je sçay bien que de son vivant il a eu plusieurs ennemis, qui apres sa mort l'ont voulu taxer de magie, pour un certain livre que l'on trouva en sa Bibliothéque escrit en caracteres Hebraïques, lequel estoit soupçonné de magie, pour y avoir veu

306 *Histoire des scavans Hommes*,
quelques consecrations d'anneaux & mi-
roirs faites sous ce discours. *Adonai, Al-*
pha & omega es Cartara, Zabron, Batam
Rinatam, Facloquin, Facloquas, &c. Mais
je ne vois point qu'il y ait quelque neces-
sité en cette presumption.







POLIDORE VIRGILE .



POLIDORE VIRGILE.

CHAPITRE XXX.



VELQVES-VNS pour enfon-
cer dans la louange qu'ils
ont voulu donner à celuy,
duquel je vous represente le
portrait, se sont principalement arrestez
sur les singularitez du lieu, d'où il estoit
natif. De ma part je ne veux en rien al-
terer la louange, que la contrée d'Vrbin
merite entre toutes les parties d'Italie;
mais, à mon advis, ils virent la charruë
devant les bœufs: car au lieu de revestir
Polidore de l'excellence qui est particu-
liere à sa patrie, je soustiens que l'on doit
juger de la dignité, bonté & fertilité, par
la quantité des precieux fruits qu'elle a
produit. Entre lesquels je ne feray point
de difficulté de mettre des premiers nostre
Virgile, qui a esté doüé d'une infinité de
dons. qu'il a fallu que sur son front il ait
porté attaché le carquant, auquel ce nom
de Polidore ait esté gravé. Cette perfe-
ction a esté reconnuë par le souverain Pa-

pe, qui luy daigna commettre une charge plus heureuse que profitable ou honorable, dont il se sceut toutesfois si bien acquiter, qu'il la rendit l'une des plus illustres. Toutesfois parce qu'elle n'estoit correspondante pour symboliser avec l'estat d'Archidiacre de Vveller en Angleterre, où il s'estoit acheminé pour faire la recepte des deniers qu'il avoit commission du Pape d'y lever, il fut contraint de la quitter, & dès lors delibera de ne bouger de cette Isle, qui a esté la pepiniere de beaucoup de sublimes esprits. Là il s'adonna à faire & composer des œuvres dignes d'eterniser sa memoire à tout jamais. Il s'adonna de traduire de Grec en Latin plusieurs traitez du Docteur à bouche d'or saint Jean Chrysostome. Sur l'Oraison Dominicale il fit de belles & riches meditations, & traça ces cinq livres des regles, ordonnances & ceremonies, tant de la Religion Chrestienne que des autres peuples & nations, lesquels il a adjousté aux trois premiers qu'il avoit desja composez touchant les inventeurs des choses. D'exprimer icy avec quelle dexterité il a recherché toutes ces inventions, ce n'est pas mon intention, puis qu'un chacun pourra par la veüe & lecture de ses œu-

vres, aisement reconnoître, non seulement la sérieuse & loüable affection qui meü à une si haute & difficile entreprise ; mais aussi la fidelité dont il a représenté à la posterité la verité de ses intentions. Et sans doute ça esté le personnage autant inventif que nul autre. Il a esté si heureux, que ce grand torrent de science Erasme, a bien daigné suivre sa piste en son œuvre des Adages, qui a esté imprimée longtemps avant nostre Polidore, qui pour cette occasion semble luy en avoir sceu mauvais gré, comme il témoigne en son epistre liminaire qu'il adressa de Londres l'an mil cinq cens dix-neuf, à Richard Pace. Je laisse les livres qu'il a fait, de la patience, de la verité & mensonge & ses dialogues, des prodiges, pour parler de son Histoire d'Angleterre, qui luy a autant ou plus apporté de loüange, que le reste de ses œuvres. Encore que certains le trouvent plat en quelques points, lesquels peut-estre eux-mesmes n'entendent pas, il est blasmé par quelques-uns, de ce qu'il a approuvé le mariage des Ecclesiastiques, & a condamné l'adoration des Saints. Il mourut à Vrbin lieu


310 *Histoire des ſçavans Hommes,*
de ſa naiſſance l'an de noſtre Seigneur
mil cinq cens cinquante cinq.







ORONCE FINE .



ORONCE FINE.

CHAPITRE XXXI.



RCHIMEDE estant requis par Hieron, Roy fort sage & amy des Romains, de trouver les moyens pour découvrir la fourbe, qu'un Orfevre avoit fait en cette riche & superbe Couronne d'or, tant célébrée par les Historiens, qu'il luy avoit enchargé de faire, sans la rompre : dans laquelle ce déloyal & enjoleur Orfevre avoit meslé quelque quantité d'argent parmy l'or, ce grand Mathematicien fut en grande peine, jusqu'à ce qu'estant entré dans un bain pour se laver & nettoyer (selon la coustume du temps) & s'estant mis dans la cuve pleine d'eau, il remarqua qu'il sortoit de ce vaisseau autant d'or, que son corps occupoit de place : Cette simple observation le releva de peine, tellement qu'en sortant de la cuve il commença à réiterer qu'il l'avoit trouvé. De mesme puis-je dire presentement, ayant eu commandement de dresser icy,

312 *Histoire des ſervans Hommes,*
vne couronne de vertus & ſciences, on
voyoit bien qu'il y auoit les plus beaux &
plus gentils ouurages, qu'il eſtoit poſſible
de penſer : mais ils eſtoient falſifiez,
& ſophiſtiquez, & neantmoins de la bri-
ſer & diſſiper il n'eſt point queſtion,
pour leur excellence & rareté elegante.
Or pour decouurir en quoy la courōne des
Mathematiques ſciences, qui ſur toutes les
autres liberales du commun conſentement
d'un chacun doiuent tenir le premier &
principall lieu) eſt falſifiée, & peruertie à
pernicieux & deteſtables vſages, ie me
ſuis representé les ſecrets, ſingularitez &
compartimens Mathematiques, qui ont
eſté non moins doctement que ſabilement
tracés & deſcripts par ce ſecond Archi-
mede, duquel ie donne le portrait) tel
qu'il a eſté autres-fois tiré au viſ par
Maître Iean lanet, peintre du Roy Fran-
çois premier du nom, ſelon la vraye reſ-
ſemblance de noſtre Daulphinois en l'â-
ge de trente ſix ans, auquel temps il por-
toit la barbe rafe deux ans apres il com-
mença à la laiſſer croiſtre, & mourut la
portant longue d'un demy pied) & du-
quel j'ay eſté ſecouru, enſemble de quel-
ques memoires par ſon fils Maître Iean
Fine, Docteur en Theologie, lequel ayant
appris.

que ie faisois vn abregé des vies des hommes Illustres , s'est mis en tout devoir, qu'il a peu , pour y faire mettre son pere. Icy i'eusse proposé les moyens ouuerts par Oronce Fine , propres pour toucher au doigt l'abus , qui a esté commis aux Mathematiques. Mais parce que ie ne veux frustrer aucun de l'honneur , qu'il merite à cause de ses labeurs , & qu'un chacun pourra mieux à propos apprendre de cét Archimede Dauphinois ce qui en est, que par le discours que je pourrois en faire , i'ay pris plaisir de le coucher icy dans le liét d'honneur , qui y est consacré aux hommes Illustres. Doncques Oronce Fine naquit à Briançon, qui est une ville en Dauphiné, l'année mil quatre cens quatre vingts quatorze. Son pere fut François Fine, Medecin & Philosophe excellent, accompli au reste en la connoissance des Mathematiques. De m'arrester icy à l'antiquité & noblesse de la maison dont il est issu n'est pas mon intention , car encores que je sçache bien qu'il soit de la souche des Fines & Charroüets , qui sont assez celebres par ceux qui aiment la vertu, ie ne m'arresteray)dis-je) à la generosité de ses ancestres, d'autant qu'icy je ne fais pas

314 *Histoire des ſçavans Hommes,*
eſtat de reciter les louanges qui luy ſont
eſcheuës , à cauſe de ſes devanciers ,
mais de ce qu'il s'eſt luy-meſme particu-
lièrement acquis , ſans ſecours , ayde &
ſupport de ſes parens, dont le bon hom-
me ſe plaint en quelque part de ſes œu-
vres. Par ainſi de plaint ſaut je m'adres-
ſeray à noſtre Oronce, lequel ayant per-
du , eſtant fort jeune , ſon pere , pour la
grande affection qu'il avoit aux eſtudes,
vint à Paris, là où par inclination natu-
relle il ſ'adonna entr'autres aux Mathe-
matiques , qui pour lors eſtoient rares &
comme enſevelies. Il prit tant de peine
apres elles, que ſans precepteur, de ſoy-
meſme il ſ'y façonna ſi bien , qu'apres
en avoir fait preuve & en public par des
leçons, il fut appellé par ce grand reſtau-
rateur des lettres le Roy François pre-
mier, Professeur és ſciences Mathemati-
ques. En cette profeſſion il verſa ſi bien ,
qu'au gré & contentement des gens de
bien & malgré l'envie (dont ce bon per-
ſonnage a eſté autant pourſuivy que nul
autre de ſon ſiecle) il reſſuscita en l'U-
niverſité de Paris la ſplendeur des Ma-
thematiques , qui pour lors eſtoient par
trop abaſtardies. Mais par ſes tres-doctes

& élaborées leçons il leur redonna une telle vie, qu'il sembloit que par luy elles fussent ressuscitées, & que de nouveau l'escole de Platon fut reveillée dans l'Université de Paris, ou que les Mathématiques fussent affinées par la dextérité, vigilance & leçons de ce Dauphinois. Si de bouche ou vive voix, ensemble par démonstrations en ses leçons, il avançoit grandement ces sciences, encore plus les illustroit-il par ses labeurs particuliers, tant par ses escrits que par inventions de plusieurs beaux instrumens & cartes, comme ayant la main non moins propre à fabriquer & dresser de tels organes, & à les peindre, que l'esprit à les inventer. Ce qui le rendit plus admirable, & le fit honorer par les Rois, Princes, Cardinaux, Ambassadeurs & autres, qui estoient étonnez comment il estoit possible, que sans aide & instruction d'autrui il fut parvenu en telle perfection. La pluspart croyoit qu'il avoit recouvert les ingenieux artifices qui avoient tant fait renommer le Sarragousois Archimede. Et à dire le vray, ils n'avoient pas tort d'estre ravis en admiration de la subtilité de nostre Dauphinois, lequel par l'espace de

Dd ij

316 *Histoire des ſçavans Hommes,*
trente ans , & plus , qu'il a leu publique-
ment és Mathematiques (comme luy meſ-
me teſmoigne en l'épiſtre qu'il a adreſſé
au Roy Henry deuxieſme du nom, qui eſt
au deuant de ſes cinq livres de ſa Coſmo-
graphie) avoit grandement eſclaircy les
difficultez qui ſe repreſentoient aux Ma-
thematiques, toutesſois il ne s'eſtoit pas
voulu contenter d'une telle illuſtration,
mais y a adjouſté ces divins eſcrits, qui
ont tellement affiné ces ſciences, qu'on
avoit couſtume de dire , que les Mathe-
matiques euſſent un fort long-temps
croupy en vn pierre & pitoyable eſtat (& à
noſtre merueilleux prejudice) , ſi du pays
du Dauphiné ne fut ſorty vn Fine, qui les
eut affiné. Et afin que ie monſtre qu'a tort
on ne l'honoroit d'une telle louange, je
ſuis cōtant de dresser la liſte de quelques-
uns de ſes œuvres. Il a compoſé cinq livres
touchant l'Arithmetique pratiquée , fort
neceſſaire à ceux, qui veulent ſonder le
gué du reſte des Mathematiques. Deux
de la Geometrie pratiquée, où il diſpute
pertinemment de la quadrature du cercle
& des dimenſions des longitudes des
plans & des ſolides. Cinq livres de la
Sphere du monde, ou de la Coſmographie

& premiere partie de l'Astronomie, sans Commentaires, & avec les Commentaires de l'auteur mesme. Quatre livres des quadrans & horloges solaires. Où il a, outre les inventions des autres, qu'il a reformé de soy-mesme, inventé plusieurs choses, & a décrit fort à propos l'aiguille marine, & distingué les intervalles des heures égaux. Les Commentaires ou demonstrations sur les six premiers livres des elemens Geometriques d'Euclide. Le quadrans universel de l'Astrolabe. La description de tout le monde en une feuille de papier, sous double figure du cœur humain. L'autre description du monde sous un cœur beaucoup plus ample que la premiere, & qui a esté fort bien veüe de plusieurs. La Chorographie des terres necessaires à l'intelligence de la Sainte Escriture, qu'on appelle le voyage de Saint Paul. La quadrature du cercle inventée & declarée par de si cleres demonstrations, qu'il n'est plus loisible d'en douter. Deux demonstrations de la mesure du Cercle & circonference au diametre. Un livre pour trouver la difference de la longueur des lieux en tout temps, autrement que par les Eclipses de

318 *Histoire des ſcavans Hommes* ,
la Lune. Le planisphere Geographi-
que. Les theoriques des Planettes, illu-
ſtrés de tres-elegantes figures. L'Alma-
nach des conjonctions & oppositions lu-
minaires pour trente cinq ans, avec ce
qui peut appartenir au comput Eccleſia-
ſtique. Vn autre Almanach univerſel
pour pluſieurs années, eſcrit en Latin &
en François. Quatre livres des choſes
Mathematiques, qui n'eſtoient aupara-
vant connuës. La charte Gallicane. La
Sphere du monde, proprement dite la
Cosmographie, diviſée en cinq livres,
avec une Epiſtre touchant la dignité, per-
fection & utilité des ſciences Mathema-
tiques. Des douze maiſons du Ciel, avec
leur inſtrument, tracé & compaſſé ſelon
la largeur de Paris d'une façon toute nou-
velle. Du miroir brulant, engendrant le
feu à la diſtance propoſée. D'où on peut
recueillir la démonſtration de deux li-
gnes, qui s'approchent l'une de l'autre, &
ne ſe touchent jamais. Deux livres des
Canons Aſtronomiques, ſur deux livres
qu'il a eſcrit de la Sphere du monde, &
theories des Planettes. Briève declara-
tion de l'horloge où quadran general.
Explication de l'uſage de l'Aneau horai-

re. Mais qu'est-il besoin de m'arrester si long-temps sur la liste de ses livres, puis qu'il y en a plusieurs qui n'ont encore esté communiquez à la posterité : loint aussi que pour ses rares vertus il estoit fort bien receu des grands Seigneurs, qui se plaisoient à ses mœurs, qui estoient simples, ouuerts sans dol, fard, hypocrisie, mais d'un cœur franc, libre, joyeux & facetieux. Au reste estoit-il aisé à émouvoir à colere, mais aussi estoit-il prompt à appaiser, à faire plaisir à un chacun, tort à personne, craignant Dieu, & sur tout sans avarice, de laquelle il se sequestra tellement, que Philosophant il contantoit bien son esprit, mais n'emplissoit pas beaucoup sa bourse. Qu'il ait tenu à luy je ne le sçauois croire, veu les doleances qu'il a souvent fait à plusieurs Seigneurs, de la disette où il estoit réduit, auxquelles ils ont si mal entendu, que le bon Oronce pour tous ses biens à sa mort, n'avoit que grande charge de debtes, où il laissa (à son tres-grand regret) embarrassée sa chere espouse Denise Blanche, chargée de cinq fils mâles & une fille. On fait estat de certains Ora-
teurs, Philosophes & sçavâs personnagds,

320 *Histoire des sçavans Hommes*,
dont certains avoient des moyens à re-
gorger, d'autres jettoient leurs biens en la
mer, comme s'ils ne leur eussent servy
que d'empeschement pour bien philoso-
pher. Le docte Fine n'estoit ny des uns
ny des autres, participant neantmoins
avec les derniers, en ce, qu'après s'estre
dégarnis de leurs biens ils se trouverent
pauvres, quant aux richesses. Pour le re-
ste ie n'estime point qu'il y eut personna-
ge plus contant que luy, pour les biens
qui sont remarquez par les Philosophes.
Il eut beaucoup d'enfans, qui dénuiez &
de pere & de moyens ne demeurerent
pourtant pas privez de secours, d'autant
qu'après sa mort plusieurs bons Seigneurs
déployerent leurs charitez à entretenir,
maintenir & deffendre les enfans de ce-
luy, auquel ils avoient durant sa vie esté
fort affectionnez. Il y en a eu deux d'entre
eux, qui suivirent les études non seule-
ment de Mathematiques, mais aussi l'un
de Theologie & l'autre de Jurisprudence,
chacun gradué en sa faculté. Enfin ce
grave personnage, après avoir travaillé
l'espace de trente cinq ans pour le pu-
blic, auquel il se departit tout le talent
qu'il luy avoit esté donné en garde, il

mourut en paix en sa maison à Paris le fixiesme jour du mois d'Octobre en l'année apres l'Incarnation du Sauveur & Redempteur de tous les hommes, mil cinq cens cinquante cinq, à quatre heures apres midy, qui est la mesme heure en laquelle il vint en ce mortel monde. Son corps fut enterré au Convent des Carmes à Paris. Apres sa mort les gens doctes ne sçachans par quel moyen reconnoistre le bien qu'ils avoient receu de leur Oronce, commencerent à mettre la main à la plume, & deplorer la perte qu'ils avoient faite. Et encore que ses fils ayent composé de fort beaux & exquis epitaphes, je n'ay osé icy les inferer, craignant, quoy qu'ils soient bien faits & raportans la verité, qu'on ne les debilitast de ce point qu'ils ne pouvoient porter témoignage necessaire à la louange de leur pere. Ce qui seroit bien veritable, si seuls ils la maintenoient, & que plusieurs autres excellens & rares esprits ne l'eussent confirmée. Toutesfois pour oster tout moyen aux gausseurs & médifans de pouvoir marmoner entre leurs dents, j'ay esté bien content de représenter icy les témoignages de personages irreprocha-

322 *Histoire des ſcavans Hommes,*
bles & dignes de foy. l'en produiray
ſeulement deux , à ſçavoir du ſieur Iean
Veſuve & du Seigneur Angelo. Ceux qui
voudront en avoir davantage, prendront
(ſ'il leur plaift) la patience de les lire
dans les funeraillles dudit Oronce , qui
ſont imprimées.

Sonnet du Sieur Iean Veſuve.

*Non ſeulement, pour ſouſtenir les Cieux,
Oronce a pris du grand Athlas la place,
Qui les deux pols & les aſtres embrasse
Si dextrement, qu'impoſſible eſt de mieux :*

*Mais de la Terre enſemble ſoucieux,
A figuré tant bien chacune place
De l'Univers que ſon ſçavoir efface
De Ptolomée le renom en tous lieux.*


*Les Cieux craignans que par trop entrepren-
dre
A eux ne peut & à la terre entendre,
De ſa ſemence ont ce monde forclos :*

*Et pour de luy joüir plus à leur aïſe,
Ont ſon eſprit miſ hors de tout mal-aiſe,
L'oſtant du corps, où il eſtoit enclos.*

De mesme le sieur Angelo, imitant ce que le subtil Guillaume Philandre Citoyen Romain avoit escrit à la louïange de cét Archimede Dauphinois, composa cét Epitaphe à sa louïange.

*Celuy qui scent du Ciel & terre entendre
Les grands secrets cy gist estroitement :
Que s'il eut pû mourir entierement
Mille tombeaux l'eussent-ils sceu compren-
dre ?*










*JEAN FERNEL, ME
DECIN .*



JEAN FERNEL, MEDECIN.

CHAPITRE XXXII.



Leust esté requis pour déduire au long la vie de Fernel, Regent & Docteur en la Faculté de Medecine à Paris, & premier Medecin d'Henry second Roy de France, commencer par les premiers exercices qu'il a suivy, pour se bien façonner en la perfection de Medecine qu'il s'est acquis : mais parce que le discours seroit trop long, en passant suffira de remarquer par maniere d'avant propos, deux points. Le premier sera le lieu de sa naissance, que j'assigne à Clermont, petite ville distant environ de vingt lieuës de Paris, encore que plusieurs tiennent qu'il soit natif d'Amiens, mais ils croiront s'il leur plaist, & comme telle est la verité, que Fernel mesme s'est dit estre d'Amiens, pour le respect & honneur qu'il portoit à son pere qui en estoit natif. L'autre concerne le profit que le

226 *Histoire des ſçavans Hommes*,
public a receu des travaux de noſtre Do-
cteur. L'euffe pris plaifir de déchiffrer par
le menu quelle peine & diligence il a mis
à eſtudier, quelle contentement ſes Re-
gens & Docteurs ont receu de l'inclina-
tiō qu'ils voyoient en leur jeune eſcolier,
par quels degrez il eſt monté au coupeau
d'erudition, & enfin le bon raport qui a
eſté fait aux ſiens de l'afſiduité & vigi-
lance, qu'il employoit aux bonnes lettres,
ſi la prolixité ne m'en eut découragé : &
à dire le vray, tel recit n'eut que bien peu
ſervy, puis que par le fruit qu'il a rapor-
té, on voit aſſez clairement que touſiours
il n'a pas eſté endormy. Par ainſi laiſſant
tous ces diſcours, qui pourroient de beau-
coup amplifier ſa louange, je le repre-
ſenteray icy tel qu'il eſtoit, à ſçavoir
amateur du public, à l'avancement du-
quel il s'eſt de tout ſon pouvoir employé.
Et premierement de ce pourront faire foy
les non moins elegantes que tres-doctes
leçons qu'il a fait par l'eſpace de deux ans
au College de Sainte Barbe à Paris, où il
a leu le cours de Philoſophie publique-
ment. De dire avec quelle induſtrie il
s'en eſt acquitté, ce ſeroit perdre ſon

temps , puis qu'il y en a , lesquelles pourront rendre témoignage de sa suffisance & capacité non assez admirée. Ce qui le fait sur toutes autres choses recommander, n'est point tant la haute & hardie entreprise qui l'induisit à cette charge, non moins difficile qu'ennuyeuse, que la methode qu'il tenoit à ouvrir les sens & intelligence d'Aristote avec telle facilité, qu'il n'y avoit esprit si grossier , dans lequel bon gré malgré qu'il en eut, il n'en-grava les vrais secrets de la Philosophie. Icy je ne parle point par flatterie, un chacun sçait bien qu'eu ce temps la Doctrine Peripatetique estoit tellement espeffie, qu'au lieu d'un Platon ou un Aristote , on n'entendoit bourdonner dans l'Univer-sité de Paris , que des termes de Clithouée , des sommaires de Pierre l'Espagnol & autres ergotismes , les plus cornus & farouches qu'il est possible de penser. Nostre Fernel quittant toutes ces rapsodies pour la pluspart barbaresques , se rangea sous l'estendard d'Aristote , lequel il representoit fort facilement , avec des termes dorez & vrayemēt Ciceroniens. Il estoit tellement

amoureux des ſciences liberales, que non
contant de la connoiſſance qu'il avoit de
la Philoſophie, il ſe mit ſi avant apres les
Mathematiques, qu'on ne pouvoit l'en ti-
rer. Il entretenoit des ouvriers à ſes deſ-
pens, qui, ſelon ſes projets, luy dreſſoient
les Aſtrolabes & autres inſtrumens Ma-
thematiques. Telle & ſi grande eſt la
vertu de ces ſciences, que l'homme ne
peut les abandonner quand il peut les
goûter. Non contant des grands frais
qu'il y faiſoit, luy-meſme s'exerçoit à fai-
re leçons à des Eſcoliers, & ainſi de plus
en plus ſe raffermiſſoit en l'ardeur qu'il
avoit de ſe rendre parfait en la connoiſ-
ſance des diviſions & certitudes Mathe-
matiques. Il euſt tel bruit que Jacques
Strebé, homme de tres-digne ſçavoir, &
l'un des mieux diſans de Paris, ne pou-
voit durer qu'il ne fût continuellement
avec luy, pour, conſerant & communi-
quant enſemble, eſtre inſtruit de pluſieurs
points, dont il n'eſtoit pas trop bien in-
formé és Mathematiques. Pendant un
tel exercice il ne vaquoit pas à l'eſtat où
ſa vocation de Medecine l'appelloit, qui
fit fâcher ſon beau pere, ſa femme & ſes
amis contre luy, le reprenant de ce qu'il
tenoit

tenoit si peu de conte de son ménage. Cela fût cause que dès lors il quitta les leçons qu'il faisoit aux Mathématiques, renvoya ses ouvriers, & reprit l'exercice de Medecine, qu'il avoit interrompu. De specifier toutes les guerisons qu'il a fait, ce seroit un sujet de trop haute liste & de trop grande prolixité. Pour indubitable témoignage je ne veux produire que la singuliere estime que le Roy Henry eut de luy, telle qu'il le voulut faire son premier Medecin, sous gages de six cens livres, lesquels il luy continua, encore que pour l'indisposition de sa personne (qu'il supposa, afin de s'exempter de suivre la Cour) il ne demeura en quartier comme les autres. Cependant le docteur Fernel prit l'occasion qui luy estoit présentée par la liberalité du Prince, il se mit à composer plusieurs livres, desquels il a fort illustré la Medecine. A la Physiologie il a consacré sept livres, au premier desquels il traite de la description des parties du corps humain ; au second des elemens, au troisieme des temperamens, au quatrieme des esprits vitaux & de la chaleur naturelle, au cinquieme des facultez de l'ame ; au sixieme des fonctions & humeurs ; au septieme de la ge-

330 *Histoire des ſçavans Hommes*,
neration de l'homme & de la ſemence.
Quand à la Pathologie, il n'eſt point ſi
neceſſaire que tres-ſuffiſamment il n'ait
expliqué. Il avoit bien deliberé de met-
tre à fin ce qui appartenoit à la Therapeu-
tique, mais la mort le prévint, d'autant
qu'il ne peut mettre en lumière l'œuvre
touchant les medicamens ſimples, où il
avoit pris un fort grand plaſir & peine
non pareille, & ſi bien y avoit travaillé,
que bien peu de maladie y avoit-il, à la-
quelle il n'eut ordonné recepte, telle qu'il
avoit luy-mefme pratiqué. Mais la
crainte qu'il avoit qu'un autre ne le fru-
ſtra du fruit de ſes labeurs, l'empescha
d'en faire participans ceux qui en au-
roient beſoin. Il faiſoit ſon compte de
les publier, alors que le Roy, apres la
mort de M. Bourgeois ſon Medecin, le
voulut rappeler pour le ſervir en ſon
quartier, mais ſon entrepriſe fut entre-
coupée par le deſtour qu'il eut à la ſuite
de la Cour, dont il ne pût ſe garentir, en-
core qu'il fût ſexagenaire, & quand tout
eſt, dit-il, il avoit alors plus de loſir, que
quand il eſtoit à Paris, où il eſtoit telle-
ment preſſé de tant de pratiques & viſi-
res qu'il luy falloir faire, que le plus ſou-
vent il eſtoit contraint de prendre ſon

repas tout de bout. Ce qui plus le débau-
cha fut, qu'il fut distrait d'ennuy qu'il eût,
tant de la maladie de sa femme, que de la
mort qui depuis luy survint. Laquelle il
ne sceut supporter si patiemment, que, soit
de regret, soit de peines & ennuis qu'il eut
eu à la secourir, il ne se mit au lit atteint
d'une fièvre si forte & violente, que dans
peu de jours elle l'emporta de cette vie à
l'autre, l'an 1558. & de son âge le 72. Ce
qui a esté fort bien reconnu par un sien
amy, qui fait doute si Fernel a esté em-
porté, ou pour déplaisir qu'il air eu de la
mort de sa bonne & loyale compagnie, ou
lassé de Courtiser, ou ennuyé de vivre, ou
qu'il estimoit que desia il avoit assez fait
retentir son bruit & renommée par tout
le monde. A cette occasion ay bien voulu
proposer un distique qu'il en a fait, dont
la teneur s'ensuit.

*Conjugo FERNELIVS raptus percussus, ut
aule,
Et lacis satur et nominis interiit.*

Il semble avoir laissé la principale cau-
se, à sçavoir l'opilation de rate, qui abre-
geoit grandement la durée de ses jours, &
ainsi que les Medecins l'ont trouvé par
Ee ij.

l'anatomie qu'ils en firent apres sa mort. Le pauvre homme avoit eu auparavant vne fièvre quarte, qui avoit tellement dissipé la temperature de sa santé, qu'il avoit une perpetuelle inflammation, qui luy faisoit user de breuvages froids outre ses repas, & qui avec continuation de temps rangregerent la playe de telle façon, qu'avec la tristesse causée par la mort de sa femme, sa rante se trouva fort interessée. Apres son deceds infinies lamentations de toutes parts furent entenduës, & entr'autres du Roy, qui deplorait la grande perte qu'il avoit fait en la mort d'un si fidele & expert Medecin. Les gemissemens aussi de tous-ceux qui le connoissoient, & sur tout des Medecins, estoient grandement pitoyables, comme aussi avoient-ils quelque occasion pour estre privez de celuy qui avec telle force, vigueur & vivacité avoit éclaircy les plus difficiles secrets de Medecine, & duquel encore ils esperoient de grandes choses, & telles que si je les vouloient icy particulariser, ce ne seroit qu'agrandir d'avantage la playe du regret qu'on doit avoir de sa mort: De nier que la perte ne soit bien grande on ne sçauroit, mais si les Medecins veulent prendre bien advs à ses

gestes, dictés & escrits il ont assez dequoy louer Dieu, qui leur a enuoyé vn second Hippocrate. Les escrits qu'il a laissés publient assez sa loüange immortelle, puis qu'on peut puiser la connoissance des choses naturelles & qui sont requises à la perfection de Medecine. Mais quant il n'y en auroit aucuns, les enseignemens qu'il a par son exemple donné à la posterité sont tres-suffisans pour rendre accomplis en Medecine les plus grossieres. Entre iceux ie suis bien content d'en proposer deux, qui sont neantmoins mesprisés par des nouveaux Medecins refondus. Le premier est que les Medecins, qui veulent bien verser en leur charge doivent surtout s'adonner à la pratique, d'autant qu'un homme, quelque theorie qu'il ait de l'art de Medecine, si l'exercice & pratique luy deffaut c'est vne vraye idole. Ce qu'il auoit accoustumé de monstrier par la comparaisn des autres arts & sciences avec la Medecine. Qu'un Iuriconsulte soit aussi profond aux loix que fut iamais Iulien, Scevola, Affricain, ou aussi subtil que Papinien, s'il n'a la routine de pratique il sera contrainct de demeurer muet, lors & quant le moindre chiquaneur viendra l'attaquer. De mesme est-il de

334 *Histoire des ſçavans Hommes*,
de la Medecine, qui eſt en ce à comparer
avec la Jurisprudence, parce que ces
deux ſciences conſiſte principalement en
fait, qui pour eſtre ſujet à divers chan-
gemens, requiert auſſi une recherche au-
tre que celle que leur Theorie peut ap-
preſter.. La diverſité de maladies & gue-
riſon ne juſtifie que par trop mon dire..
Mais pour d'avantage corroborer ce pre-
cepte du docteur Fernel, je propoſe infinies
cures qu'il a fait, & nommement la deſ-
cription Anatomique qu'il a ſi dextre-
ment elabouré, que les plus experts Chi-
rurgiens ont aſſez de peine de pouvoir
l'imiter. Cela a fait que nous l'avons
icy repreſenté avec l'Anatomie; parce
qu'il y eſtoit du tout ententif. Pour cela
toutesfois ne vouloit-il paraceliſer ou
tenir le parti des Empiriques, mais vou-
loit qu'à la Theorie on adjoutât la prati-
que pour plus grande perfection de la
Medecine. L'autre advertiſſement que
je fais icy de la part du Docteur Fernel,
eſt que les Medecins avec grande diſcre-
tion, prennent bien garde à ne ſe fonder
plus avant que la raiſon ne requiert en
l'Aſtronomie, qui eſt bien neceſſaire &
profitable, mais au reſte eſt fort dange-
reufe, ſi avec poids & meſure elle n'eſt

drachinée, tout ne plus ne moins que l'Antimoine, quoy qu'il serve à plusieurs belles guerisons, si est-ce qu'il cause la mort à celuy qui l'avale, s'il n'est pris avec mesure, ou qu'il ne soit préparé, comme il appartient. De fait l'Astrologie est fort louable, pour plusieurs usages que je pourrois remarquer, mais la prise en est si dangereuse, qu'il est besoin d'y user d'une discretion, de peur qu'elle ne vienne à renverser nostre cervelle. Il ne cōdamnoit pas cette partie d'Astronomie, qui ne découvre les mouvemens, courses, conversions & autres particularitez, tant des Cieux que des estoiles, au contraire il jugeroit qu'elle estoit fort seante au Medecin, comme il a promis en divers passages de ses œuvres. Mais ces maistres qui se mocquent de pronostiquer, dire les bonnes adventures, & par predictions genethliques prophetiser l'heur ou malheur d'une personne, par l'observation de l'horoscope, jour de nativité & comportemēt, il les tenoit pour enjoleurs & Nostradamiques imposteurs. Et neantmoins le mauvais temps a embroüillé l'école de Medecine d'un tas de bon-adventurers & pronostiqueurs. Ils devroient rougir de honte, de perdre ainsi mi-

ſerablement leurs temps , & , abuſans ceux qui ne ſont gueres plus ſages qu'eux, ne predire pas qu'ils ſont des badins, mais par experience exhiber à vn chaſcun certains teſmoignages de leurs manifeſte folie. De dire qu'il ne faille que le Medecin ſoit ſoigneux obſervateur du cours, & décours de la Lune, des temps & ſaiſons, des iours critiques & decretoires, on ne trouvera que je le mette en doute , mais que pour cela on doive ſupporter telles niaiferies il n'y a aucune apparence. Par ainſi je prieray ceux qui juſques icy ſe ſont laiſſé embeguiner de telle bagueneries, qu'ils ſoient au moins honteux de leur vergogne , & qu'ils ne reculent en arriere pour crainte qu'ils pourroient avoir d'eſtre montrez au doigt , comme ayant eſté ſeducteurs. Ils ne ſont les premiers qui ont pris le blanc pour le noir. Le docteur Fernel autresfois y a eſté bien ſurpris, mais apres il ſ'eſt remis au droit chemin. Ce que j'en dis n'eſt pas que je ne prenne plaisir à remarquer ce qui eſt d'imparfait en autrui. Mais l'envie que j'ay de racler de l'eſcole de Medecine telles vermines, m'a fait ſi long-temps arreſter ſur ce propos. Je ne veux pas auſſi dire que ce ſoit un axiome commun à toute

toute la Faculté de Medecine, par trop je me mesprendrois, & aussi ferois-je bien marry d'imposer telle calomnie à un Louïs Duret, Anthoine du Val, Marc de la Croix, Perdulcis, Laurens Iobert & autres, qui sçavent trop bien quelle est la vraye Medecine, & qui rejettent ces mal-adventureurs comme heretiques & indignes d'une si sainte compagnie qu'est la leur. Du temps de Fernel vivoient quantité de fort excellens Medecins, & entr'autres Jacques Sylvius, qui long-temps a esté Docteur Regent en la Faculté de Paris, où il acquit une réputation incroyable. A laquelle si nous accouplons l'honneur qui luy fut donné pour la docte interpretation de Jean Mesue & autres œuvres excellentes qu'il a mis en lumiere, nous ne pourrons assez l'admirer. Il eut pour precepteur Jean Tagaut, qui meritoit beaucoup pour la singuliere erudition de laquelle il estoit doué. Mais encore doit-il estre plus prisé pour avoir dans son sein esclos & élevé son Sylvius. D'oublier Maistre Jacques Houlier & M. Jean de Gorris, ce ne seroit pas seulement leur faire tort, mais aussi à toute la compagnie des Medecins, & principalement

à leur posterité, qui se ressentant du lieu de sa source, embrasse d'une fort grande ardeur de courage la vertu & ses bonnes sciences, plusieurs autres ont fleury du mesme temps, desquels si je voulois faire liste, je pourrois trop grossir ce present discours : l'adjousteray icy seulement trois excellens Medecins, qui ont environ ce temps eu grande vogue. Entr'autres est cét excellent Medecin Milanois Hierosme Cardan, qui par sa subtilité a pû penetrer là, où les autres n'eussent osé regarder. Pour les choses naturelles il a esté tellement attentif, qu'en son livre de la subtilité il semble avoir esté transporté jusques au dessus de la region du feu. Il est vray que pour avoir trop voulu subtiliser, il a esté un peu aigrement repris des Philosophes, qui, apres avoir condamné sa trop grande curiosité, sont neantmoins contraincts d'admirer la vivacité d'esprit de ce Medecin, qui si exactement a recherché tous les secrets de nature, qu'il semble, que depuis le centre de la terre jusqu'au dernier Ciel, il n'y ait coin ny canton qu'il n'ait trouvé ? Ah que s'il eut eu l'experience, aussi bien qu'il avoit le sçavoir, il estoit person-

nage, qui eut grandement profité à la Republique des Lettres. Je me souviens avoir autresfois conféré avec luy en la presence du Cardinal d'Amboise, touchant quelques simples & la fueille de l'arbre du Bresil, que les Sauvages appellent *oura bontan*, mais par faute d'avoir esté sur les lieux il se trouva si abbatu, qu'il fut contraint de me le quitter, & se departir de l'opinion qu'il avoit, que cette fueille ressembloit à celle du Noyer, à laquelle je me souviens avoir donné une touche au seiziesme Chapitre du vingt & uniesme livre de ma Cosmographie: En laquelle, comme aussi en mes autres ouvrages, j'ay remarqué les fautes, où il a glissé pour avoir receu de mauvais advertissemens, ou pour avoir voulu assujettir à sa phantaisie ce qui naturellement & à la veüe d'un chacun se portoit d'une façon toute diverse. Quand aux Mathematiques, c'est là où davantage il a montré qu'il avoit l'esprit aigu, tant à propos il a sceu compasser & mesurer toutes les proportions des quantitez tant continuë que discrete; mais, comme il estoit homme, il n'estoit du tout parfait, & le plus souvent il s'est laissé extravaguer

en des vanitez de conceptions, les plus eſtranges qu'il eſt poſſible de penſer. Qui a meu lules Scaliger de s'exercer à refuter les opinions & erreurs de Cardan, où il s'eſtoit fort ſubtilement comporté, & a bien relevé les plus habiles quand ils ſe ſont laiſſé tomber. Ses Poëſies ſont tiffuës d'un ſtile ſi haut & inuſité, qu'outre le chaſte & loüable ſçavoir contenu, on y peut remarquer je ne ſçay quelle framboiſe de gravité fort plaiſante à ceux qui ne veulent ſe precipiter à faire jugemens. Enfin André Veſal de Bruxelles tiendra icy le dernier rang, homme d'une telle rareté & erudition, qu'à ce que j'ay appris il obtint remiſſion du Pape d'avoir anatomisé un homme tout vif, lequel il penſoit eſtre mort. Il a compoſé fort elegamment de l'Anatomie & fabrique du corps humain avec les figures, & a fait pluſieurs livres concernans la partie de Medecine Chirurgique, deſquels tous les Medecins font grand cas. A ſon retour de Jeruſalem il alla de vie à treſpas en l'Iſle de Lezante. Pour la proximité du temps, auquel ils vivoient, & meſme profeſſion, j'ay bien voulu les joindre avec noſtre Fernel, à l'honneur

Iean Fernel, CH. XXXII. 345
duquel a esté composé cét Epitaphe.

*Hippocratem natura parens mortalibus olim
Edidit, ipsa suum quo retineret opus.
Hoc duce longa fuit, magna ratione medendi,
Vita hominum. Tandem Ferneliumque
dedit.*

*Quo medico Doctore volat tua, Gallia gentes
Fama per ignotas. Omnibus ille salus.
Iam vero ipse Deus longos ut carperet annos,
Fernelium & terris, quem dederat rapuit.
Antiquitas illum Natura laudibus iisdem
Nostra celebrabunt secula Fernelium.*










*RENAVD POL, CARDI-
NAL ANGLOIS.*



REGNAVD POL, CARDINAL
Anglois.

CHAPITRE XXXIII.



LVTARQVE & autres qui discourent de l'heur & malheur de ceux qui se meslent d'affaires, ont sagement escrit, qu'il n'y a rien plus certain que l'inconstance de l'estat, auquel se pensent affermir ceux, qui trop mal advisez, imaginent quelque estre assure parmy les mondanitez de ce siecle, à la variable & fragile constitution duquel ils ont possible pris garde; mais sans me fonder plus avant en si profondes speculations, & laissant par mesme occasion la malheureuse fin, qui pour la pluspart ont rendu infortunez ceux qui bouffoient de gloire, heur & magnificence parmy les entremises de leurs affaires mondaines, je ne daignerois recourir à un Cesar, Pompée & autres grands & signalez personnages Romains, puis que, sans guere me peiner, je puis représenter ce Cardinal Anglois, auquel je ne penserois faire aucun

344 *Histoire des ſçavans Hommes*,
tort de l'appeller joüet de fortune, ſi l'if-
ſuë de ſes deſſeins n'avoit ſupplanté les
ſiniſtres efforts de ſa mauvaiſe fortune.
Je n'auray affaire que choiſiſſant la bon-
nace de la mer viſiter les theatres qui ſont
élevez en l'Iſle Britannique, pour ſe ſou-
venir des heroïques exploits de ce tant
renommé Cardinal. Mais qu'eſt-il be-
ſoin de m'hazarder à un tel voyage ? ſans
bouger de noſtre France je puis remar-
quer, choiſir & diſcerner de point en
point tout ce qu'il a genereuſement fait,
tant en Angleterre, qu'en France, Alle-
magne, Italie & autres lieux, cependant
que l'ame luy a battu dans le corps. Pour-
tant ne voudrois-je eſſayer d'en coucher
une liſte par le menu, pour la crainte que
j'aurois d'eſtre trop long. Suffira que le
plus ſuccintement je paſſe par deſſus, en-
core m'aſſeuray-je que j'appreſteray ma-
tiere d'admirer l'excellence des perfe-
ctions qui accompagnoient ce perſonna-
ge. Lequel nâquit l'an mil cinq cens, au
mois de Mars de Richard Pol, couſin ger-
main d'Henry ſeptieſme, Roy d'Angle-
terre, & de Marguerite fille de George
Duc de Clarence, qui fut frere propre
d'Edouïard quatrieſme, Roy d'Angleter-
re. Ses parens dès ſon enfance le firent

fort estudier en plusieurs Colleges, & principalement à Oxfort, si bien qu'estant âgé de dix-neuf ans il alla à Padoüe desia bien avancé aux lettres. Et estant en cette noble Vniversité il y fit si bien son devoir, que sur tous ses contemporains il emportoit le prix. Là il demeura cinq ans, apres il luy prit fantaisie de visiter les Saints lieux, partant en l'année du Iubilé il s'achemina à Rome; d'où il partit pour retourner en son païs, qui estoit grandement troublé pour le repudiemment, que Henry huitième Roy d'Angleterre vouloit faire de son espouse Catherine, afin de prendre à femme Anne de Boulen, qui par apres fut decapitée. Ce grave Prelat au second voyage qu'il fit en Angleterre par vives raisons monstroït, qu'en saine conscience, & sans blesser son honneur & integrité de sa chaste renommée, il ne pouvoit poursuivre telle & si pernicieuse entreprise. Si ce Roy n'eut eu à sa Cour des flatteurs, tels qu'Estienne Gradiner (lequel, au raport de Baleus, composa une Apologie pour maintenir ces secondes nopces) & autres, il est hors de doute que jamais le Royaume d'Angleterre n'eut esté diffamé par cet inique, injuste, & des-honneste divorce d'Henry avec

346 *Histoire des sçavans Hommes,*
Catherine , laquelle estant repudié se
retira au Comté de Berfort au Chasteau
de Kymbalon, & deceda le jour des Rois
l'an mil cinq cens trente cinq. Voila ce
que c'est, le Roy prenoit plaisir d'écou-
ter Gradiner & autres badins, qui le cha-
toüilloient en sa lubricité, rejetant l'a-
vertissement de l'Archevesque de Ro-
chestre, Thomas Morus, Cardinal Pol &
autres, qui regardans plus loin que leur
nez, dissuadoient au Roy Henry de se li-
centier & abandonner à son appetit de-
sordonné, qui pour quelque temps pour-
roit le resjouir, mais à la fin attiroit sur
sa teste l'ire & indignation du Tout-puif-
sant, & l'exposeroit avec tout son Royau-
me, en proye & mocquerie aux autres
peuples. Doncques Henry voyant que
ce Cardinal ne le vouloit flatter en ses
folles & impudiques passions, il le prit
tellement à contre-cœur, qu'il fut con-
traint de quitter l'Angleterre & faire voi-
le là, où il pourroit faire alte cependant
que l'injure du temps & malignité du
siecle paroistroit sur son pauvre & deso-
lé pais. Partant il eut permission du Roy
de se retirer, & s'en alla à Venise, depuis
à Rome, où par le Pape Paul troisieme en
l'année mil cinq cens trente six, il fut

fait Cardinal du titre de Saint Damien, & Archevesque de Cantorbie, par le deceds de Iean Fischer, qui avoit esté pour mesme occasion decapité (ainsi que j'ay ailleurs remarqué.) Apres il fut envoyé de Rome par le Pape lules (quoy que cette Sainteté fut cause de toute cette guerre) Legat en France & en Flandres, pour pacifier les troubles qui estoient entre le Roy Henry deuxiesme & l'Empereur Charles- Quint. Il fit plusieurs voyages pour les remettre en concorde , avec des remonstrances fort pertinentes, qui eussent sans doute eu lieu, si l'Empereur n'eut eu envie de trop embrasser & le Roy de ne rien quitter du sien. Ce n'est pas en la premiere ligation qu'il fit , de laquelle il ne se pût acquiter, parce que dès qu'il fut arrivé à Pavie , le Roy luy fit entendre qu'il n'avoit rien plus hastif que de partir le lendemain, pource que le Roy d'Angleterre l'importunoit fort de le livrer en ses mains : Ce que le Roy fit pour ne rompre point sa foy au Pape , en traitant mal Pol , & pour n'agacer point l'Anglois en le retenant fort longtemps , & ne luy remettant pas entre les

main. Icy doncques je parle du dernier Ambaffade qu'il fit en France & en Flandres, pour traiter la paix entre le Roy & l'Empereur. Auquel voyage luy fut auffi donné quelque mécontentement de la part de l'Empereur, qui luy manda, auffi-toſt qu'il ſceut ſon arriuée à Diling vers le Cardinal d'Ausbourg, qu'il ſejourna audit lieu juſques à ce qu'il fut appellé, & l'eut trouvé encore plus mauvais, s'il n'eut ſceu que ce que l'Empereur en faiſoit, eſtoit pour jouer du mariage entre Philippe ſon fils & la Reyne Marie. Apres il fut receu fort courtoifement, tant par l'Empereur que par le Roy, qui dès lors ſ'aigriront davantage contre luy, preſumant que, comme ce Cardinal eſtoit homme d'entendement & propre à bien manier une affaire, qu'il ne ſe pouvoit faire, qu'il ne mit en cervelle à quelques Princes d'entreprendre ſur l'Eſtat d'Angleterre, ſe reſſentant du tort qu'on luy faiſoit. Et de fait en ſon autre legation, quand il fut contraint de ſe retirer vers Erard, Cardinal & Eveſque de Liege, le Roy d'Angleterre promit au Senat du Pais-bas de ſoudoyer quatre mil hommes de pied pour l'Empereur, ſi on luy vouloit livrer Polus, lequel il avoit fait aupara-

vant bannir & proscrire avec toutes les rigueurs & severitez qu'il est possible de penser , donnant cinquante mil escus à celuy qui le tueroit. Cependant ne laissoit ce pauvre exilé d'estre bien receu par ceux vers lesquels il se retiroit. Le Concile de Trente estant publié, le Pape l'éleut pour son Legat avec deux autres Cardinaux , & pour presider audit Concile, où il estoit sur le reste du College des Cardinaux respecté. En telle estime estoit-il , qu'après la mort de Paul troisieme la plus saine partie des Cardinaux estoit en deliberation d'élire Polus Pape, & persevererent plus de deux mois en telle resolution. Qui fut dissipée, pour ce qu'il ne vouloit faire la canne , & nageant entre deux eaux , temporiser avec le Cardinal Farnese & ses compagnons, de sorte que despittez qu'il ne se laissoit flater , manier & mener à la pipée, ils se mirent à l'élection de luy troisieme. Aussi vers l'Empereur Charles cinquieme estoit-il fort humainement receu , lequel de fois à autre il réveilloit pour restituer la liberté qui avoit esté ravie aux Anglois, pour lesquels il portoit la parole, comme celuy qui y avoit autant d'intérest que nul autre. Et de fait j'ay cette

350 *Histoire des sçavans Hommes,*
harangue, qu'il prononça en Allemagne,
pour rappeler les forces de l'Empereur,
qui estoit allé contre les Mahometans,
afin qu'il les employa pour la redemption
& restauration de l'Angleterre. Sur deux
chefs principaux il fondeoit sa requeste.
Le premier est, le danger estant plus pro-
chain à la porte de l'Estat de l'Empire,
qu'il falloit premierement le chasser, que
s'amuser à Soliman Empereur des Turcs,
qui estoit bien éloigné des marches de
l'Empire. L'autre est que la repudiation
qu'avoit fait le Roy Henry, touchoit par-
ticulierement l'Empereur mesme, dau-
tant que la fille d'un Roy d'Espagne avoit
esté rejettée, à cause d'une paillarde (ce
sont les termes, desquels il use) comme
si c'eust esté la fille d'un basteleur, ou de
quelque coquin, venuë des fins de Barba-
rie en cachette, se veautrer sur le liest
Royal. Et il est bien à croire qu'on al-
loit bien broüiller les cartes en Angle-
terre, si les nopces d'entre Philippes Ar-
chiduc d'Austriche & Roy d'Espagne, &
Marie Reyne d'Angleterre ne fussent in-
tervenuës, ausquelles l'Empereur Char-
le-Quint (comme il estoit fin & accort, &
preuoyant à ses affaires de longue main)
plus volontiers il entendit, sçachant bien

que l'alliance , qu'il faisoit de nouveau avec la Reyne Marie , seroit toujours pour amplifier les limites de sa domination. Car combien qu'il apperceut assez que ce mariage se faisoit contre la volonté de toute la Noblesse du pays, & du peuple) qui autrefois ne pouvoit moins en Angleterre qu'en vne Republique) si est-ce qu'il n'auoit moyenné la consommation, s'attendant que si ce Royaume estoit vne fois gouverné à la deuotion de son fils, il en tireroit grandes forces & plusieurs commoditez pour la guerre. Et de fait il ne tint pas à la Reyne Marie , que les affaires ne réussissent selon les desseins de l'Empereur : D'autant que dès qu'elle eut occupé le Royaume , elle fit trancher la teste , non seulement au Milord-Silphre fils du Due de Northumberland, l'un des plus grands Seigneurs d'Angleterre , qui auoit espousé Ieanne de Suffolk , & par ce moyen) apres la mort du ieune Roy Edouard) estoit entré en possession du Royaume , mais aussi fit mourir tous les Milords , qui auoyent tenu le party de la religion , ensemble ladicte Ieanne, sa propre cousine , qu'elle fist degrader du sceptre & autres ornemens Royaux , estant grosse & pre-

352 *Histoire des ſçavans Hommes*,
ſte d'accoucher: Et commanda que ſa ſœur
Elizabeth fut eſtroitement fermée és pri-
ſons. Or parce qu'elle avoit beſoin d'un
bon ſage & fidele Conſeiller, tel qu'eſtoit
noſtre Anglois) auquel naturellement elle
portoit vne bonne affection, ayant eſté
inſtruite & gouvernée vn fort long temps
par Marguerite mere de Pol) des que les
ſolemnités des noces furent celebrées elle
deſpeſcha vn Ambaſſade pour faire venir
ce Cardinal Pol en Angleterre, annullant
tout ce, qui avoit eſté fait contre luy par le
Roy Henry & ratifié par Edoüard. A rai-
ſon de quoy il prit la route d'Angleterre
l'an mil cinq cens cinquante quatre,
eſtant licentié par l'Empereur, & arriva
à Londres le vingt-troiefme jour de
Novembre, où il fut fort magnifiquement
reçu, nommement de la Reyne, qui
proteſta d'eſtre auſſi aife de ſa venuë que
lors qu'elle fut declarée Reyne. Et par-
tant pour confirmer d'autant mieux le
bon & gracieux accueil qu'elle luy faiſoit,
elle le fit incontinent reſtablir en ſa mai-
ſon, famille, heritage, eſtats, honneurs
& dignitez, dont le Roy Henry l'avoit
banny. Cinq jours apres ſon arrivée il
vint en l'aſſemblée, & ayant expoſé la
cauſe de ſa legation en la preſence du
Roy

Roy Philippes & de la Reyne, il les exhorta de retourner au gyron de l'Eglise Catholique Romaine, les assurant que s'ils s'y convertissoient, le Pape leur seroit benin & clement. Le Chancelier Gardiner Evesque de Vvinchestre, apres avoir fait entendre à toute l'assemblée le singulier bien, qui leur estoit advenu d'avoir suscité un Prophete de leur semence ; c'est à sçavoir ce Cardinal, qui leur apportoit nouvelle du pardon, Indulgence & remission, qu'on leur offroit de la faute où ils s'estoient mépris, pour & au nom de tout le peuple remercia nostre Cardinal, acceptant de bon cœur le bien-fait qui leur estoit présenté. Et apres qu'ils eurent tous monstré par signes tres-manifestes qu'ils estoient repentans du schisme, par lequel ils avoient denié l'obeïssance au siege Apostolique, & qu'ils eurent affirmé tous qu'ils approuvoient ce qui avoit esté prononcé par le Chancelier Gardiner, il communiqua la Bulle de sa legation, laquelle fut leüe, afin qu'un chacun entendit qu'à fausses enseignes il ne s'estoit entremis à leur denoncer une telle pleniere remission. Puis il fit une harangue, par laquelle il monroit combien la repentance & contri-

354 *Histoire des ſçavans Hommes,*
tion de cœur eſtoit plaiſante à Dieu ;
& combien les Anges ſe reſjoüiſſent
d'un pecheur penitent, il remercia Dieu
qui leur avoit inſpiré une ſi bonne af-
fection de ſ'amender. Puis le Roy, la
Reyne, tous les Princes & grands Sei-
gneurs, pour monſtrer exemple d'hu-
milité & conſternation d'eſprit, ſe pro-
ſternerent à genoux devant le Cardi-
nal, avec le reſte du peuple. Lors
Pol pria Dieu par ſa miſericorde, qu'il
eut pitié de ſon peuple & luy remit ſes
offenſes. Puis pontificalement & en
qualité de Legat du Pape leur donna l'ab-
ſolution. Apres lequel acte ils ſ'entre-
regardoient l'un l'autre, eſtonnez d'une
ſi nouvelle renaiſſance, donnans pour
ce ſujet tous ſignes d'éjoüiſſance. Or
pour ſuivre d'autant mieux le devoir de
ſa charge, il moyenna envers le Reyne de
rendre à l'Egliſe beaucoup de biens, qui
luy avoient eſté oſtez par le Roy Henry.
Et pour reformer l'Egliſe Anglicane, il
fit aſſembler en un Synode tous les Pre-
lats Anglois, où fut reſolu ce qui eſtoit
pour lors le plus neceſſaire pour l'Egliſe.
Bref les choſes allans en telle façon ſur
la fin de Novembre en l'année mil cinq
cens cinquante ſept & cinquante huit, la

Reyne Marie alla de vie à trespas, de regret qu'elle eut (comme l'on dit) tant de ce que Monsieur de Guise avoit pris Calais sur les Anglois, qu'aussi pour la mort de son beau-pere l'Empereur Charles-Quint, qui estoit advenue bien peu de temps auparavant. Apres elle suivit bien-tost nostre bon Cardinal, qui la survesquit seulement de seize heures, & mourut agé de cinquante sept ans & six mois. en mesme année que deceda Charles-Quint. Le sçay bien que ceux qui n'estoient pas des mieux affectionnez, tant à la Reyne qu'au tres-sage Pol, ont pris matiere de gazouiller à credit, tant sur la proximité de la mort de ces deux personnes, que sur la naissance du Cardinal Pol, qui advint en la mesme année, en laquelle naquist l'Empereur Charles-Quint : sur laquelle ils subtilisent si curieusement, qu'à lire seulement les discours qu'ils en ont projecté, il n'y a homme de sain & meur jugement, qui ne les condamne, non point comme imposteurs, mais comme bannis & ridicules, qui nous veulent repaistre des niaiseries, qu'ils ont generhliquement forgées sur les naissances & mort de ces trois personnes.

356 *Histoire des sçavans Hommes,*
le les passeray donc sans m'y amuser plus
long temps , pour m'adresser à ceux , qui
escriuent que ce Prelat Anglois a esté
Lutherien. Il est bien fasché , & n'eut esté
aussi receu en leur compagnie , veu les
traverfes , qu'il leur avoit donné. Ils
soustiennent neantmoins qu'il s'est res-
senty du Lutheranisme , s'appuyans sur
quelques propos , qu'ils alleguent estre
tenus par luy touchant la justification &
autres points desquels ils sont en discor-
de avec les docteurs Catholiques Romains.
Dont ils conjecturoient que s'il per-
seueroit tousiours en telle opinion , qu'il
quitteroit le Chapeau de Cardinal, & ab-
jureroit sa Religion , dont par le passé il
avoit fait profession. Premièrement puis
que cela gist en allegations, il est aussi su-
jet a estre contredit de fausseté. En apres
quand bien on confessera , qu'il a dit en-
core plus qu'ils ne veulent , & mesme
qu'il n'y a point de Trāsubstantiation, sur
lequel il n'ait parlé selon les preceptes
de Luther , est-il question de le Luthera-
niser ? Ceux qui font si grande feste de
telles paroles , ne connoissoient pas bien
l'humeur du Cardinal , qui n'avoit rien
moins d'envie de se desister de son an-
cienne profession , mais comme il estoit

me , qui manioit de grandes affaires , pour en venir à bout & à son honneur il falloit qu'il palliât quelquesfois. Il ne vouloit que tirer les vers du nez des mal-adroits, afin qu'ayant découvert leurs secrets, desseins & intelligences, il leur dressa des pieges pour les attraper, si tost qu'ils se presenteroient à la campagne. Et pour mieux encore verifier mon dire, je suis tres-contant de monstrier, comme non point à feu & à sang seulement, mais par escrits aussi il poursuivoit ceux qui avoient tant soit peu de sentiment du Lutheranisme. Je ne daignerois icy parler du nombre de Lutheriens, qui ont esté exterminés d'Angleterre par son moyen, afin que je ne donne occasion à aucun de dire qu'il avoit la robe rouge, pour le sang humain qu'il avoit épandu. On sçait bien que ce ne sont pas les Ecclesiastiques, qui s'ensanglantent par la mort des humains. Je ne veux que luy donner le glaive de la parole, lequel il a si bien remué, qu'à luy n'a tenu que l'Empereur Charles-Quint n'en ait fait une bonne boucherie. Ailleurs ne daignerois-je en prendre certain & évident témoignage, qu'en l'harangue dont j'ay cy-dessus fait mention. Là il foudroye d'une telle façon


358 *Histoire des ſçavans Hommes,*
ſur eux , que par l'artifice de ſa bien di-
ſance il fait entendre à l'Empereur, qu'ils
ſont pires que Turcs, & de là il conclud
que l'affection que ce grand Monarque
auoit d'exterminer les ennemis du fils de
Dieu , doit eſtre tournée ſur les Luthé-
riens, leſquels il ſouſtient eſtre ſans com-
paraifon pires que les Turcs. Quant à la
ſource il la fait commune , mettant pour
vn point conclu & arreſté, que tout ainſi
que le Mahometiſme eſt vne ſecte de
Chreſtiens, qui iadis ſe ſont retirez de
l'Egliſe de Jeſus-Chriſt, auſſi les Luthé-
riens s'en ſont éloignez, ne voulans reco-
gnoiſtre le Chef vnique de l'Egliſe en
terre, eſtably pour vicaire du Sauueur.
Ce qui les rend plus à condamner (dit-il)
eſt qu'eſtans parmy les Catholiques, ils
ont neantmoins laiſſé l'Egliſe, à laquelle
ils s'eſtoient voüez. Si les pauvres Turcs
euſſent eu la trompette auſſi pres de leurs
aureilles, il aſſeuroit qu'ils n'eufſent fait
vne ſi lourde & miſerable deſmarche.
De là il infère que l'Empereur ſe doit plu-
toſt armer contre ces nouveaux Turcs que
contre Soliman. Et afin que ie n'oublie
rien du principal artifice, dont il vſe en
ſa harangue, en ce monſtre-il que les
Turcs ne ſont ſi deteſtables comme il fait

les Lutheriens, que les Monasteres sont soufferts par les Matematistes, mais en Angleterre est prohibé & deffendu de faire exercice, services & ceremonies selon les ordonnances de l'Eglise Catholique Romaine, sur peine de mort, de laquelle on menace ceux, qui oseront parler ou disputer de la nouvelle Religion, qui est receuë en Angleterre. Il a esté besoin que je déchifrasse ainsi au long ce point, non point tant pour prouver que ce Cardinal n'a jamais esté attaché au Lutheranisme (dautant que de ma part je n'ay jamais estimé qu'il s'y soit voulu laissé plier; mais pour d'autant mieux découvrir la ferveur & zele vehement qu'il avoit à accroistre l'estenduë des limites de l'Eglise Catholique Romaine. Je ne suis pas à apprendre ce qu'ont accoustumé de dire les partisans de Luther de cét avilissement, duquel ils font leur profit, pour montrer que nostre Prelat Anglois se ressentoit du Mahometisme, auquel il prenoit plus de plaisir qu'à la doctrine de Luther. Mais les bonnes gens tenans ce langage, montrent qu'ils ne connoissoient ny Pol ny son intention, & qu'ils n'ont pû prendre advis au but où tendoit Pol, qui du premier

360 *Histoire des sçavans Hommes,*
coup le justifira d'une telle impieté. Il ne
taschoit en tant qu'en luy estoit, qu'à dé-
raciner de son païs ceux, qui par preven-
tion avoient occupé la place qu'il devoit
tenir, pour les en dénicher & inciter à ce
les Princes il les faisoit plus execrables
que ceux, qu'on tient pour les plus mes-
chans & mal-heureux de tout le monde,
ennemis de pieté, de Dieu & de Chre-
stienté.



PHILIPPES



*PHILIPPE MELANCH-
TON.*



PHILIPPES MELANCTHON,

CHAPITRE XXXIV.




EX qui, sans se passionner trop, prendront advis aux gestes, dits & escripts de cét Allemand, trouveront qu'encore qu'il se soit un peu avant meslé des affaires de la Religion, qu'avec une prudence admirable il s'est depestré de toutes les calomnies dont il pouvoit estre attaqué. Cela fera que remettant au Lecteur le vray jugement de ce qu'il peut avoir escrit sur la Theologie, je toucheray quelque mot de l'adrelle qu'il a eu, pour le fait des sciences humaines. Esuelles à peine a-t-il pû trouver homme, qui pût marcher avant luy, tant estoit-il parfait & accompli. Je suis asseuré d'un point, que quelques envieux qu'il ait eu, qu'il ne leur a point permis luy mettre le pied sur la gorge. Encore doncques qu'il fut un peu adherant en ses opinions, & qu'aisement il ne s'en démordit, dès qu'il avoit quelque raison pour bouler-

vert, il n'estoit neantmoins de ses satyriques censeurs & rebarbaratifs, qui ne se soulent jamais de piquer leur ennemy. Pour preuve de mon dire je ne voudrois employer que ses escrits, qui témoignent que plusieurs grands & puissans adversaires l'ont attaqué, auxquels il s'est opposé si sagement, que par sa patience il a rompu & amolli la dureté & fierté adamantine de leur cœur. Ce n'est pas que je veuille nier que quelquesfois il ne se soit licentié à reprendre ceux, lesquels il pensoit s'estre mépris en quelque chose, & rembarrer l'impetuosité des torrens qui failloyent à l'encontre de luy. En un mot oseray-je bien affirmer, que ceux qui luy sont le moins affectionnez, confessent qu'il a esté doué de fort bonnes parties, qui l'ont rendu grandement admirable. Aux Mathématiques & Astrologie y a donné si profondement, qu'aucuns trouvant dequoy à redire en toutes choses, se sont essayez de luy faire croire, qu'il s'y arrestoit trop, & qu'il eut fait beaucoup mieux, si pour la Republique, ou pour l'Eglise de Dieu il eut employé les heures qu'il a vouëes à ces sciences. Mais ils ne considerent pas, que philosophant sous les proportions des quantitez, tant


Philippe Melancthon, C. XXXIV. 363
celestes qu'inférieures, il n'a point mis
sous le pied le soin, qu'il devoit avoir du
profit & edification de l'Eglise Chre-
stienne. Quant à la police, on ne pourra
me nier, qu'il ne s'y soit employé autant
& plus, que si particulièrement il se fut
destiné au gouvernement des Royaumes
& matiere d'estat. De ce feront foy les
conseils & advis qu'il a donné à plusieurs
Seigneurs, qui reconnoissans ce person-
nage si bien né aux affaires, recouroient
à luy comme à l'Oracle d'Apollon, pour
estre satisfaits des points dont ils estoient
en peine. Je ne daignerois icy proposer
le recit de ses livres, qu'il a dedié pour la
grammaire, poësie & autres arts liberaux.
pour n'estre pas long. Autresfois je me
souviens avoir parlé en ma Cosmogra-
phie de quelques missives, que ce grand
personnage m'a escrit, auquel je n'ay pû
me tenir que je n'aye donné une attaque,
pour l'erreur qu'il a commis en parlant
de Themistitan. Or ce bon personnage,
apres avoir vescu 63 ans, & autant de
jours, mourut à Vvitemberg, le 19 jour
d'Avril, l'an mil six cens soixante, au
grand regret de plusieurs, qui deploroient
leur Melancthon, qui avoit fait pro-

364 *Histoire des ſçavans Hommes,*
ſeſſion publique d'enſeigner par l'eſpace
de quarente ans.



MICHEL DE L'HOSPITAL
Chancelier de France.

CHAPITRE XXXV.

 OMME celuy auquel est dedié le discours de la presente vie, estoit un des premiers, & des plus avancez és Estats, honneurs & dignitez du Royaume de France, aussi, sans flatter, je puis asseurer qu'il se faisoit paroistre par dessus les autres par l'excellence de son sçavoir, prudence & integrité merueilleuse : Autrement j'eusse semblé luy envier la gloire, que je ne pouvois, sans trop grande ingratitude, couler sous silence. Ioint que, comme tous gens de bien doivent reverer la memoire d'un si rare personnage, je dois en particulier l'honorer, ayant esté veu, receu & caressé de ce Protecteur des hommes lettrez de si bonne façon, qu'à tout jamais je me reconnois luy en estre obli-

366 *Histoire des ſçavans Hommes,*
gé. D'un point dois-je le louer, qu'il
prenoit plaisir à voir des antiquitez, me-
dales anciennes & autres gentilleſſes,
ouïr diſcourir ceux, qui auoyent veu de
la verité de l'aſſiete des pays eſtrangers,
des mœurs des peuples & proprietez des
contrées eſloignées. Et à ceſte occaſion,
comme il eut entendu que j'auois voia-
& deſcouuert pluſieurs regions, falluſt
qu'il conféra avec moy par diuerſes fois
des difficultés, qu'il auoit à cauſe du peu
d'accord des anciens Coſmographes avec
les Modernes. Or quoy que ie luy ſois fort
affectonné, ſi proteſte-ie, que icy ie ne
veux coucher que ce que je connoiſtray
ſ'accorder avec la verité. Tres-volon-
tiers j'euffe propoſé ſon portrait, ſi le Sei-
gneur de Beze ne l'eut deſia couché dans
ſon œuvre des portraits des hommes il-
luſtres. Je ſuis fâché qu'il luy met la chan-
delle derriere le dos, comme ſi la lumiere
n'eſtoit pas pour les yeux. Ce n'eſt pas
que je ne ſçache bien qu'il le veut taxer de
de ce qu'il ne s'eſt déclaré ouuertemēt du
party de ceux de la Religion : mais ſ'il
prend la lumiere pour ſa Religion. je le
quitte, & luy confeſſeray qu'il y a une in-
ſinité de perſonnes, qui l'ont veu vivre à la
Catholique: Si ce n'a eſté de cœur on ne le

ſçauroit deuiner, cela eſtant vn ſecret, qui n'eſt reuelé aux hommes. Et quant à la reſſemblance, qu'il feind d'Ariſtote avec noſtre Chancelier, s'il la prend pour les traits & lineamens du viſage. Il n'y a homme, qui, faiſant rapport du portrait, que j'ay cy deſſus donné au vray d'Ariſtote, avec celuy, qu'il a fait tirer au viſ de cét Auvergnat, ne reconnoiſſe du premier coup qu'il y a beaucoup à redire. S'il ſe vouloit arreſter aux deſſeins de l'un & de l'autre, je luy paſſeray cét article ſans aucune difficulté, que tout ainſi qu'Ariſtote gagna le cœur de ſon Alexandre pour redreſſer ſa ville de Stagire, auſſi le Chancelier de l'Hospital s'eſt autant qu'il a pû, mis en tout devoir de relever les deſolations de ce Royaume, lequel il voyoit en danger, & pancher à une totale ruine, ainſi que plus diſtinctement nous apprendrons par le fil de la preſente Hiſtoire, laquelle pour la pluſpart nous auons recueilly du teſtament, qu'il fit âgé de ſoixante ſept ou ſoixante neuf ans, en l'année meſme qu'il mourut, le jour au parauant ſon deceds. Là ce bon Seigneur reconnoiſt franchement jamais n'auoir pû eſtre reſolu, s'il auoit eſté né auant la guerre eſmeuë contre les

368 *Histoire des sçavans Hommes,*
Genevois, ou alors qu'elle fut achevée
par le Roy Louys douziesme. Son pere
servoit à Charles Duc de Bourbon, non
seulement de Medecin, mais aussi de
Conseiller. De fait il luy estoit si affe-
ctionné, qu'en la retraite qu'il fit vers
l'Empereur Charles, laissant en France
tous ses enfans, tant fils que filles, qui
estans en fort bas âge, ne pouvoient
souffrir les hazards & ennuyes d'un tel
voyage. Nostre Michel estoit à Thoulouse
aagé de dix huit ans, & encor qu'il n'y
fut pour autre occasion que pour estudier,
par soupçon il fut enleué & enfermé aux
prisons publiques iusques à ce qu'il y eut
expres mandement du Roy de le relas-
cher, & luy permettre sa liberté, pour
poursuivre ses études, puis qu'il n'auoit
esté trouué entaché d'aucune presumption
qui l'eut peu rendre coupable. Apres sur-
vint cette malheureuse bataille de Pavie,
pour la prise du Roy François premier,
où le Seigneur de Bourbon ne se por-
ta que trop vaillamment, d'autant que
les Espagnols enuieux de l'honneur
qu'on luy deferoit, trouuerent moyen de
le faire disgracier envers l'Empereur à
cause des Ambassadeurs François, qui de
propos delibéré conferoyent & parle-

mentoyent avec luy pour le rendre suspect aux Imperialistes. Cela fut cause, avec l'esperance qu'il auoit perdu d'auoir en mariage la sœur de l'Empereur, qu'il prit la route d'Italie: où il trouua les cartes bien embrouillées, d'autant que le Roy s'estant ligué avec les Princes d'Italie auoit mis le siege deuant Milan: Et parce qu'il deuoit prendre long traict, ce Medecin, craignant que son fils ne fit, par vne trop longue discontinuation, bresche merueilleuse à ses estudes, donna charge à quelques voituriers de l'emmenner, avec lesquels il sortit de Milan, disguised en habit de muletier, & non sans grand danger de sa vie passa la riuere d'Abdua, & apres alla à Padoüe, où de toute ancienneté les Estudes du Droit fleurissoyent. En ceste Vniuersité son pere le laissa par l'espace de six ans, puis le rappella à Boulogne & à Rome: Là il fut honoré d'une place de Iuge, qu'on nomme les Auditeurs de la Rote. de laquelle s'estant deffaiët par l'aduis de son pere pour les promesses que luy fit le Cardinal de Grandmont de l'auancer à plus grands Estats; au pays, il fût frustré en mesme temps de l'esperance, qu'il auoit d'une part: & d'autre: car l'Estat d'Auditeur fo-

370 *Histoire des ſçavans Hommes,*
donné à vn autre, & la mort, qui ſurprit
le Cardinal de Grandmont le recula
de l'eſperance, qui l'auoit ramené en
France. Eſtant ainſi entrepris il ſe mit à
ſuiure le Palais, où il n'eut pas demeuré
trois ans, qu'il prit à femme Marie
Morin, fille du Lieutenant Criminel
Morin, qui eut pour doüaire vn Eſtat de
Conſeiller de Parlement, lequel il exerça
environ neuf ans, puis fut enuoyé Am-
baſſadeur à Boulogne pour le Roy Henry,
où le Conſeil vniuerſel de tous les Eueſ-
ques auoit été éſtably & publié pour quelque
reformation. Et au lieu qu'il ſ'eſtudioit à
pacifier tout, voyant que les inimitiés,
diſcordes & partialitez pululoyent, & que
les piques des diſſenſions des Grands
embroüillèrent d'auantage les affaires,
apres auoir fait ſejour de ſeize mois en
cét Ambaſſade il ſe trouua luy meſme
embarraſſé au brouillis plus auant qu'il
n'eut ſouhaité. Cependant Madame
Marguerite, ſœur du Roy Henry, Prin-
ceſſe reſ-vertueuſe, deüement aduertie
de la ſuffiſance du Conſeiller de l'Hof-
pital, à laquelle quelques vns portoient
vne den, pour les heureux commen-
cemens qu'ils voyoient à la naiſſance de
ſon auancement, elle ne ſe contenta pas

seulement de le deliurer du present danger, où il estoit engagé, mais luy donna aussi vn estat de souueraine authorité en sa maison, & de grands moyens enuers le Prince. Tant plus il se forçoit de manier les affaires de cette Princesse en toute fidelité, tant plus prenoit-elle de plaisir de l'employer en grandes charges & l'honorer des plus grands estats qu'elle pouuoit. Il fut par sa bonté & benigne faueur bien-tost apres ordonné chef & sur-intendant des finances du Roy en sa chambre des Comptes, & apres la mort du Roy Henry esleu du priué Conseil, & depuis choisi pour conduire sa maistresse en la maison de Philibert Emanuel, Duc de Sauoye son mary. Au seruice de laquelle ie ne veux point icy specifier comment il s'employa, veu que le regret qu'eut cette tres-illustre Princesse de quitter ce Soleil de prudence, sagesse & dexterité, quant il fut mandé par le Roy François deuxiesme, ne peut que trop iustifier ma preuue. Toutesfois cette bonne Dame, comme elle estoit naturellement encline au salut, & auancement de la France, ne pût luy refuser vn François, qui par sa vertu pourroit la redresser, ce qui l'eterniseroit au milieu des

372 *Histoire des ſavans Hommes,*
autres nations. Doncques apres la mort
de François Olivier Chancelier de France,
qui mourut à Amboiſe , en l'année mil
cinq cens ſoixante, arriva un courier en
grande diligence de la part du Roy François ,
qui appelloit ce Chancelier de la
Duchefſe de Savoye, pour eſtre ſon Chancelier
de France. Que le mandement
ne luy chatoüillaſt le cœur il n'en faut
douter, puis que, comme il eſtoit homme,
il eſt impoſſible qu'il ne fut réveillé des
allechemens de gloire. Mais comme il
voyoit les affaires embarrasſées en France,
il apprehendoit que la prééminence
qu'il devoit tenir ne luy fut plus prejudi-
ciable & ennuyeuſe que profitable &
agreable. Toutesfois l'envie qu'il avoit
de s'expoſer pour le bien de ſa patrie , &
qu'il ne pouvoit éconduire la requête
qui luy eſtoit faite par ſon Prince , il vint
en Cour, où il ne fut pas pluſtoſt arrivé,
qu'il trouva tout troublé d'un grand bruit
de guerre, à cauſe du tumulte d'Amboiſe,
& eut alors bon beſoin de déployer les
grands treſors de prudence dont il eſtoit
douié, d'autant qu'il avoit affaire à des
perſonnages, qui luy tailloient autant de
beſogne qu'il en pouvoit demeſler. Je ne
m'amuſeray pas icy à ſpecifier quels ils

estoyent, pour quelle occasion ils se remuoient, & si à droit ou à tort ils se partialisoient, cela n'estant pas du present sujet. Joint aussi que plusieurs ont tenu qu'il s'est rendu plus particulier au party des uns que des autres. Qui a esté cause de la retraite qu'il fit hors de la Cour, quoy qu'aucuns, peut-estre trop curieux, en ayent forgé autres occasions plus remerairement qu'à propos. Je suis bien assuré, que si jamais il y eut en France Chancelier, qui prit peine à faire maintenir la justice, c'est le Seigneur de l'Hôpital, lequel emporte cet honneur, mesme de la bouche de ceux qui n'estoyent pas de son party, qu'il estoit homme juste & entier, qui en ses deliberations ne flechissoit contre le droict & equité pour aucune acception de personnes. D'où quelques-uns se sentoient tres-mal edifiez, pour la severité dont il poursuivoit la lacheté de leurs vices. Aux pauvres, miserables & dénuéz de moyens, moyennant qu'il apperceut qu'ils marchassent droitement en besogne, il faisoit faire la plus prompte & meilleure justice qu'ils eussent sceu desirer, & il n'estoit besoin par placets & importunes supplications rechercher l'audience. Il donnoit si bon ordre,

que les pauvres parties, ſans languir avoient biefve expedition de leurs pourſuites. Dès qu'ils decouvroit quelque ſiniſtre ſoy, il déchargeoit ſi rudement ſur la fripperie des chicanneurs, qu'ils perdoient toute envie de plus retourner devant luy, pour eluder un Conſeil & tourmenter leurs parties. Contre les ſang-ſuës des finances du Royaume il eſtoit rouiſours bandé, tellement que la ſouris ne craind point d'avantage le char que faiſoient les rats de la Cour la ſeverité de ce Chancelier. Lequel ſur la fin de l'avant-propos & narré de ſon teſtament, ſouſtient qu'il s'eſt abſenté de la Cour ſeulement, pour n'avoir voulu autorifer la priſe des armes, ſans qu'au prealable & avant toute œuvre on eut l'advis des Parlemens, qui ſont Souverains Juges des affaires qui ſe preſentent. De fait on ſçait tres-bien, que quoy que les armes ayent eſté priſes par quatre fois durant qu'il eſtoit en charge, il a rouiſours rendu à la paix, eſtimant qu'il n'y avoit rien ſi dommageable à un païs qu'une guerre civile, ny plus profitable qu'une paix à quelque condition que ce fut. Il n'a ſceu ſi bien remonſtrer, que les guerres civiles n'ayent trop avant

rampé dans ce pauvre Royaume , & l'ayent à peu près devisagé. Ce fut à la sollicitation de ce Chancelier , que plusieurs Ordonnances , Edits & Statuts ont esté faits & publiez par nos Roys de France pour le soulagement du peuple , & conservation de la iustice. Entr'autres avons-nous cét Edit du Roy François deuxiesme , qui refrene les secondes nocces par la liberté, qui estoit ostée à celle qui se remarira de donner davantage à son second mary, qu'à l'un de ses enfans du premier liét. L'occasion de cét Edit fut , pource qu'il advint qu'une femme de ce Royaume , grande en biens, s'enmouracha d'un jeune Seigneur, qui parce qu'elle luy sembloit par trop sur l'âge , ne faisoit aucun compte de la vouloir prendre à femme. Elle se sentit tellement outrée de son amour, que comme elle le connoissoit friand d'avoir de l'argent , elle luy fit une donation de tous & chacun ses biens. Sur lesquels seulement elle vouloit qu'on leva ce qui pouvoit appartenir pour la Falcidie , & legitime portion de ses enfans du premier liét. De maniere que ses enfans pour un simple morceau de pain demeuroident comme frustrez de l'hoirie

376 *Histoire des sçavans Hommes* ,
maternelle, transportée au second mary.
Pour prevenir telles surprise, ce Chancelier ramena en nostre France l'ordonnance de l'Empereur Leon , de laquelle est fait mention en la loy *hac Edictali* , 6. au tit. de *secund. nupt.* au cinquiesme livre du Code de Iustinien , qui deffend qu'on ne puisse donner ou laisser au second party plus qu'à l'un des enfans du premier liét. Ce que j'ay bien voulu toucher en passant , pour rembarrer certains drolles, qui prennent plaisir à médire & detracter de ce qui est le mieux & le plus saintement ordonné du monde , & voudroient volontiers faire accroire à ceux qui les écoutent railler, que ce Chancelier louoit son sçavoir au plus offrant & dernier enchérisseur , & que gagné par quelques finistres & illegitimes moyens, il auroit innové cét Edict. Je ne daignerois faire fort icy de l'integrité & rondeur de ce personnage. Ce seroit trop l'abaisser, que de luy faire plier le bras pour donner sur tels badins. Il ne faut que le livre, & je leur monstreray la Constitution, qui gist au lieu que j'ay cotté cy-dessus. Et par consequent j'infereray une conclusion plus que necessaire, qu'ils sont ignorans, & n'ont fucilleté les livres de Droit,
où

ils eussent appris qu'il y avoit fort long-temps que cétte ordonnance estoit bastie, ne restoit que de la reduire en pratique parmy nos François. Ce qui a esté fait à l'instigation & poursuite de ce sage & prudent Auvergnat, lequel comme il estoit d'un esprit doué de merveilleuses graces, aussi n'en estoit-il vilain, mais les dispersoit à sa patrie, lors & quant il connoissoit que l'affaire le meritoit. Icy il me fera permis de m'arrester tout court, pour priser la fertilité du pais d'Auvergne, qui a esté si heureux en ses nourrissons, que les plus sublimes & plus admirables esprits, qui ont honoré nostre France, ont pour la pluspart esté antez dans cette Auvergne. D'une infinité je n'en veux choisir qu'un, & joindre avec le Seigneur de l'Hospital que ce grand Chancelier Antoine du Prat, qui par son tres-digne sçavoir & rare prudence a avec tel heur exercé cét estat, qui est seul & le premier des Estats des gens de longue robbe, qu'à jamais sa memoire ne sçauroit estre assez celebrée. Or pour retourner vers nostre Chancelier de l'Hospital, apres qu'il eut apperceu que durant la calamité & inclemence du temps, il ne faisoit pas bon en Cour pour luy, il se retira aux champs

578 *Histoire des ſçavans Hommes*,
avec ſa femme, famille & petits enfans,
aſin que, ſe ſequeſtrant des publiques ne-
gociés, il pût tromper l'oïſiveté. De fait
ce fut alors qu'il ſe mit (à l'exemple de
Ciceron) à compoſer ces belles & excel-
lentes œuvres, qui ont eſté miſes en lu-
mière, & pluſieurs autres, qui reſtent
encores en ſa Bibliotheque, ainſi que vous
verrez au ſuccinct recueil, que j'ay fait des
principaux chefs de ſon teſtament. Par
lequel il ordonna, que tous ſes biens &
heritages viendroyent à ceux, auxquels
ils appartiennent par les Loix & couſtu-
mes du pays, ne faiſant en cela Loy ny
prerogative à aucun. En outre que ſa
femme gouverneroit le tout en commun
d'une ſingulière pieté, pour ce deffen-
doit, qu'on ne luy demanda aucun com-
pte de la tutelle ou curatelle. Semblable-
ment que ſes petits fils, nés de ſa fille,
qui ſont de la famille des Huraults, au-
roient vn nom ajoûté au leur, en ſorte que
l'aîné, nommé Charles, eſcriroit ainſi
ſon nom Charles Hurault de l'Hôſpital,
aſin que ce nom adjouſté ſervit pour di-
ſtinguer les familles des Huraults, qui
ſont en grand nôbre : ce qui a eſté autres-
fois practiqué à Rome, & ſe treuvent auſſi
de ſemblables exemples en noſtre Fran-

ce. Et pour ce vouloit que quelque me-
moire de son nom demeurast en cette
famille, en laquelle il avoit apporté les
plus grands Estats de la Republique, &
mesmement l'Estat de Chancelier. Ce
qui les encourageroit à suivre les traces
& vestiges de leur grand pere, pour par-
venir à pareils degrez d'honneurs. Faisoit
Magdelaine de l'Hospital heritiere de
tous & chacun ses biens. Laissoit & le-
guoit toute sa Bibliotheque à Michel Hu-
rault de l'Hospital, qui luy sembloit plus
propre & plus affectionné aux bonnes
lettres que les autres petits. Toutesfois
vouloit que sa femme & fille gardassent
ses livres. afin que personne n'en pût rien
soustraire: Sous condition qu'elle seroit
ouverte pour la commodité de ceux de la
famille, ensemble des Domestiques & au-
tres qui frequente la maison: au lieu de-
quoy il vouloit qu'on donna à chacun des
petits fils cinq cens livres tournois pour
une egalité de legitime portion, afin qu'il
n'y eut pas un d'entr'eux qui pût se plain-
dre qu'un autre eut esté preferé à
luy. Quand aux monnoyes d'antiquail-
les, d'or, d'argent, de cuivre, me-
dalles, & le surplus de ce qui estoit en
son logis, il le laissoit à la discretion de

380 *Histoire des ſçavans Hommes;*
ſa femme & de ſa fille d'en diſpoſer, leſ-
quelles neantmoins il veut eſtre gardées
en ſa maiſon par indivis, avec quatre
beaux vases d'ouvrage d'Allemagne &
cette medale du toureau, qui luy avoit eſté
donnée par Madame Marguerite, Du-
cheſſe de Savoye ſa maiſtreſſe : Prioit le
Seigneur de Bel-esbat ſon Gendre de
prendre garde & avoir ſoin que ſes livres
de Droit Civil, qu'il avoit réduit en arti-
cles par methode, ne fuſſent déchirez ou
bruſlez, mais qu'ils fuſſent donnez à l'un
de ſes petits fils des plus capables, & qui
pourroit à l'imitation de ſon Ayeul les
achever. Il y avoit encore quelques au-
tres Chefs en ce Teſtament, leſquels je
ne coucheray pas icy, craignant d'ennuyer
le Lecteur d'une trop grande longueur. Il
a cependant eſté beſoin de deduire ainſi
au long cét affaire, non que j'aye envie de
découvrir l'eſtat particulier de la maiſon
de ce Chancelier, mais pour, donnant le
patron d'une diſpoſition teſtamentaire,
auſſi bien ordonnée qu'on ſçauroit ſou-
haiter, témoigner à la poſterité combien
il a eſté amoureux des bonnes lettres. Au-
tresfois il m'a fait cét honneur de me fai-
re voir quelques raretez de ſon cabinet,
mais je puis témoigner que c'eſtoient des

singularitez merveilleuses. Le regrette une chose, que les affaires qu'il a eu sur les bras, nous ont privez du recueil qu'il a fait en ses livres du Droit Civil. Cela doit réveiller le cœur de ceux, qui luy touchât ont ce bon-heur que de flâirer les fleurons qui y sont parsemez, de conserver chèrement un tel & si pretieux trefor, & employer pour achever une si digne & excellente entreprise. Le modelle est fait, le chemin frayé, il n'y a qu'à poursuivre la route: Ils pourront bien peu, si l'amour du public ne gagne sur eux ce point; que dérobandans quelques bonnes heures, ils n'avancent la compilation d'une methode, si desirée par les bons esprits & amateurs de vertu, vers lesquelles elle ne pourroit estre que bien venue, partant de la maison de l'Hospital, & tracée par celui, qui estant estably pour la garde des Loix, comme chef de la lustice de France, devoit sçavoir tout ce qui estoit requis & necessaire pour la compilation d'une œuvre si excellente. Icy encore que je n'aye deliberé de dresser la liste de tous les faits, dits & escrits de ce Chancelier, je ne laisse de représenter le grand bien qu'a receu l'Academie de Bourges par le moyen du Seigneur de l'Hospital, qui possédant l'au-

reille de sa bonne Dame & Maistresse, ne s'adonna point tant à accroistre ses revenus de grands biens, qu'à redresser les fondemens de cette Vniversité. . Apres avoir de la façon qu'avez entendu, passé le cours de cette vie au grand contentement de tous les gens de bien, il quitta cette vie mortelle, pour aspirer au Royaume des Cieux, & deceda le troisieme de Mars, en l'année 1573.

Fin du septiesme Volume.







